






Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.2.20





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.2.20




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald. 1.2.20





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.2.20

Ala. 1/2



Ex Libris Joannis Nencini
1874







M. T. CICERONIS ORATIO-
NUM VOLUMEN
TERTIVM.



Ne quis alius aut Venetijs, aut usquam locorum has
impune orationes imprimat, & Leonis X.
Pontificis maximi, & Senatus Veneti.
decreto cautum est.

Ex Libris Lucae Antonij Casali
1743





TERTII VOLVMINIS INDEX.

Pro P. Sestio. Oratio XXXIII.	3
In Vatinius. Oratio XXXIII.	29
Pro M. Celio. Oratio XXXV.	36
Pro L. Cornelio Balbo. Oratio XXXVI.	55
De provinciis consularibus. Oratio XXXVII.	69
In L. Pisonem. Oratio XXXVIII.	79
Pro T. Annio Milone. Oratio XXXIX.	101
Pro C. Rabirio Posthumo. Oratio XL.	123
Pro M. Marcello. Oratio XLI.	131
Pro Q. Ligario. Oratio XLII.	137
Pro Rege Deiotaro. Oratio XLIII.	145
In M. Antonium Philippica prima.	
Oratio XLIII.	153
In M. Antonium Philippica II. Oratio XLV.	160
In M. Ant. Philip. III. Oratio XLVI.	183
In M. Ant. Philip. IIII. Oratio XLVII.	191
In M. Ant. Philip. V. Oratio XLVIII.	194
In M. Ant. Philip. VI. Oratio XLIX.	205
In M. Ant. Philip. VII. Oratio L.	209
In M. Ant. Philip. VIII. Oratio LI.	214
In M. Ant. Philip. IX. Oratio LII.	221
In M. Ant. Philip. X. Oratio LIII.	225
In M. Ant. Philip. XI. Oratio LIII.	230
In M. Ant. Philip. XII. Oratio LV.	239
In M. Ant. Philip. XIII. Oratio LVI.	246
In M. Ant. Philip. XIII. Oratio LVII.	258
Epistola ad Octavianum.	268
Crispi Salustij in Ciceronem Oratio.	270
M. Tullij Ciceronis in Salustum responsio.	272

3
M. TVLLII CICERONIS
PRO P. SESTIO. ORA
TIO XXXIII.

IQVIS antea Iudices mirabatur:
quid esset, quod pro tātis opibus Reip.
s tantaq; dignitate imperij, nequaquam
satis multi ciues, forti & magno ani-
mo inuenirentur: qui auderent se, &
salutem suam in discrimen offerre pro statu ciuitatis,
& pro communi libertate: ex hoc tempore miretur po-
tius, si quem bonum & fortem ciuem uiderit: quā si
quem aut timidum, aut potius sibi, quā Reip. consu-
letem. nam ut omittatis de uniuscuiusq; casu cogitando
recordari: uno aspectu intueri potestis eos, qui cum se-
nata, cum bonis omnibus, Reip. afflictam excitarint:
et latrocinio domestico liberarint: mactos, sordidatos, re-
os, de capite, de fama, de ciuitate, de fortunis, de liberis
dimittentes. eos autem, qui omnia diuina, & huma-
na uexarint, uiolarint, perturbarint, euerterint:
non solum alacres, letos que uolitare: sed etiam uo-
luntarios fortissimos, atque optimos ciuibus periculum
moliri: de se nihil timere. In quo cum multa sint indi-
gna: tum nihil minus est ferendum: quā quod iam
non per latrones suos, non per homines egestate, et sce-
lere perditos. sed per uos nobis, per optimos uiros opti-
mis ciuibus periculum inferre conantur: & quos lapi-
dibus, quos ferro, quos fustibus, quos ui, manu, copijs de-
lere non potuerunt: hos uestra auctoritate, uestra reli-
gione, uestris sententijs se oppressuros arbitrantur. Ego
autem Iudices qua uoce mihi in agendis gratijs, com-

aaa iij

PRO P.

memorādoq; corū, qui optime de me sunt meriti: beneficio, esse utendum putavi: ea nunc uti cogor in eorum periculis depellendis. his potissimum vox hæc seruiat: quorum opera & mihi, & uobis, & populo Ro. restituta est. Et quanquam a Q. Hortensio clarissimo uiro, atq; eloquentissimo causa est P. Sestij perorata: nihilq; ab eo prætermisum est: quod aut pro Rep. conquerendum fuit: aut pro reo disputandum: tamen aggrediar ad dicendum: ne mea propugnatio ei potissimum defuisse uideatur: per quem ē perfectum, ne cæteris quibus deesset. Atq; ego sic statuo Iudices: in hac causa, atque exercitatione dicendi, a me locū pietatis potius, quā defensionis, querelam, quā eloquentiā, doloris, quā ingenij partes esse susceptas. itaq; si aut acrius egero: aut liberius, quā qui ante me dixerunt: peto a uobis: ut tantum orationi meæ concedatis: quantum & pio dolori, & iustæ iracundiæ concedendum putetis. Neq; enim unquam officio coniunctior dolor esse ullus potest: quā hic meus, susceptus ex hominis de me optime meriti, periculo: neq; iracundia magis ulla laudanda: quā ea, quæ me inflammat eorum scelere: qui cum omnibus salutis meæ defensoribus bellum esse gerendum sibi indicauerunt. Sed quoniam singulis criminibus cæteri responderunt: dicam ego de omni statu P. Sestij: de genere uitæ, de natura, de moribus, de incredibili amore in bonos, de studio conseruandæ salutis communis, atq; oculis contendamq; (si modo id consequi potero) ut in hac cōfusa, atq; uniuersa defensione, nihil a me, quod ad uestram quæstionem, nihil quod ad reum, nihil quod ad Remp. pertineat, prætermisum esse uideatur. Et quoniam in grauissimis temporibus ciuitatis, atq; in ruinis

euersæ, atq; afflictæ reipublicæ, P. Sestij Tribunatus est à fortuna ipsa collocatus: non aggrediar ad illa maxima, atq; amplissima priusquam docuero, quibus iniurijs, ac fundamentis hæ tantæ summus in rebus laudes exaltatæ sunt. Parente P. Sestius natus est Iud. homine (ut pleriq; meministis) et sapiente, et sancto, et seuero. qui cum tribunus pl. primus inter homines nobilissimos temporibus optimis factus esset: reliquis honoribus non tam uti uoluit: quàm dignus uideri. eo auctore duxit honestissimi, et spectatissimi uiri, C. Albini filiam: ex qua hic est puer: et nupta iam filia. duobus grauissimis antiquitatis uiris sic probatus fuit utrique eorum, ut et charus maxime et iucundus esset. ademit Albino, soceri nomen, mors filia: sed charitatem illius necessitudinis et beneuolentiæ nõ ademit. hodie sic huc diligit: ut uos facillime potestis ex hac uel assiduitate eius, uel sollicitudine, et molestia iudicare. duxit uxorem patre uiuo optimi, et calamitosissimi uiri filiam, C. Scipionis. Clara in hoc P. Sestij pietas extitit oibus gratia: quod, et Massiliam statim profectus est: ut socerum uidere consolariq; posset fluctibus reip. expulsus, in alienis terris iacentem, quem in maiorum suorum uestigijs stare oportebat: et ad eum filiam eius adduxit: ut illo insperato aspectu, complexuq; si non omnem, at aliquam partem mœroris sui deponeret: et maximis officijs et illius crumnam, quoad uixit: et filia solitudinem sustentauit. possum multa dicere de liberalitate, de domesticis officijs, de Tribunatu militum, de prouinciali in eo magistratu abstinentia. sed mihi ante oculos obuersatur Reip. dignitas: quæ me ad se rapit: hæc minora relinquere hortatur. Quæstor hic C. Antonij

PRO P.

collegæ mei Iud. fuit sorte, sed societate consiliorum me-
us. Impedior nonnullius officij, ut ego interpretor, reli-
gione: quominus exponam quanta ad me detulerit: quã-
to ante promiderit. Atq; ego de Antonio nihil dico, præ-
ter unum: nunquam illum in illo summo timore, ac pe-
riculo societatis, neq; communem metum omnium, neq;
propriam nonnullorum de ipso suspicionem, aut infi-
ciando tollere: aut dissimulando sedare uoluisse. In quo
collegæ sustinendo atq; moderando, si meam in illum in-
dulgentiam coniunctam cum summa custodia Reip.
Laudare uere solebatis: par propè laus P. Sestij esse de-
bet: qui suum ita consulem obseruauit: ut & illi Quæ-
stor bonus, & uobis omnibus optinus ciuis uideretur.
Idem cum illa coniuratio ex latebris, atq; ex tenebris
erupisset: palamq; armata uolitaret: uenit cum exercitu
Capuam: quam urbem propter plurimas belli opportu-
nitates, ab illa impia, & scelerata manu attentari su-
spicabamur: & inde M. Aulanum Tr. mil. Antoni
Capua præcipitem eiecit, hominem perditum, & non
obscure, Pisauri, & in alijs agri Galliæ partibus, in
illa alia coniuratione uersatum. Idemq; C. Marcellum,
cum is non solum Capuam uenisset: uerum etiam se
quasi armorum studio in maximam familiam conie-
cisset, exterminandum cum illa urbe curauit. qua de
causa & tum conuentus ille Capuæ, qui propter salu-
tem illius urbis consulatu conseruata meo, me unum
patronum adoptauit: huic apud me P. Sestio maximas
gratias egit: & hoc tempore fidem hominis, benefi-
ciumq; testimonio declarant: periculumq; deprecantur
suo decreto. Recita quæso P. Sesti quid decreuerint Ca-
puæ Decuriones: ut iam uirilis tua uox possit aliquid

sestia
rari, et
CVRI
quo exp
blin, aut
ato men
plissim
præter
quam ma
boni, d
dare ex
Capua a
bebat. cu
credidit
atque
fram men
atque. L
P. Sesti
filiam
liquor
n. A. p
forti, i
fuit S. P.
iustitiam
nom per
cui sum
quid pr
rendam
tissis
mam
hoc bre

significare inimicis nostris: quid nam cum se corrobo-
rarit, effectura esse uideatur. DECRETA DE-
CVRIONVM. Non recto decretum officio ali-
quo expressum uicinitatis, aut clientelæ, aut hospitij pu-
blici, aut ambitionis, aut commendationis gratia: sed re-
cto memoriam persuncti periculi, prædicationem am-
plissimæ beneficij, uicem officij præsentis, testimonium
præteriti temporis. Atq; illis temporibus cum iam Ca-
puam metu Sestius liberasset: urbem Senatus atq; omnes
boni, deprehensis atq; oppressis domesticis hostibus, me-
duce ex periculis maximis extraxissent: ego literis cū
Capua accersit cum illo exeratu: quem tum secum ha-
bebat. quibus hic literis lectis, ad urbem confestim in-
credibili celeritate aduolauit. Atq; ne illius temporis
atrocitatem recordari possitis, claudite literas: & ue-
stram memoriā ad timoris præteriti cogitationem ex-
cite. LITERAE CI. CONSVLIS. Hoc
P. Sestio Tr. pl. nouorum: qui tum extremis diebus cō-
sulatus mei res eas quas gesseram: uexare cupiebant: re-
liquiq; coniurationis impetus & conatus sunt retarda-
ti. Ac posteaquam est intellectum Catone tribuno pl.
fortissimo atq; optimo que Remp. defendente per seip-
sum S. P. Q. R. sine militum præsidio tueri facile ma-
iestatem suam, dignitatem eorum, qui salutem commu-
nem periculo suo defendissent: Sestius cū illo suo exer-
citu summa est celeritate Antonium consecutus. Hic ego
quid prædicem, quibus hic rebus consulem ad rem ge-
rendam excitari: quod stimulos admouerit homini for-
tassis studioso uictoriæ, sed tamen numquam communem
martem belliq; casum metuenti? longum est dicere. sed
hoc breue dicam. si M. Petrei non excellens animo &

amore Reip. non præstans in Rep. uirtus. non summa
 auctoritas apud milites, non mirificus usus in re mili-
 tari extitisset: neq; adiutor Reip. Sestus ad excitandum
 Antonium cohortandum, impellendum, fuisset datus il-
 lo in bello: nequaquam Catilina tum e' pruina Apen-
 nini atq; e' niuib; illis emerisset: atq; æstatem integrã
 nactus Italiae Gallis & pastorum stabula præclara
 coepisset: sine multo sanguine ac sine totius Italiae na-
 stitate miserrima conuulisset. Hunc igitur animum ad
 tribunatum attulit P. Sestus: ut questuram Macedoniae
 relinquam: & aliquando ad hæc propiora ueniam.
 quanquam non est omittenda singularis illa integritas
 provincialis: cuius ego nuper in Macedonia uidi uesti-
 gia non pressa leuiter ad exigui prædicationem tem-
 poris, sed fixa ad memoriã illius provinciae sempiter-
 nam. Verum hæc ita prætereamus: ut tamen intuentes
 & respectantes relinquamus. Ad tribunatum quia ip-
 se ad id iam dudum uocat: & quodammodo absorbet
 orationem meã. contento studio cursuq; ueniamus. De
 quo quidem tribunatu ita dictum ab Hortensio: ut eius
 oratio defensionem modo criminum non uideretur con-
 tinere: sed etiam memoria digna uti Reip. coepessendae
 auctoritatem disciplinamq; præscribere. sed tamẽ quo-
 niã tribunatus quidẽ totus P. Sestij nihil aliud nisi meũ
 nomen causamq; sustinuit. necessario mihi de hisdem
 rebus esse arbitror, si non subtilius disputandum: at cer-
 te Iud. dolentius deplorandum. Quia in oratione si a-
 sperius in quosdam homines inuchi uellem: quis non
 concederet? ut eos quorũ scelere, furore, uiolatus essem.
 uotis libertate perstringerẽ? sed ut quã moderate et
 huic potius tempori seruiam, quã dolori meo: siquĩ

occulte a salute nostra dissentiunt, lateant: si qui fecerunt
 aliquid aliquando: atque ydē nunc tacent: & quiescunt:
 nos quoque sumus oblitī: sique se offerunt, insectantur, quoad
 ferri poterunt perferemus: neque quēquā offendet ora-
 tio mea, nisi qui se ita obtulerit: ut in eum non inuasiss-
 se: sed incurrisse uideamur. Sed necesse est antequam de
 tribunatu P. Sextij dicere incipiam: me totum superio-
 ris anni reip. naufragium exponere. In quo colligendo,
 ac reficiendo saluti communi omnia reperientur P. Se-
 stj dicta, facta, consilia uersata. Fuerat ille annus tan-
 quam in Rep. Iud. quam in magno metu & multorum
 timore intentus, arcus in me unum: sicut uulgo ignari
 rerum loquebantur: re quidem uera, in uniuersam
 Remp. translatione ad plebem furibundi hominis ac-
 perdit, mihi irati, sed multo acrius oculi & commu-
 nis salutis inimici. Hunc uir clarissimus mihi multis
 repugnantibus amissimus Cn. Pompeius omni cau-
 tione, foedere, execratione deuinxerat: nihil in tri-
 bunatu contra me esse facturum. At ille nefarius ex
 omnium scelerum colluione natus, parum se foedus
 uiolaturum arbitratus, nisi ipsam cauatorem alieni pe-
 riculi, suis proprijs periculis terruisset: hanc terram
 immanemque beluam, uinctam auspicijs, alligatam mo-
 re maiorum, constrictam legum sacrarum catenis sol-
 uit subito legum consul uel ut ego arbitror exhorta-
 tus, uel ut non nemo putaret miratus: gnarus qui-
 dem certe, & prudens impendentium scelerum tan-
 torum ac malorum. qui Tribunus Pl. felix in euer-
 tenda Rep. fuit nullis suis neruis. qui enim in eius-
 modi uita nerui esse potuerunt hominis fraternis fla-
 gitijs, sororij stupris omni inaudita libidine insani?

PRO P.

sed fuit profecto quædam illa Reip. fortuna fatalis: ut ille cæcus atque amens Tribunus plebis nancisceretur quid dicam consules? hocine ego appellem nomine, euerfores huius imperij? proditores uestre dignitatis? hostes bonorum omnium? qui ad delendum senatum, affligendum equestrem ordinem, extinguenda omnia iura atq; instituta maiorum, se illis fascibus cæterisq; insignibus summi honoris atq; imperij ornatos esse arbitrabantur. quorum per deos immortales si nõdum scelera uulneraq; inusta reip. uultis recordari: uultum atq; incessum animis intueamini: facilius facta corum occurreret mētibus uestris: si ora ipsa oculis uestris propositueritis. Alter unguētis affluēs, calamistrata coma, despiciens conscios stuprorum ac ueteres uexatores ætatu: læ sue putealis, & foeneratorum gregibus inflatus atq; percussus: olim Nesculeio illo æris alieni in fredo ad collum adhæresceret, ni in tribunatus portum infugeret: contenebat Equites romanos: munitabatur senatus: uendebat se operis: atq; ab ijs se ereptum ne de ambitu causam diceret, prædicabat: ab ijsdēq; se et inuito senatu, provinciā sperare dicebat: eaq; nisi adeptus esset: se incolumem nullo modo fore arbitrabatur. Altero dum boni quæ te ter iceadebat, quæ truculentus, quæ terribilis aspectus: unum aliquem te ex barbatis illis, ex eplum imperij ueteris, magis ne antiquitatis, columnen reipub. diceret intueri: uestitus asper nostra hac purpura plebeia ac penè fusca, capillo ita horrido, ut Capua, qua ipsa tum imaginis formadæ causa Diuuirum gerebat: sæpius iam sub laurus uideretur. nam quid ego de supalio dicam? quid tu hominibus non supalium, sed pignus Reip. uidebatur. tanta erat grauitas in oculo: tanta frontis contractio: ut illo supalio Aumantius

ille niti tanq̃ uideretur. erat deniq; hic oīum sermo. est
eadē reip. magnū firmūq; subsidiū: habeo quē opponā
labi illi, atq; ceno: multu toruo mediusfidius Collega sui
libidinē leuitatēq; franger: habebit senatus in hunc an
nū quem sequatur: non decrit author et dux bonis. mhi
deniq; homines praeipue congratulabantur: quod habi
turus essem contra tribunum pl. furiosum, & audacem
cū & amicum & affinem, tum etiam fortem & gra
uem consulem. Atq; eorum alter sefellit neminem. quis
enim clauū tanti imperij tenere, & gubernacula Reip.
tractare i maximo cursu ac fluctibus posse arbitraretur,
hominem emergsum subito ex diuturnis tenebris lūstro
rum, ac stuprorum, uino, ganeis, lenocinijs, adulterijsq;
confectum? cum is prae ter spem in altissimo gradu alie
nis opibus positus esset: qui non modo tempestatem intueri
impendentem temulentus, sed ne lucem quidem insoli
tam aspicere posset. Alter multos plane in omnes par
tes sefellit. Erat enim hominum opinione, nobilitate ipsa
blanda conciliatricula cōmendatus. Omnes boni semper
nobilitati fauimus: & quia utile est Reip. nobiles esse
homines dignos maioribus suis: & quia ualet apud
nos clarorum hominum, senex de Rep. meritorum me
moriam, etiam mortuorum. quia tristem semper, quia taci
turnum, quia subhorridum atq; incultum uidebant: &
quod erat eo nomine ut ingenerata familiae frugalitas
uideretur: fauebant: gaudebant: & ad integritatem ma
iorum spe sua hominem uocabant, materni generis obli
ti. Ego autem, uere dicam Iud. tantum esse in homine sce
leris, audaciae, crudelitatis, quantum ipse cum Rep. sensi:
nunquam putauī. nequam esse hominem & leuem, &
falsa opinione errore hominum ab adolescentia commen

PRO P.

datum sciebam. Etenim animus eius uultu, flagitia pa-
rietibus tegebantur. sed hæc obstructio nec diuturna est:
nec obducta: ita, ut curiosis oculis perspicere non possit. ui-
debamus genus uitæ, desidiā, inertiam: inclusas eius
libidines, qui paulo propius accesserant, intuebantur.
denique etiam sermonis ansas dabat: quibus recon-
ditos eius sensus tenere possemus. Laudabat homo do-
ctus philosophos nescio quos: neque eorum tamen no-
mina poterat dicere. sed eos tamen laudabat maxime:
qui dicuntur præter cæteros esse authores. Et lauda-
tores uoluptatis. cuius, Et quo tempore, Et quo-
modo non querebat. uerbum ipsum omnibus modis
animi Et corporis deuorabat: eosdemq; præclare di-
cere aiebat: sapientes omnia sua causa facere: Remp.
capessere hominem benefanum non oportere: nihil
esse præstabilius ociosa uita, Et conferta, Et plena
uoluptatibus. eos autem, qui dicerent dignitati esse
seruiendum, Reip. consulendum: officij rationem in
omni uita non commodi esse ducendam: subeunda pro
patria pericula: uulnera excipienda: mortem oppe-
tendam: uati inari atque insanire dicebat. ex his assi-
duis eius quotidianisq; sermonibus: Et quod uide-
bam quibus cum hominibus in interiore ædium parte
uiueret: Et quod ita domus ipsa sumabat: ut multa
eius sermonis indicia redolerent: statuebam sic: boni
nihil ab illis nugis esse expectandum: mali quidem
certe nihil pertimescendum. sed ita est Iud. ut si gla-
dium paruo puero, aut si imbecilli seni, aut debi-
li dederis: ipse impetu suo nemini noceat. sin ad nu-
dum uel fortissimi uiri corpus accesserit: possit acie
ipsa uel ferri uiribus uulnerari. ita cum hominibus

eneruatis atq; exanguiibus, consulatus tanquam gladius
esset datus: qui per se pun gere neminem unquam potuis-
sent: hi summi imperij nomine armati, Remp. truida-
uerunt: foedus fecerunt cum tribuno pl. palam: ut ab
eo provincias aciperet, quas ipsi uellent: exercitū et pecu-
niā quantā uellent: ea lege, si ipsi prius tribuno pl. affli-
ctam Remp. tradidissent. id enim foedus meo sanguine
ictum sanari posse dicebant. Quare patefacta (neque
enim dissimulari tantum scelus poterat: nec latere) Pro-
mulgantur uno eodemq; tempore rogationes ab eodem.
Tr. de mea perniciē: & de provincijs nominatim con-
sularibus. hic tum senatus sollicitus: uos equites excitati:
Italia cuncta permota: omnes deniq; omnium generum
atq; ordinum ciues summæ Reip. a' Cons. atq; a' summo
imperio petendum esse auxilium arbitrabantur: cum
illi duo soli essent, præter furiosum illum tribunum: duo
Reip. turbines, qui non modo præcipitanti patriæ non
subuenirent: sed eam nimis tarde conadere mœrerent.
Flagitabatur ab his quotidie, cum querelis bonorum o-
mnium, tum etiam precibus senatus: ut meam causam
susciperent: agerent aliquid: deniq; ad senatum referret.
hi non modo negando, sed etiam irridēdo amplissimum
quenq; illius ordinis in sequebantur. Hic subito cum incre-
dibilis in Capitolium multitudo ex tota urbe cunctaq;
Italia conuenisset: uestem mutandam omnes, nūq; etiam
omni ratione priuato consilio (quoniam publicis ducibus
Resp. careret) defendendum putarunt. Erat eodem tem-
pore senatus in æde concordiae: quod ipsum templum re-
presentabat memoriam consulatus nū: cum flens uniuersus
ordo Cincinnatum consulem orabat (nam alter ille hor-
ridus & seuerus consulto se domi continebat) qua tum

superbia coenum illud, ac labes, amplissimi ordinis preces, amplissimorum cuium lachrymas repudiavit? me ipsum ut contempsit helluo patriæ, nam quid ego patri-
monij dicam? quod ille cum quasi quæstum faceret, amisit. uos inquam Equites romani, & omnes boni ueste mutata, uos inquam pro meo capite ad pedes lenonis impurissimi proiecistis: cum uestris precibus a latrone illo repudiati estis. uir incredibilis fide, magnitudine animi L. MUMMIUS ad senatum de Rep. retulit: senatusq; frequens uestem pro mea salute mutandam censuit. O diem illud. funestum senatui, bonisq; omnibus, Reip. luctuosum, mihi ad domesticum moerorem grauem, ad posteritatis memoriam gloriosum. quid enim quisquam potest ex omni memoria sumere illustrius? quàm pro me uno ciue, & bonos omnes privato consensu, & uniuersum senatum publico consilio mutasse uestem? quæ quidem tum mutatio non deprecationis causa est facta: sed luctus. quem enim deprecari se: cum omnes essent sordidati? cumq; hoc satis esset signi esse improbum: qui mutata ueste non esset. Hac mutatione facta uestis, tanto in luctu ciuitatis, omitto quid ille Tribunus omnium rerum diuinarum humanarumq; prædo fecerit: qui adesse nobilissimos adolescentes, honestissimos equites Ro. deprecatores salutis meæ iusserit: eosq; operarum suarum gladijs, & lapidibus obiecerit: de consulibus loquor: quorum fide Resp. nuti debuit. ex animatus euolat ex senatu, non minus perturbato animo atq; uultu: quàm si annis ante paucis in creditorum conuentum incidisset: aduocat concionem: habet orationem talem consul: qualem nunquam Catilina uictor habuisset. errare homines: si etiam tum senatum aliquid in Rep. posse

Rep. posse arbitrarentur. equites uero ro. daturus illius
 dici poenas: qui me consulem cum gladijs in Capitolium
 duci fecissent: uenisse tempus ijs, qui in timore fuissent, *
 coniuratis uidelicet, dicebat ulciscendis. si dixisset hoc so-
 lum: omni supplicio esset dignus: nam oratio ipsa con-
 sulis perniciofa potest Remp. labefactare. quid fecerit
 uidete. illum iam, qui cum meisum pro summa fami- *
 liaritate, quæ cum fratre mihi, uel cū patre eius erat:
 unice diligebat: tum pro Rep. uel mortem oppetere cupie-
 bat: in concione lege relegauit: edixitq; ut ab urbe ab-
 esset M. passus: quod cēt ausus pro ciue, pro benemerito ci-
 ue, pro amico, pro Rep. deprecari. qd hoc homine facias?
 aut quo ciuem importunum, aut quo potius hostem tam
 sceleratum reserues? qui, ut omittam cætera: quæ sunt
 ei cum collega immani, impuroq; coniuncta, atq; com-
 munia: hoc unum habet proprium: ut expulerit ex ur-
 be, relegarit, non dico Equitem romanum, non ornatiss-
 simum, atq; optimum uirum, non amantissimum reipubli-
 cæ ciuem, non illo ipso tempore una cum senatu & cū
 bonis omnibus causam amici, Rei q; P. lugentem: sed ci-
 uem romanum sine ullo iudicio, atq; edicto ex patria
 consul eiecerit. Nihil acerbius societati inferre soliti
 sunt: quàm id quod perraro accidit: ex urbe ire à con- *
 sule iuberi. Atq; illis tum erat reditus in suas ciuitates,
 ad suos lares familiares: & in illo communi incommo-
 do nulla in quēquam propria ignominia nominatim
 cadebat. hoc uero quid est? exterminabit ciues roma-
 nos edicto consul à suis dys penatibus? expellet à pa-
 tria? uidelicet quem uolet damnabit? atq; eiciet nomi-
 natim? hic, si unquam uos eos, qui nunc estis in Rep. so-
 re putasset: si deniq; imaginem iudiciorum, aut simula-

PRO P.

crum aliquod futurum in ciuitate reliquum credidisset: nunquam ausus esset senatum de Rep. tollere: Equitum ro. preces aspernari: ciuium deniq; omnium nouis & inauditis edictis ius libertatemq; euertere. Et si meo attentissimis animis summa cum benignitate auditis Iudices: tamen uereor, ne quis uestrum forte miretur: qd hæc mea oratio tam alte, ac tam longe repetita uelit: aut quid ad P. Sextij causam, eorum, qui ante huius tribunatum rempub. uexarunt: delicta pertineant. mihi enim propositum est ostendere, omnia consilia P. Sextij, mentemq; totius tribunatus hanc fuisse: ut afflictæ, & perditæ Reip. quantum posset, mederetur. Ac si in exponendis uulneribus illis, de meipso plura dicere uidebor: ignoscite. nam & illam meam cladem uos, et omnes boni maximum esse Reip. uulnus iudicastis: & P. Sextius est reus non suo, sed meo nomine. qui cum omnem uim sui tribunatus in mea salute consumpserit: necesse est meam causam præteriti temporis, cum huius præsentis defensione esse coniunctam. Erat igitur in luctu senatus: squallebat ciuitas publico consilio mutata ueste: nullum erat municipium Italiae, nulla colonia, nulla præfectura, nulla Romæ societas uectigalium, nullum collegiū, aut concilium, aut omnino aliquod commune consilium: quod tum non honorificentissime decreuisset de mea salute: cum subito edicunt duo consules: ut ad suum uestitum Senatores redirent. quis unquam consul senatum ipsius decretis parere prohibuit? quis Tyrannus miseros lugere uctuit? parum ne est Piso? ut omittam Gabinium: quod tantum homines fefellisti? ut negligeres auctoritatem senatus? optimi cuiusq; consilia contemneres? Remp. proderes? consulare nomen affligeres? etiam ne

edicere audeas ne mœrerent homines suam, meam, rei
publicæ calamitatem? ne'ue hunc suum dolorem ueste
mutata significarent? siue illa uestis mutatio ad luctum
ipsorum, siue ad deprecandum ualebat: quis unquam
tam crudelis fuit? qui prohiberet quenquam, aut sibi
mœrere? aut cæteris supplicare? quid? sua sponte homi-
nes in amicorum periculis uestitum mutare non solent?
pro te ipso Piso nemo mutauit? ne isti quidē, quos lega-
tos non modo nullo senatus consulto, sed etiam repugnā-
te senatu, tu te tibi legasti. Ergo hominis desperati, &
proditoris Reip. casum lugebunt fortasse qui uolent: ci-
uis florentissimæ beniuolentia bonorum, & optime de
salute patriæ meriti periculum coniunctum cum peri-
culo ciuitatis, lugere senatui non licebit? Iidem consules
si appellandi sunt consules: quos nemo est, qui non mo-
do ex memoria, sed etiam ex fastis euellendos non pu-
ter: pacto iam fœdere prouinciarum, producti in circū
Flaminio in concionē ab illa furia ac peste patriæ ma-
ximo cum gemitu uestro, illa omnia, quæ tā contra me,
quā contra Remp. dixerant, uoce ac sententia sua cō-
probauerunt. Iisdem consulibus sedentibus, atq; inspe-
ctantibus lata lex est: ne auspicia ualerent: ne quis ob-
nūciaret: ne quis lege intercederet: ut omnibus festis die-
bus legem ferri liceret: ut lex Helia, lex Fusia ne uale-
ret. qua una rogatione, quis est, qui non intelligat uni-
uersam Remp. esse deletam? Iisdem Cons. inspectanti-
bus, seruorum delectus habebatur pro tribunali Au-
relionomine Collegiorum: cum uicatim homines cir-
cumscriberentur: decuriarentur: ad uim, ad manus, ad
cædem, ad direptionem incitarentur. Iisdem Cons. ar-
ma in templo Castoris palam portabatur: gradus eius-

PRO P.

dem templi tollebantur: armati homines forum & con-
 ciones tenebant: cædes, lapidationesq; fiebant: nullus
 erat senatus: nihil reliqui magistratus: unus omnium po-
 testatem armis & latrocinij possidebat, non aliqua ui-
 sua: sed cum duos consules a Rep. provinciarū fœdere
 retraxisset: insultabat: dominabatur: alijs pollicebatur:
 terrore ac metu multos, plures etiam spe et promissis te-
 nebat. quæ cum essent eiusmodi Iudices: cum Senatus
 duces nullos, ac pro ducibus proditores, aut potius aper-
 tos hostes haberet: Equester ordo reus a consulibus cita-
 retur: Italiæ totius auctoritas repudiaretur: alij nomi-
 natim relegarentur: alij metu ac periculo terrerentur: ar-
 ma essent in templis: armati in foro: eaq; non silentio
 consulum dissimularentur: sed & uoce & sententia cõ-
 probarentur: cum omnes urbem nondum excisam, &
 euerfam, sed iam captam, atq; oppressam uideremus: ta-
 men his malis tantis, tanto bonorum studio Iud. restisse-
 mus. Sed me alij metus, atq; aliæ curæ, suspicionesq; mo-
 uerunt. Exponam enim hodierno die Iud. omnem ra-
 tionem facti & consilij mei: neq; huic uestro tanto stu-
 dio audiendi, nec huic tantæ multitudini, quanta mea
 memoria nunquam ullo in iudicio fuerit: deero. nam si
 ego in bona causa, tanto studio senatus, consensu tam in-
 credibili bonorum omnium tam parato, tota denique
 Italia ad omnem contentionem expedita, cessi Tribuni
 plebis despicatissimi hominis furori: contemptissimo-
 rum consulum leuitatem, audaciamq; pertimui: me ti-
 midum, nullius animi, nullius consilij fuisse confiteor.
 quid enim simile fuit in M. Metello? cuius causam, &
 si omnes boni probabant: tamen neq; senatus publice,
 neq; ullus ordo proprie, neq; suis decretis Italia tota su-

seperat. ad suam enim magis ille gloriam, quam ad
 perspicuam salutem Reip. spectarat: cum unus in le-
 gem per vim latam iurare noluerat. deniq; uidebatur
 hac conditione tam fortis fuisse: ut cum patriæ carita-
 te constantiæ gloriam commutaret. erat enim huic res
 cum exercitu C. Marij inuicto: habebat inimicum C.
 Marium conservatorem patriæ sextum iam illum con-
 sulatum gerentem: res erat cum L. Saturnino iterum
 tribuno pl. uigilante homine, & in causa populari si nō
 moderate, at certe populariter agente. attamen nec tergi- *
 uersatus cessit: ne aut uictus à fortibus uiris cum dedeco-
 re caderet: aut uictor multis eo fortibus ciuibus Rēp. or-
 baret. Meā causam senatus palam, Equester ordo acer-
 rime, cuncta Italia publice, omnes boni enixe suscepe-
 rant. eas res gesseram: quarum non unus author, sed
 dux omnium uoluntatis fuissē: quæq; non modo ad
 singularem meam gloriam, sed ad salutem communem
 omnium ciuium, & propē gentium pertinerent: ea cō-
 ditione gesseram: ut meum factum semper omnes præ-
 stare tueriq; deberent. erat enim mihi contentio non cū
 uictore exercitu, sed cum operis conductis, et ad diripiē-
 dam urbem concitatis. habebam inimicum non C. Ma-
 rium terrorem hostium, spem subsidiumq; patriæ: sed
 duo importuna prodigia: quos egestas, quos aeris alieni
 magnitudo, quos leuitas, quos improbitas tribuno pl.
 constrictos addixerat. nec mihi res erat cum Saturni-
 no: qui quidē à Quæstore Ostensi per ignorantiam ad
 principem & senatus, & ciuitatis M. Scæurum rem fru-
 mentariam translata sciebat: sed cum sarrarū locu-
 pletum scorto, cum sororis adultero, cum stuprorum sa-
 cerdote, cum uenefico, cum testamentario, cum sicario, cū

PRO P.

latrone. quos homines, si id quod facile factu fuit: & quod fieri debuit: quodq; à me optimi et fortissimi ciues flagitabant: ui armisq; superassem: non uerebar, ne quis aut uim ui repulsam reprehenderet: aut perditorum ciuium uel potius domesticorum hostium mortem mœreret. Sed me illa mouerunt. omnibus in concionibus illa furia clamabat: se quæ faceret contra salutem meam, facere auctore Cn. Pompeio clarissimo uiro, mihiq; & nunc, & quoad licuit, amicissimo: M. Crassus, quo cum mihi erant omnes amicitiae necessitudines, uir fortissimus, ab eadem illa peste infestissimus esse meis fortunis prædicabatur: C. Cæsar, q; à me nullo meo merito alienus esse debebat: inimicissimus esse meæ salutis ab eodem quotidianis concionibus dicebatur. his se tribus authoribus in consilijs capiendis, adiutoribus in re gerenda, esse usurum dicebat. ex quibus unum habere exercitum maximum in Italia: duo, qui priuati essent: & præessent, & pararent si uellent exercitum: idq; facturos esse dicebat. nec mihi ille iudicium populi, nec legitimam aliquam contentionem, nec disceptationem, aut causæ dictionem, sed uim, arma, exercitus, imperatores, castra denunciabat. qd ergo? inimici oratio, uana præsertim, tam improbe in clarissimos uiros comecta me mouit? me uero non mouit illius oratio: sed eorum tacurnitas: in quos illa oratio tam improba conferebatur. qui tum, quanquam ob aliam causam tacebant: tamen hominibus omnia timentibus tacendo loqui, nõ inficiando confiteri, uidebatur. illi enim mali timore perterriti, quod acta illa, atq; omnis res superioris anni labefactari à prætoribus, infirmari à senatu, atq; principibus ciuitatis putabant: suaq; sibi propiora esse peri-

cula, quam mea loquebantur: Tribunum popularem à se alienari volebant. Et tamen et Crassus à Consulibus meam causam suscipiendam esse dicebat: et eorum fidem Pompeius implorabat: neque se priuatum publice causæ susceptæ defuturum esse dicebat. quem uirum studiosum mei, cupidissimum Reip. seruandæ, domi meæ certi homines compositi monuerunt: ut esset cauior: eiusque uitæ à me insidias apud me domi positas esse dixerunt: atque hanc ei suspicionem alij literis mittendis, alij nuncijs, alij coram ipsi excitauerunt. tot ille, cum à me nihil certe timeret: ab illis nequid meo nomine molirentur, sibi cauendum putaret: L. ipse Cæsar, quæ maxime ignari homines ueritatis mihi esse iratum putabant: erat ad portas cum imperio: erat in Italia eius exercitus: inque eo exercitu ipsius tribuni plebis inimici mei fratrem præfecerat. Hæc ego cum uiderem: neque enim erant occulta: Senatum, sine quo ciuitas stare non posset: omnino de ciuitate esse sublatum: Consules, qui publici consilij duces esse deberent: perfecisse, ut per ipsos publicum consilium funditus telleretur: eos qui plurimum possent: opponi omnibus concionibus falso, sed et formidolosè tamen, auihores ad perniciem meam: conciones haberi quotidie contra me: uocem pro me, ac pro Rep. neminem mittere: intenta signa legionum existimari ceruicibus ac bonis uestris falso: sed putari tamen: coniuratorum ueteres copias et effusam illam ac superatam Catilinæ manum importunam nouo duce et insperata commutatione rerum esse renouatam. hæc cum uiderem: quid agerem Iudices? scio enim tum, non mihi uestrum studium, sed meum propè uestro defuisse. contenderem contra tribunum pl. priuatus armis? uicissent

bbb iiij

PRO P.

improbos boni, fortes inertes: interfectus esset is, qui hac una medicina sola potuit à Reip. peste depelli. quid deinde? quid reliquiarum restaret? quid deniq? erat dubium, quin ille sanguis tribunitius nullo præsertim publico consilio profusus, Consules auctores & defensores esset habiturus? cum quidē in concione dixisset: aut mihi semel pereundum: aut bis esse uincendum: quid erat bis uincere? id profecto: ut cum amentissimo cum tribuno plebis decertassem: cum consulibus cæterisq; eius ultoribus dimicaret. Ego uero si mihi uni pereundum fuisset: ac non accipienda plaga mihi insanabilis illa mortifera: quā reipub. imposuisset: semel perire tamen Iud. maluissem: q̄ bis uincere. Erat enim altera eiusmodi contentio illa: ut neq; uicti neq; uictores Remp. tenere possemus. quid? si in prima contentione, ui tribunitia uictus in foro cum multis bonis uiris concidissem? Senatum consules credo uocassent? quē totum de ciuitate deiecerant. ad arma uocarent? qui ne uestitum quidem defendissent reipublicæ. a tribuno pl. post interitum dissidissent? q̄ eandē horam meæ pestis & suorū præmiorum esse uoluissent. Vnum enim mihi restabat illud quod forsitan non nemo uir fortis, & acris animi magniq; dixerit: resistisses: repugnasses: mortem pugnās appetisses: de quo inquam te te patria obtestor, et uos penates patriq; dij, me uestrarum sedium templorumq; causa, me propter salutem meorum ciuium, quæ mihi semper fuit mea carior uita: dimicationem cædemq; fugisse. Et enim si mihi in aliqua naue cum meis amicis nauiganti hoc Iud. accidisset: ut multi ex multis locis prædones classibus eā nauem se oppressuros minitarentur: nisi me unū sibi dedidissent: si id uectores negarent: ac mecum simul inte-

rere, quàm me tradere hostibus mallent: iecissem me potius ipse in profundum: ut ceteros conseruarem: quàm illos mei tam cupidos non modo ad certam mortem, sed in magnum uitæ discrimen adducerem. Cum uero in hanc reipublicæ nauem, ereptis senatui gubernaculis, fluitantem in alto tempestatibus seditionum, ac discordiarum armatæ tot classes, nisi ego unus deditus essem: in cursuæ uiderentur: cum proscriptione, cædes, direptio, denunciarentur: cum alij me suspitione periculi sui non defenderent: alij uetere odio bonorum incitarentur: alij inuiderent: alij obstare sibi me arbitrantur: alij ulcisci dolorem suum aliquē uellent: alij rem ipsam publicam, atq; hunc bonorum statum ociumq; odissent: Et ob hæc causas tot tamq; uarias me unum deposcerent: depugnarem potius cum summo non dicam exitio, sed periculo certe uestro, liberorumq; uestrorum: quam nō id, quod etiam omnibus impēdebat: unus pro omnibus susciperem? ac subirem? uicti essent improbi. at ciues. at ab eo priuato, qui sine armis rempub. etiam consul conseruarat. sin uicti essent boni: quid superesset? non ad seruos uidetis rempublicam uenturam fuisse? an mihi ipsi, ut quidam putant, fuit mors æquo animo oppetenda? quid? tum mortem ne fugiebam? an erat res ulla? quam mihi magis optandam putarem? aut ego illas res tantas in tanta improborum multitudine cum gerebam: non mihi mors, non exilium ob oculos uersabantur? nō hæc deniq; à me, tum tanquam fata, in ipsa re gerenda concinebantur? an erat mihi in tanto luctu meorum, in tanta disunctione, tanta acerbitate, tanta spoliatione omnium rerum, quas mihi aut natura aut fortuna dederat: uita retinenda? tam eram rudis? tam ignarus

PRO P.

rerum? tam expers consilij, aut ingenij? nihil audieram? nihil uideram? nihil ipse legendo quaerendoq; cognoueram? nesciebam uitam breuem esse? cursum gloriae sempiternum? cum esset omnibus definita mors: optandum esse, ut uita quae necessitati deberetur: patriae potius donata, quam reseruata naturae uideretur? nesciebam inter sapientissimos homines hanc contentionem fuisse: ut alij dicerent animos hominum, sensusq; morte resingui: alij autem tum maxime mentes sapientum ac fortium uirorum, cum e corpore excessissent: sentire, ac uigere? quorum alterum fugiendum non esse, carere sensu: alterum etiam optandum, meliore esse sensu. deniq; cum omnia semper ad dignitatem retulissem: nec sine ea quicquam expetendum esse homini in uita putassem: mortem, quam etiam uirgines Athenis, regis opinor Erichihei filiae, pro patria contempsisse dicuntur: ego uir consularis tantis rebus gestis timerem? praesertim cum eius essem ciuitatis: ex qua Q. Mutius solus in castra Por-senae uenisset: eumq; interficere proposita sibi morte conatus esset? ex qua P. Decius primum pater, post aliquot annos patria uirtute praeditus filius, se ac uitam suam instructa acie pro salute populi romani, uictoriaq; deuouisset? ex qua innumerabiles alij partim adipiscendae laudis, partim uitandae turpitudinis causa mortem in uarijs bellis aequissimis animis oppetissent? in qua ciuitate ipse meminissem patrem huius M. Crassi fortissimum uirum, ne uideret uictorem uiuus inimicum: eadem sibi manu uitam exhaustisse: qua mortem saepe hostibus obtulisset? Haec ego et multa alia cogitans, hoc uidebam: si causam publicam mea mors peremisset: neminem unquam fore, qui auderet, suscipere contra im-

probos ciues reipublicæ salutem. Itaq; non solum si uñ
 interissem: sed etiã si morbo extinctus essem: fore puta-
 bā: ut exemplū Reip. cōseruādæ mecum simul interiret.
 quis. n. unq̃ me à senatu populōq; romano, tanto bonorū
 omniū studio nūc restituto, omnia adire pericula pro rep.
 dubitabit? quod certe si essem interfectus: nunquā accide-
 re potuisset ut q̃squā ullā Reip. partem cum suā minima
 inuidia auderet attingere. seruauī igitur Rēp. discessū
 meo Iudices: cādē à uobis, liberisq; uestris, uastitatē, in-
 cēdia, rapinas, meo dolore luctūq; depulsi: et unus Rēp.
 bis seruauī: semel gloria: iterū erūna mea. neq; n. hoīem
 in hoc me inficiabor unq̃: ut me optimo fratre, carissimis
 liberis, fidissima cōiuge, uestro conspectu, patria, hoc ho-
 noris gradu, sine dolore caruisse glorier. quod si fecissem:
 quod à me beneficiū haberetis? cū pro uobis ea, quæ mi-
 hi essent uilia, reliq̃sssem. hoc, meo qdē animo, summū in
 patriā amoris mei signum esse debet certissimum: quod
 cum abesse ab ea non possem sine summo dolore: hunc
 me perpeti, quā illam labefactari ab improbis ma-
 lui. munneram Iud. diuinum illum uirū, atq; ex his-
 dem, quibus nos, radicibus natum ad salutem imperij
 huius C. Mariū, summa senectute, cum propē uim iu-
 storum armorum profugisset, primo senile corpus pa-
 ludibus ocultaſſe demersum: deinde ad infirmorum ac
 tenuissimorum hominum mīturnus misericordiā con-
 fugisse: inde nauigio pparuo, cum omnis portus terrasq;
 fugeret: in oras Africæ desertissimas peruenisse. atque
 ille uitam suam, ne inultus esset: ad incertissimam spem,
 Et ad Reip. statum reseruauit. ego qui (quemadmodū
 multi in senatu me absente dixerunt) periculo reipubli-
 cæ uinebam: quīq; ob eam causam consularibus literis

PRO P.

de senatus sententia exteris nationibus commendabar:
nonne si meam uitam deseruisssem: Remp. prodidisssem?
in quo quidē nunc me restituto uiuit mecum simul exē
plum fidei publicae. quod si immortale retinetur: quis
non intelligit immortalem hanc ciuitatem futuram?
nam externa bella regum, gentium, nationū iam pri-
dē ita extincta sunt: ut praeclare cum his agamus: quos
pacatos esse patiamur: deniq; ex bellica uictoria non fe-
re quam est inuidia ciuium consecuta. domesticis malis,
& audacum ciuium consilijs saepe est resistendum: co-
rumq; periculo est in Rep. retinenda medicina: quam o-
mnem Iud. perdidissetis: si meo interitu senatui populoq;
ro. doloris sui de me declaradi potestas esset erepta. qua-
re moneo uos adolescentes: atq; hoc meo iure praecipio: q
dignitatem, qui Remp. qui gloriam spectatis, ne si qua
uos aliquando necessitas ad Remp. contra improbos ci-
ues defendendam uocabit: se gniores sitis: et recordatio-
ne mei casus à consilijs fortibus refugiatis. primum nō
est periculum ne qui unquam sint in ciuitate eiusmodi
consules: praesertim si erit ijs id, quod debetur, per solu-
tum. deinde nūquam, ut spero, quisquam improbus con-
silio & auxilio bonorum se oppugnare rempublicam
dicet, illis tacentibus: nec armati exercitus terrorem op-
ponet togatis: neq; erit iusta causa ad portas sedēti im-
peratorī, quare terrorem suum iactari opponiq; patia-
tur. nunquam enim erit tam oppressus senatus: ut ei ne
supplicandi quidem, ac lugendi sit potestas: tam captus
equester ordo: ut Equites romani à consule relegentur.
Quae cum omnia, atq; etiam multo alia maiora, quae
consulto praetereo: accidissent: uidetis me tamen in pristi-
nam meam dignitatem, breui temporis dolore interie-

Et o Reip. uoce esse reuocatum. Sed ut reuertar ad illud, quod mihi in hac omni est oratione propositum: omnibus malis illo anno scelere consulum Remp. esse confectam: primum illo ipso die, qui mihi funestus fuit: omnibus bonis luctuosus: cum ego me complexu patriæ, conspectuq; uestro eripuissem: & metu periculi uestri, non mei, furori hominis, sceleri, perfidiæ, telis, munisq; cessissem: patriamq; quæ mihi erat carissima: propter ipsius patriæ caritatem reliquissem: cum meum illum casum tam horribilem, tam grauem, tam repentinum, non solum homines, sed tecta urbis ac templa lugerent: nemo uestrum forum, nemo curiam, nemo lucem aspicere uellet: illo inquam ipso die, die dico? immo hora, atq; et puncto temporis eodem, mihi Reiq; p. perniciēs, Gabinio, & Pisoni prouincia rogata est. Pro' dū immortales custodes & conseruatores huius urbis atq; imperij, quæ nam illa in Rep. monstra? quæ scelera uidistis? cuius erat expulsus is: qui Remp. ex senatus auctoritate cum omnibus bonis defenderat: & expulsus nō alio aliquo, sed eo ipso crimine: expulsus sine iudicio, lapidibus, ferro, seruitio deniq; conatato: lex erat lata uastato, ac relicto foro, & sicarijs seruisq; tradito: & ea lex, quæ ne ferretur, Senatus fuerat ueste mutata. hac tanta perturbatione ciuitatis ne noctem quidē consules inter meum discrimen, & eorum prædam interesse passi sunt. statim me perculso, ad meum sanguinem hauriendum, & spirante etiam Rep. ad eius spolia detrahenda aduolauerunt. omitto gratulationes, epulas, partitionē ærarj, beneficia, spem, promissa, prædā, læticiam paucorū in luctu omnium: uexabatur uxor mea: liberi ad necem quærebatur: gener, et Piso gener, à Pisonis consulis

PRO P.

pedibus supplex reijciebatur: bona diripiebantur: eaq;
ad consules deferiebantur: domus ardebat in palatio:
consules epulabatur. quod si meis incommodis latabatur:
urbis tamen periculo commouerentur. Sed ut a mea
causa iam recedam: reliquas illius anni pestes recorda-
mini. sic enim facillime perspicietis, quantam uim omniū
remediorum a magistratibus proximis Resp. desidera-
rit. legum multitudinem, cum earū, quæ latae sunt: tum
uero quæ promulgatae fuerunt: dicam? nam latae sunt
consulibus illis, tacentibus, immo uero approbantibus
etiam, ut Censoria notatio, et grauissimum iudiciū san-
ctissimi magistratus tolleretur de republica: ut Collegia
non modo illa uetera contra senatus consultū restitueren-
tur: sed ab uno gladiatore innumerabilia alia noua
conscriberentur: ut remissis semissibus et trientibus quin-
ta propè pars uectigalium tolleretur: ut Gabinio pro illa
sua Cilicia, quam sibi, si remp. prodidisset: pactus erat:
Syria daretur: ut uni helluoni bis de eadē re deliberandi
esset potestas: ut rogata lege, legē ferret provinciae cōmu-
tandae. mitto eā legē: quæ omnia religionum iura, auspī-
ciorū, potestatum, omnes leges, quæ sunt de iure, et de
tempore legum rogandarum, una rogatione deleuit:
mitto omnem domesticam laudem: etiam exterarum natio-
nes illius anni furore, conquassatas uidebamus. lege Tri-
bunitia Matris Magnae Pessimuntius ille sacerdos ex-
pulsus, et spoliatus sacerdotio est: sanumq; sanctissimarum
atq; antiquissimarum religionum uēditum pecu-
nia grandi Brogitaro impuro homini, atq; indigno
illa religione: præsertim cum ea sibi ille non colendi, sed
uiolandi causa appetisset: appellati Reges a populo: qui
id nunquam ne a senatu quidem postulassent: reducti

exules, Byzantium condemnati, tum, cum indemnati ci-
ues e ciuitate eijcebantur: rex Ptolemæus, qui si non-
dum erat ipse a' senatu socius appellatus: erat tamen fra-
ter eius regis: qui cum esset in eadem causa iam per-
orata a' senatu honorem istum consecutus erat: eodem
genere iisdemq; maioribus, eadē uetustate societatis de-
niq; erat Rex: sed nondum socius: at non hostis: pacat-
us, quietus, fretus imperio populi romani, regno pa-
terno atq; auito regali ocio perfruebatur. de hoc nihil
cogitante, nihil suspicante, eisdem operis suffragium fe-
rentibus, est rogatum: ut sedens cum purpura & sceptro
& illis insignibus regis præconi publico subiiceretur:
& imperante populo romano, qui etiam bello uictis re-
gibus regna reddere consuevit: rex amicus, nulla iniu-
ria commemorata, nullis repetitis rebus, cum bonis o-
mnibus publicaretur. multa acerba, multa turpia, multa
turbulenta habuit ille annus: tamen illi sceleri, quod in
me illorum immanitas edidit: haud scio, an hoc recte
proximum esse dicam. Antiochum illum magnum ma-
iores nostri magna belli contentione terra mariq; supe-
ratum, intra montem Taurum regnare iusserunt: Asiā,
qua illum mulctarunt: Attalo, ut is regnaret in ea,
condonauerunt. cum Armeniorū Rege Tigraue gra-
ue bellum per diuturnumq; gessimus: cum ille iniurijs
in socios nostros inferendis, bello propè nos lacerasset.
hic & ipse per se uehemens fuit: & acerrimum hostem
huius imperij Mythridatem pulsum ponto opibus suis
regnoq; defendit: & a' Lucullo summo uiro atq; impe-
ratore pulsus animo tamen hostili cum reliquis copijs
suis in pristina mente mansit. hunc Cn. Pompeius, cum
in suis castris supplicem abiectumq; uidisset: erexit: atq;

PRO P.

insigne regum, quod ille de suo capite abiecerat: reposuit: & imperatis certis rebus regnare iussit: nec minus & sibi & huic imperio gloriosum putauit: constitutum a se Regem, quam constrictum uideri. Tulit-
 * gessit. qui & ipse hostis fuit populi romani: & acerrimum hostem in regnum recepit: qui conflixit: qui signa contulit: qui de imperio penè certauit: regnat hodie: & amicitiae nomen, ac societatis, quod armis uiolarat: id precibus est consecutus. Ille Cyprius miser, qui semper socius, semper amicus fuit: de quo nulla unquam suspicio durior ad senatum, aut ad imperatores nostros allata est: uiuus (ut aiunt) est & uidens cum uictu ac uenitu suo publicatus. En cur ceteri Reges stabilem esse suam fortunam arbitrentur? cum hoc illius funesti anni perditio exemplo uideant, per Tribunum aliquem, et sexcentas operas, se fortunis spoliari & regno omni posse nudari. At etiam eo negotio M. Catonis splendorem maculare uoluerunt, ignari quid grauitas, quid integritas, quid magnitudo animi, quid denique uirtus ualeret. quae in tempestate quieta est: & lucet in tenebris: & pulsa loco, manet tamen, atque haeret in patria: splendensque per se semper: neque alienis unquam sordibus obsolescit. Non illi ornandum M. Catonem, sed relegandum ad illud negotium putauerunt: qui in concione palam dixerint: linguam se euellisse M. Catoni: quae semper contra extraordinarias potestates libera fuisset. Sentient ut spero breui tempore, manere libertatem illam: atque hoc etiam, si fieri poterit: esse maiorem: quod cum consulibus illis M. Cato, etiam cum iam desperasset aliquid auctoritate sua perficere posse: tamen uoce ipsa ac dolore pugnavit: & post meum discessum his uerbis
 flens meum

flens meum & Reip. casum uexauit: ut illum hominē
 perditissimum, atq; impudētissimum pene iam prouin-
 ciæ poeniteret. cur igitur rogationi paruit? quasi uero il-
 le non in alteras quoq; leges, quas iniuste rogatus puta-
 ret: iam ante iuravit. non offert se ille testis temeritati-
 bus: ut cum Reip. nihil prosit: se ciuitate ro. priuet. con-
 sule me, cum esset designatus tribunus plebis: obtulit in
 discrimen uitam suam: dixit eam sententiam: cuius in-
 uiciam, capitis periculo sibi præstandam uidebat: dixit
 uehementer: egit acriter: ea quæ sensit, præ se tulit: dux,
 auctor, actor rerum illarum fuit: non quo periculum
 suum nō uideret: sed in tanta Reip. tempestate nihil si-
 bi, nisi de patriæ periculis cogitandum putabat. conse-
 cutus est ipsius Tribunatus. quid ego de singulari ma-
 gnitudine animi eius, ac de incredibili uirtute dicam?
 meministis illum diem: cum templo à Collega occupato,
 nobis omnibus de uita eius uiri, et eius timentibus, ipse
 animo fortissimo uenit in templum: & clamorem ho-
 minum auctoritate, impetum improborum uirtute se-
 dauit. adijt cum periculo: sed adijt cū causa: quæ quā-
 ta fuerit, mihi dicere non est necesse. At si isti Cypriæ
 rogationi sceleratissimæ non paruisset: hæreret illa ni-
 hilominus in Rep. turpitudine. Regno enim iam publica-
 to, de ipso Catone erat nominatim rogatum. quod ille si
 repudiasset: dubitatis quin ei uis esset allata? cum omnia
 acta illius anni per illum unum labefactari uideren-
 tur? Atq; etiam hoc uidebat: quoniam illa in Rep. ma-
 cula regni publicati maneret: quam nemo iam posset
 eluere: quod ex malis bonum possit in Rep. peruenire:
 id utilius esse per se conseruari: quàm per alios. Atque
 ille etiam si aliquapiam ui pelleretur illis temporibus

ccc

PRO P.

ex hac urbe: facile pateretur. etenim qui superiore anno senatu caruisset: quo si tum ueniret: me tamen socium suorum in Rep. consiliorum uidere posset: is æquo animo tum me expulso, & meo nomine cum uniuerso senatu, tum sententia sua condemnata, in hac urbe esse posset: ille uero eidem tempori, quo nos, eadem furori, eisdem Consulibus, eisdem munus, insidijs, periculis cæssit. luctum nos hausimus maiorem: ille animi non minorem. his de tantis iniurijs in socios, in reges, in liberas ciuitates, consulum querela esse debuit. in eius magistratus tutela reges, atq; exteræ nationes semper fuerunt. ecquæ uox consulum unquam est audita? quam quis auderet, si maxime queri uellent: de Cyprio rege quærere: qui me ciuem nullo meo crimine, patriæ nomine laborantem non modo stantem non defenderunt: sed ne quidem iacentem protexerunt. cesseram, si alienam à me plebem fuisse uultis: quæ non fuit: inuidiæ: si quo moueri omnia uidebatur: tempori: si ius susceperat: armis: si societas: magistratuum pactio: ni: si periculum ciuium: reipublicæ. cur, cum de capite ciuis, non disputo cuiusmodi ciuis, & de bonis proscriptio ferretur: cum & sacris legibus, & XII tabulis sanctum esset: ut neq; priuilegium irrogari, neq; de capite, nisi comitijs centuriatis rogari: nulla uox est audita consulum? constitutumq; illo anno est: quantum in illis duabus huius imperij pestibus fuit: iure posse per operas concitatas quemuis ciuem nominatum tribuni plebis consilio ex ciuitate perturbari. Quæ uero promulgata illo anno fuerunt: quæ promissa multis: quæ conscripta: quæ sperata: quæ cogitata: quid dicam? qui locus orbis terræ iam non erat alicui destinatus? cuius ne-

gocij publici cogitari, optari, fingiq; procuratio potuit?
 quæ nō eēt attributa atq; descripta? quod genus imperij,
 quæ provincia, quæ ratio aut auferēdæ aut cōstādæ pe-
 cuniæ non reperiebatur? quæ regio, orā ue terrarū cra-
 lator? in qua non regnum aliquod statueretur? quis au-
 tem Rex erat? qui illo anno non aut emendū sibi, quod
 non habebat: aut redimendum quod habebat arbitra-
 retur? quis provinciam, quis pecuniam, quis legationem
 ab senatu petebat? damnatis de ui, restitutio, consulatus
 petitio ipsi illi populari sacerdoti comparabatur. hæc ge-
 mebant boni: sperabant improbi: agebat tribunus ple-
 bis: Consules adiunabant. Hic aliquanto serius, quā
 ipse uellet: Cn. Pompeius, inuitissimus ijs, q; mentem opti-
 mi ac fortissimi uiri suis consilijs, ac fictis terroribus a
 defensione meæ salutis auerterant: exatuit illam suam
 non solutam, sed suspitione aliqua retardatam consue-
 tudinem Reip. bene gerendæ. non est passus ille uir, qui
 sceleratissimos ciues, qui acerrimos hostes, qui maximas
 nationes, qui reges, qui gentes feras, atq; inauditas, quā
 prædonum infinitam manum, qui seruitia uirtute ui-
 ctoriaq; domuisset: qui omnibus bellis terra mariq; cō-
 pressis, imperium populi romani orbis terrarum ter-
 minis definisset: Remp. euerti scelere paucorum: quam
 ipse non solum consilijs, sed etiam sanguine suo sæpe
 defendisset. accessit ad causam publicam: restitit autho-
 ritate sua reliquis rebus: de præteritis questus est. fieri
 quædam ad meliorem spem inclinatio uisa est. decreuit
 senatus frequens de meo reditu Cal. Iunij dissentiente
 nullo, referente L. Mūnio, cuius in mea causa nūquam
 fides, uirtusq; contremuit. Intercessit Ligus iste nescio
 qui, additamentum inimicorum meorum. res erat &

ccc ij

PRO P.

causa nostra eo loci: ut erigere oculos, & uiuere uideretur. quisquis erat, qui aliquam partem in meo luctu sceleris Clodiani attigisset: quocumque uenerat: quod iudicium cumque sibi erat: damnabatur: inueniebatur nemo: qui se suffragium de me tulisse confiteretur. discesserat ab Asia frater meus magno squalore, sed multo etiam maiore moerore. huic ad urbem uenienti tota obuiam ciuitas cum lachrymis gemituque processerat: loquebatur liberius senatus: concurrebant Equites romani: Piso ille gener meus, cui fructum pietatis suae, neque ex me neque a populo romano ferre licuit: a propinquo suo socerum suum flagitabat: omnia senatus reiciebat: nisi de me consules primo retulissent. quae cum res iam manibus teneretur: cum consules prouinciarum pacatione libertatem omnem perdidissent: qui cum in senatu priuati, ut de me sententias dicerent flagitabantur: legem illi se Clodiam timere dicebant. cum haec non possent iam diutius sustinere: inicitur consilium de interitu Cn. Pompei. quo patefacto, ferroque deprehenso, ille inclusus domi tam diu fuit: quam diu, inimicus meus in Tribunatu. de meo reditu octo Tribuni promulgarunt. ex quo intellectum est, mihi absenti creuisse amicos: in ea praesertim fortuna, in qua nonnulli etiam, quos esse putaueram: non erant. sed eos uoluntatem semper eandem, libertatem eandem non semper habuisse. nam ex octo tribunis, quos tunc habueram: unus me absente defluxit: qui cognomen sibi ex aliorum imaginibus arripuit: quo magis nationis eius esse, quam generis uideretur. Hoc igitur anno magistratibus nouis designatis, cum omnes boni omnem spem melioris status in eorum fidem conuertissent: princeps P. Lentulus auctoritate ac senten-

tia sua pifone & Gabinio repugnantibus, causam suscepit: tribunisq; plebis octo referentibus, præstantissimam de me sententiam dixit. qui cum ad gloriam suam, atq; amplissimam beneficij gratiam magis pertinere uideret, causam illam integram ad suum consulum referuari: tamen rem talē per alios citius, quā per se tardius confici malebat. Hoc interim tempore P. Sestius Iudices, designatus iter ad C. Cæsarem pro mea salute suscepit. quid egerit: quantum profecerit: nihil ad causam. equidem existimo, si ille (ut arbitror) æquus nobis fuerit: nihil ab hoc perfectum: sin irator: non multum. sed tamen sedulitatem atq; integritatem hominis uidetis. Ingreddior iam in Sestij Tribunatum. nam hoc primum iter designatus Reip. causa suscepit. pertinere & ad concordiam ciuium putauit: & ad perficiendi facilitatem, animum Cæsaris a causa nō abhorrere. abiit ille annus: respirasse homines uidebantur, nondum re, sed spe Reip. recuperandæ. exierunt malis omnibus atq; execrationibus duo uultury paludati: quibus utinam ipsis euenissent ea: quæ tum homines precabantur. neq; nos prouinciam Macedoniam cum exercitu, neque equitatum in Syria, & cohortes optimas perdidissemus. Ineunt magistratum Tribuni plebis: qui omnes de me promulgaturos confirmarant. ex his princeps emitur ab inimicis meis, is: quē homines in luctu irridentes Gracchum uocabant: quoniam id etiam fatum ciuitatis fuit: ut illa ex uepretulis extracta nitedula Remp. conaretur arrodere. Alter uero non ille Serranus ab aratro, sed ex deserto Gaii Oleli horreo: calatis granis, in Calatinos ac Lelios insitus subito nominibus in tabulas relatis, nomen suum de tabula sustulit. Veniunt calēdæ

PRO P.

Ianuarij: uos hæc melius scire potestis: equidem audita
 dico: quæ tum frequentia senatus, quæ expectatio popu-
 li, qui concursus legatorum ex Italia cuncta, quæ uir-
 tus, actio, grauitas, P. Lentuli fuerit Consul: quæ etiã
 Collegæ eius moderatio de me: qui cum inimicitias si-
 bi mecum ex Reip. dissensione susceptas esse dixisset: eas
 se dixit & temporibus, & reipublicæ permissurum.
 Tū princeps rogatus sententiã L. Cotta, dixit id, quod
 dignissimum Rep. fuit: nihil de me actum esse iure: ni-
 hil more maiorum: nihil legibus: non posse quenquam
 de ciuitate tolli sine iudicio: de capite non modo ferri, sed
 ne iudicari quidem posse, nisi comitijs centuriatis. uim
 fuisse illam: flammam quassatæ reipublicæ: perturba-
 to undiq; tempore, iure, iudicijsq; sublati, magna rerũ
 permutatione impendente, declinasse me paululum: &
 spe reliquæ tranquillitatis præsentis fluctus, tempesta-
 temq; fugisse. Quare cum absens non minus rempu-
 blicam magnus periculis, quàm quodam tempore præ-
 sens liberassem: non restitui me solum, sed etiam orna-
 ri à senatu decere. disputauit etiam multa prudenter:
 ita de me illum amentissimum, & profligatissimum ho-
 stem pudoris & pudicitie scripsisse quæ scripserat: his
 uerbis, rebus, sententijs: ut etiam si iure esset rogatum:
 tamen uim habere non posset. quare me, qui nulla lege
 abessem: non restitui lege, sed reuocari senatus autori-
 tate oportere. huc nemo erat, quin uerissime sentire di-
 ceret. post eum rogatus Cn. Pompeius approbata lauda-
 taq; Cotte sententia dixit: sese ocij mei causa aut omni
 * populari concitatione de fringier censere: & ad senatum
 non se referri iussit. Cum omnes certatim, aliusq; alio
 grauius, atq; ornatus de mea salute sine ulla uarieta-

te dixissent: uenit consilij de me agendi dies, VIII cal-
 february. princeps rogationis Q. Fabricius uir mihi a-
 micus, templum aliquanto ante lucem occupauit.
 Quid eo die Sestius? is qui est de ui reus? actor hic,
 defensorq; causæ meæ, nihil progreditur: consilia expe-
 ctat inimicorum meorum. quid illi? quorum consilio P.
 Sestius in iudicium uocatur: quo se pacto gerunt? cum
 forum, comitium, curiam, multa de nocte armatis ho-
 minibus ac seruis plerisq; occupauissent: impetum fa-
 ciunt in Fabricium: manus afferunt: occidunt nonnul-
 los: uulnerant multos: uniuersiq; districtis gladijs et
 cruentis in omnibus fori partibus fratrem meum uirū
 optimum, oculis querebant: uoce poscebant: quorum il-
 le telis libenter suum corpus obtulisset: nisi suam uitam
 ad spem mei reditus reseruasset. pulsus tamen ē rostris
 in comitio iacuit: seq; seruorum, et liberorum corpo-
 ribus obtexit: uitamq; suam tum noctis et fugæ præ-
 sidio non iuris iudiciorumq; defendit. meministi tum
 Iud. corporibus ciuium Tyberim repleri: cloacas re-
 farari: nihilq; neq; ante hoc tempus, neq; hoc ipso turbu-
 lentissimo die criminationis esse in Sestium. Hic etiam
 de ipso accusatore quero: qui P. Sestium queritur cum
 multitudine in Tribunatu et cum præsidio magno fuis-
 se: num illo die fuerit? certe non fuit. gladiatores tu sup-
 ponas? cum sicarijs ē carcere emissis ante lucem in forū
 immittas? magistratus templo ejicias? cædem maximā
 facias? forum purges? et cum omnia ui, armis, egeris: ac-
 cuses eum, qui se præsidio munierit? non ut te oppugna-
 ret: sed ut uitam suam posset defendere? Ex eo tem-
 pore id egit Sestius: ut à suis munitus tuto in foro magi-
 stratum gereret: ut à suis munitus Remp. administraret.

PRO I.

Itaque cum fretus sanctitate Tribunatus, se non modo contra uim, & ferrum, sed etiam contra uerba, atque intercessionem legibus sacratis esse armatum putaret: uenit in templum Castoris: obnunciavit consuli: cum subito manus illa Clodiana in cæde ciuium sæpe iam uictrix, exclamat: incitatur: inuadit: inermem, atque imparatum Tribunum alij gladijs adoriuntur: alij fragmentis septorum, & fustibus: à quibus hic multis uulneribus acceptis ac debilitato corpore & contruadato se abiecit exanimatus: neque ulla alia re ab se mortem, nisi opinione mortis depulit. quem cum iacentem & confusum plurimus uulneribus extremo spiritu exanquem & confectum uiderent: defatigatione magis & errore, quam misericordia et modo, aliquando cedere desisterunt. Et causam dicit Sestius de ui? quid ita? quia uiuit. & id non sua culpa. plaga una illa extrema defuit. quæ si accessisset: reliquum spiritum exhausisset. accusa Lentidium. non percussit locum: maledicto homini Reatino: cur tam tempore exclamaret occisum. ipsum uero quid accusas? num defuit gladijs? num repugnauit? num ut gladiatoribus imperari solet, ferrum non recepit? an hæc ipsa uis est? non posse emori? an illa? quod tribunus plebis templum cruentauit? an quod cum esset ablat: primumque resipisset: non se referri iussu? ubi est crimen: quod reprehenditis? Hic quæro Iudices: si illo die gens ista Clodiana, quod facere uoluit, effecisset: sit P. Sestius, qui pro occisio relictus est: occisus esset: fuisset ne ad arma ituri? fuisset ne uos ad patrium illum animum maiorumque uirtutem excitaturi? fuisset ne aliquando Rempub. à funesto latrone repetituri? an

etiam tunc quiesceretis? cunctaremini? timeretis? cum
Remp. a' facinorosissimis sicarijs, & a' seruis esse op-
pressam, atq; occupatam uideretis? cuius igitur mortem
ulcisceremini: siquidem liberi esse, et habere rempubli-
cam cogitaretis: de eius uirtute uiri quid uos loqui, quid
sentire, quid cogitare, quid iudicare oporteat, dubitan-
dum putatis? At uero illi ipsi parricidae, quorum effre-
natus furor alitur impunitate diuturna: adeo uim faci-
noris sui perhorruerant: ut si pau'o longior opinio mor-
tis Sestij fuisset: Gracchum illum suum transferendi in
nos criminis causa occidere cogitarint. sensit rusticulus
non incautus, neq; cum homines tacere potuerunt: suum
sanguinem quæri ad restringendam inuidiam facino-
ris Clodiani mulioniam penulam arripuit: cum qua
primum Romã ad comitia uenerat: messoria se corbe
contextit. cum quærerent alij numerum: alij Quin-
tum: gemini nominis errore seruatus est. atq; hoc scitis
omnes: usq; adeo hominem in periculo fuisse: quoad
Sestium scitum est uiuere. quod nisi esset patefactum
paulo citius, quam uellem: non illi quidem morte mer-
cenarij sui transferre potuissent inuidiam in quos puta-
bant: sed acerbissimu sceleris infamiam grato quodam
scelere minuisse. Ac si tunc P. Sextius Iud. in templo
castoris animam, quam uix retinuit: edidisset: non dubi-
to, quin, si modo esset in Rep. Senatus: si maiestas populi
romani reu: xisset: aliquando statua huic ob Remp. inter-
fecto in foro statueretur. Nec uero illorum quisquam,
quos a' maioribus nostris morte obita positos in illo lo-
co, atq; in rostris collocatos uidetis: esset P. Sestio aut acer-
bitate mortis, aut in rempublicam animo præponendus:
qui cum causam ciuis calamitosi, causam amici, causam

PRO P.

bene de Rep. meriti, causam senatoris, causam Italiae,
causam Reip. suscepisset: cumq; auspicijs religioniq; pa-
rens obnuntiaret, quod senserat: luce palam a nefarijs
pestibus in deorum, hominumq; conspectu esset occisus,
sanctissimo in templo, sanctissima in causa, sanctissimo
in magistratu. Eius igitur uitam quis nam spoliandam
ornamentis esse dicat? cuius mortem ornandam monu-
mento sempiterno putaretis? homines inquit emisti: coe-
gisti: parasti. quid uti faceret? senatum obsideret? cuius
indemnatos expelleret? bona diriperet? aedes incende-
ret? tecta disturbaret? templa deorum immortalium
inflammaret? tribunos plebis ferro e rostris expelle-
ret? prouincias quas uellet, quibus uellet, uenderet? re-
ges appellaret rerum capitalium condemnatos? princi-
pem ciuitatis ferro obsessum teneret? haec ut efficere
posset: quae fieri, nisi armis oppressa Rep. nullo modo po-
terant: ita credo manum sibi P. Sestius et copias
comparauit. At cum forum corporibus ciuium romano-
rum esset constratum caede nocturna: non modo nulla
noua quaestio: sed etiam uetera iudicia sublata: Tribu-
num plebis plus uiginti uulneribus acceptis iacentem,
moribundumq; uidistis: alterius Tribuni plebis, diuini
hominis, dicam enim quod sentio: et quod mecum sen-
tiunt omnes: diuina, insigni quadam, inaudita, noua
magnitudine animi, grauitate, fide praediti, domus est
oppugnata ferro, facibus, exercitu Clodiano. et tu hoc
loco laudas Milonem: et iure laudas? quem enim un-
quam uirum tam immortalis uirtute praeditum uidi-
mus? qui nullo praemio proposito, praeter hoc, quod iam
contritum, et contemptum putatur: iudicium bonorum:
omnia pericula, summos labores, grauissimas conten-

diones, inimitiasq; suscepit: qui mihi unus ex omnibus
 auihus uidetur re docuisse, non uerbis: quid oporteat a
 præstantissimis uiris in repub. fieri: et quid necesse esset.
 oportere hominum audacium, euerforum reipublicæ
 sceleribus, legibus & iudicijs resistere. si leges non uale-
 rent: iudicia non essent: si Resp. ui consensuq; audacium
 armis oppressa teneretur: præsidio & copijs defendi ui-
 tam & libertatem necesse esse. hoc sentire, prudentiæ est:
 facere, fortitudinis: sentire uero, & facere, perfectæ ci-
 uilitateq; uirtutis. Adijt ad Remp. tribunus plebis Mi-
 lo: de cuius laude plura dixi: non quo aut ipse hæc
 dicta, quàm existimari, malit: aut ego hunc laudis fru-
 ctum præsentī libenter impertiam: præsertim cum uer-
 bis consequi non possim: sed quod existimo si Milonis
 causam auctoris uoce collaudatā probaro: uos in hoc
 crimine parem Sestij causam existimatueros. Quomo-
 do in hoc genere præsidij comparati auctas Sestium?
 cum idem laudes Milonem? an qui sua tecta defendit:
 qui ab aris, foris, ferrum flammamq; depellit: qui sibi
 licere uult tuto esse in foro, in templo, in curia: qui uitæ
 præsidium comparat: qui uulneribus, quæ cernit quoti-
 die toto corpore: monetur, ut aliquo præsidio caput, &
 ceruices, & iugulum ac latera tutetur: hunc de ui acu-
 sandum putas? quis enim uestrum Iud. ignorat: ita na-
 turam rerū tulisse: ut quodam tempore homines, non-
 dum neque naturali, neque ciuili iure descripto, fusi
 per agros ac dispersi uagarentur: tantumq; haberent:
 quantum manu ac uiribus per cædem ac uulnera aut
 eripere aut retinere potuissent. qui igitur primi uirtute,
 & consilio præstanti extiterunt: ij perfectō genere hu-
 manæ docilitatis, atq; ingenij, dissipatos unum in locum

congregarunt: eosq; ex feritate illa ad iusticiam, atq;
mansuetudinem transtulerunt. tum res communem uti-
litatem continentes, quas publicas appellamus: tum
conuenticula hominum, quæ postea ciuitates nomina-
uerunt: tum domicilia conuincta, quas urbes dicimus: in-
uento & diuino & humano iure mœnibus se pserunt.
atq; inter hanc uitam perpolitam humanitate, & illam
immanem, nihil tam interest: quàm uis, & ius. horum
utro uti uolumus: altero est cœrendum. uim uolumus?
extingui ius necesse est: id est iudicia: quibus omne ius
continetur. iudicia displicent? aut nulla sunt? uis domi-
netur necesse est. hæc uident omnes. Milo & uidit: &
fecit. ut ius experiretur: uim depelleret: altero uti uolu-
it: ut uirtus audaciam uinceret: altero usus necessario est:
ne uirtus ab audacia uinceretur. Eademq; ratio fuit P.
Sestij, si minus in accusando (neq; enim per omnes fuit
idem necesse fieri) at certe in necessitate defensionis sa-
lutis suæ, præsidioq; contra uim, et manum comparato.
nam quid ageret uir ad dignitatem & gloriam natus?
agebat auctoritate: agebat consilio: agebat per sumnum
ordinem: agebat exemplo bonorum ac fortium ciuiũ:
quid republica, quid se dignum esset: quis esse ipse posset:
quid sperare, quid maioribus suis reddere deberet: di-
ligentissime cogitabat. O' dũ immortales, quem iam o-
stenditis exitum nobis? quam spem Reip. datis. quotus
quisq; inuenietur tanta uirtute uir? qui optimam quanq;
causam reip. amplectatur? qui bonis uiris deseruiat?
qui solidam laudem, ueramq; querat? neq; hic tamen
ulla unquam iniuria adducetur: ut eum tali uirtute, tan-
taq; firmitate animi se in Remp. fuisse pœniteat. sed qui
hæc uident, adolescentes, quonam suas mentes conferent?

ille qui monumenta publica, qui aedes sacras expugna-
uit: exadit: incendit: qui stipatus semper sicarijs, septus
armatis, munitus iudicijs fuit: quorum hodie copia re-
dundans uolitat aedibus: accusat eum: qui aliqua parte
furorem exultantem repressit. hic qui est se tutatus: sic
ut in priuata re deos penates suos, in Rep. iura Tribu-
natus auspiciq; defenderet: accusare eum moderate, a
quo ipse nefarie accusatur: per senatus auctoritatem nō
est situs. Nimirum hoc illud est: quod de me potissimum
tu in accusatione quaesisti: quae esset nostra natio optima-
tium. sic enim dixisti. Rem quaeritis praecelaram iuuen-
tuti ad discendum: nec mihi difficilem ad perdocendum.
de qua pauca Iud. dicam: & ut arbitror, nec ab utili-
tate eorum, qui audient: nec ab officio nostro, nec ab ip-
sa causa P. Sestij abhorrebit oratio mea. Duo gene-
ra semper in hac ciuitate fuerunt eorum qui uersari
in Rep. atque in ea se excellentius gerere studuerunt.
quibus ex generibus alteri se populares, alteri optima-
tes & haberi, & esse uoluerunt. qui ea, quae faciebant:
quaeq; dicebant: multitudini iucunda esse uolebant: po-
pulares, qui autem ita se gerebant: ut sua consilia optimo-
cuiq; probarentur: optimates habebantur. quis ergo opti-
mus iste? quis? de numero si quaeris: innumerabiles: neq;
enim aliter stare possemus. Sunt principes consilij publi-
ci, sunt qui eorum sectam sequuntur, sunt maximorum
ordinum homines, quibus patet Curia: sunt municipa-
les rusticiq; romani, sunt negocia gerentes, sunt etiam li-
bertini optimates. numerus huius generis late, & uarie
diffusus est. sed genus uniuersum (ut tollatur error) bre-
ui circumscribi & definiri potest. omnes optimates sunt:
qui neq; nocentes sunt: nec natura improbi: nec furiosi:

PRO P.

nec malis domesticis impediti. Esto igitur ut hi sint: quam tu nationem appellasti: & qui integri sunt, & sani, & bene de rebus domesticis constituti. horum qui uoluntati, commodis, opinioni in gubernanda Rep. seruiunt: defensores optimatum, ipsiq; optimates grauissimi & clarissimi ciues nominantur, & principes ciuitatis. quid est igitur propositum his Reip. gubernatoribus: quod intueri: & quo cursum suum dirigere debeant? id quod est praestantissimum: maximeq; optabile sanis, & bonis, & beatis: cum dignitate otium. hoc qui uolunt, omnes optimates, qui efficiunt, summi uiri & conseruatores ciuitatis putantur. neq; enim rerum gerendarum dignitate homines offerri ita conuenit: ut otio non prospiciant: neq; ullum amplexari otium: quod abhorreat a dignitate. huius autem otiosae dignitatis haec fundamenta sunt: haec membra: quae tuenda principibus, & uel capitis periculo defendenda sunt: religiones, auspicia, potestates magistratuum, Senatus auctoritas, leges, mos maiorum, iudicia, iurisdictio, fides, prouinciae, socij, imperij laus, res militaris, aerarium. harum rerum tot atq; tantarum esse defensorem & patronum magni animi est: magni ingenij: magnaeq; constantiae. Hanc ego uiam Iudices, si aut asperam, atque arduam, aut plenam esse periculorum aut insidiarum negem: mentiar: praesertim, cum id non modo intellexerim semper: sed etiam praeter ceteros senserim. maioribus praesidijs et copijs oppugnatur Respublica: quam defenditur: propterea quod audaces homines, et perditj, nutu impelluntur: & ipsi etiam sua sponte contra Rem publicam incitantur. boni nescio quo modo tardiores sunt: & principis rerum neglectis, ad extremum ipsa

deniq; necessitate excitantur: ita ut nonnunquam cunctatione ac tarditate, dum otium uolunt etiam sine dignitate retinere: ipsi utrunq; amittant. Propugnatores autem Reipublicæ qui esse uoluerunt: omnia Reip. causa perferunt. qui sunt tales, qualis pater tuus M. Scæure fuit: qui seditiosis omnibus resistit: quem nulla unquam uis, nullæ minæ, nulla inuidia labefecit. aut qualis Q. Metellus patruus matris tuæ: qui de ciuitate maluit, quam de sententia dimoueri. aut, ut uetera exempla, quorum est copia digna huius imperij gloria: relinquam: ne uel eorum aliquem qui uiuunt, nomen: qualis nuper Q. Catulus fuit: quem neq; periculi tempestas, neq; honoris aura potuit unquam de suo cursu uitæ, aut spe, aut metu dimouere. Hæc imitamini per deos immortales, qui dignitatem, qui laudem, qui gloriam queritis. hæc ampla sunt: hæc immortalia: hæc diuina: hæc fama celebrantur: monumentis annalium mandantur: posteritati propagantur. Nunc, nisi me fallit, in eo statu ciuitas est: ut si operas conductorum remoueris: omnes idem de reipublica sensuri esse uideantur. etenim tribus locis significari maxime populi romani iudicium, ac uoluntas potest. concione, comitijs, ludorum gladiatorumq; confessu. quæ concio fuit per hos annos? quæ quidem esset non conductæ, sed ueræ: in qua populi romani consensus perspicui posset? habitæ sunt multæ de me a gladiatore sceleratissimo conciones: ad quas nemo adibat incorruptus: nemo integer: erant enim illæ conciones perditorum hominum necessario turbulentiæ. habuit de eodem me P. Lentulus Consul concionem: concursus est populi ro. factus: egit causam summa cum grauitate copiaq; dicendi, tanto silentio, tanta appro-

PRO P.

batione omnium: nihil ut unquam uideretur tam popolare ad populi ro. aures accidisse. productus est ab eo Cn. Pompeius: qui se non solum auctorem meae salutis, sed etiam supplicem populo ro. exhibuit. huius oratio & pergrauis et grata in concione fuit. quo silentio sunt auditi de me ceteri principes ciuitatis? quos igitur non appello hoc loco: ne mea oratio, si minus de aliquo dixero: ingrata sit: si satis de omnibus: infinita esse uideatur. cædo nunc eiusdem illius inimici mei de me eodē ad uerum populum in campo Martio concionem. quis non modo approbauit? sed non indignissimum facinus putauit? illum non dicam loqui: sed uiuere, ac spirare? quis fuit? qui non eius uoce maculari rem publicam? seque, si tum audiret, scelere astringi arbitraretur? Vemo ad comitia siue magistratum siue legum placet. de me, quē Tyrannum atque ereptorē libertatis esse dicebat: in illa ruina Reip. dicit se legem tulisse. quis est? qui, cum contra me ferebatur: inisse se suffragium confiteatur? cum autem de me eodem ex senatus consulto comitijs Centuriatis ferebatur: quis est? qui non profiteatur se affuisse: et suffragiū de salute mea tulisse? utra igitur causa popularis debet uideri? in qua omnes honestates ciuitatis, omnes ætates, omnes ordines una consentiunt? an in qua furia concitata tanquā ad funus Reip. consolant? An sicubi aderit Cælius, homo & fratre indignus uiro clarissimo, & ordine Equestri, cuius ille ordinis nomen retinet: ornamenta confecit: d erit popularis? usque eo non fuit popularis: ut bona solus comesset. libelli etiam pro uino sæpe oppignerabantur. manebat insaturabile abdomen: copiae deficiebant. qui quasi mea culpa bona perdiderit: ita ob eam ipsam causam est mihi inimicus: quia

tus: quia nihil habet. utrum ego tibi patrimonium eripui Gelli? an tu comedisti? quid tu meo periculo gurges ac vorago patrimonij helluabare? ut si ego consul rem pub. contra te, & gregales tuos defendissem: in ciuitate esse me nolles? te nemo tuorum uidere uult: omnes adiuturum, sermonem, congressum tuum fugiunt. Plura dixi, quā dicendum fuit, in furiosissimum atq; egentissimū ganeonem. ueniamus ad ludos. facit enim Iudices uester iste in me animorum, oculorumq; contuitus, ut mihi iam licere putem remissione uti genere dicendi. et quāso hoc loco Iudices nequa me leuitate ductum ad insolitum genus dicendi labi putetis: si de poetis, de histrionibus, de ludis in iudicio loquar. non sum tam ignarus Iud. causarum: non tam insolens in dicendo: ut omni ex genere orationem auciper: & omnes undiq; flosculos carpiam, atq; delibē. scio quid grauitas uestra, quid hæc aduocatio, quid ille conuentus, quid dignitas populi romani, et quid periculi magnitudo, quid ætas, quid honos meus postulet. sed mihi sumpsi hoc loco doctrinam quandam inuēturi: qui essent optimates. in ea explicanda demonstrandum fuit, non esse popularis omnis eos: qui putentur. Ex te igitur Scæure potissimum quæro, qui ludos apparatusissimos magnificentissimosq; fecisti: cur ille ipse maxime ludius non solum spectator, sed actor, & achroma, qui omnia sororis embolia nouit: qui in coetu mulierum pro psaltria adducitur: nec tuos ludos aspexit, in illo ardenti Tribunatu suo? nec ullos alios, nisi eos, a quibus uix uiuus effugit? uix se populus romanus tenuit: uix homines odium suum a corpore eius impuro atq; nefando represserunt: ne histriones quidem coram sedenti pepercerunt. quid fuit illud? quod summus arti-

d d d

PRO P.

fex flens, & recentilæticia, & mæsto dolore, ac desiderio mei egit aperte multo grauioribus uerbis meam causam, quam ego met de me agere potuissem? summum enī poetæ ingenium non solum arte sua, sed etiam dolore exprimebat. Tum illa quanto cum gemitu acta sunt?
 O pater. me me ille absentem ut patrem deplorandum putarat, quem Q. Catulus, quem multi alij sæpe in senatu patrem patriæ nominarant. quanto cum fletu? cū patrem pulsum, patriam afflictam deploraret, domum incensam, euerfamq; sic egit: ut demonstrata pristina fortuna fletum etiam inimicis, atq; inuidis excitaret. nominatum sum appellatus in Bruto Tullius, qui libertatem ciuibus stabiliuerat. millies reuocatus est. In hunc consensum P. Sestius tribunus pl. cum agerer: nihil aliud in eo magistratu nisi meā causam egit. is se populo dedit, non plausus cupiditate: sed ut ipsi inimici nostri uoluntatem uniuersi populi uiderent. uenit ut scitis ad columnam Meniā: tantus est ex omnibus spectaculis usq; à capitolio, tantus ex fori cancellis plausus excitatus: ut nunquam maior consensio, aut apertior populi romani uniuersi fuisse ulla in causa diceretur. Tu etiam mihi M. Atilium Regulum commemoras: qui redire ipse Carthaginem sua uoluntate ad supplicium, quā sine his captiuis, pro quibus ad senatum missus erat: Romæ manere maluerit? & mihi negas optandum reditum fuisse? hunc ego reditum repudiarem? qui ita florens fuit: ut uerear, ne quis me studio gloriæ putet icarco exisse: ut ita redirem. quem enim unquam senatus ciuē, nisi me, nationibus exteris commendauit? quem curia magis requisiiuit? quem forum luxit? quem æque ipsa tribunalia desiderauerunt? omnia discessu meo deserta, horri-

da, muta, plena luctus, et mœroris fuerūt. quis est Italiae locus? in quo non fixum sit in publicis monumentis studium salutis meae? testimonium dignitatis? Reditus uero meus qui fuerit, quis ignorat? cum ipsis nonis sextilibus idem dies reditus mei fuisset: qui et natalis meus: idem et filiae meae carissimae: cumq; itinere toto urbes Italiae festos dies agerent aduentus mei: uiae multitudine legatorum undiq; nussorum celebrabatur: ad urbem accessus incredibili hominum gratulatione florebat: reditus erat eiusmodi: ut summa in leticia illud dolerem: ciuitatem tam gratam, tam miseram atq; oppressam fuisse. Habes igitur quod ex me quaesisti: qui essent optimates. non est natio, ut dixisti. Et cohortari ausus est accusator in hac causa uos Iudices: ut aliquando essetis seueri: aliquando medicinam adhiberets reipublicae. non ea est medicina: cum sanæ parti corporis scalpellum adhibetur, atq; integræ. carnificina est ista, et crudelitas. hi medentur reipublicae: qui exsecant pestem aliquam, tanquam strumam ciuitatis. Sed ut extremum habeat aliquid oratio mea: et ut ego ante dicendi finem faciam: quam uos me attente audiendi: concludā illud de optimatibus, eorumq; principibus, ac reipublicae defensoribus: uosq; adolescentes, et qui nobiles estis ad maiorum uestrorum imitationem excitabo: et qui ingenio, et uirtute nobilitatem potestis consequi: ad eam rationem, in qua multi homines noui et honore et gloria floruerunt: cohortabor. hæc est una uia, mihi credite, et laudis, et honoris, et dignitatis: à bonis uiris, et sapientibus, bene à natura constitutis, laudari, et diligere: nosse descriptionem ciuitatis à maioribus nostris sapientissime constitutam: qui cum regiam potesta-

ddd ij

PRO P.

tem non tulissent: ita magistratus annuos creauerunt: ut consilium senatus Reip. præponerent sempiternum: deligerentur autem in id consilium ab uniuerso populo: aditusq; in illum summum ordinem omnium ciuium industria ac uirtute pateret. Senatum reipublicæ custodem, præsidem, propugnatorem collocauerunt. huius ordinis uti autoritate magistratus, et quasi ministros grauiissimi consilij esse uoluerunt: senatum autē ipsum proximorum ordinum splendore confirmari: plebis libertatem et commoda tueri atq; augere uoluerunt. hæc qui pro uirili parte defendunt: optimates sunt, cuiusq; sint ordinis. qui autem præcipue suis ceruicibus tāta munia, atq; Remp. sustinent: ij semper habiti sunt optimatum principes, authores, & conseruatores ciuitatis. Huic hominum generi fateor multos aduersarios, inimicos, inuidos esse: multa proponi pericula: multas inferri iniurias: magnos esse experiundos, & subeundos labores. sed mihi omnis oratio est cum uirtute, nō cum desidia: cum dignitate, non cum uoluptate: cum ijs, qui se patriæ, qui suis ciuibus, q̄ laudi, qui gloriæ, non qui somno, & conuiuijs, & delectationi natos arbitrantur. Nam si qui uoluptatibus ducantur: & se uiciorum illecebris, & cupiditatum lenocinijs dederunt: missos faciant honores: nec attingant rempublicam: patiātur uiros laborum patientes frui. qui autem bonam famam bonorum, quæ uere sola gloria nominari potest: expetunt: alijs ocium quærere debent, et uoluptates: non sibi. sudandum est his, pro communibus commodis: adeunda inimicitia: subeunda sæpe pro Rep. tempestates: cum multis audacibus, improbis, nonnunquam etiam potentibus, dimicandum. Hæc audiuimus de clarissimorum

uirorum consilijs, et factis: hæc accepimus: hæc legimus. neq; eos in laude positos uidemus: q̄ inatârunt aliquâdo populi animos ad seditionem: aut qui largitione cæcârunt mentes imperitorum: aut qui fortis, et claros uiros, & bene de Rep. meritos in inuidiam aliquam uocauerunt. leuis hos semper, & audaces, & malos, & perniciosos ciues putauerunt. at uero qui horum impetus represserunt, & conatus: qui auctoritate, qui fide, qui constantia, qui magnitudine animi consilijs audacium resisterunt: ij graues, ij principes, ij duces, ij auctores huius ordinis, & dignitatis, atque imperij semper habiti sunt: & si quos eorum aut iniqui iudicij quædâ procella peruertit: aut aliqua repentina uis ac tempestas percussit popularis: per populû tamen ipsum recreati sunt: atq; reuocati: aut omnino inuulnerati inuolatiq; uixerunt. At uero ij, qui senatus consilium, qui auctoritatem bonorum, qui instituta maiorum ne gllexerunt: et imperitæ aut conatatae multitudini iucundi esse uoluerunt: omnes fere Reip. poenas aut præsentis morte, aut turpi exilio dependerunt. Quod si apud Athenienses homines Græcos longe à nostrorum hominum grauitate disiunctos non deerant, qui Remp. contra populi temeritatem defenderent: cum omnes qui ita fecerunt, è ciuitate eijcerentur: si Themistoclem illum conseruato rem patriæ non deterruit à Rep. defendenda, nec Milciadis calamitas: qui illam ciuitatem pauloante seruauit: nec Aristidis fuga: qui unus omnium iustissimus fuisse traditur: quid nos tandem facere debemus? primum in ea ciuitate nati: unde orta mihi grauitas & magnitudo animi uidetur: tum in tanta gloria insistentes: ut omnia humana leuiora uideri debeant: deinde ad eam

ddd ij

PRO P.

rempub. tuendam aggressi: quæ tanta dignitate est: ut eam defendentem occidere nō aliud sit: quàm oppugnantem rerum potiri. Homines Græci, quos antea nominaui: inique à suis ciuibus damnati, atq; expulsi, tamē quia sunt de suis ciuitatibus bene meriti: tanta hodie gloria sunt, non in Græcia solum, sed etiā apud nos, atq; in cæteris terris: ut eos, à quibus illi oppressi sunt, nemo nominet: horum calamitatem dominationi illorum omnes anteponant. quis Carthaginensium pluri fuit Annibale consilio, uirtute, rebus gestis? qui unus nobiscum tot annos de imperio, de gloria decertauit. hunc sui ciues è ciuitate eiecerunt. nos etiam hostem literis nostris & memoria uidemus esse celebratum. Quare imitemur nostros Brutos, Canullos, Halas, Decios, Curius, Fabricios, Maximos, Scipiones, Lentulos, Emulios, innumerabiles alios: qui hanc Rempublicam stabilierunt: quos equidem in deorum immortalium cetu ac numero repono. amemus patriam: pareamus senatui: consulamus bonis: præsentis fructus negligamus: posteritati & gloriæ seruiamus: id esse optimum putemus: quod erit rectissimum: speremus, quod uolumus: sed quod acciderit, feramus: cogitemus deniq; corpus uirorum fortium, magnorumq; hominum esse mortale: animi uero motus & uirtutis gloriam sempiternam: neq; hanc opinionem si in illo sanctissimo Hercule consecratam uidemus: cuius corpore ambusto uitam eius, & uirtutem immortalitas excepisse dicitur: minus existimemus eos: qui hanc tantam Remp. suis consilijs aut laboribus aut auxerint: aut defenderint: aut seruarint, esse immortalem gloriam consecutos. Sed me repente iudices, de fortissimorum, & clarissimorum ciuium dignitate, et glo

via dicentem, & plura etiam dicere parantem, horum
 aspectus in ipso cursu orationis repressu. uideo P. Sestium
 meae salutis, uestrae auctoritatis, publicae causae defensor
 rem, propugnatores, authorem, reum: uideo hunc praetextatum
 eius filium oculis lachrymantibus me intuentem: uideo Milonem uindictam libertatis uestrae, custodem
 salutis meae, subsidium afflictae Reipublicae, extirpatores
 domesticae latrocinij, repressorem caedis quotidianae, defensorem
 templorum atque tectorum, praesidium Curiae, sordidatum, & reum: uideo P. Lentulum, cuius
 ego patrem deum ac parentem statuo fortunae, ac nominis mei, & fratris, rerumque nostrarum, in hoc misero
 squallore & sordibus: cui superior annus idem est uirilem
 patris, & praetextam populi iudicio togam dederit: hunc hoc anno
 in hac toga, rogationis iniustissimae subitam acerbitatem
 pro patre fortissimo, & clarissimo ciue deprecantem. atque
 hic tot & talium ciuium squallor, hic luctus, haec sordes
 susceptae sunt propter unum me: quia me defenderunt: quia
 meum casum, luctumque doluerunt: quia me lugenti patriae,
 flagitanti senatui, poscenti Italiae, uobis omnibus orantibus reddiderunt.
 quod tantum est in me scelus? quid tantopere deliqui illo,
 illo die? cum ad uos indicia, literas, confessiones communis exitij
 detuli? cum parui uobis? Ac si scelestum est amare patriam:
 pertuli poenarum satis. euerfa domus est: fortunae uexatae:
 dissipati liberi: rapti coniunx: frater optimus, incredibili pietate,
 amore inaudito, maximo in squallore, uolutatus est ad pedes ini-
 micissimorum. ego pulsus aris, focis, deis penatibus, distractus
 a meis, carui patriae: quam (uti leuissime dicam) certe texeram:
 pertuli crudelitatem inimicorum, scelus

ddd iij

PRO P. SESTIO.

infidelium, fraudem inuidorum. Si hoc non est satis: quod hæc omnia deleta uidentur reditu meo, multo magis, multo inquam Iudices præstat, in eandem illam recidere fortunā: quā tantam importare meis defensoribus, & conseruatoribus calamitatem. an ego in hac urbe esse possum, his pulsus, qui me huius urbis compotem fecerunt? non ero: nō potero esse Iudices: neq; hic unquā puer, qui his lachrymis qua sit pietate declarat: amisso patre suo propter me, me ipsum incolumen uidebit: & quotienscunq; me uiderit: ingemiscet: ac pestem suam & patris sui sese dicet uidere. ego uero uos in omni fortuna, quæcunq; erit oblata: complectar: nec me ab ijs, quos meo nomine sordidatos uidetis: unquam ulla fortuna diuellet: neq; hæ nationes, quibus me senatus commendauit: quibus de me gratias egit: hunc exulem propter me sine me uidebunt. Sed hæc dii immortales, qui me suis templis aduenientem receperunt, stipatum ab his uiris: & P. Lentulus Consul, atq; ipsa Resp. qua nihil est sanctius: uestre potestati commiserunt. uos hoc iudicio omnium bonorum mentes confirmare, improborū reprimere potestis: uos his ciuibus uti optimis, uos me reficere, et renouare Rempublicam potestis. Quare uos obtestor, atq; obsecro: ut sicut me saluum esse uoluistis: eos conseruetis: per quos me recuperauistis.

IN VATINIVM ORATIO.

XXXIIII.

I tua tantummodo V atini qd indigni-
 tas postularer: spectare uoluisssem: fecis-
 sem id, quod his uehementer placebat:
 ut te, cuius testimonium, propter turpi-
 tudinem uitæ, sordesq; domesticas, nul-
 lius momenti putaretur: tacitus dimitterem. nemo enim
 horum ita te refutandum, ut grauē aduersarium, aut
 ita rogandum, ut religiosum testem arbitrabatur. sed sui
 paulo in te intemperantior fortasse quàm debui: odio
 enim tui, in quo & si omnes, propter tuum in me scelus,
 superare debeo: tamen ab omnibus penè uincor: sic sum
 incitatus: ut cum te non minus contemnerem: quàm odis-
 sem: tamen uexatum potius, quàm despectum uellem
 dimittere. quare ne tibi hunc honorē a me haberi for-
 te mirere: quod interrogem, quem nemo congressu, nemo
 aditu, nemo suffragio, nemo ciuitate, nemo luce dignum
 putet: nulla me ad id causa impulisset: nisi ut ferocitatem
 istam tuam comprimerem: & audaciam frangerem: &
 loquacitatē paucissimis interrogationibus irretitam re-
 tardarem. etenim debuisti V atini, etiam si falso uenisses
 in suspicionem P. Sestio: tamen mihi ignoscere: si in tanto
 hominis de me optime meriti periculo, & tempore eius,
 & uoluntati parere uoluisssem. sed hesterno pro testi-
 monio esse mentitum, cum affirmares nullū tibi omni-
 no cum Albinouano sermonem nonmodo de Sestio ac-
 cusando, sed ulla unquam de re fuisse, paulo ante im-
 prudens indicasti: qui & T. Claudium tecum comuni-
 casse: ei a te consilium P. Sestij accusandi petisse: & Al-

IN VATINIVM

binouanum, quem antea uix tibi notum esse dixisses: domum tuam uenisse: multa tecum locutum, dixeris: deniq; conciones P. Sestij scriptas, quas neq; nosset: neq; reperire posset: te Albinouano dedisse: easq; in hoc iudicio recitatas. In quorum altero es confessus, a te accusatores esse instructos, ei subornatos. in altero inconstantiam tuam cum leuitate, tum etiam periurio implicatam, refellisti: cum quem alienissimum a te esse dixisses: eum domui tue fuisse: quem prauaricatore ab initio iudicasses: ei te, quos rogasset, ad accusandum libros dixeris dedisse. Nimum es uehemens feroxq; natura. non putas fas esse uerbum ex ore exire cuiusquam: quod non iucundum, et honorificum ad aures tuas accedat. uenisti iratus omnibus. quod ego, simulac te aspexi: priusquam loqui coepisti: cum ante Cellius, nutricula seditionis omnium, testimonium diceret: sensi: atq; prouidi. repente enim te, tanquam serpens e latibulis, oculis ennuntibus, inflato collo, tumidis ceruicibus intulisti. ut mihi re-
 * nouatus ille tuus in te ueterem eum amicum: sed tamen tuum familiarem defenderim. cum in hac ciuitate oppugnatio soleat, qua tu nunc uteris: nonnunquam defendi: nonnunquam uituperari. Sed quaero a te, cur C. Cornelium non defenderem? num legem aliquam Cornelius contra auspicia tulerit? num heliam? num Fusi-
 am legem ille seruit? num Consuli uim attulerit? num armatis hominibus templum tenuerit? num intercessorem ui deicerit? num religiones polluerit? aerarium exhausserit? remp. compilari? tua sunt, tua sunt haec omnia. Cornelio eiusmodi nihil obiectum est. codicem legisse dicebatur: defendebatur testibus Collegis suis, non recitandi causa legisse, sed recognoscendi. constabat ta-

men Cornelium consilium illo die dimisisse: intercessionem
paruisse. tu uero, cui Cornelij defensio displicet: quam
causam ad patronos tuos, aut quod os afferes? quibus
iam praescribis, quanto illis probro futurum sit: si te de-
fenderint: cum tu mihi Cornelij defensionem in maledi-
ctis obiciendam putaris. attamen hoc Vatini memento:
paulo post istam defensionem meam, quam tu bonis uiris
displicuisse dicis: me cum uniuersi Populi Ro. summa uo-
luntate, tum optimi cuiusq; singulari studio magnifi-
centissime post hominum memoriam Consulem factum:
omniaq; ea me pudenter uiuendo consecutum fuisse: quae
tu impudenter uaticinando sperare te saepe dixisti. Nam
quod mihi discessum obiecasti meum: & quod horum,
quibus ille dies acerbissimus fuit, qui idem tibi laetissi-
mus: luctum & gemitum renouare uoluisti: tantum tibi
respondebo: me cum tu, caeteraq; Reip. pestes armorum
causam quaereretis: & cum per meum nomen fortunas
locupletam diripere, sanguinem principum ciuitatis
exorbere, crudelitatem uestram, odiumq; diuturnum,
quod in bonos iam inueteratum habebatis: saturare ca-
peretis: scelus & furorem uestrum cadendo maluisse
frangere: quam resistendo. Quare peto a te: ut mihi
ignoscas Vatini: cum patriae pepercerim, quam serua-
ram: & si ego te perditorem, & uexatorem Reipubli-
cae fero: tu me conseruatorem & custodem feras. deinde
eius uiri discessum increpas: quem uides omnium ciuium
desiderio, ipsius deniq; Reip. luctu, esse reuocatum. At
enim dixisti non mea, sed Reip. causa homines de meo
reditu laborasse. quasi uero quisquam uir excellēti ani-
mo in Remp. ingressus, optabilius quicquam arbitra-
retur: quam se a suis ciuibus Reip. causa diligi. scilicet

IN VATINIVM

aspera mea natura: difficilis aditus: grauis uultus: superba responsa: insolens uita: nemo humanitatem meam, nemo consuetudinem, nemo consilium, nemo auxilium requirebat: cuius desiderio (ut hæc minima dicam) forum moestum, muta Curia, omnia deniq; bonarum artium studia siluerunt. Sed nihil sit factum mea causa: omnia illa Senatus consulta, populi iussa, Italiae totius, cunctarum societatum, collegiorum omnium decreta de me, Reip. causa esse facta fateamur. qd ergo homo imperitissime solidæ laudis ac ueræ dignitatis, præstantius mihi potuit accidere? quid optabilius ad immortalitatem gloriæ, atq; ad memoriam mei nominis sempiternam? q̃ omnis hoc aues meos iudicare: ciuitatis salutem ciuius mei salute esse coniunctam? quod quidem ego tibi reddo tuum. nam ut tu me carum esse dixisti senatui populoq; romano, non tam mea causa, quàm Reip. nomine: sic ego te, quanquam sis omni duritate atq; immanitate teterrimus: tamen dico esse odio ciuitati, non tam tuo, quàm Reip. nomine. atq; ut aliquando ad te ueniam: de me hoc sit extremum. quid quisq; nostrum de seipso loquatur: non est sanè, non est requirendum: boni uiri iudicent: id est maximi momenti & ponderis. duo sunt tempora: quibus nostrorum ciuium spectentur iudicia de nobis: unum honoris: alterum salutis. honos talis Populi Ro. uoluntate paucis est delatus, ac mihi. salus tanto studio ciuitatis, quanto nemini, redditæ. de te autem homines quid sentiant: in honore experti sumus. in salute expectamus. Et ut me cum homine uno non solum impudentissimo atq; infimo conferam: de te ipso homine et arrogantissimo & mihi inimicissimo, quero Vatini: utrum tandem putes, huic ciuitati, huic Reip. huic urbi,

his templis, ærario, curiæ, uiris his quos uides, horum
bonis, fortunis, liberis, ciuibus, cæteris deniq; decorum
immortalium delubris, auspicijs, religionibus, melius
fuisse, & præstabilius: me ciuem in hac ciuitate nasci?
an te? cum mihi hæc responderis, aut ita impudenter:
ut manus a te homines uix abstinere possint: aut ita do-
lenter: ut aliquando ista, quæ sunt inflata, rumpantur:
tum memoriter respondeo ad ea, quæ de te ipso rogato.
atq; illud tenebrosissimum tempus ineuntis ætatis tuæ
pariar latere. licet impune per me parietes in adole-
scentia perfoderis: uicinos compilaris: matrem uerbera-
ris: habeat hoc præmium tua indignitas: ut adolescen-
tiæ turpitudine obscuritate, & sordibus tuis obtegatur.
quæsturam petisti cum P. Sestio: cum hic nihil loquere-
tur, nisi quod agebat: tu de altero Consulatu gerendo
te diceres cogitare. quæro abs te teneas ne memoria: cum
P. Sestius Quæstor sit cunctis suffragijs factus: tunc te
uix inuitis omnibus non populi beneficio, sed Consu-
lis, extremum adhesisse? in eo magistratu, cum tibi ma-
gno clamore aquaria prouincia sorte obtigisset: missus
ne sis a me consule puteolos: ut inde aurum exportari,
argentumq; prohiberes? in eo negotio, cum te non cu-
stodem ad continendas, sed portitorem ad partiendas
merces missum putares: cumq; omnium domos, apothe-
cas, nauis, furacissime scrutarere: hominesq; negocia ge-
rentes iudicijs iniquissimis irretires: mercatores è nauibus
egredientes terreres: consedentes morarere: teneas ne
memoria, tibi inconuenientu Puteolis manus esse allatas?
ad me consulem Puteolanorum querelas esse delatas?
post quæsturam, exieris ne legatus in ulteriorem Hi-
spaniam C. Cosconio Proconsule? cum illud iter Hispaniam

IN VATINIVM

nienſe pedibus ſere conſcia ſolcat: aut ſi quis nauigare
uelit: certa ſit ratio nauigandi: ueneris'ne in Sardinia?
atq; inde in Africam? fueris'ne, quod ſine Senatus C.
tibi facere non licuit: in regno Hiempſalis? fueris ne in
regno Maſtane ſoſi? ueneris'ne ad fretum per Maurita-
niam? quem ſcis unquam Legatum Hiſpanienſem in
illam prouinciam iſtis itineribus perueniſſe? factus es
Tribunus plebis. quid enim te de Hiſpanienſibus ſlagni-
tibus tuis, ſordidiſſimusq; furtis interrogem? quæro pri-
mū quod genus improbitatis, & ſcleris in eo magiſtra-
tu prætermiſeris? Ac tibi iam inde præſcribo: ne tuas
ſordes cum clariffimorum uirorum ſplendore permi-
ſceas. ego te, quæcunq; rogabo: de te ipſo rogabo: neq; te
ex ampliſſimi uiri dignitate, ſed ex tuis tenebris ex-
traham: omniaq; mea tela ſic in te conijciuntur: ut nemo
per tuum latus (quod ſoles dicere) ſaucietur. in tuis pul-
monibus, & uiſceribus adhærebunt. Et quoniam omni-
um rerum magnarum a' dijs immortalibus principia
ducuntur: uolo ut mihi reſpondeas tu, qui te Pythagori-
cum ſoles dicere: & hominis doctiſſimi nomen tuis im-
manibus, & barbaris moribus prætereſ: quæ tanta
prauitas te mentis tenuerit? qui tantus furor? ut, cum in-
audita ac nefaria ſacra ſuſceperis: cum inferorum ani-
mas elicere, cum puerorum extis deos manes mactare
ſoleas: auſpicia, quibus hæc urbs condita eſt: quibus o-
mnis Reſp. atq; imperium tenetur: contempſeris? initioq;
Tribunatus tui Senatui denunciariſ, tuis actionibus Au-
gurum reſponſa, atq; eius Collegij arrogantiam impe-
dimento non futuram? ſecundum ea quæro, ſeruariſ'ne
in eo fidem? num quando tibi moram attulerit: quom-
inus conſilium aduocares: legemq; ferres: quod eo die ſci-

res de caelo esse seruatum? Et quoniam hic locus unus
 est: quem tibi cum Caesare communem esse dicis: seiun-
 gam te ab illo, non solum Reip. causa: uerum etiam
 Caesaris: ne qua ex tua summa indignitate labes illius
 dignitati aspergi uideatur. Primum quaero num tu Se-
 natui causam tuam permittas: quod facit Caesar? deinde
 quae sit autoritas eius: qui se alterius facto non suo de-
 fendit? deinde (crumpet enim aliquando ex me uera
 uox: & dicam sine cunctatione quod sentio) si iam uio-
 lentior aliqua in re C. Caesar fuisset: si eum magnitu-
 do contentionis, studium gloriae, praestans animus, excel-
 lens nobilitas aliquo impulisset: quod in illo uiro &
 tum ferendum esset: & maximis rebus quas postea ges-
 sit: obliterandum: id tu tibi furcifer sumes? & Vatini la-
 tronis ac sacrilegi uox audietur, hoc postulantis, ut idē
 sibi concedatur, quod Caesari? sic enim ex te quaero: Tri-
 bunus plebis fuisti. seiunge te a Consule. collegis habui-
 sti uiros fortis nouem. ex his tres erant: quos tu quoti-
 die sciebas de caelo seruare: quos irridebas quos priua-
 tos esse dicebas. de quibus duos praetextatos sedentes ui-
 des, te edilitia praetexta in togam, quam frustra confe-
 ceras: uendidisse. tertium scis, ex illo obsessō, atq; afflicto
 Tribunatu, Consularem auctoritatem, hominem esse
 adolescentem consecutum. reliqui sex fuerunt: ex qui-
 bus partim planē tecum sentiebant: partim medium
 quēdam cursum tenebant. omnes habuerunt leges pro-
 mulgatas. in his multas meus necessarius, etiam de mea
 sententia, C. Cosconius iudex noster: quem, disrumpe-
 ris, cum edilitium uides. uolo uti mihi respondeas: num
 quis ex toto collegio legem sit ausus ferre, praeter unum
 te? quae tanta in te fuit audacia? quae tanta uis? ut cum

IN VATINIVM

tui nouem collegæ sibi timendum esse duxerint: id unus
 tu emersus è cæno, omnium facile omnibus infimus,
 contemnendum, despiciendum, irridendum putares? nū
 quem post urbem conditam scias Tribunum plebis egis
 se cum plebe: cum constaret seruatum esse de coelo: simul
 etiam illud uolo uti respondeas: cum te tribuno plebis
 esset etiam tum in Rep. lex Helia & Fusia: quæ leges
 sæpe numero tribunitios furores debilitarunt: & re-
 presserunt: quas contra præter te nemo unquam est fa-
 cere conatus: quæ quidem leges anno præsidentibus in
 * templo non duobus Consulibus, sed proditoribus huius
 ciuitatis, ac postibus, una cum auspicijs, cum intercessio-
 nibus, cum omni iure publico conflagrauerunt: ecquan-
 do dubitaris contra eas leges cum plebe agere? num quæ
 ex omnibus Tribunis Pl. quicumq; seditiosi fuerint: tam
 audacem audieris fuisse: ut unquam contra legem Hæ-
 liam aut Fusiæ concilium conuocaret? quæro etiam
 illud ex te: conatus ne sis, uolueris ne, deniq; cogitaris?
 est enim res eiusmodi: ut si tibi in mentem modo uenit:
 nemo sit: qui te ullo cruciatu esse indignum putet: cogi-
 taris ne, in illo tuo intolerabili non regno, nam cupis
 id audire: sed latrocinio, augurem fieri pro Q. Metello?
 cum ut quicumq; te aspexisset: duplicem dolorem gemi-
 tumq; susciperet: & ex desiderio clarissimi & fortissi-
 mi ciuis, & ex honore turpissimi atq; improbissimi.
 adeo ne non labefactatam Rempu. te tribuno, neq; con-
 quassatam ciuitatem, sed captam hanc urbem, atq; euer-
 sam putares? ut augurem Vatiniū ferre possemus? Hoc
 loco quæro, si id quod concupieras, Augur factus esses:
 in qua tua cogitatione nos, qui te oderamus, uix dolo-
 rem ferebamus: illi autem, quibus eras in delictis: uix
 risum tenebant.

risum tenebant. sed quæro, si ad cætera vulnera, quibus putasti Remp. deleri: hanc quoq; mortiferam plagam infixisses auguratus tui: utrum decreturus fueris id: quod Augures omnes usq; à Romulo decreuerunt: Ioue fulgente cum populo agi nefas esse? an quia tua semper sic egresses auspicia: fueris auguria dissoluturus? Ac ne diutius loquar de auguratu tuo: quod inuitus facio: ut recorder ruinas reipublicæ: neq; enim te unq; stante nõ modo maiestate horum, sed etiam urbe, augurem fore putasti: ueruntamen ut somnia tua relinquam: ad scelera ueniam: uolouti mihi respondeas: cum M. Bibulũ consulem non dicam bene de Rep. sentientem: ne tu mihi homo potens irascere: qui ab eo dissensisti: sed hominem certe nusquam progredientem, nihil Rcip. molientem, tantum animo ab actionibus tuis dissentientem, cum eum tu consulem in uincula duceres: & à tabula Valeria Collegæ tui mitti iuberent: feceris ne ante rostra pontem continuatis tribunalibus? per quem consul Populi Ro. moderatissimus, & constantissimus, sublato auxilio, exclusis amicis, ui perditorum hominum inatata, turpissimo miserrimoq; spectaculo non in carcerem, sed ad supplicium & ad necem duceretur? quæ ro nunquis ante te tam fuerit nefarius? qui id fecerit? ut sciamus utrum ueterum facinorum sis imitator: an inuentor nouorum? idemq; tu, cum his atq; huiusmodi consilijs ac facinoribus, nomine C. Cæsaris clementissimæ, atq; optimi uiri, scelere uero atq; audacia tua, M. Bibulum foro, curia, templis, locis omnibus expulisses: inclusum domi contineres: cumq; non maiestate imperij, non iure legum, sed ianuæ præsidio & parietum custodijs consulis uita tegeretur: miseris ne uiatorem? qui

e c e

IN VATINIVM

M. Bibulum domo ui extraheret. ut quod est in priua-
tis semper obseruatum: id te Tribuno plebis Consuli, do-
mus exilium esse non posset. simulq; mihi respondeto: tu
qui nos, qui de communi salute consentimus: Tyrannos
uocas: fueris ne non tribunus plebis, sed intolerandus
ex ceno nescioquo atq; ex tenebris Tyrannus. qui pri-
mum eam remp. quæ auspicijs inuentis constituta est: us-
dem auspicijs sublatis conarere peruertere. deinde san-
ctissimas leges, Hæliam & Fusiam dico, quæ in Grac-
chorum ferocitate, & in audacia Saturnini, & in col-
lusione Drusi, & in contentione Sulpicij, et in cruore
Cinnano, & inter Syllana arma uixerunt: solus con-
culcari: & pro nihilo putari. qui consulem morti adie-
ceris: inclusum obsederis: extrahere ex suis tectis cona-
tus sis. qui ex eo magistratu, non emergeris ex mendici-
tate: sed etiam ex diuitijs nos iam tuis terreas. fueris ne
tanta crudelitate. ut delectos uiros, & principes tollere,
& delere tua rogatione conareris. cum enim L. Ve-
ctium, qui in Senatu confessus esset se cum telo fuisse: Cn.
Pompeio summo & clarissimo ciui suis manibus necem
afferre uoluisse: in concionem produxeris indicem in ro-
stris: in illo inquam augurato templo ac loco collocaris:
quo authoritatis exquirendæ causa cæteri Tribuni ple-
bis principes ciuitatis ducere consueuerunt: ibi tu indi-
cem Vectium linguam & uocem suam sceleri & menti
tuæ præbere uoluisti: ut diceret L. Vectius in concione
tua rogatus à te, se authores & impulsores & socios
habuisse sceleris illius, eos uiros: quibus è ciuitate sub-
latis, quod tu eo tempore moliebare: ciuitas stare non
posset. M. Bibulum, cuius inclusione contentus non eras:
interficere uolueras: spoliaueras cōsulatu: patria priua-

re cupiebas: L. Lucullum, cuius tu rebus gestis, quod ipse ad imperatorias laudes a puero uidelicet spectaras: uehementius inuidebas: Curionem, perpetuum hostem improborum omnium, authorem publici consilij, libertate communi tuenda maxime liberum, cum Rep. coniunctiorem etiam, quam ab illa etate postulandum fuit: delere uoluisti: L. Domitium, cuius dignitas et splendor perfringebat credo oculos Vatini, quem tu propter commune odium in bonos oderas: in posterum propter omnium spem, quæ de illo est, atq; erat: ante aliquanto timebas: L. Lentulum hunc iudicem nostrum Flammam Martialem, quod erat eo tempore Gabinij tui competitor: eiusdem Vectij indicio opprimere uoluisti. qui si tum illam labem, pestemq; uicisset: quod et tuo scelere non licuit: Respu. uicta non esset. huius etiam filium eodem indicio, et crimine ad patris interitum aggregare uoluisti. L. Paulum, qui tum quaestor Macedoniam obtinebat: quem ciuem? quem uirum? qui duos nefarios patriæ proditores, domesticos hostes, legibus exterminarat: hominem ad conseruandam Rempub. natum, in idem Vectij indicium, atq; in eundem hunc numerum congregasti. quid ego de me querar? qui etiam gratias tibi agere debeo: quod me ex fortissimorum ciuium numero seiungendum non putaris? sed qui fuit ille tantus furor tuus? ut cum iam uectius ad arbitrium tuum perorasset: et ciuitatis lumina notasset: descendissetq; de rostris: eum repente reuocares: colloquerere Populo Romano: deinde interrogares ecquosnam alios posset nominare? inculcaris ne etiam, ut C. Pisonem generum meum nominaret? qui in summa copia optimorum adolescentium, pari continentia, uirtute pietate re-

ccc ij

IN VATINIVM

liquit neminem. itemq; M. Laterensem hominem dies,
ac noctes de laude, & de Rep. cogitantem? promulga-
ris ne impurissime & perditissime hostis, quæstionem
de tot amplissimis & talibus uiris? iudicia Vectio præ-
mia amplissima? quibus rebus omnium mortalium non
uoluntate, sed conuicio repudiatis fregeris? ne in carce-
re ceruices ipsi Vectio? ne quod iudicium corrupti indi-
cij extaret: eiusq; sceleris in te ipsum quæstio flagitaretur?
Et quoniam crebro usurpas: legem te de alternis consi-
lijs reijciendis tulisse: ut omnes intelligant te ne recte
quidem facere sine scelere potuisse: quæro, cum lex esset
æqua promulgata initio magistratus: multas etiam alias
tulisses: expectaris? ne cum C. Antonius reus fieret apud
Cn. Lætulum, Q. Claudium? et posteaq; ille est reus fa-
ctus: statim tuleris in eum, q tuâ post legem reus factus
esset: ut homo consularis exclusus miser puncto tempo-
ris spoliaretur beneficio, & æquitate legis tuæ? dices fa-
miliaritatem tibi fuisse cum Q. Maximo. præclara de-
fensio facinoris tui. nam Maximus quidem summa laus
est, sumptis inimicis, suscepta causa, quæsitore, consilioq;
delecto, commodiore inimico suo contentionem reiectio-
nis dare noluisse: nihilq; Maximus fecit alienum aut
sua uirtute: aut illis uiris clarissimis Paulis, Maximis,
Africanis: quorum gloriam huius uirtute renouatam
non modo speramus, uerum etiam iam uidemus. tua
fraus, tuum maleficiū, tuū scelus illud est: te id quod
promulgasses misericordie nomine, ad crudelitatis tem-
pus distulisse. At nunc quidem C. Antonius hac una re
miseriam suam solatur: quod imagines patris, & fra-
tris sui, fratrisq; filiam, non in familia sed in carcere
collocatas audire maluit quàm uidere. Quoniam pecu-

niam aliorum despicias: de tuis diuitijs intolerantissime
 gloriaris: uolo uti mihi respondeas: feceris'ne foedera
 tribimus pl. cum ciuitatibus, cum regibus, cum Tetrar-
 chis? erogaris'ne pecunias ex aerario tuis legibus? eri-
 pueris'ne partes illo tempore carissimas partim à Cæ-
 sare, partim à publicanis? quæ cum ita sint: quæro ex
 te: sis'ne ex pauperrimo diues factus in illo ipso anno?
 quo lex lata est de pecunijs repetundis acerrime? ut o-
 mnes intelligere possent, à te nonmodo nostra acta,
 quos Tyrannos uocas: sed etiã amicissimæ tui legem esse
 contemptam. apud quem tu etiã nos criminari soles:
 qui illi sumus amicissimus: et contumeliosissime totiens ma-
 ledicæ: quotiens illi affinem te esse dicis. Atq; illud etiã
 scire ex te cupio: quo consilio aut qua mente feceris? ut
 in epulo Q. Arii familiaris mei cum toga pulla acum-
 beres? quem unquam uideris? quem audieris? quo exẽ-
 plo, quo more feceris? dices supplicationes te illas nõ pro-
 basse. optime. nullæ fuerint supplicationes. uides'ne me
 nihil de anni illius causa, nihil de eo quod tibi cum sum-
 mus uiris commune esse uideatur: sed de tuis proprijs sce-
 leribus ex te querere? nulla supplicatio fuerit. cedo q's
 unquam cenauit atratus: ita enim illud epulum est fune-
 bre: ut munus sit funeris: epulæ quidem ipsæ dignita-
 tis. Sed opiteo epulum Populi Ro. festum diem: argen-
 to, ueste, omni apparatu ornatuq; usendo: quis unquam
 in luctu domestico, quis in funere familiari cenauit cū
 toga pulla? cui de balneis exeunti, præter te, toga pulla
 data est? cum tot hominū millia acumberent: cum ipse
 epuli dominus Q. Arius albatu's esset: tu in templū Ca-
 storis te cum C. Fidulo atrato cæterisq; tuis furis fune-
 stum intulisti. quis tum non ingemuit? quis non doluit
 e e e iij

IN VATINIVM

Reipub. assum? quis sermo alius in illo epulo fuit? nisi
hanc tantam & tam grauem ciuitatem subiectam esse
non modo furori, uerum etiam irrisioni tuæ? hunc tu mo-
rem ignorabas? nunquam epulum uideras? nunquam
puer aut adolescens inter cœuos fueras? Fausti adole-
scentis nobilissimi paulo ante ex epulo magnificentissi-
mo famem illam ueterem tuam non expleras? quem
accumbere atratum uideras? domum cum toga pulla
& eius amicos ante conuiuium? quæ te tanta tenuit
amentia? ut tum nisi id fecisses: quod fas nõ fuit: nisi ui-
lasses templum Castoris, nomen epuli, oculos ciuium,
morem ueterem, eius, qui te inuitarat, auctoritatem: pa-
rum putares iustificatum esse: supplicationes te illas non
putare? Quæro illud etiam ex te quod priuatus admi-
sisti: in quo certe iam tibi dicere non licebit, cum claris-
simis uiris causam tuam esse conuinctam: postulatus ne
sis lege Licinia & Iulia? edixerit ne Memmius Prætor
ex ea lege, ut adesses die tricesimo? cum is dies uenisset:
feceris? ne, quod in hac Rep. non modo factum ante nun-
quam est: sed in omni memoria sit omnino inauditum?
appellaris? ne tribunos plebis: ne causam diceres? leuius
dixi: quanquam id ipsum esset, & nouum, & non fe-
rendum: sed appellaris? ne nominatum pestem illius an-
ni? furiam patriæ? tempestatem Reip. Clodium? qui ta-
men, cum iure, cum more, cum potestate iudicium im-
pedire non posset: redijt ad illam uim, et furorem su-
um: ducemq; se militibus tuis præbuit. in quo nequid à
me dictum in te potius putes: quam abs te esse quæsi-
tum: nullum onus imponam mihi testimony. quæ mihi
breui tempore ex eodem isto loco uideo esse seruanda,
uel dicenda: seruabo: teq; non arguam: sed, ut in cæte-

ris rebus feci: rogabo. Quæro ex te Vatini: nunquis in
 hac ciuitate post urbem conditam Tribunos pl. appel-
 larit: ne causam diceret? nunquis reus in tribunal sui
 quæstoris ascenderit? eumq; ui deturbarit? subsellia dis-
 siparit? urnas deleuerit? easq; deniq; omnes res in iudi-
 cio deturbando commiserit? quarum rerum causa iudi-
 cia sunt constituta? scias ne tum fugisse Memmum? ac-
 satores esse tuos, de tuis tuorumq; manibus ereptos? Iudi-
 ces quæstionum de proximis tribunalibus esse depul-
 sos? in foro, in luce, inspectante populo Ro. quæstionem
 magistratus, morem maiorum, leges, iudices, rerum pe-
 nam esse sublatam? hæc omnia scias? ne diligentia. Vo-
 lo etiam audire de te: quo tandem senatus consulto Le-
 gatus sis? de gestu intelligo, quid respondeas: tua lege di-
 as. es ne igitur patriæ certissimus Parricida? speraras? ne
 id? ut patres conscripti ex Repub. funditus tollerentur?
 ne hæc quidem senatui relinquebas? quæ nemo un-
 quam ademit: ut Legati ex eius ordinis authoritate le-
 garentur? adeo ne tibi sordidum Consilium publicum
 uisum est? adeo afflictus senatus? adeo misera ex-
 prostrata Respublica? ut non nuncios pacis ac belli,
 non curatores, non interpretes, non bellici consilij au-
 thores, non ministros muneris prouincialis Senatus mo-
 re maiorum delegere possit? eripueras Senatui prouin-
 ciæ decernendæ potestatem, imperatoris deligendi iudi-
 cium, aerarij dispensationem: quæ nunquam sibi populus
 romanus appetiuit: qui nunquam hæc à summi consilij
 gubernatione auferre conatus est. age, factum est horum
 aliquid in alijs, raro: sed tamen factum: ut populus de-
 ligeret Imperatorem. quis Legatos unquam audiuit si-
 ne senatus consulto? ante te nemo. post te continuo fecit

eee iiij

IN VATINIVM

idem in duobus prodigijs Reip. Clodius. quo etiam maiore es malo mactandus: quod non solum facto tuo, sed etiam exemplo Remp. uulnerasti: neq; tantum es improbus ipse: sed etiam alios docere uoluisti. Atq; illud etiam audire à te cupio: quare, cum ego legem de ambitu ex senatus consulto tulerim salua lege Helia & Fusia: tu eam esse legem non putes? praesertim cum ego legibus tuis quo quo modo latae sint: paream? ac si haec omnia contemnis: ac despicias: quod ita tibi persuaseris, ut palam dictitas, te dijs hominibusq; inuitis, amore in te incredibili quodam Caesaris, omnia, quae uelis, consecuturum: ecquid audieris? ecquisnam tibi dixerit? Caesarem nuper Aquileiae, cum de quibusdam esset mentio facta: dixisse C. Alsium praeteritum permolesse tulisse: quod in homine summam fidem probitatemq; cognosset: grauiusq; etiam se ferre Praetorem aliquem esse factum: qui à suis rationibus dissensisset. tum quaesisse quendam, de Vatino, quemadmodum ferret? ipsum respondisse: Vatiniū in Tribunatu gratis nihil fecisse: q̄ omnia in pecunia posuisset: honore animo æquo carere debere. quod si ipse, qui te suae dignitatis augendae causa, periculo tuo, nullo suo delicto ferri praecipitē est facile passus, tamen te omni omni honore indignissimum iudicat: si te uicini, si affines, si tribules ita oderūt: ut repulsam tuam triumphum suum duxerint: si nemo aspiciat: quin ingemiscat: nemo mentionē faciat: quin execretur: si uitant: fugiunt: audire de te nolunt: cum uiderint: tanquam auspiciū malū detestantur: si cognati respuunt: uicini metuunt: affines erubescunt: si Romae demq; ab ore improbo demigrarunt: & alijs iam se locis collocarunt: si es odium publicum populi, Senatus,

uniuersorum hominum: quid est quamobrem Præturā
potius exoptes? quam mortem? præsertim cum popula-
rem te uelis esse: neq; ulla in re populo gratius facere
possis? Sed ut aliquando audiam: quā copiose mihi ad
interrogata respondeas. concludam iam interrogationē
meam: teq; in extremo de ipsa causa rogabo. Quæro
quæ tanta in te uanitas, tanta leuitas fuerit? ut T. An-
nium isdem uerbis laudares: quibus eum laudare &
boni uiri & boni ciues consueuerunt? cum in eundem
nuper cupidissime falsum testimonium dixeris? An erit
hæc optio & potestas tua? ut cum Clodianas operas et
facinorosorum hominum manum uideris: Milonem di-
cas Gladiatoribus, et Bestiaris obsedisse rempublicam?
cum autem ad tales uiros ueneris: non audeas eū sin-
gulari uirtute, fide, constantia, uituperare? sed cum T.
Annum tantopere laudes: & clarissimo uiro nonnul-
lam laudatione tua labeculam aspergas: in illorū enim
numero mauult T. annius esse: qui à te uituperantur;
uerum etiam quæro, cum in Republica administran-
da T. Annio cum P. Sestio consiliorum omnium societas
fuerit: qui possis eos, quos crimine coniungis: testimonio
distingere? non arguo inconstantiam rationis ac testi-
monij tui: nequid tibi authoritatis, à me tributum esse ui-
deatur.

Desit fortasse quippiam.

PRO M. CAELIO. ORA-
TIO XXXV.

I quis Iudices forte nunc adsit igna-
rus legum, iudiciorū, consuetudinis ue-
stræ: miretur profecto, quæ sit tanta a-
trocitas huiuscæ causæ: quod diebus fe-
stis, ludisq; publicis, omnibusq; negocijs
forensibus intermissis, unum hoc iudicium exerceatur.
nec dubitet: quoniam tanti facinoris reus arguatur: ut eo ne-
glecto, ciuitas stare non possit. idem cum audiat esse le-
gem: quæ de seditiosis, sceleratisq; ciuibus, qui armati se
natum obsederint: magistratibus uim attulerint: Rēp.
oppugnarint: quotidie quæri iubeat: legem non impro-
bet: crimen quod uersetur in iudicio requirat. cum au-
diat nullum facinus, nullam audaciam, nullam uim
in iudiciū uocari: sed adolescentem illustri ingenio, indu-
stria, gratia accusari ab eius filio: quem ipse in iudici-
um et uocat et uocari: oppugnari autem opibus me-
retricijs: Atracini illius pietatem non reprehendat: mu-
liebrem libidinem comprimendam putet: uos laborio-
sos existimet: quibus ociosis ne in communi quidem ocio
liceat esse. etenim si attendere diligenter, existimare ue-
re, de omni hac causa uolueritis: sic constituetis Iudices:
nec descensurum quenquam ad hanc accusationē fuis-
se: cui uirum uellet, liceret: nec cum descendisset: quic-
quam habiturum spei fuisse: nisi alicuius intolerabili li-
bidine, et nimis acerbo odio niteretur. sed ego Atraci-
no humanissimo atq; optimo adolescenti meo necessario
ignosco: qui habet excusationem uel pietatis, uel neces-
sitatis, uel ætatis. si uoluit accusare: pietati tribuo. si ius-

sus est: necessitati si sperauit aliquid: puericiæ. cæteris
 non modo nihil ignoscendum, sed etiam acriter est re-
 sistendum. Ac mihi quidem uidetur Iudices hic in-
 troitus defensionis, adolescentiæ M. Cælij maxime conue-
 nire: ut ad ea, quæ accusatores deformandi huius cau-
 sa, detrahendæ, spoliandæq; dignitatis gratia dixerunt:
 primum respondeam. Obiectus est pater uarie: quod
 aut parum splendidus ipse: aut parum pie tractatus à
 filio diceretur. de dignitate Cælius notus, ac maioribus
 natu etiam sine mea oratione tacitus facile ipse respon-
 det. quibus autem propter senectutem, quod iam diu ma-
 nus in foro nobiscum uersatur: non æque est cognitus:
 hi sic habeant: quæcumq; in Equite Ro. dignitas esse pos-
 sit: quæ certe potest esse maxima: eam semper in M. Cæ-
 lio habitam esse summam: hodieq; haberi, non solum à
 suis, sed etiam ab omnibus, quibus potuerit aliqua de
 causa esse notus. Equitis Ro. autem esse filium, criminis
 loco poni ab accusatoribus: neq; iis iudicantibus oportuit:
 neq; defendentibus nobis. Nam quod de pietate dixi-
 stis: est quidem ista nostra existimatio: sed iudicium cer-
 te parentis. quid nos opinemur: audietis ex iuratis. qd
 parentes sentiunt: lachrymæ matris, incredibilisq; mœ-
 ror, squalor patris, & hæc præsens mœsticia, quam cer-
 nitis, luctusq; declarat. Nam quod est obiectum: mu-
 icipibus esse adolescentem non probatum suis: nemini
 unquam præsentis puteolani maiores honores habue-
 runt: quàm M. Cælio: quem absentem in amplissimum
 ordinem cooptarunt: & ea non petenti detulerunt: quæ
 multis petentibus denegarunt: idemq; nunc lectissimos
 uiros, & nostri ordinis, & Equites Ro. cum legatione
 ad hoc iudicium, & cum grauissima atq; ornatiissima

PRO M.

laudatione miserunt. videtur mihi iecasse fundamenta
defensionis meae: quae firmissima sunt, si nitantur iudi-
cio suorum. neque enim uobis satis commendata huius aetas
esse posset: si non modo parenti tali uiro, uerum etiam
municipio tam illustri, ac tam graui displiceret. equidem,
ut ad me reuertar: ab his fontibus profluxi ad hominum
famam: et meus hic forensis labor, uitaque ratio dima-
nauit ad existimationem hominum paulo latius com-
mendatione ac iudicio meorum. Nam quod obiectum est
de pudicitia: quodque omnium accusatorum non crimi-
nibus, sed uocibus maledictisque celebratum est: id nun-
quam tam acerbe feret M. Caelius: ut eum poeniteat non
deformem esse natum. sunt etenim ista maledicta peruul-
gata in omnes, quorum in adolescentia forma et species
fuit liberalis. sed aliud est maledicere: aliud accusare.
accusatio crimen desiderat: rem ut definiat: hominem ut
notet: argumento probet: teste confirmet. maledictio au-
tem nihil habet propositi, praeter contumeliam: quae si pe-
tulantius iactatur: conuiuium, si facetius: urbanitas no-
minatur. quam quidem partem accusationis admiratus
sum, et moleste tuli potissimum esse Atracino datam.
neque enim decebat: neque aetas illa postulabat: neque id, quod
animaduertere poteratis: pudor patiebatur optimi ado-
lescentis in tali illi oratione uersari. uelle aliquis ex
uobis robustioribus hunc maledicendi locum suscepisset:
aliquanto liberius et fortius et magis more nostro re-
futarem istam maledicendi licentiam. tecum Atraci-
ne agam lenius: quod et pudor tuus moderatur oratio-
ni meae: et meum erga te, parentemque tuum beneficiu
tueri debeo. illud tamen te esse admonitum uolo. pri-
mum qualis es: talem te esse existimes: ut quantum a re-

rum turpitudine abes: tantum te a uerborum libertate
te seiungas. deinde ut ea in alterum ne dicas: quæ cum
tibi falso responsa sint: erubescas. quis est enim? cui
uia ista non pateat? qui isti ætati, non possit, quæ
uelit petulanter, etiam si sine ulla suspitione, at non
sine argumento maledicere? sed istarum partium, cul-
pa est eorum, qui te agere uoluerunt: laus pudoris tui:
quod ea te inuitum dicere uidebamus: ingenij: quod
ornate politeq; dixisti. uerum ad istam omnem ora-
tionem breuis est defensio. nam quoad ætas M. Cælij dare
potuit suspitioni locum: fuit primum ipsius pudore, de-
inde etiam patris diligentia, disciplinaq; munita. qui
ut huic uirilem togam dedit: nihil dicam hoc loco de
me: tantum sit, quantum uos existimatis: hoc dicam: hunc
a patre continuo ad me esse deductum. nemo hunc M.
Cælium in illo ætatis flore uidit: nisi aut cum patre,
aut mecum, aut in M. Crassi castissima domo: cum ar-
tibus honestissimis erudiretur. Nam quod Catilinæ fa-
miliaritas obiecta Cælio est: longe ab ista suspitione
abhorrerere debet. hoc enim adolescente scitis Catilinam
consulatum mecum petisse. ad quem si accessit: aut si
a me discessit unquam: quanquam multi boni adole-
scentes illi homini nequam, atque improbo studuerunt:
tum existimetur Cælius Catilinæ nimium familiaris
fuisse. At enim postea scimus, et uidimus esse hunc in
illius amicis. quis negat? sed ego illud tempus ætatis,
quod ipsum sua sponte infirmum aliorum libidine in-
festum est: id hoc loco defendo. fuit assiduus mecum
Prætor me: non nouerat Catilinam: Africam tum
prætor ille obtinebat. secutus est annus: causam de pe-
cunijs repetundis Catilina dixit. mecum erat hic: illi ne

advocatus quidem venit unquam. deinceps fuit annus:
 quo ego Consulatum petivi: petebat Catilina mecum.
 nunquam ad illum accessit: a me nunquam recessit. tot
 igitur annos uersatus in foro sine suspitione, sine infamia,
 studuit Catilinæ iterum petenti. quem ergo ad finem
 putas custodiendam illam ætatem fuisse nobis qui-
 dem olim annus erat unus ad cohibendum brachium
 togæ constitutus: & ut exercitatione ludoq; campestri tu-
 nati uteremur. eademq; erat, si statim mereri stipendia
 ceperamus: castrensis ratio, ac militaris. qua in ætate,
 nisi qui se ipse, sua gravitate & castmonia, & cum di-
 sciplina domestica, tum etiam naturali quodam bono de-
 fenderet: quoquomodo a suis custoditus esset: tamen in-
 famiam ueram effugere non poterat. sed qui prima illa
 initia ætatis integra atq; inuiolata præstitisset: de eius
 fama ac pudicitia, cum is iam se corroborauisset: ac uir
 inter uiros eēt: nemo loquebatur. studuit Catilinæ cum
 iam aliquot annos esset in foro Cælius. et multi hoc
 idem ex omni ordine, atq; ex omni ætate fecerunt. ha-
 buit enim ille, sicuti meminisse uos arbitror: permulta
 maximarum non expressa signa, sed adumbrata uir-
 tum. utebatur hominibus improbus multis: & quidem
 optimus se uiris deditum esse simulabat. erant apud il-
 lum illecebræ libidinum multæ: erant etiam industriæ
 quidam stimuli ac laboris. flagrabant uicia libidinis
 apud illum: uigebant etiam studia rei militaris. neq;
 ego unquam fuisse tale monstrum in terris ullum puto,
 tam ex contrarijs diuersisq; inter se repugnantibus
 naturæ studijs cupiditatibusq; conflatum. quis clariori
 bus uiris quodam tempore iucundior? quis turpioribus
 coniunctior? quis cuius meliorum partium aliquando?

quis tetrior hostis huic ciuitati? quis in uoluptatibus in-
quinatior? quis in laboribus patientior? quis in rapa-
citate auarior? quis in largitione effusior? illa uero Iud-
in illo homine mirabilia fuerunt: comprehendere mul-
tos amicitia: tueri obsequio: cum omnibus communicare
quod habebat: seruire temporibus suorum omnium: pe-
cunia, gratia, labore corporis, scelere, etiam si opus esset
audacia, uersare suam naturam, & regere ad tempus:
atq; huc & illuc torquere, & flectere. cum tristibus se-
uere, cum remissis iucunde, cum senibus grauitate, cum
iuuentute comiter, cum facinorosis audacter, cum libi-
dinosis luxuriose uiuere. hac ille tam uaria, multipli-
ciq; natura, cum omnis omnibus ex terris homines im-
probos audacesq; collegerat: tum etiam multos fortis ui-
ros & bonos, specie quadam uirtutis assimulata tene-
bat. neq; unquam ex illo delendi huius imperij tam
sceleratus impetus extitisset: nisi tot uitiorum tanta im-
manitas quibusdam facilitatis & patientiae radicibus
niteretur. quare ista conditio Iudices respuatur: nec Ca-
tilinae familiaritatis crimen haereat. Est enim commu-
ne cum multis & cum quibusdam etiam bonis. me ip-
sum, ne inquam quondam pene ille decepit: cum & ci-
uis mihi bonus, & optimi cuiusq; cupidus, & firmus
amicus, & fidelis uideretur. cuius ego facinora oculis
prius, quam opinione, manibus ante, quam suspitione
deprehendi. cuius in magnis ceteruis amicorum si fuit
etiam Caelius: magis est, ut ipse moleste ferat errasse se:
sicut & nonnunquam in eodem homine me quoq; er-
roris mei poenitet: quam ut istius amicitiae crimen refor-
mudet. itaq; a maledictis pudicitiae, ad coniurationis in-
uidiam oratio est uestra delapsa. posuistis enim, atq; id

PRO M.

tamen titubanter & strictim, coniurationis hunc pro-
pter amicitiam Catilinæ participem fuisse: in quo non-
modo crimen non herebat: sed uix disertæ adolescen-
tis coherebat oratio. qui enim tantus furor in Cælio?
quod tantum aut in moribus naturaq; uulnus? aut in
re atq; fortuna? ubi deniq; in ista suspitione est Cælij
nomen auditum? nimium multa de re minime dubia lo-
quor. hoc tamen dico: non modo si socius coniurationis,
sed nisi inimicissimus istius sceleris fuisset: nunquam con-
iurationis accusatione adolescentiam suam potissimum
commendare uoluisset. quod haud scio an de ambitu &
de criminibus istius sodalium ac sequestrium: quoniam
huc incidi: similiter respondendum putem. nunquam
enim tam Cælius amens fuisset: ut si se isto infinito ambi-
tu commaculasset: ambitus alterum accusaret, neq; enim
eius facti in altero suspicionem quæreret: cuius ipse sibi
perpetuam licentiam optaret. nec si sibi semel periculum
ambitus subeundum putaret: ipse alterum iterum am-
bitus crimine accersiret: quod quanquam nec sapienter,
& me inuito facit: tamen est eiusmodi cupidus: ut ma-
gis insectari alterius innocentiam, quàm de se timide
cogitare uideatur. nam quod æs alienum obiectum est:
sumptus reprehensit: tabulæ flagitatæ: uidete quàm pau-
ca respondeam. tabulas qui in patris potestate est: nul-
las confecat: uersuram nunquam omnino fecit ullam.
Sumptus unius generis obiectus est habitationis. trigin-
ta millibus dixistis eum habitare. nunc demum intelli-
go P. Clodij insulam esse uenalem: cuius hic in ædici-
lis habitat decem ut opinor millibus: uos autem dum illi
placere uultis: ad tempus ei mendacium uestrum ac-
commodauistis. reprehendistis à patre quod semigra-
rit. quod

rit. quod quidem iam in hac aetate minime reprehendendum est. qui cum ex Reip. causa esset mihi quidem molestam, sibi tamen gloriosam uictoriam consecutus: & per aetatem magistratus petere posset: non modo permittente patre, sed etiam suadente, ab eo semigravit. & cum domus patris à foro longe abesset: quo facilius & nostras obire domos, & ipse à suis coli posset: conduxit in Palatio non magnam domum. quo loco, possum dicere id quod uir clarissimus M. Crassius, cum de aduentu Regis Ptolemæi quereretur: paulo ante dixit. Utinam ne in nemore Pelio. Ac longius quidem mihi contexere hoc carmen liceret. nam nunquam hera errans hanc molestiam nobis exhiberet, Medea animo ægra, amore sæuo saucia. sic enim Iudices reperietis: quod cum ad id loca uenero, ostendam: hanc palatinam Medeam, migrationemq; huic adolescenti causam siue malorum omnium, siue potius sermonum fuisse. quam obrem illa, quæ ex accusatorum oratione præmuniri iam & fingi intelligebam: fretus uestra prudentia Iud. non pertimesco. Aiebant enim fore testem Senatorem: qui se Pontificijs comitijs pulsatum à Cælio diceret. à quo quæram, si prodierit: primum cur statim nihil egerit? deinde si id queri, quàm agere maluerit: cur productus à uobis potius, quàm ipse per se? cur tanto post potius, quàm continuo, queri maluerit? si mihi ad hæc acute, arguteq; responderit: tum quæram deniq; ex quo iste fonte Senator emanet? nam si ipse orietur & nascetur ex sese: fortasse ut soleo commouebor. sin autem, ut riuulus, acersitus, & ductus ab ipso capite accusationis uestre: lætabor: cum tanta gratia, tantisq; opibus accusatio uestra nitatur: unum Senatorem solum esse, qui

f f f

PRO M.

uobis gratificari uellet, inuentum. Nec tamen illud genus alterum nocturnorum testium ptimesco. est enim dictum ab illis: fore qui dicerent, uxores suas redeuntis à cœna auctritas esse à Cælio. graues erunt homines: qui hoc iurati dicere audeant: cum sit his confitendum, nunquam se ne congressu quidem, et constituto cœpisse de tantis iniurijs experiri. Sed totum genus oppugnationis huius Iud. Et iam proficiatis animus: Et cum inferretur: propulsare debebitis. nō enim ab iisdem accusatur M. Cælius, à quibus oppugnatur. palam in eū tela iaciuntur: clām subministrantur. neq; id ego dico: ut inuidiosum sit in eos: quibus gloriosum hoc etiam esse debet. funguntur officio: defendunt suos: faciunt quod uiri fortissimi solent: læsi dolent: irati efferuntur: pugnat laceffiti. sed uestre sapientiæ tamen est Iudices: non si causa iusta est uiris fortibus oppugnandi M. Cælium: ideo uos quoq; causam putare esse iustam alieno dolori potius, quàm uestre fidei consulendi. quæ sit multitudo in foro, quæ genera, quæ studia, quæ uarietates hominum uidetis: ex hac copia quàm multos esse arbitrāmini: qui hominibus potentibus, gratiosis, disertis cum aliquid eos uelle arbitrentur: ultro se offerre soleant: operam nauare: testimonium polliceri. hoc ex genere si qui se in hoc iudicium forte proiecerint: excluditote eorum cupiditatem Iud. sapientiā uestra: ut eodem tempore huius salutis, Et religioni uestre, Et contra periculosissimas hominum potentias conditioni omnium ciuium prouidisse uideamini. Equidem uos abducam à testibus: neq; huius iudicij ueritatem, quæ mutari nullo modo potest: in uoluntate testium collocari sinam: quæ facillime fingi, nullo negotio flecti, ac detorqueri potest. argumentis

agemus: signis omni luce clarioribus crimina refelle-
 mus: res cum re, causa cum causa, ratio cum ratione pu-
 gnabit. itaq; illam partem causæ facile patior grauius,
 Et ornatè à M. Crasso peroratam: de seditionibus Nea-
 politanis, de Alexandrinorum pulsatione Puteolana,
 Et de bonis Pallæ. uellem dictum esset ab eodem etiā
 de Dione. de quo ipso tamen quid est quod expectetis?
 quod is qui fecit: aut non timeret: aut etiam fateretur?
 etenim reus, qui dictus est Et adiutor fuisse Et con-
 sciū, P. Ascitius: is iudicio est liberatus. quod igitur est
 huiusmodi crimen? ut qui commisit, non neget: q; nega-
 uit: absolutus sit: id hic pertimescat? q; non modo à factō,
 uerum etiam à conscientie suspitione absit? et si Asci-
 tio causa plus profuit: quā nocuit inuidia: huic obe-
 rit tuum maledictum: qui istius facti non modo suspicio-
 ne, sed ne infamia quidem est aspersus? At præuari-
 catione est Ascitius liberatus. per facile est isti loco respon-
 dere, mihi præsertim, à quo illa causa defensa est. sed
 Cælius optimam causam Ascitij esse arbitratur: cuius-
 modi autem sit: à sua putat esse seiunctam. neq; solum
 Cælius, sed etiam adolescentes humanissimi Et doctissi-
 mi rectissimi studijs: atq; optimis artibus præditi, Ti-
 tus, Caiusq; Coponij: q; ex omnibus maxime Dionis mor-
 tem doluerunt: qui cum doctrinæ studio, atq; humani-
 tatis, tum etiam hospitio Dionis tenebantur. habitabat is
 apud L. Luceium ut audistis: fuerat ei cognitus Alexan-
 driæ. quid aut hic, aut summo splendore præditus fra-
 ter eius, de M. Cælio existimet: ex ipsis, si producti erūt:
 audietis. Ergo hæc remoueantur: ut aliquando in qui-
 bus causa nititur, ad ea ueniamus. animaduerti enim
 Iudices audiri à uobis meum familiarem L. He-

fff ij

PRO. M.

rennium perattente. In quo & si magna ex parte ingenio eius, & dicendi genere quodam tenebamini: tamen nonnunquam uerebar ne illa subtiliter ad criminandum inducta oratio animos uestros sensim ac leniter accenderet. dixit enim multa de luxuria: multa de libidine: multa de uicijs iuuentutis: multa de moribus: et qui in reliqua uita mitis esset: & in hac suauitate humanitatis, qua propè iam delectantur homines: uersari periuicunde soleret: fuit in hac causa peritiss. quidam patruus, censor, magister: obiurgauit M. Caelium, sicut neminem unquam parens: multa de incontinentia intemperantiâq; differuit. quid quæritis Iudices? ignoscebam uobis attente audientibus: propterea, quod ego met tam triste illud, & tam asperum genus orationis horrebam. ac prima pars fuit illa: quæ me minus mouebat. fuisse meo necessario Bestiæ Caelium familiare: cœnasse apud eum: uentitasse domum: studuisse Præturæ. non me hæc mouent: quæ perspicue falsa sunt. et enim eos una cœnasse dici: qui aut absunt: aut quibus
 * necesse est idem dicere. neq; uero illud me cōmouet: quod sibi in Lupercis sodalem esse Caelium dixit. fera quædam sodalitas, & planè pastoricia atq; agrestis germanorum Lupercorum: quorum coitio illa siluestris ante est instituta: quàm humanitas atq; leges. siquidem non modo nomina deferunt inter se sodales: sed etiam commemorant sodalitatem in accusando: ut ne, si quis id forte nesciat, timere uideatur. Sed hæc omittam. ad illa quæ me magis mouerunt respondebo. deliciarum obiurgatio fuit longa: & ea lenior: plusq; disputationis habuit quàm atrocitatis: quo etiam audita est attentius. nam P. Clodius amicus meus cum se grauissime uehementis-

saneq; iactaret: & omnia inflammatus ageret tristissi-
 mus uerbis: uoce maxima: tam et si probabam eius elo-
 quentiam: tamen non pertimescebam. aliquot enim in
 causis eum uideram frustra litigantem. tibi autem Bal-
 be respondebo. primum precario, si licet, si fas est defen-
 di à me eum: qui nullum conuiuium renuerit: qui un-
 guenta sumpserit: qui Baias uiderit. Equidem multos et
 uidi in hac ciuitate, & audiui, non modo qui primori-
 bus labris gustassent genus hoc uitae: et extremis ut di-
 catur digitis attigissent: sed qui totam adolescentiam uo-
 luptatibus dedissent: emeruisse aliquando: & se ad fru-
 gem bonam ut dicitur recepiſſe: grauisq; homines atq; il-
 lustris fuisse. datur enim concessu omnium huic aliquis
 ludus ætati: & ipsa natura profundit adolescentiæ cu-
 piditates: quæ si ita erumpunt: ut nullius uitam labe-
 factent: nullius domum euertant: faciles & tolerabiles
 haberi solent. sed tu mihi uidebare ex communi infā-
 mia iuuentutis aliquā inuidiam Cælio uelle conflare.
 itaq; omne illud silentium, quod est orationi tuæ tribu-
 tum: fuit ob eam causam: quod uno reo proposito de mul-
 torum uitis cogitabamus. facile est accusare luxuriam.
 dies iam me deficiet: si quæ dici in eam sententiam pos-
 sunt: coner exprimere. de corruptelis, de adulterijs, de
 proteruitate, de sumptibus, immensa oratio est: ut tibi re-
 um neminem, sed uicia proponas: res tamen ipsa et gra-
 uiter accusari potest. sed uestre sapientiæ est Iudices: nō
 abduci ab reo: nec quos aculeos habeat seueritas gra-
 uitasq; uestra: cum eos accusator crexerit in rem, in ui-
 cia, in mores, in tempora: emittere in hominem, & in
 reum. cum is non suo crimine, sed multorum uicio sit in
 quoddam odium iniustum uocatus. Itaq; seueritati tuæ,

fff ij

P R O M.

ut oportet, ita respondere non audeo. erat enim meum deprecari uacationem adolescentiæ: ueniamq; petere. nō inquam audeo. persurgis non utor ætatis: concessa omnibus iura dimitto: tantum peto: ut, si qua est inuidia communis hoc tempore æris alieni, petulantia, libidinum iuuentutis: quam uideo esse magnam: ne huic aliena peccata, ne ætatis ac temporum uicia noceant. Atque ego idem, qui hæc postulo: quin criminibus, quæ in hunc proprie conferuntur: diligentissime respondeam, non recusō. Sunt autem duo crimina, auri, & ueneni: in quibus una atq; eadem persona urgetur. Aurum sumptum à Clodia: uenenum quæsitum, quod Clodiæ daretur dicitur: omnia sunt alia non crimina, sed maledicta iurgij petulantis magis, quàm publicæ quæstionis. adulter, impudicus, sequester, conuicium est, non accusatio. nullum est enim fundamentum horum criminū: nulla sedes: uoces sunt contumeliosæ temere ab irato accusatore nullo authore emissæ. horum duorum criminū uideo fontem: uideo authorem: uideo certum nomen & caput. auro opus fuit: sumpsit à Clodia: sumpsit sine teste: habuit quandiu uoluit. maximum uideo signum cuiusdā egregiæ familiaritatis. negare eidē noluit: quæsiuit uenenum: sollicitauit quos potuit: parauit locum: constituit: attulit. magnum rursum odium uideo cum crudelissimo dissidio extitisse. res est omnis in hac causa nobis Iud. cum Clodia, muliere non solum nobili, sed et nota. de qua ego nihil dicam, nisi depellendi criminis causa. sed intelligis pro tua præstanti prudentia Cn. Domiti cum hac sola rem esse nobis: quæ si se aurum Cælio commodasse non dicit: si uenenum ab hoc sibi paratum esse non arguit: petulanter facimus: si matrem fami-

lias, secus quam matronarum sanctitas postulat, nominamus. sin ista muliere remota, nec crimen ullum, nec opes ad oppugnandum Caelium illis relinquentur: quid est aliud, quod nos patroni facere debeamus? nisi ut eos qui insectantur, repellamus? quod quidem facerem uehementius: nisi intercederent mihi inuicuae cum istius mulieris uiro. fratrem dicere uolui. semper hic error nunc agam modice: nec longius progrediar: quam mea fides, & causa ipsa coget. neq; enim muliebres unquam inimicitias mihi gerendas putavi: praesertim cum ea: quam omnes semper amicam omnium potius, q̄ cuiusquam inimicam putauerunt. sed tamen ex ipsa queram prius, utrum me secum seuerè, et grauius, & praesae agere malit: an remisse, ac leniter, & urbane. sin illo austero more ac modo: aliquis mihi ab inferis excitandus est ex barbatis illis, non hac barbula, qua ista delectatur: sed illa horrida: quam in statuis antiquis, et imaginibus uidemus: qui obiurget mulierem: et pro me loquatur: ne ista mihi forte succenseat. Existat igitur ex hac ipsa familia aliquis: ac potissimum cecus ille. munum enim dolorem capiet: qui istam non uidebit. qui profecto si extiterit: sic ager: & sic loquetur. mulier qd tibi cum Caelio? quid cum homine adolescentulo? quid cum alieno? quid, aut tam familiaris huic fuisti: ut aurum commodares? aut tam inimica: ut uenenum timeres? non patrem tuum uideras? non patrium? non auum, proauum, atauum audieras Consules fuisse? non deniq; modo te Q. Metelli matrimonium tenuisse sciebas, clarissimi et fortissimi uiri, patrie q; amantiissimi? qui simulac pedem limine extulerat: omnis prope cuius uirtute, gloria, dignitate superabat: cui cum ex amplis-

f f f iij

PRO M.

simo genere in familiam clarissimam nupsisses: cur tibi Caelius tam coniunctus fuit? cognatus? affinis? uiri tui familiaris? nihil horum. quid igitur fuit, nisi quaedam temeritas ac libido? nonne te, si nostrae imagines uiriles non commouebant: ne progenies quidem mea Q. illa Claudia aemulam domesticae laudis, in gloria muliebri esse admonebat? non uirgo illa uetustis Claudia, quae patrem complexa triumphantem ab inimico tribuno plebis, de curru detrahi passa non est? cur te fraterna uicia potius, quam bona paterna, et auita, et usque a nobis cum in uiris, tum etiam in foeminis repetita mouerunt? ideo ne ego pacem Pyrrhi direm? ut tu amorum turpissimorum quotidie foedera ferires? ideo aquam adduxi? ut ea tu incestu uterere? ideo uiam munui? ut cum tu alienis uiris comitata celebrares? Sed quid ego Iudices ita grauem personam induxi? ut et uerear, ne se idem Appius repente conuertat: et Caelium incipiat accusare illa sua grauitate censoria? sed uidero hoc posterius: atque ita Iudices: ut uel seuerissimus disceptatoribus M. Caelij uitam me probaturum esse confidam. tu modo mulier (iam enim ipse tecum nulla persona introducta loquar) si ea quae facis: quae dicis: quae insimulas: quae moliris: quae arguis: probare cogitas: rationem tantae familiaritatis, et tantae consuetudinis, tantae coniunctionis reddas, atque exponas necesse est. accusatores quidem libidines, amores, adulteria, Baias acta conuiuia, comessationes, cantus, symphonias, nauigia iactant. uidemque significant: nihil se te inuita dicere. quae tu, quoniam mente nescio qua effrenata atque praecipiti in forum deferri iudiciumque uoluisti: aut diluas oportet: et falsa esse doceas: aut nihil neque crimini tuo neque testimonio credendum esse fateare. sin autem urbanus me age-

re maus: sic agam tecum: remouebo illum senem durū
ac penē agrestem: ex hisq; tuis sumam aliquem, ac po-
tissimum minimum fratrem tuum: qui est in isto ge-
nere urbanissimus: qui te amat plurimum: qui propter
nescioquam credo timiditatem, & nocturnos quosdā
inanes metus, tecum semper, pusio cum maiore sorore ci-
bitauit. eum putato tecum loqui. quid tumultuaris soror?
quid insanus? quid clamore exorsa, uerbis paruam rem
magnam facis? uicinium adolescentulū aspexisti: candor
huius te, & proceritas, uultus, oculiq; perpulerunt: se-
pius uidere uoluisti: fuisti nonnunquam in iisdem hor-
tis uisa nobilis mulier: illum filium familias patre
parco ac tenaci habere tuis copijs deuinctum non po-
tes: calcitrat: respuit: non putat tua dona esse tanti. con-
fer te aliō. habes hortos ad Tyberim: ac diligenter eo
loco preparasti: quo omnis iuuentus natandi causa ue-
nit. hinc licet conditiones quotidie legas. cur huic, quē
te spernit, molesta es? Redeo nunc ad te Caeli uicissim
ac mihi auctoritatem patriam, seueritatemq; suscipio.
sed dubito quem patrem potissimum sumam. cecilia-
num ne aliquem, uehementem atq; durum? Nūc enim
denuum mihi animus ardet: nunc meum cor cumulat
ira. Aut illum. O' infelix, O' scelestē. ferrei sunt isti pa-
tres. ego ne quid dicam? ego ne quid uelim? ego ne?
quae tu omnia tuis fœdis factis facis: ut nequicquam
uelim. uix ferenda diceret talis pater. cur te in istam
uicinitatem meretriciam contulisti? cur illecebris co-
gnitis non refugisti? cur alienam ullam mulierem no-
sti? dede, ac disijce, per me licebit. si egebis: tibi dole-
bit: mihi sat est: qui ætatis quod reliquum est, oblectem
meæ. huic tristis, ac decrepito seni responderet Caelius: se

P R O M.

nulla cupiditate inductum de uia decessisse. quid signi?
 nulli sumptus, nulla iactura, nulla uersura. at fuit fa-
 ma? quotus quisque istam effugere potest in tam maledi-
 ca ciuitate? uicinum eius mulieris miraris male audisse:
 cuius frater germanus sermones iniquorum effugere
 non potuit? leni uero & clementi patri cuiusmodi est
 ille. fores effregit: restituentur: discidi uestem: resarcie-
 tur. Caelij causa est expeditissima. quid enim esset? in
 quo se facile non defenderet? nihil iam in istam mulie-
 rem dico. sed si esset aliqua dissimilis istius: quæ se omni-
 bus peruulgaret: quæ haberet palam decretum semper
 aliquem, cuius in hortos, domum, Baias, iure suo libidi-
 nes omnium commearent: quæ etiam aleret adolescen-
 tes: & parsimoniam patrum suis sumptibus sustentaret:
 si uidua libere, proterua petulanter, diues effusa, libidi-
 nosa meretricio more uiueret: adulterum ego putarem:
 si quis hanc paulo liberius salutasset? diceret aliquis:
 hæc igitur est tua disciplina? sic tu instituis adolescentes?
 ob hanc causam tibi hunc puerum parens commenda-
 uit? & tradidit? ut in amore, & uoluptatibus adolescen-
 tiam suam collocaret? & hanc tu uitam, atque hæc stu-
 dia defenderes? Ego si quis Iud. hoc robore animi, atque
 hac indole uirtutis, ac continentiae fuit: ut respiceret o-
 mnis uoluptates: omnemque uitæ suæ cursum in labore
 corporis, atque in animi contentione conficeret: quem
 non quies, non remissio, non equalium studia, non lu-
 di, non conuiuia delectarent: nihil in uita expetendum
 putaret: nisi quod esset cum laude & honore, & cum
 dignitate coniunctum: hunc mea sententia diuinis qui-
 busdam bonis instructum, atque ornatum puto. Ex hoc
 genere illos fuisse arbitror Camillos, Fabricios, Curios,

omnesq; eos, qui hæc ex minimis tanta fecerunt. uerum hæc genera uirtutum non solum in moribus nostris: sed uix iam in libris reperiuntur. artæ quoq; quæ illam pristinam seueritatem continebant: obsoleuerunt: neq; solum apud nos, qui hanc sectam rationemq; uitæ, re magis, quàm uerbis secuti sumus: sed etiam apud Græcos doctissimos homines: quibus, cum facere non possent: loqui tamen, & scribere honeste, & magnifice licebat: alia quædam mutatis graciæ temporibus præcepta extiterunt. itaq; alij uoluptatis causa omnia sapientes facere dixerunt: neq; ab hac orationis turpitudine eruditi homines refugerunt. alij cum uoluptate dignitatem coniungendam putauerunt: ut res maxime inter se repugnantes dicendi facultate coniungerent. illud unum cum labore ad laudem directum iter qui probauerunt, propè iam soli in scholis sunt relictæ. multa enim nobis blandimenta natura ipsa genuit: quibus sopita uirtus conuinceret: & interdum multas uias adolescentiæ lubricas ostendit: quibus illa insistere, aut ingredi sine casu aliquo aut prolapsione uix posset: & multarum rerum iucundissimarum uarietatem dedit: quæ non modo hæc ætas, sed etiam iam corroborata caperetur. quamobrem si quem forte inueneritis: qui aspernetur oculis pulchritudinem rerum: non odore ullo, non tactu, non sapore capiatur: excludat auribus omnem suauitatem: huic homini, ego fortasse, & pauci deos propitios, pleriq; autem iratos putabunt. Ergo hæc deserta uia, & inculta, atq; interclusa iam frondibus, & uirgultis relinquatur. detur aliquid ætati: sit adolescentia liberior: non omnia uoluptatibus denegentur: non semper superet uera illa, & directæ ratio: uincat aliquan-

P R O M.

do cupiditas uoluptasq; rationem: dummodo illa in hoc genere praescriptio, moderatioq; teneatur: parcat iuuetus pudicitiae suae: ne spoliet alienam: ne effundat patrimonium: ne foenore iruidetur: ne incurrat in alterius damnum, atq; famam: ne probrum castis, labem integris, infamiam bonis inferat: ne quem interimat: ne intersit infidijs: scelere careat: postremo cum paruerit uoluptatibus: dederit aliquid temporis ad ludum aetatis, atq; ad inanis haece adolescentiae cupiditates: reuocet se aliquando ad curam rei domesticae, rei forensis, rei publicae: ut ea, quae ratione antea non perspexerat: saetate abiecit, experiendo contempsisse uideatur. Ac multi, et nostra, et patrum, maiorumq; memoria Iud. summi et clarissimi ciues fuerunt: quorum cum adolescentiae cupiditates deferbuissent: exin uirtutes, firmata iam aetate, exstiterunt. ex quibus neminem mihi necesse est nominare: uosmet uobiscum recordamini. nolo enim cuiusquam fortis atq; illustris uiri, ne minimum quidem erratum cum maxima laude coniungere. quod si facere uellem: multi a me summi, atq; ornatissimi uiri praedicarentur: quorum partim nimia libertas in adolescentia, partim profusa luxuries, magnitudo aeris alieni, sumptus, libidines, nominarentur: quae multis postea uirtutibus obteeta, adolescentiae qui uellet excusatione defenderet. at uero in M. Caelio (dicam enim iam confidentius de studijs eius honestis: quaedam audeo uestra quadam fretus sapientia libere confiteri) nulla luxuries reperietur: nulli sumptus: nullum aes alienum: nulla conuiuiorum ac lustrorum libido. quod quidem uicium uentris, et gutturis non modo non minuit aetas hominibus: sed etiam auget. amores autem, et haec, deliciae quae uocantur: quae

firmiore animo præditis diutius molestæ non solent
esse: mature enim & celeriter deflorescunt: nunquam
hunc occupatum impeditumq; tenuerunt. audistis cum
pro se diceret: audistis antea, cum accusaret: defendendi
causa hæc, non gloriandi loquor. genus orationis, facul-
tatem, copiam sententiarum, atq; uerborum, quæ uestra
prudencia est: perspexistis. atq; in eo non solum ingeni-
um elucere eius uidebatis: quod sæpe etiam, si industria
non alitur: ualet tamen ipsum suis uiribus: sed inerat,
nisi me propter beniuolentiam forte fallebat: oratio &
bonis artibus instituta, & cura & uigilijs elaborata.
Atq; scitote Iud. eas cupiditates, quæ obijciuntur Cælio:
atq; hæc studia, de quibus disputo: non facile in eodem
homine esse posse. fieri enim non potest, ut animus libi-
dini deditus, amore, desiderio, cupiditate, sæpe nimia co-
pia, inopia etiam nonnunquam impeditus: hoc, quic-
quid est, quod nos facimus in dicendo: non modo agen-
do, uerum etiam cogitando, possit sustinere. an uos aliã
causam esse ullam putatis? cur in tantis præmijs elo-
quentiæ, tanta uoluptate dicendi, tanta laude, tanta glo-
ria, tanto honore, tam sint pauca semperq; fuerint: qui
in hoc labore uersentur? omittendæ sunt omnes uolu-
ptates: relinquenda studia delectationis: ludus, iocus, con-
uiuium, sermo etiam penè omnium familiarium de-
serendus. quæ res in hoc genere homines a labore stu-
dioq; dicendi deterret: non quo aut ingenia deficiant,
aut doctrina puerilis. An hic, si sese isti uitæ dedisset:
Consularem hominem admodum adolescens in iudi-
cium uocauisset: hic si laborẽ fugeret: si obstrictus uolu-
ptatibus teneretur: in hac acie quotidie uersaretur? ap-
peteret inimicitias? in iudicium uocaret? subiret pericu-

PRO M.

lum capitis? ipso inspectante Populo Ro. tot menses aut de salute, aut de gloria dimicaret? nihil igitur illa uicinitas redolet? nihil hominum fama? nihil Baiæ deniq; ipsæ loquuntur? illæ uero non loquuntur solum: uerū etiam personant: huc unius mulieris libidinem esse prolapsam: ut ea non modo solitudinem ac tenebras, atq; hæc flagitiorum tegumenta non quærat: sed in turpissimis rebus frequentissima celebritate, & clarissima luce lætetur. uerum, si quis est, qui etiam meretricijs amoribus interdictum iuuentuti puter: est ille quidem ualde seuerus: negare non possum: sed abhorret non modo ab huius sæculi licentia, uerum etiam à maiorum consuetudine atq; concessis. quando enim hoc non factum est? quando reprehensum? quando non permissum? quando deniq; fuit? ut quod licet: non liceret? hic ego rem iam definiam: mulierem nullam nominabo: tantum in medio relinquam. Si qua non nupta mulier domum suam patefaceret omnium cupiditati: palamq; sese in meretricia uita collocaret: uirorum alienissimorum cōuiuijs uti istitueret: si hoc in urbe, si in hortis, si in Baiarum illa celebritate faceret: si deniq; ita sese gerceret, non incessu solum, sed ornatu, atq; comitatu, non flagrantia oculorum, non libertate sermonis, sed etiam complexu, osculatione, aquis, nauigatione, conuiuijs: ut non solum meretrix sed etiam prociæ uideatur: cum hac si quis adolescens forte fuerit: utrum hic tibi L. Herenni adulter, an amator? expugnare pudicitiam, an explere libidinem uoluisse uideatur? Obluiscor iam iniurias Clodia: depono memoriam doloris mei: quæ abs te crudeliter in meos me absente facta sunt, ne gli-go: ne sint hæc in te dicta, quæ dixi: sed ex te ipsa requi-

ro: quoniam & crimen accusatores abs te, & testem eius
criminis teipsam dicunt se habere: si qua mulier sit
huiusmodi: qualē ego paulo ante descripsi: tui dissim-
lis, uita institutoq; meretricio: cum hac aliquid adole-
scētem hominem habuisse rationis: num tibi perturpe
aut flagitiosum esse uideatur? ea sit tu non es: sicut ego
malo: quid est: quod obijciunt Caelio? sin eam te uolunt
esse. quid est cur nos crimen hoc, si tu contemnis: pertime-
scamus? quare nobis da uiam, rationemq; defensionis.
nam aut pudor tuus defendet nihil a' M. Caelio petulan-
tius esse factum. aut impudentia & huic et ceteris ma-
gnam ad se defendendum facultatem dabit. sed
quoniam emerisse iam ē uadis, & scopulos præteruecta
uidetur oratio mea: perfacilis mihi reliquus cursus osten-
ditur. duo sunt enim crimina una in muliere sum-
morum facinorum: auri, quod sumptum a' Clodia di-
citur: & ueneni, quod eiusdem Clodiae necandae causa
parasse Caelium criminantur. aurum sumpsit ut dici-
tis: quod L. Luceij seruis daret: per quos Alexandri-
nus Dio, qui tum apud Luceium habitabat: necaretur.
magnum crimen uel in Legatis insidiandis, uel in ser-
uis ad hospitem domi necandum sollicitandis: plenum
sceleris consilium: plenum audaciae. quo quidem in cri-
mine primum illud requiram. dixerit ne Clodiae quam
ad rem aurum tum sumeret? an non dixerit? si non
dixit: cur dedit? si dixit: eodem conscientiae scelere se de-
uinxit. tu ne aurum ex armario tuo promere ausa es?
tu ne uenerē illam tuā spoliatricem spoliare ornamē-
tis? ceterum cum scires quantum ad facinus aurū hoc
quereretur: ad necem. scilicet Legati, ad L. Luceij san-
ctissimi hominis atq; integerrimi labem sceleris sempi

PRO M.

terni: huic facinori tanto tua mens liberalis conscia, tua
 domus popularis ministra, tua deniq; hospitalis illa ue-
 nus adiutrix esse non debuit. uidit hoc Balbus: facino-
 ris tantum celatam esse Clodiam dixit: atq; ita Caelium
 ad illam attulisse: se ad ornatum ludorum aurum qua-
 rere. Si tam familiaris erat Clodia: quam tu esse uis: cū
 de libidine eius tam multa dicis: dixit profecto quo uel-
 let aurum. si tam familiaris non erat: non dedit. ita si
 uerum tibi Caelius dixit: O' immoderata mulier: sci-
 ens tu aurum ad facinus dedisti: si non est ausus dicere:
 non dedisti. Quid ego nunc argumentis huic crimini,
 quæ sunt innumerabilia: resistam? possum dicere mo-
 res M. Cælij longissime à tanti sceleris atrocitate esse dis-
 iunctos: minime esse credendum homini tam ingenio-
 so, tamq; prudenti, nō uenisse in mentem rē tanti scēle-
 ris ignotis alienisq; seruis non esse credendam. possum
 etiam illa, & cæterorum patronorum, & mea consue-
 tudine ab accusatore perquirere. ubi sit congressus cum
 seruis Luceij Caelius? qui ei fuerit aditus? si per se: qua
 temeritate? si per alium: per quem? possum omnes late-
 bras suspicionum peragraré dicendo: non causa, non lo-
 cus, non facultas, non conscius, non p̄ficiendi, nō ocul-
 tandi maleficij spes, non ratio ulla, non uestigium ma-
 ximi facinoris reperietur. sed hæc quæ sunt oratoris
 propria: quæ mihi non propter ingenium meū, sed pro-
 pter hanc exercitationem, usumq; dicendi fructum ali-
 quem ferre potuissent: cum à meipso laborata proferri
 uiderētur: breuitatis causa relinquo omnia. habeo enim
 Iudices, quem uos socium uestræ religionis, iurisq; iu-
 randi facile esse patiemini: L. Lucium grauissimum
 hominem, & sanctissimum, testem: qui tantum facinus
 in famam

in famam atq; fortunas suas. neq; non audisset illatum à Caelio: neq; neglexisset: neq; tulisset. An ille uir illa humanitate præditus, illis studijs, artibus, atq; doctrina, illius ipsius periculum, quem propter hæc ipsa studia diligebat: negligere potuisset? et quod facinus in alienum hominem illatum seuerè acciperet: id omisisset curare in hospite? quod per ignotos actum cum comperisset doleret: id à suis tentatum esse negligeret? quod in agris locis'ue publicis factum reprehenderet: id in urbe ac suæ domi coeptum esse leuiter ferret? quod in alienius agrestis periculo non post mitteret: id homo eruditus in insidijs doctissimi hominis dissimulandum putaret? Sed cur diutius uos Iudices teneo? ipsius iurati religionem auctoritatemq; percipite: atq; omnia diligenter testimonijs uerba cognoscite. Recite testimonium Lucii. Quid expectatis amplius? an aliquam uocem putatis ipsam causam pro se et ueritatem posse mittere? hæc est innocentie defensio: hæc ipsius causæ oratio: hæc una uox ueritatis. in crimine ipso nulla suspicio est: et in re nihil est argumenti: in negotio, quod actum esse dicitur: nullum uestigium sermonis, loci, temporis: nemo testis, nemo conscius nominatur: totum crimen profertur ex inimica, ex infami, ex crudeli, ex facinorosa, ex libidinosa domo: domus autem illa, quæ tentata scelere isto nefario dicitur: plena est integritatis, officij, religionis: ex qua domo recitatur uobis iureiurando deuincta auctoritas: ut res minime dubitanda in contentione ponatur: utrū temeraria, prociæ irata mulier finxisse crimen: an grauis, sapiens, moderatusq; uir religiose testimonium dixisse uideatur. Reliquum est igitur crimen de ueneno. cuius ego neq; principium inuenire: neq;

PRO M.

euoluere exitum possum. quæ fuit enim causa, quâ obrẽ
 isti mulieri uenenum uellet dare Cælius? ne aurũ red-
 deret? num petiuit? ne crimen hæreret? nunquis obieci?
 nunquis deniq; fecisset mentionem? si hic nemini nomẽ
 detulisset? quin etiam Herennium dicere audistis, uer-
 bo se molestum non fuisse futurum Cælio: nisi iterum
 eadem de re suo familiari absoluto nomen hic detulisset.
 credibile est igitur tantum facinus, ob nullam cau-
 sam esse commissum? Et uos non uidetis fingi sceleris
 maximi crimen: ut alterius causa sceleris suscipiendi
 fuisse uideatur? cui denique commissus? quo adiutore usus
 est? quo socio? quo conscio? cui tantum facinus? cui se? cui
 salutem suam credidit? seruis ne mulieris? sic enim obie-
 ctum est. et erat tam demens hic: cui iam uos ingenuum
 certe tribuitis: etiam si cætera inimica oratione detra-
 hitis: ut omnis suas fortunas alienis seruis committeret?
 at quibus seruis? refert enim magnopere id ipsum. his
 ne, quos intelligebat non communi conditione seruitutis
 uti: sed licentius, liberius, familiarius cum domina ui-
 uere? quis enim hoc nõ uidet Iudices? aut quis hoc igno-
 rat: in eiusmodi domo, in qua materfamilias meretricio
 more uiuat: in qua nihil geratur, quod foras proferendũ
 sit: in qua lustra, libidines, luxuries, omnia deniq; inau-
 dita uicia, atq; flagitia uersentur: hic seruos nõ esse ser-
 uos: quibus omnia committantur: per quos gerantur: qui
 uersentur iisdem in uoluptatibus: quibus occulta credan-
 tur: ad quos aliquantum etiam ex quotidianis sumpti-
 bus ac luxuria redundet. Id igitur Cælius non uide-
 bat? si enim tam familiaris erat mulieris: q̃ uos uultis:
 stros quoq; seruos familiares esse dominæ sciebat. sin eĩ
 tanta consuetudo, quanta à uobis inducitur: non erat:

quæ cum seruis potuit familiaritas tanta esse? ipsius al-
 tem ueneni quæ ratio fingitur? ubi quæsitum est? quem-
 admodum paratum? quo pacto? cui? quo in loco tradi-
 tum? habuisse aiunt domi: uimq; eius esse expertum in
 seruo quodam ad rem ipsam parato. cuius perceleri in-
 teritu, esset ab hoc comprobatum uenenum. Proð dij im-
 mortales, cur interdum in hominum sceleribus maxi-
 mus, aut coniuictis? aut præsentis fraudis poenas in diẽ
 reservatis? uidi enim, uidi, & illum hausi dolorem uel
 acerbissimum in uita: cum Q. Metellus abstraheretur
 è sinu, gremioq; patriæ: cumq; ille uir, qui se natum
 huic imperio putauit: tertio die, postquam in Curia, in
 rostris, in Rep. floruisset: integerrima ætate, optimo ha-
 bitu, maximis uiribus eriperetur indignissime bonis o-
 mnibus, atq; uniuersæ ciuitati. quo quidem tempore ille
 moriens, cum iam cæteris ex partibus oppressa mens
 esset: extremum sensum ad memoriam Reip. reserva-
 bat: cum me intues flentem significabat interruptis, atq;
 morientibus uocibus, quanta impenderet procella urbi:
 quanta tempestas ciuitati: cum parietem sæpe feriẽs eũ,
 qui cum Q. Catulo fuerat ei communis: crebro Catu-
 lum, sæpe me, sæpissime Remp. nomnabat: ut non tã
 se emori, quàm spoliari suo præsidio cum patriam, tum
 etiam me doleret. quem quidem uirum si nulla uis re-
 pentini sceleris sustulisset: quo nam modo ille furẽti fra-
 tri suo patriuelli Consulari restitisset: qui Consulem in-
 cipiẽtem furere atq; conantem sua se manu interfectu-
 rum, audiente Senatu dixerit? Ex hac igitur domo pro-
 gressa ista mulier de ueneni celeritate dicere audebit?
 non ne ipsam domum metuet: nequam uocem eliciat? nõ
 parietes conscios, nõ noctem illam funestam ac luctuo-

P R O M.

*Sam perhorrescet? Sed reuertar ad crimē. Sed enim hæc
 facta illius clarissimi ac fortissimi uiri mentio, & uo-
 cem meam fletu debilitauit: & mentem dolore impedi-
 uit. sed tamen uenenum unde fuerit: quemadmodum
 paratum sit: non dicitur. datum esse hoc aiunt P. Licinio
 prudenti adolescenti, & bono, Cælij familiari: constitu-
 tum esse cum seruis: ut uenirent ad balneas Xenias: eo-
 dem Licinium esse uenturum: atq; ijs ueneni pyxidem
 traditurum. Hic primum illud requiro: quid attinue-
 rit illud ferri in eum locum constitutum? cur illi nō ad
 Cælium domum uenerint? si manebat tanta illa consue-
 tudo Cælij cum Clodia: tantaq; familiaritas: quid suspi-
 cionis esset? si apud Cælium mulieris seruus uisus esset?
 Sin autem iam suberat similtas: extincta erat consuetu-
 do: dissidium extiterat: hinc illæ lachrymæ nimirum:
 & hæc causa est horum omnium scelerum, atq; crimē
 num. Immo inquit cum serui ad dominam rem istam
 et maleficiū Cælij detulissent: mulier ingeniosa præ-
 cepit suis: ut omnia Cælio pollicerentur. sed ut uenenu-
 cum à Licinio traderetur manifesto comprehendi pos-
 set: constitui locum iussit balneas Xenias: ut eo mitteret
 amicos: qui delitescerent. deinde repente, cum uenisset
 Licinius: uenenum traderet: prosiliret: hominemq; com-
 prehenderent. Quæ quidem omnia Iudices perfacilem
 rationem habent reprehendendi. cur enim balneas pu-
 blicas potissimum constituerat? in quibus non inuenio
 quæ latebra togatis hominibus esse possit. nā si essent in
 uestibulo balnearū: non laterent: sin se in intimum con-
 uicere uellent: nec satis commode calceati & uestiti id
 facere possent: & fortasse non reciperentur. nisi forte
 mulier potens quadrantaria illa permutatione familia=*



ris facta erat balneatori. Atque equidem uehementer ex-
pectabam, quinam isti uiri boni testes huius manifesto
deprehenso ueneni dicerentur. nulli enim sunt adhuc no-
minati. sed non dubito quin sint per graues: qui primū
sint talis foeminae familiares: deinde eam prouinciam
susceperint: ut in balneas contruderentur: quod illa nisi
a uiris honestissimis ac plenissimis dignitatis, quā ue-
lit sit potens: nunquam impetrauisset. sed quid ego de
dignitate istorum testium loquor? uirtutem eorum di-
ligentiamque cognoscite: in balneis delituerunt. testis egre-
gius. deinde tenere prosilierunt. homines grauitati de-
ditos. sic enim fingunt: cum Licinius uenisset: pyxidem
teneret in manu: conaretur tradere: nondum tradidis-
set: tum repente euolasse istos praeclaros testes sine nomi-
ne. Licinium autem cum iam manum ad tradendū py-
xidem porrexisset: retraxisset: atque illo repentino hominū
impetu se in fugam coniecisset. O magna uis ueritatis:
quae contra hominū ingenia, caliditatem, solertiam, con-
traque fictas omnium insidias, facile se per se ipsam de-
fendat. uerum haec tota fabella uetus, et plurimarum
fabularum poetria, quā est sine argumento? quā nul-
lum inuenire exitum potest? quid enim isti tot uiri? nā
necesse est fuisse non paucos: ut et comprehendi Lici-
nius facile posset: et res multorum esset oculis testator.
cur Licinium de manibus amiserunt? qui minus enim
Licinius comprehendi potuit: cum se retraxit: ne pyxi-
dem traderet: quā si non retraxisset? erant enim il-
li positi, ut comprehenderent Licinium: ut manifesto Li-
cinius teneretur, aut cum retineret uenenū: aut cum tra-
didisset. hoc fuit totum consilium mulieris: haec istorum
prouincia, qui rogati sunt. quos quidem tu quamobrem

P R O M.

temere proſiliſſe dicat, atq; ante tempus, non inuenio. fuerant hoc rogati: fuerant ad hanc rem collocati: ut uenenum, ut inſidia, facinus deniq; ipſum ut manifeſto comprehenderetur. potuerunt ne meliori tempore proſilire? quàm cum Licinius ueniſſet? cum in manu teneret ueneni pyxidem? quæ ſi cum iam erat tradita ſeruis: euasiſſent ſubito ex balneis mulieris amici: Licini umq; comprehendiſſent. imploraret hominum fidem: atq; à ſe illam pyxidem traditam pernegaret. quem quomodo illi reprehenderent? uidiſſe ſe dicerent? primũ ad ſe reuocarent maximi facinoris crimen. deinde id ſe uidiſſe dicerent: qd̃ quo loco collocati fuiſſent: non potuiſſent uidere. tempore igitur ipſo ſe oſtenderunt: cum Licinius ueniſſet: pyxidem expediret: manum porrigeret: uenenum traderet. mim̃ ergo eſt etiam exitus, non fabulæ: in quo cũ clauſula non inuenitur: fugit aliquis è manibus: deinde ſcabella concrepant: auleum tollitur. quæro enim cur Licinium titubantem, hæſitantem, cædentem, fugere conantem, mulieraria manus iſta de manibus emiſerit? cur non comprehenderint? cur non ipſius confeſſionem multorum oculis, facinoris deniq; uoce tanti ſcleris crimen expreſſerint? an timebant, ne totum, ualentes imbecillum, alacres perterritum ſuperare non poſſent? nullum argumentum in re: nulla ſuſpicio in cauſa: nullus exitus criminis reperietur. Itaq; hæc cauſa ab argumentis, à coniectura, ab iſis ſignis, quibus ueritas illuſtrari ſolet: ad teſtes tota traducta eſt. quos quidem ego teſtes Iud. non modo ſine ullo timore, ſed etiam cum aliqua ſpe delectationis expecto. prægeſtit animus iam uidere, primũ lautos iuuenes mulieris beatæ ac nobiliſ familiares: deinde fortis uiros ab im

peratrice in insidijs, atq; in praesidio balnearum loca-
 tos. ex quibus requiram quonammodo latuerint? aut
 ubi? alucius ne ille, an equus Troianus fuerit? qui tot
 inuictos viros muliebri bellum gerentes tulerit: ac te-
 xerit? illud uero respondere cogam: cur tot uiri ac tales,
 hunc & unum & tam imbecillum, quam uidetis: non
 aut stantem comprehenderint: aut fugientem consecuti
 sint? qui se nunquam profecto si istum in locum proces-
 serint: explicabunt. quam uolent in conuiujs faceti, di-
 caces, nonnunquam etiam aduinum disertis sint: alia
 fori uis est: alia triclinij: alia subselliorum ratio: alia
 lectorum: non idem iudicium, comissatorumq; conspe-
 ctus: lux deniq; longe alia est solis, & lychnorum.
 Quamobrem excutiemus omnes istorum delicias, o-
 mnes ineptias, si prodierint. sed si me audiant: na-
 uent aliam operam: aliam ineant gratiam: in alijs se
 rebus ostentent: uigeant apud istam mulierem uenue-
 state: dominantur sumptibus: hereant: iaceant: seruiat:
 capiti uero innocenti, & fortunis parcant. adsunt ser-
 ui illi de cognatorum nobilissimorum, & clarissimorum
 hominum sententia manumissi. tandem aliquid inue-
 niemus: quod ista mulier de suorum propinquorum fortis-
 simorum uirorum sententia atq; autoritate fecisse dica-
 tur. Sed scire cupio quid habeat argumenti ista manu-
 misso? in qua aut crimen est Caelio quaesitum: aut qua-
 esto subleuata: aut multarum rerum conscjs seruis cum
 causa praemium persolutum. At propinquis placuit. cur
 non placeret? cum rem tute ad eos non ab alijs tibi al-
 latam, sed a te ipsa compertam deferre diceret? hic est
 miramur si illam commenticia pyxidē obscenissima sit fa-
 bula consecuta. nihil est: quod in eiusmodi mulierē nō

P R O M.

cadere uideatur. audita & peruulgata et percelebra-
ta sermonibus res est. percipitis animus Iud. iam dudum
quid uelim, uel potius quid nolim dicere. quod etiam
si est factum: certe à Caelio non est factum. quid enim
attinebat? est enim ab aliquo fortasse adolescente non
tam insulso, quàm non uerecundo. sin autem est fictum:
non illud quidem modestum, sed tamen non est infa-
cetum mendacium. quod profecto nunquam hominum
sermo, atq; opinio comprobasset: nisi omnia, quæ cum tur-
pitudine aliqua dicerentur: in istam quadrare apte ui-
derentur. dicta est à me causa Iud. et perorata. iam
intelligitis quantum iudiciū sustineatis: quanta res sit
commissa uobis. de ui quæritis. quæ lex ad Imperium,
ad maiestatem, ad statum patriæ, ad salutem omnium
pertinet: quam legem Q. Catulus armata dissensione ci-
uiū Reip. penè extremis temporibus tulit: quæ lex se-
data illa flamma Consulatus mei, fumantis reliquias
coniurationis extinxit: hac lege Cælij adolescentia non
ad Reip. pœnas, sed ad mulieris libidines & delicias
deposcitur. Atq; hoc est loco M. Canurii et Ceserni dāna
no prædicatur. O' stulticiā, stulticiā ne dicam, an im-
pudentiam singularem? audetis ne, cum ab ea muliere
ueniatis: facere istorum hominum mentionem? audetis
ne excitare tanti flagitiū memoriam? non extinctam il-
lam quidem, sed repressam uetustate? quo enim illi cri-
mine peccatoq; perierunt? nempe, quod eiusdem mulie-
ris dolorem & iniuriam Vectiano nefario sunt stupro
persecuti. ergo ut audiretur Vectij nomen in causa: ut
illa uetus Afrania fabula refriqueretur: itaq; Canur-
ti, & Ceserni est causa renouata? qui quanquam Lege
de ui certe non tenebantur: eo maleficio tamen erant

implicati: ut ex nullius legis laqueis emittendi uideren-
tur. M. uero Caelius cur in hoc iudicium uocatur: cui
neq; proprium questionis crimen obijcitur: nec uero ali-
quid eiusmodi: quod sit a lege seiunctum: & cum ue-
stra seueritate coniunctum. cuius prima ætas dedit
disciplinam fuit, usq; artibus, quibus instruimur ad hunc
usum forensem, ad capeffendam rempublicam, ad hono-
rem, gloriam, dignitatem. His autem fuit amicitijs ma-
iorum natu: quorum imitari industriam continentiaq;
maxime uelit: his æqualium studijs: ut eundem, quem
optimi ac nobilissimi, petere cursum laudis uideretur.
cum autem paulum iam roboris accessisset ætati: in
Africam profectus est, Q. Pōpeio proconsuli contuber-
nalis castissimo uiro atq; omnis officij diligentissimo: in
qua prouincia cum res erant, & possessiones paternæ:
tum etiam usus quidam prouincialis, non sine causa a
maioribus huic ætati tributus. discessit illinc Pompei
iudicio probatissimus: ut ipsius testimonio cognoscetis. uo-
luit uetere instituto, eorum adolescentium exemplo, quæ
post in ciuitate summi uiri, & clarissimi ciues extite-
runt: industriam suam a Populo Ro. ex aliqua illustri
accusatione cognosci. uellem alio potius eum cupiditas
gloriæ detulisset: sed habuit hoc tempus querelæ. accusa-
uit C. Antonium Collegam meum: cui misero præcla-
ri in Remp. beneficij memoria nihil profuit: nocuit opi-
nio maleficij cogitati. postea nemini concessit æqualium,
plus ut in foro, plus ut in negocijs uersaretur, causisq;
amcorum: plus ut ualeret inter suos gratia. quæ nisi
uigilantes homines, nisi sobrii, nisi industrij consequi nō
possunt: omnia labore & diligentia est consecutus. In
hoc flexu quasi ætatis, nihil enim occultabo fretus huma

P R O M.

nitate ac sapientia uestra: fama adolescentis paulum
hæsit ad metas, noticia noua mulieris, & infelici uici-
nitate, & insolentia uoluptatum. quæ cum incluse diu-
tius, & prima ætate compressæ, & constrictæ fuerunt:
subito se nonnunquam profundunt: atq; eijciuntur uni-
uersæ. quæ ex uita, uel dicam quo ex sermone, nequa-
quam enim tantum erat: quantum homines loqueban-
tur: uerum ex eo, quicquid erat: emerfit: totumq; se eie-
cit: atq; extulit: tantumq; abest ab illius familiaritatis in-
fama: ut eiusdem nunc ab se se inimicitias odiumq; pro-
pulset. atq; ut iste interpositus sermo deliciarum, desi-
diæq; moreretur: fecit me mehercule inuito & multum
repugnante, sed tamen fecit: nomen amici mei de ambitu
detulit. quem absolutum in sequitur: reuocat: nemini no-
strum obtemperat: est uiolentior quàm uellem. sed ego
non loquor de sapientia: quæ non cadit in hanc ætatem:
de impetu animi loquor, de cupiditate uincendi, de ar-
dore mentis ad gloriam. quæ studia iam in his æta-
tibus nostris contractioniora esse debeant: in adolescentia
uero, tanquam in herbis, significant quæ uirtutis matu-
ritas, et quæ fruges industrie sint futurae. etenim sem-
per magno ingenio adolescentes refrenandi potius a' glo-
ria, q̃ inatandi fuerunt. amputanda plura sunt illi æta-
ti: siquidem efflorescit ingenij laudibus: quàm in serren-
da. quare si cui nimium efferbuisse uidetur huius uel in
suscipiendis, uel in gerendis inimicitij uis, ferocitas, per-
tinacia: si quem etiam minorum horum aliquid offen-
dit: si purpuræ genus, si amicorum cateruæ, si splendor,
si nitor: iam ista deseruerit: iam ætas omnia, iam res,
iam dies mitigarit. Conseruate igitur reip. Iud. ciuem
bonarum artium, bonarum partium, bonorum uiro-

rum. promitto hoc uobis: & Reip. spondeo: si modo nos
ipsi Reip. satisfacimus: nunquam hunc a nostris ratio-
nibus seiunctum fore. quod cum fretus nostra familia-
ritate promitto: tum quod durissimus se ipse legibus
iam obligarit. neq; enim potest qui hominem consula-
rem, quod ab eo Remp. uiolatam diceret: in iudicium
uocari: ipse in Rep. ciuis esse turbulentus. non potest, qui
ambitu ne absolutum quidem patitur esse absolutum:
ipse impune unquam esse largitor. habet a M. Caelio
Resp. Iud. duas accusationes uel obsides periculi, uel pe-
gnora uoluntatis. Quare obtestor, oroq; uos Iudices:
ut qua in ciuitate paucis diebus his Sex. Clodius absolu-
tus sit: quæ per biennium aut ministrum seditionis, aut ducem
uidistis: qui ædes sacras, qui censum Populi romani, qui
memoriam publicam, suis manibus incendit: hominem
sine re, sine fide, sine spe, sine sede, sine fortunis, ore, lin-
gua, manu, uita omni inquinatum: qui Catuli monu-
mentum affixit: meam domum diruit: mei fratris incen-
dit: qui in palatio atq; in urbis oculis seruitia ad cæ-
dem & inflammandam urbem incitauit: in ea ciuita-
te ne patiamini illum absolutum muliebri gratia, M.
Caelium libidini mulieris condonatum: ne eadem mu-
lier cum suo coniuge, & fratre, turpissimum latronem
eripuisse, & honestissimum adolescentem oppressisse ui-
deatur. quod cum huius uobis adolescentiam proposue-
ritis: constituite uobis ante oculos huius etiam miseræ
senectutem: qui hoc unico filio nititur: in huius spe re-
quiescat: huius unius casum pertimescat: quem uos sup-
plicem uestre misericordiae, seruum potestatis, abiectum
non tam ad pedes, quàm ad mores sensusq; uestros, uel
recordatione parentum uestrorum, uel liberorum in-

PRO M. CAELIO.

canditate sustentate: ut in alterius dolore uel pietati,
uel indulgentiæ uestræ seruiatis. nolite Iudices, aut
hunc natura ipsa occidentem uelle maturius extinguere
uulnere uestro, quam suo fato: aut hunc nunc primum
florescentem firmata iam stirpe uirtutis, tanquam tur-
bine aliquo aut subita tempestate peruertere. conserva-
te parenti filium: parentem filio: ne aut senectutem pro-
pè desperatam contempsisse, aut adolescentiam plenam
spei maximæ, non modo uos non aluisse: sed etiam per-
culisse, atq; affixisse uideamini. quem si uobis, si suis,
si Reip. conseruatis: addictum, deditum, obstrictum uo-
bis, ac liberis uestris habebitis: omniumq; huius neruo-
rum, ac laborum uos potissimum Iud. fructus uberes,
diurnosq; capietis.

PRO L. CORNELIO BALBO.
ORATIO XXXVI.

I authoritates patronorum in iudicijs
ualerent: ab amplissimis uiris L. Cor-
nelij causa defensa est: si usus: a peritis-
simis: si ingenia: ab eloquentissimis: si
studia: ab amantissimis, & cum benefi-
cijs cum L. Cornelio, tum maxima familiaritate coniun-
ctis. quæ sunt igitur meæ partes? authoritatis tantæ,
quantam uos in me esse uoluistis: usus mediocris: ingenij
minime uoluntati par. nam cæteris, a quibus est de-
fensus, hunc debere plurimum uideo. ego quantum ei
debeam, alio loco ostendam. Principio orationis hoc op-
pono, me omnibus qui amici fuerint saluti meæ, & di-
gnitati, si minus ad referendam gratiam satisfacere po-
tuerim, ad prædicandam & habendam certe satis esse
facturum. Quæ fuerit hesternò die Cn. Pompei gra-
uitas in dicendo iud. quæ facultas, quæ copia, non opi-
nione tacita uestrorum animorum, sed perspicua admi-
ratione declarari uidebatur. nihil enim unquã audiui:
quod mihi de iure subtilius dici uideretur: nihil de me-
moriam, de more, de exemplis acutius: nihil peritius de
fæderibus: nihil illustriore authoritate, de bellis: nihil
de rep. grauius: nihil de ipso modestius: nihil de causa
& crimine ornatus. ut mihi iam uerum uideatur il-
lud esse: quod nonnulli literati ac studijs doctrinisq;
dediti quasi quiddã incredibile dicere putabãtur: eum,
qui omnes animo uirtutes penitus comprehendisset: o-
mnia quæ facere uellet, facillime tractare. quæ enim in
L. Crasso potuit homine nato ad dicendi singularem

PRO L.

quandam facultatem, si hanc causam ageret, maior esse
ubertas, uarietas, copia? quam fuit in eo: qui tantum
potuit impertire huic studio temporis: quantum ipse a
puericia usq; ad hanc aetatem a continuis bellis et ui-
ctorijs conquieuit? quo mihi difficilior est hic extremus
perorandi locus. Et enim ei succedo orationi: quæ non
præteruecta sit aures uestras: sed in animis omnium pe-
nitus insederit: ut plus uoluptatis ex recordatione illius
orationis, quam non modo ex mea, sed ex cuiusquam
oratione capere possitis. sed mos est gerendus non modo
Cornelio: cuius ego uoluntati in eius periculo nullo mo-
do deesse possum: sed etiam Cn. Pompeio: qui sui facti,
sui iudicij, sui beneficij, uoluit me esse, ut apud eosdem
uos Iudices nuper in alia causa fuerim: et prædicato-
rem, et auctorem. Ac mihi quidem hoc dignum eo
uidetur: hoc deberi huius excellentis uiri præstantissi-
mæ gloriæ: hoc proprium esse uestri officij: hoc satis
esse causæ: ut quod fecisse Cn. Pompeium constet: id oēs
et licuisse concedant. nam uerius nihil est: quam quod
hesterno die dixit ipse: ita L. Cornelium de fortunis o-
mnibus dimicare: ut nullius in delicti crimen uocaretur.
non enim furatus esse ciuitatem, non genus suum
ementitus, non aliquo impudeti mendacio delituisse: nõ
irrepsisse in censum dicitur. unum obijcitur: natum esse
Gadibus: quod negat nemo. cæterum accusator fatetur,
huc in hispania durissimo bello cum Q. Metello, cum
C. Memmio, et in classe, et in exeratu fuisse: et ut
Pompeius in hispaniam uenerit: Memmumq; habere
Quæstorem cœperit: nunquam a Memmio discessisse:
Carthaginem esse profectum: acerrimis illis prælijs et
maximis Sucronensi et Durenfi interfuisse: cum Pom-

peio ad extremum belli tempus fuisse. hæc sunt prælia Cornelij: talis in Remp. nostram labor, assiduitas, dimicatio. uirtus digna summo imperatore: spes pro periculis præmiorum. præmia quidem ipsa non sunt in eius factis, quæ adeptus est: sed in eius, qui dedit. Donatus igitur est ob eas causas à Cn. Pompeio ciuitate. id accusator non negat. sed reprehendit: ut in Cornelio causa ipsius probetur: pœna quaeratur. in Pompeio causa lædatur: pœna sit nulla. sic famam, sic innocentissimi hominis fortunas, præstantissimi imperatoris factum condemnari uolunt. ergo in iudicium caput Cornelij, factum Pompeij uocatur. hunc enim in ea ciuitate, in qua sit natus: honestissimo loco natum esse concedis: Et ab ineunte ætate relictis rebus suis omnibus in nostris bellis, nostris cum imperatoribus esse uersatum: nullius laboris, nullius obsessionis, nullius prælij expertem fuisse. hæc sunt omnia cum plena laudis, tum propria Cornelij: nec in his rebus crimen est ullum. ubi igitur est crimen? quod eum Pompeius ciuitate donauit. huiusce crimen? minime. nisi honos ignominia putanda est. cuius igitur? re uera nullius. actione accusatoris eius unius, qui donauit. qui si adductus gratia minus idoneum hominem præmio affecisset: qui etiam si uirum bonum, sed non ita meritum, si denique aliquid quod non contra ac liceret factum diceretur: sed contra atque oporteret: tamen esset omnis eius reprehensio à uobis Iudices repudianda. Nunc uero quid dicitur? quid ait accusator fecisse Pompeium? quod ei facere non licuerit. quod grauius est: quam si id factum ab eo diceret: quod non oportuisset. est enim aliquid: quod non oporteat, etiam si licet: quicquid uero non licet: certe non oportet.

PRO L.

tet. Hic ego nūc coner sic agere Iudices: nō esse fas dubita-
 ri: quin quod Cn. Pompeiū fecisse constitit: id nō solum
 deuisse, sed etiam debuisse fateamur. Quid enim abest
 huic homini: quod si adesset, iure hoc tribui & concedi
 putaremus? usus ne rerum? qui puericiae tempus extre-
 mum principium habuit bellorum atq; imperiorum
 maximorum: cuius pleriq; aequales minus saepe castra
 uiderunt: quā hic triumphauit: qui tot habet trium-
 phos: quot orae sunt partesq; terrarum: tot uictorias bel-
 licas: quot sunt in rerum natura genera bellorum. An
 ingenium? cum etiam ipse casus euentusq; rerum, non
 duces, sed comites eius consiliorum fuerint: in quo uno
 ita summa fortuna cum summa uirtute certauit: ut om-
 niū iudicio plusquam decet, tribueretur. An pudor? an
 integritas? an religio in eo? an diligentia unquam re-
 quisita est? quem provinciae nostrae, quem liberi populi,
 quem reges, quem exterae gentes, castorem, moderatio-
 rem, sanctiorem, non modo uiderunt: sed aut sperando
 unquam, aut optando cogitauerunt? Quid dicam de
 auctoritate? quae tanta est: quanta in his tantis uirtu-
 tibus ac laudibus esse debet. cui S. P. Q. R. am-
 plissimae dignitatis praemia dedit non postulanti im-
 peria, uerū etiam recusanti. Huius de facto ita queri,
 ut agatur, licuerit ne id facere, quod fecit: an uero non
 dicam non licuerit: sed nefas fuerit: contra foedus enim
 id est cōtra populi romani religionē et fidē fecisse dicitur:
 non turpe populo romano? non ne uobis est? Audiui hoc
 de parete meo puer: cum Q. Metellus L. F. causam de
 pecunijs repetundis diceret: ille ille uir, cui patriae salus
 dulcior q̄ conspectus fuit: qui de ciuitate decedere q̄ de
 sententia maluit: hoc igitur causam dicente, cum ipsius
 tabulae

tabulae circumferretur inspicendi nominis causa: fuisse iudicem ex illis Egitibus romanis grauissimis uiris neminem: quoniam remoueret oculos: et se totum auerteret: ne forte quod ille in tabulas publicas retulisset, dubitasset quisquam uerum ne an falsum esset, uideretur. nos Cn. Pompeij decretum iudicium de consilij sententia pronuntiatum recognoscemus? cum legibus conferemus? cum foederibus, quorum acerbissima diligentia est, pertendemus? Athenis aiunt, cum quidam apud eos, qui sancte grauiusque uixisset: et testimonium dixisset publice: et (ut mos Graecorum est) iurandi causa ad aras accederet: una uoce omnes Iudices ne is iuraret, reclamasse. cum Graeci homines spectati uiri noluerint religione uideri potius, quam ueritate fidem esse constrictam: nos etiam in ipsa religione et legum et foederum seruanda qualis fuerit Cn. Pompeius dubitabimus? uirum enim inscientem uultis contra foedera fecisse: an scientem? si scientem: O' nomen nostri imperij: O' populi romani excellens dignitas: O' Cn. Pompeij sic late longeque diffusa laus: ut eius gloriae domicilium communis imperij finibus terminetur: O' nationes, urbes, populi, Tyrarchae, Tyranni, testes Cn. Pompeij non solum uirtutis in bello, sed etiam religionis in pace: uos denique mutae regiones imploro, et sola terrarum ultimarum: uos maria, portus, insulae, litora. quae est enim ora? quae sedes? qui locus? in quo non extent huius cum fortitudinis, tum uero humanitatis, tum animi, tum consilij impressa uestigia? Hunc quisquam incredibili quadam atque inaudita grauitate, uirtute, constantia praeditum foedera scientem neglexisse, uiolasse, rupisse, dicere audebit? Gratificatur mihi gestu accusator: nescientem Cn. Pompeium

h h h

PRO L.

fecisse significat. quasi uero leuius sit cum in tanta Rep.
uersere: et maximus negocijs præsidi: facere aliquid, quod
scias non licere: an omnino nescire quid liceat. Etenim
cum in Hispania bellum acerrimum & maximum
gesserat: quo iure Gaditana ciuitas esset, nesciebat? An
cuius linguam populi non nosset: interpretationem fœ-
deris non tenebat? Igitur quisquam Cn. Pompeiū igno-
rassē dicere audebit, quod mediocres hoīes, quod nullo
usu, nullo studio militari præditi, quod librarioli deniq;
scire profiteantur? eadem contra existimo Iudices: cum
in omni genere, ac uarietate artium, etiam illarū, quæ
sine summo ocio nō facile discuntur: Cn. Pompeius ex-
cellat: singularem quandam laudem, & præstabilem
esse, scientiam in fœderibus, pactionibus, conditionibus,
populorum, regum, exterarum nationum, in uniuerso
deniq; belli iure, atque pacis. nisi forte ea, quæ nos libri
docent in umbra, & ocio: ea Cn. Pompeium, neq; cum
requiesceret, literæ, neq; cum rem gereret, res ipsæ do-
cere potuerunt. Atq; ut ego sentio Iud. causa dicta est
* temporis magis. ego non huius inquam genere iudi-
cij plura dicam. est enim huius sæculi labes quædam,
& macula, uirtuti inuidere: uelle ipsum florem digni-
tatis infringere. etenim si Cn. Pompeius ab hinc annos
quingentos fuisset, is uir, à quo senatus adolescentulo atq;
Equite romano sæpe communis salutis auxiliū expe-
tisset: cuius res gestæ omnes gentes cum clarissima ui-
ctoria terra mariq; peragrassent: cuius tres triumphū
testes essent, totum orbem terrarum nostro imperio te-
neri: quē populus romanus singularibus honoribus de-
corasset: si nunc apud uos id quod is fecisset, contra fœ-
dus factum diceretur: quis audiret? nemo profecto. mors

enim cum extinxisset inuidiam: res eius gestæ sempiter-
ni nominis gloria niterentur. cuius igitur audita uir-
tus dubitationis locum non daret: huius præsens exper-
ta atq; perspecta obrectatorum uoce lædatur? Omittam
igitur Pompeium iam oratione mea reliqua. sed uos
Iudices animus ac memoria tenetote. de lege, de fœdere,
de exēplis, de ppetua consuetudine ciuitatis nostræ, re-
nouabo ea: quæ dicta sunt: nihil enim mihi noui, nihil
integri, neq; M. Crassus, qui totam causam pro ficulta-
te & pro fide sua diligentissime uobis explicauit: neq;
Cn. Pompeius, cuius oratio omnibus ornamentis abun-
dauit: ad dicendum reliquit. Sed quoniam me recusante
placuit ambobus adhiberi hunc à me quasi perpo-
liendi quendam operis extremum laborem: peto à uo-
bis: ut me officij potiusquam dicendi studio hanc susce-
pisse operam ac munus putetis. Ac priusquam aggre-
diar ad ius causamq; Cornelij: quiddam de communi
conditione omnium nostrum deprecandæ maliuolentiæ
causa breuiter commemorandū uidetur. Si quo quisq;
loco nostrum est Iudices natus: aut si in qua fortuna est
nascendi initio constitutus: hunc uitæ statum usq; ad se-
nectutem obtinere debet: & si omnes, quos aut fortu-
na extulit: aut ipsorum illustrauit labor & industria:
pœna sunt afficiendi: non grauior L. Cornelio, quam
multis uiris bonis atq; fortibus constitui lex uitæ &
conditio uidetur. Sin autem multorum uirtus, ingeni-
um, humanitas ex infimo genere & fortunæ gradu
nonmodo amicitias & rei familiaris copias consecuta
est: sed summam laudem, honores, gloriam, dignitatem:
non intelligo cur potius inuidia uiolatur à uirtute L.
Cornelij: quam æquitas uestra pudorem eius adiutu-

hhh ij

PRO L.

ra uideatur. Itaq; quod maxime petendum est, à uobis
 iairco non peto Iudices: ne de uestra sapientia, atq; de
 uestra humanitate dubitare uidear. Est autem hoc pe-
 tendum: ne oderitis ingeniū: ne inimici sitis industrie:
 ne humanitatem opprimendam, ne uirtutem puniendā
 putetis. illud peto: ut si causam ipsam per se firmam esse
 & stabilem uideritis: hominis ipsius ornamenta adiu-
 mento causæ potius, quam impedimento esse malitis. Na
 scitur Iudices causa Cornelij ex ea lege, quā L. Gellius,
 Cn. Cornelius ex senatus sententia tulerunt. qua lege ui-
 deamus satis esse sancti uti ciues romani sint ij: quos Cn.
 Pompeius de consilij sententia sigillatim ciuitate dona-
 uerit. donatum esse L. Cornelium præsens Pompeius
 dicit: indicant publicæ tabulæ: accusator fatetur: sed ne-
 gat ex fœderato populo quenquam potuisse, nisi is po-
 pulus fundus factus esset: in hanc ciuitatem uenire. O
 præclarum interpretem iuris, auihorem antiquitatis,
 correctorem atq; emendatorem nostræ ciuitatis: qui hanc
 pœnam fœderibus ascribat: ut omnium præmiorū, be-
 neficiorūq; nostrorū expertes faciat fœderatos. quid
 enim potuit dici imperitius? quàm fœderatos populos
 fieri fundos oportere? nam id non magis est propriū
 fœderatorum, quam omnium liberorum. sed totum hoc
 Iudices in ea fuit positum semper ratione atq; senten-
 tia: ut cum iussisset Prætor aliquid: si id adsciuisent so-
 cij populi ac latini: & si ea lex quam nos haberemus,
 eadem in populo aliquo tanquam in fundo resedisset:
 ut tum lege eadem is populus teneretur: non ut de no-
 stro iure aliquid minueretur: sed ut illi populi aut in
 re eo, quod à nobis esset constitutum: aut aliquo com-
 modo, aut beneficio uterentur. Tulit apud maiores no-

stros legem C. Furius de testamentis tulit Q. Voconius de mulierum hereditatibus: innumerabiles aliae leges de civili iure sunt latae: quas latini uoluerunt: adsciverunt. ipsa denique Iulia: qua lege ciuitas est socijs & latinis data: qui fundi populi facti non essent: ciuitatem non haberent. in quo magna contentio Heracliensium & Neapolitanorum fuit: cum magna pars in ijs ciuitatibus iuris sui libertatem ciuitati anteferret. postremo haec uis est istius et iuris et uerbi: ut fundi populi beneficio nostro, non suo iure fiant. cum aliquid populus romanus iussit: id si est eiusmodi: ut quibusdam populis siue foederatis, siue liberis permittendum esse uideatur: ut statuunt ipsi non de nostris, sed de suis rebus, quo iure uti uelint: tum uirum fundi facti sint, an non, querendum esse uideatur. de nostra uero Reipublica. de nostro imperio, de nostris bellis, de uictoria, de salute, fundos populos fieri noluerunt. Atqui si imperatoribus nostris, si senatui, si populo romano, non licebit propositis praemijs elicere ex ciuitatibus sociorum atque amicorum fortissimum atque optimum quemque ad subeunda pro salute nostra pericula: summa utilitate ac maximo saepe praesidio in periculis atque asperis temporibus cendum erit. Sed per deos immortales, quae est ista societas? quae amicitia? quod foedus? ut aut nostra ciuitas careat in suis periculis Massiliensi propugnatore: careat Gaditano: careat Saguntino: aut si quis ex illis populis sit exortus: qui nostros duces auxilio laboris, commeatus, periculo suo iuauerit: qui cum hoste nostro communis in acie saepe pugnarit: qui se saepe telis hostium, qui dimicationi capitis, qui morti obiecerit: nulla conditione huius ciuitatis praemijs affici possit. est enim in populum Romanum graue non posse uti so-

hhh iy

cij excellenti uirtute præditis: qui uelint cum pericu-
lis nostris sua communicare. in socios uero ipsos, & in
eos de quibus agimus fœderatos, iniuriosum & contra
meliosum est: his præmijs et his honoribus exclusos esse
fidelissimos & coniunctissimos socios: quæ pateant sti-
pendiarijs: pateant hostibus: pateant seruis. nam & sti-
pendarios ex Africa, Sicilia, Sardinia, cæteris provin-
cijs multos ciuitate donatos uidemus: et qui hostes ad no-
stros imperatores persugissent: & magno usui Reip.
nostræ fuissent: scimus ciuitate esse donatos. seruos de-
niq; quorum uis & fortunæ conditio infima est: bene
de Repub. meritos persæpe libertate, id est ciuitate publi-
ce donari uidebamus. Hanc tu igitur patrone fœderum
ac fœderatorum conditionem statuis tuis ciuib;: ut quod
his, quos Gaditanis adiutoribus armis subegimus: atq;
in ditionem nostrâ redeimus: liceat: si populus Ro. pmi-
serit: ut ab senatu, ab imperatoribus nostris, ciuitate do-
nentur: id ne liceat ipsis. qui si suis decretis legibus ue
sanxissent: ne quis suorum ciuium castra imperatorum po-
puli Ro. iniret: ne quis se pro nostro imperio in pericu-
lum capitis atq; in uitæ discrimen inferret: Gaditano-
rum auxilijs uti, cum uellemus, nō liceret: priuatus ue-
ro ne quis uir & animo, & uirtute præcellens pro no-
stro imperio periculo suo dimicaret: grauius id iure
ferrenus: minui auxilia populi romani: debilitari aios
fortissimorum uirorum: alienigenarum nos hominum stu-
dijs atq; externa uirtute priuari. Atqui nihil inter-
est Iudices utrum hæc fœderati iura constituent: ut ne
cui liceat ex his ciuitatibus ad nostrorum bellorum pe-
ricula accedere: an quæ nos eorum ciuib; uirtutis cau-
sa tribuerimus: ea rata esse non possint. nihil enim ma-

gis uteremur his adiutoribus sublati præmijs uirtutis: quàm si omnino his uersari in nostris bellis non lice-
re. etenim cum pro sua patria pauci post genus homi-
num natum reperti sint: qui nullis præmijs propositis
uitam suã hostiũ telis obiecerint: pro aliena republica
quenquam fore putatis: qui se opponat periculis non-
modo nullo proposito præmio sed etiã interdicto? sed
quàm est illud imperitissime dictũ de populi fundis:
quod commune liberorum est populorum: non propriũ
foederatorum. ex quo intelligi necesse est: aut neminem
ex socijs cuem fieri posse: aut etiam posse ex foederatis.
Tum uero ius omne noster iste magister mutandæ ci-
uitatis ignorat. quod est Iudices non solum in legibus
publicis positum: sed etiam in priuatorum uoluntate. ius
re enim nostro neq; mutare ciuitatem quisquam inuitus
potest: neq; si uelit, mutare non potest: modo adsciscatur
ab ea ciuitate: cuius esse se ciuitatis uelit: ut si Gaditani
sciuerint noiati de aliquo ciue romano: ut sit is ciuis
Gaditanus: magna potestas sit nostro ciui mutandæ ci-
uitatis: nec foedere impediatur: quominus ex ciue roma-
no ciuis Gaditanus possit eẽ. Duarũ ciuitatum ciuis no-
ster esse iure ciuili nemo potest. non esse huius ciuitatis
ciuis, qui se alij ciuitati dicarit, potest. neq; solum dicta-
tiõe, quod in calamitate clarissimus uiris Q. Maximo,
C. Lenati, Q. Philippo Nuceria, C. Catoni Tarracone,
Q. Cepioni, P. Rutilio Smyrnae uidimus accidisse: ut
earũ ciuitatum fierent ciues: hanc ante amittere nõ po-
tuisent: quàm huius solum ciuitatis mutatione uertis-
sent: sed etiam postliminio potest ciuitatis fieri mutatio.
neq; enim sine causa de Cn. Publicio Menandro liber-
tino homine, quem apud maiores legati nostri in Græ-

h h h iij

PRO L.

ciam proficiscentes interpretem secum habere uoluerūt:
ad populū latum: ut is Publicius si domum reuertisset: et
inde Romam redisset: ne minus ciuis esset. Multi etiam
superiori memoria ciues romani sua uolūtate indēnati
et incolumes his rebus relictis alias se in ciuitates con-
tulerūt. Quod si cui romano licet eē Gaditanū siue exi-
lio, siue postliminio, siue reiectione huius ciuitatis: ut iam
ad fœdus ueniam: quod ad causam nihil pertinet (de
ciuitatis enim iure non de fœderibus disceptamus) quid
est? quamobrem cui Gaditano in hanc ciuitatem uenire
non liceat? Equidem longe secus sentio. nam cum ex
omnibus ciuitatibus uia sit in nostram: cumq; nostris
ciuib; pateat iter ad ceteras ciuitates: tū uero ut quæq;
nobiscum maxime societate, amicitia, sponsione, pactio-
ne, fœdere coniuncta est: ita mihi maxime communionē
beneficiorum, præmiorum, ciuitatis, continere uidetur.
Atqui ceteræ ciuitates omnes non dubitarent nostros
recipere in suas ciuitates: si idem nos iuris haberemus,
quod ceteri. sed nos non possumus et huius esse ciui-
tatis, et cuiusuis præterea. ceteris concessum est. Itaq;
in Græcis ciuitatibus uidemus, Athenis Rhodios, Lace-
dæmonios, ceteros undiq; ascribi: multarumq; esse eos-
dem homines ciuitatum. quo errore ductos uidi ego=
met nonnullos imperitos homines nostros ciues, Athenis
in numero iudicum, atq; Areopagitarum, certa tribu,
certo numero: cum ignorarent, si illam ciuitatem essent
adepti: hanc se perdidisse: nisi postliminio recuperassent.
peritus uero nostri iuris ac moris nemo unquam quē
hanc ciuitatem retinere uellet: in aliā ciuitatem se dict-
uit. Sed hic totus locus disputationis atq; orationis meæ
Iudices pertinet ad commune ius mutandarum ciuita-

tum: nihil habet: quod sit proprium religionis ac fœderum. defendo enim rem uniuersam: nullā esse gentem ex omni regno terrarū neq; tam dissidēiē a populo romano odio quodā atq; dissidio: neq; tam fide beniuolentiāq; coniūctā: ex qua nobis interdictū sit: ut ne adsciscere quem, aut ciuitate donare possimus. O' mira, præclara, atq; diuinitus iam a principio romani nois a maioribus nostris ratio comparata: ne quis nostrum plusquam unius ciuitatis esse possit. dissimilitudo enim ciuitatum uarietatem iuris habeat, necesse est: ne quis inuitus ciuitate mutetur: ne uē in ciuitate maneat inuitus. hæc sunt enim fundamenta firmissima nostræ libertatis: sui quæq; iuris & dimittendi & retinendi esse dominum. illud uero sine ulla dubitatione maxime nostrū fundauit imperiū: et populi ro. nomen auxit: quod princeps ille creator huius urbis Romulus fœdere Sabinino docuit: etiam hostibus recipiendis augeri hanc ciuitatem oportere. cuius auctoritate & exemplo nunquam est intermissa a maioribus nostris largitio, & communicatio ciuitatis. Itaq; & ex Latio multi & Tusculani et Lamuini, et ex cæteris generibus gentes uniuersæ in ciuitatem sunt receptæ: ut Sabinorum, Volscorum, Hernicorum: quibus ex ciuitatibus nec coacti essent ciuitatem mutare, si qui noluiissent: nec si qui essent ciuitatē nostrā bñficio populi ro. cōsecuti: uiolatū fœdus eorum uideretur. Etenim quædam fœdera extant: ut Germanorum, Insubrium, Heluetiorum, Iapidum, nonnullorum item ex Gallia barbarorum: quorum in fœderibus exceptum est: ne quis a nobis ciuis recipiatur. quod si exceptio facit: ne liceat: ibi necesse est licere. Vbi est igitur exceptum fœdere Caditano, ne quem P.

PRO L.

romanus Gaditanū recipiat ciuitate? nusquā. ac sicubi
 esset: lex id Gellia & Cornelia, quæ definite potestatem
 Pompeio ciuitatem donandi dederat: sustulisset. Excep-
 tum est inquit: fœdus siquidem sacrosanctum est.
 ignosco tibi: si neq; Pœnorum iura calles: reliqueras
 enim ciuitatem tuam: neq; nostras potuisti leges inspi-
 cere: ipsæ enim te à cognitione sua iudicio publico re-
 pulerunt. Quid fuit in rogatione ea quæ de Pom-
 peio à Gellio & à Lentulo cons. lata est: in qua ali-
 quid sacrosanctum uideretur? Primum enim sacro-
 sanctum nihil esse potest: nisi quod populus plebs uel san-
 xisset. deinde sanctiones sacrandæ sunt aut genere ipso,
 aut obtestatione, & consecratione legis, aut pœnæ, cum
 caput eius qui contra facit, consecratur. Quid habes igitur
 dicere de Gaditano fœdere eiusmodi? utrum à ca-
 pitis consecratione, an obtestatione legis sacrosanctum
 esse confirmas? nihil omnino unquam de isto fœdere
 ad populum, nihil ad plebē latum esse dico: neq; legem,
 neq; pœnam latam esse. de quibus etiam si latum esset,
 ne quem ciuem reciperemus: tamen id esset, quod popu-
 lus postea iussisset, ratum. neq; quicquam illis uerbis si
 qd sacrosanctum esset, esse exceptum uideretur. de his
 cum populus Ro. nihil unquam iusserit: quæquam audes
 dicere sacrosanctum fuisse? Nec uero hæc oratio mea
 ad infirmandū fœdus Gaditanorū Ind. pertinet. neq;
 enim est meum contra ius optime merita ciuitatis, con-
 tra opinionem uetustatis, contra auctoritatem senatus
 dicere. Duris enim quondam temporibus Reip. nostræ
 cum præpotens terra mariq; Carthago nixa duabus Hi-
 spanijs huic imperio immineret: & cum duo fulmina
 nostri imperij subito in Hispania Cn. & P. Scipiones

extincti occidissent: L. Martius primipili Centurio cum Gaditanis fœdus iecisse dicitur. quod cum magis fide illius populi, iustitia uestra, uetustate denique ipsa, quam aliquo publico uinculo religionis teneretur: sapientes homines & publici iuris periti Gaditani M. Lepido, Q. Catulo Cons. a senatu de fœdere postulauerunt. tum est cum Gaditanis fœdus uel renouatum, uel iustum. de quo fœdere populus Ro. sententiā nō tulit: quod iniussu suo nullo pacto potest religione obligari. Ita Gaditana ciuitas, quod beneficijs suis erga Remp. nostram consequi potuit: quod imperatorum testimonijs: quod uetustate: quod Q. Catuli summi uiri auctoritate: quod iudicio senatus: quod fœdere: consecuta est. quod publica religione sanciri potuit, id abest. populus enim se nusquam obligauit. neque ideo est Gaditanorum causa deterior: grauissimus enim & pluribus rebus est fulta. sed isti disputationi certe nihil est loci. sacrosanctū. n. nihil potest esse: nisi quod per populum plebemue sanctum est. Quod si hoc fœdus, quod populus Ro. auctore senatu, commendatione et iudicio uetustatis, uolūtate & sententijs suis comprobatur: idem suffragijs comprobasset: quid erat cur ex ipso fœdere Gaditanum in ciuitatem nostram recipi non liceret? nihil est enim aliud in fœdere: nisi ut pia & æterna pax sit: quid id ad ciuitatem? adiunctum illud etiam est, quod non est in omnibus fœderibus: maiestatem populi Ro. comiter conseruet. Id habet hanc uim: ut sit ille in fœdere inferior. Primum uerbi genus hoc conseruandi, quo magis in legibus quam in fœderibus uti solemus: imperantis est: non precantis. deinde cum alterius populi maiestas seruari iubetur: de altero siletur: certe ille populus in superiori

PRO L.

conditione causâq; ponitur: cuius maiestas fœderis sanctione defenditur. In quo erat accusatoris interpretatio indigna responsione: qui ita dicebat comiter esse cōmuniter: quasi uero priscum aliquod aut insolitum uerbum interpretaretur. Comes, benigni, faciles, suauēs, homines esse dicuntur: qui erranti comiter monstrant uia, benigne, nō grauante, comiter quidē certe nō cōmuniter conuenit. et simul absurda res est: cauere fœdere: ut maiestatiē populi Ro. cōmuniter conseruēt: id est ut populus romanus suā maiestatiē esse saluā uelit. Quod si iam ita esset: ut esse nō potest: tamē de nostra maiestate, nihil de illorū caueretur. potest ne igitur nostra maiestas Gaditanis benigne conseruari: si ad eam retinendam Gaditanos præmijs elicere non possumus. Potest esse ulla deniq; maiestas: si impedimur: quo minus per populū Ro. bñficioꝝ uirtutis causa tribuendorum potestatem imperatoribus nostris deferamus. Sed quid ego disputo: quæ mihi tum si Gaditani contra me dicerent, uere posse dici uiderentur. illis enim repetentibus L. Cornelium, responderem legem populū Ro. iussisse de ciuitate tribuēda: hoc genere legum fundos populos fieri non solere: Cn. Pompeium de consilij sententia ciuitatem huic dedisse: nullum populi nostri iussum Gaditanos habere. itaq; nihil esse sacrosanctum: quod lege exceptum uideretur, si esset: tamen in fœdere nihil esse cautum præter pacem. Additum etiam esse illud: ut maiestatem illi nostram seruare deberent. quæ certe munueretur: si aut adiutoribus illorum ciuibz uti in bellis nobis non liceret: aut præmiij tribuendi potestatem nullam haberemus. Nunc uero quid ego contra Gaditanos loquar? cum id, quod defendo, uoluntate eorum, autoritate, legatione ipsa com-

probetur? qui a principio sui generis ac Reipub. ab
 omni studio sensuq; Poenorum mentes suas ad nostrum
 imperium nomenq; flexerunt. qui, cum maxima bel-
 la nobis inferrentur: mœnibus exclusērunt: classi-
 bus insecuti sunt: corporibus, copiis, opibus depulerunt:
 qui & ueterem illam speciem fœderis Martiani: sem-
 per omni sanctiorem Marte duxerunt: & hoc fœ-
 dere Catuli senatusq; auctoritate se nobiscum con-
 iunctissimos esse arbitratī sunt. quorum mœnia, de-
 lubra, agros, ut ipse Hercules itinerū ac laborū suorū,
 sic maiores nostri imperij ac nominis populi Ro. ter-
 minos esse uoluerunt. Testantur & mortuos nostros im-
 peratores, quorum uiuit immortalis memoria & glo-
 ria: Scipiones, Brutos, Oratios, Cassios, Metellos, et hūnc
 præsentem Cn. Pompeium: quem procul ab eorum mœ-
 nibus acre & magnum bellum gerentem commeatus
 pecuniaq; inuenerunt. et hoc tēpore ipso populū Ro. quē
 in caritate Annōæ, ut saepe ante fecerat, frumento sup-
 peditato leuauerunt: se hoc ius eē uelle: ut sibi et liberis,
 siqui eximia uirtute fuerint: siue in nostris castris, siue
 in imperatorum prætorijs, siue deniq; inter signa atq;
 in acie, locus sit: his gradibus ascensus etiā ad ciuitatem.
 Quod si Afris, si Sardis, si Hispanis agris stipendioq;
 multæ uirtute adipisci licet ciuitatem: Gaditanus au-
 tem officijs, uetustate, fide, periculis, fœdere, coniunctis
 hoc idem non licebit: non fœdus sibi nobiscum sed
 iniquissimas leges impositas a nobis esse arbitrabun-
 tur. Atq; hanc Iud. non a me fingi orationem: sed me
 dicere quæ Gaditani iudicarint, res ipsa declarat. ho-
 spitium multis annis ante hoc tempus cum L. Cornelio
 Gaditanos fecisse publice dico: proferam testes: proferam

PRO L.

legatos: excitabo laudatores. ad hoc iudicium summos homines, ac nobilissimos deprecatores huius periculi missos uidetis. re deniq; multo ante Gadibus iam audita fore huic ut ab illo periculū crearetur: grauissimum in istum ciuem suum Gaditani senatus conuicia fecerunt. Potuit magis fundus populus Gaditanus fieri? (quoniam hoc magnopere delectare uerbo) si tum fit fundus: cum scita ac iussa nostra sua sententia comprobatur: quam cum hospitium fecit? ut & ciuitate illum mutatum esse fateretur: et ius ciuitatis honorem dignissimum indicaret. potuit certius interponere iudicium uoluntatis suae? quam cum etiā accusatorem huius multa & poena multauit? potuit magis de re iudicare? quā cum ad uestrum iudicium ciuis amplissimos legauit testis huius iuris, uitae laudatores, periculi deprecatores? etenim quis est tam demens: quin sentiat ius hoc Gaditanis esse retinendū? ne interseptum sit his iter perpetuum ad hoc amplissimum praemium ciuitatis: & magnopere his esse laetandum: huius L. Cornelij beniuolentiam erga suos remanere Gadibus: gratiam & facultatem commendandi in hac ciuitate uersari? quis enim nostrum est? cui non illa ciuitas sit huius studio, cura, diligentia, commēdatior? Omitto quantis ornamentis populum istum C. Caesar, cum esset in Hispania praetor: affecerit: controuersias sedarit: iura ipsorum permissu statuerit: inueteratam quondam barbariam ex Gaditanorum moribus disciplinaq; delerit: summa in eam ciuitatem huius rogatu studia et beneficia contulerit. multa praetereo: quae quotidie labore huius & studio aut omnino aut certe facilius consequatur. Itaq; et adsunt principes ciuitatis: et defendunt, amore ut suum

ciuem, testimonio ut nostrum, officio ut nobilissimum
 et sanctissimum hospitem, studio ut diligentissimum
 defensorem commodorum suorum. Ac ne ipsi Gaditani
 arbitrentur: quanquam nullo incommodo affician-
 tur: si liceat horum ciues uirtutis causa in nostram ciui-
 tatem uenire: tamen hoc ipso inferius esse suum foedus
 quam ceterorum: consolabor et hos praesentes uiros op-
 timos, et illam fidelissimam atque amantissimam nobis
 ciuitatem: simul et uos non ignorantis Iud. admonebo:
 quo de iure hoc iudicium constitutum sit: de eo nunquam
 omnino esse dubitatum. Quos igitur prudentissimos
 interpretes foederum, quos peritissimos bellici iuris,
 quos diligentissimos in exquirendis conditionibus ciui-
 tatum atque causis esse arbitramur: eos profecto qui iam
 imperia ac bella gesserunt. etenim si Q. scaeuola ille
 augur, cum de iure praedatorio consulere tur: homo iu-
 ris peritissimus, consultores suos nonnunquam ad Fu-
 rium et Casellium praedatores reuocabat: si nos de
 aqua nostra Thusculana M. Tugionem potius, quam C.
 Aquilium consulebamus: quod assiduus usus uni rei de-
 ditus et ingenium et artem saepe uincat: quis dubita-
 ret de foederibus et de toto iure pacis et belli omnibus
 iuris peritissimis imperatores nostros anteferre? possu-
 mus ne igitur tibi probare auctorem exempli atque facti
 illius, quod a te reprehenditur: C. Marium? quaeris
 aliquem grauiorem? constantiorem? praestantiore uir-
 tute, prudentia, religione, aequitate: is igitur M. Annium
 Appium fortissimum uirum, uirtute praeditum ciuita-
 te donauit: cum Camertinum foedus sanctissimum, atque
 aequissimum sciret esse. potest igitur Iudices L. Corne-
 lius condemnari? ut non C. Marij factum condēnetur?

PRO L.

Existat ergo ille uir parūper cogitatione uestra: quoniā
 re non potest: ut conspiciatis cum mentibus: quem oculo
 non potestis. dicat se non imperitum fœderis, non
 rudem exemplorum, non ignarum belli fuisse, P. Africani
 discipulum, ac militem: se stipendijs, se legationibus
 bellicis eruditum: se si tanta bella legisset: quanta
 bella & gessit: & confecit: si sub tot consulibus meruisset:
 quotiens ipse consul fuisset: omnia iura belli perdis-
 scere, ac nosse potuisse. sibi non fuisse dubium, quin nullo
 fœdere à Repub. bene gerenda impediretur: à se ex
 coniunctissima atq; amicissima ciuitate fortissimū quēq;
 esse delectum: neq; Ignatium, neq; Camertum fœdere
 esse exceptum: quominus eorum ciuib; à populo ro-
 præmia uirtutis tribuerentur. Itaq; cum paucis annis
 post hanc ciuitatis donationē acerrima de ciuitate quæ-
 stio Licinia & Mutia lege uenisset: nunquis eorum qui
 de fœderatis ciuitatibus esset ciuitate donatus, in iudi-
 cium est uocatus? nam Spoletinus T. Macrinus unus
 ex ijs, quos C. Marius ciuitate donasset: dixit causam
 ex Colonia Latina in primis firma & illustri. quem
 cum disertus homo L. Antisthus accusaret: Spoletinus di-
 xit fundum populum Spoletinum non esse factum.
 uidebat enim populos de suo iure non de nostro fun-
 dos fieri solere. sed cum lege Apuleia Colonia non es-
 sent deductæ: qua lege Saturninus C. Mario tulerat: ut
 in singulas colonias ternos ciues romanos facere posset:
 negabat hoc beneficium re ipsa sublata ualere debere.
 nihil habet similitudinis ista accusatio. sed tamen tanta
 authoritas in C. Mario fuit: ut non per L. Crassum affi-
 nem suum hominem incredibili eloquentia, sed paucis
 ipse uerbis causam illam grauitate sua defenderit: &
 probarit.

probari. quis enim esset Iudices qui imperatoribus nostris in bello, in acie, in exercitu, delectum uirtutis, & socijs, & foederatis, in defendenda republica nostra spem praemiorum eripi uellet? Quod si uultus C. Marij, si uox, si ille imperatorius ardor oculorum, si recentes triumphi, si praesens ualuit aspectus: ualeat auctoritas: ualeant res gestae: ualeat memoria: ualeat fortissimi & clarissimi uiri nomen aeternum: sit hoc discrimen inter gratiosos ciues, atq; fortes: ut illi uiui fruantur opibus suis: horum etiam mortuorum, si quisquam huius imperij defensor mori potest: uiuat auctoritas immortalis. quid? Cn. Pompeius Magni pater rebus Italico bello maximis gestis, P. Cesium Equitem Ro. uirum bonum, qui uiuit Rauennae: foederato ex populo nonne ciuitate donauit? quid? cohortis duas Camertium, quid? Eracliensium legionem, P. Crassus uir amplissimus ex ea ciuitate, qua cum propè singulare foedus, Pyrrhi temporibus, C. Fabritio consule ictum putatur: quid? Massiliensem Aristonem Sylla: quid? quoniam cum Gaditanis agimus: idem Heros. IX. Gaditanos: quid? uir sanctissimus & summa religione ac modestia Q. Metellus Pius Q. Fabium Saguntinum: quid? hic qui adest: à quo haec, quae ego nunc percurro: subtilissime sunt omnia perpolita: M. Crassus, non Auerniensem foederatum ciuitate donauit, homo tum grauitate & prudentia praestans: tum uel nimium parcus in largienda ciuitate? hic tu Cn. Pompeij beneficium uel potius iudicium & factum infirmare conaris: qui fecit quod C. Marium fecisse audierat: fecit quod P. Crassum, L. Syllam, quod Q. Metellum, quod deniq; domesticum auctorem patrem suum facere uiderat? neq; uero in uno

PRO L.

Cornelio id fecit: nam et Gaditanum Hasdrubalem ex bello illo Africano, & Mamertinos obuios, & quosdam Vticenses & Saguntinos fabros ciuitate donauit. etenim cum cæteris præmijs digni sunt: qui suo labore & periculo nostram Remp. defendunt: tum certe dignissimi sunt: qui ciuitate ea donentur: pro qua pericula ac tela subierunt. Atq; utinam qui ubiq; sunt propugnatores huius imperij, possent in hanc ciuitatem uenire: & contra, oppugnatores Reip. de ciuitate exterminari: neq; ille summus Poeta noster Annibalis illa magis cohortationem, quàm communem imperatorum uoluit esse: hostem qui feriet mihi erit Carthaginiensis: quis erit ciuitatis: si & id habent hoc leue & semper habuerunt. Itaq; & ciuis fortissimos undiq; fortes uiros adsciuerunt: et hominum ignobilium uirtutem pæpe nobilitatis inertia prætulerunt. Habetis imperatorum summorum, & sapientissimorum hominum clarissimorum uirorum interpretationem iuris ac fœderum. Dabo etiam iudicium: qui huic quæstioni præfuerunt: dabo uniuersi populi: dabo sanctissimum etiam iudicium senatus. Iudices cum sæpe ferrent: palamq; loquerentur: quid essent lege Pappia de M. Crasso Mamertinis repetentibus iudicaturi: mamertini publice suscepta causa desisterunt. multi in ciuitate recepti ex liberis fœderatisq; populis: nemo unquã est de ciuitate accusatus: quod aut populus fundus factus non esset: aut quod fœdere ciuitatis mutandæ ius impediretur. audebo etiam hoc contendere: nunquam esse condemnatum: quem constaret ab imperatore nostro ciuitate donatum. Cognoscite nunc populi ro. iudicium multis rebus interpositum atq; in maximis causis re ipsa atq; usu com-

probatum. Cum latinis omnibus foedus ictum Sp. Cassio, Posthumio Cominio Cons. quis ignorat? quod quidem nuper in columna aenea meminimus post rostra incisum & perscriptum fuisse. quomodo igitur L. Corninius Tybur pater huius Equitis ro. optimi atq; ornatis-
simi uiri damnato Caelio, quomodo ex eadem ciuitate T. Coponius cuius item summa uirtute et dignitate (nepotes T. & C. Coponios nostros) damnato C. Massone cuius romanus est factus? an lingua & ingenio pat-
feri aditus ad ciuitatem potuit? manu, & uirtute non potuit? An ne de nobis trahere spolia foederatis lice-
bit? de hostibus non licebit? an quod adipisci poterant dicendo: id assequi pugnando non liceat? an accusatori maiores nostri maiora praemia, quam bellatori esse uo-
luerunt? quod si acerbissima lege Seruilia principes uiri, ac grauissimi, & sapientissimi uires hanc latinis
id est foederatis uiam ad ciuitatem populi iussu patere passi sunt: neq; in his est hoc reprehensum Licinia &
Mutia lege: cum praesertim in genus ipsum accusationis & nomen, eiusmodi praemium, quod nemo assequi pos-
sit nisi ex senatoris calamitate: neq; senatori, neq; bono cuiquam nimis iucundum esse posset: dubitandum fuit?
quin quo in genere, iudiciorum praemia rata essent: in eodem iudicia imperatorum ualerent? num fundos igitur factos populos latinos arbitramur, aut Seruilia lege, aut ceteris? quibus latinis hominibus erat propo-
situm aliqua ex re praemium ciuitatis? Cognoscite nunc iudicium senatus: quod semper est iudicio populi comprobatum. Sacra Cereris Iudices summa maiores nostri religione confici cerimoniamq; uoluerunt. quae cum essent assumpta de Graecia: & per graecos semper

PRO L.

curata sunt sacerdotes: et Græci omnia nominata: sed cum illam quæ Græcum illud sacrum monstraret, & faceret, ex Græcia deligerent: tamen sacra pro quibus ciuem facere uoluerunt: ut deos immortales scientia peregrina & externa, mente domestica & civili præarentur. has sacerdotes uideo ferè aut Neapolitanas, aut Velientes fuisse foederatarum sine dubio ciuitatum. mitto uetera. proxima dico. ante ciuitatem Velensibus datam, de senatus sententia C. Valerium Flacum prætorem urbanum nominatum ad populum de Calliphana Velense, ut ea ciuis romana esset, tulisse. num igitur aut fundos factos Velenses, aut sacerdotem illam ciuem ro. factam non esse, aut foedus & à senatu & à populo ro. uiolatum arbitrabimur? Intelligo Iud. in causa aperta, minimeq; dubia, multo & plura, et à pluribus peritissimis esse dicta: quam res postularet. sed id factum est: non ut uobis rem tam perspicuam dicendo probaremus: uerum ut omnium maliuolorum, iniquorum, inuidorum animos frangeremus: quos aut accusator incenderet: ut aliqui sermones hominum alienis bonis moerentium etiam ad uestras aures permanerent: et in iudicio ipso redundarent: itaque illa in omni parte orationis sua arte aspergi uidebatis: tum pecuniam L. Corneli, quæ neq; inuidiosa est: & quantacumq; est: eiusmodi est: ut conseruata magis, quam corrupta esse uideatur: tum luxuriam, quæ non crimine aliquo libidinis, sed communi maledicto notabatur: tum Thufcanum, quod Q. Metelli fuisse memnerat: & L. Crassum. simul illud nesciebat: prædiorum nullam esse gentem: * emptionibus ea solere sæpe ad alienos homines, sæpe ad infimos, non legibus tanquam tutelam peruenire.

Obiectum est etiam quod in Tribū Crustumina per-
 uenerit: quod hic affectus est legis de ambitu præmio
 minus inuidioso, quàm qui legum præmijs Prætoriam
 sententiam, & prætextam togam consequuntur. et ado-
 ptio Theophanis agitata est: per quam Cornelius nihil
 est præterquam propinquorum suorum hereditates af-
 secutus. quāquam istorum animos qui ipsi Cornelio in-
 uident: non est difficillimum mitigare: more hominum
 inuident: in conuiuijs, rodunt: in circulis uellicant: non
 illo inimico, sed hoc maledico dente carpunt. qui amicis
 L. Cornelijs aut inimici sunt: aut inuident: hi sunt huic
 multo uehementius pertimescendi. nam huic quidem ipsi
 quis est unquam inuentus inimicus? aut quis iure esse
 potuit? quem bonum non coluit? cuius fortunæ digni-
 tatq; non cessit? uersatus in intima familiaritate ho-
 minus potentissim in maximis nostris malis atq; discor-
 dijs neminem unquam alterius rationis, ac partis, non
 re, non uerbo, non uultu deniq; offendit. fuit hoc siue
 meum, siue Reipub. fatum: ut in me unum omnis incli-
 natio communium temporum incumberet. non modo nō
 exultauit in ruinis nostris uestrisq; discordijs Corne-
 lius: sed omni officio, lachrymis, opera, consolatione, o-
 mnis me absente meos subleuauit. quorum ego testimo-
 nio ac precibus, munus hoc meritum huic, & ut à prin-
 cipio dixi, iustam & debitam gratiam refero. speroq;
 Iud. ut eos, qui principes fuerunt conseruandæ salutis
 aut dignitatis meæ, diligitis: & caros habetis: sic quæ
 ab hoc pro facultate huius, pro loco facta sunt: & gra-
 ta esse uobis, & probata. non igitur à suis, quos nul-
 los habet: sed à suorum, qui & multi & potentes sunt:
 urgetur inimias. quos quidem hesternò die Cn. Pompe-

PRO L.

ius copiosa oratione, & graui secum si uellent: contem-
dere iubebat: ab hoc improbo certamine, atq; iniusta cō-
tentione auocabat. Et erat æqua lex & uobis Iudices
atq; omnibus qui nostris familiaritatibus implicantur:
uehementer utilis: ut nostras inimicitias ipsi inter nos
geramus: amicos nostrorum inimicorum temperemus.
Ac si mea auctoritas satis apud illos in hac re ponde-
ris haberet: cum me præsertim rerum uarietate atque
usu ipso iam perdoctum uiderent: etiam ab illis eos
maioribus discordijs auocarem. id enim contendere me-
cum de republica cum id defendas: quod esse optimum
sentias: & fortium uirorum & magnorum hominum
semper putauit: neq; huic unquam labori, officio, mu-
neri defui. sed contentio tamdiu sapiens est: quādiu aut
profiat aliquid: aut si non profiat, non obest ciuitati.
uolumus quædam: contendimus: experti sumus: obtenta
non sunt: dolorem in alienis, luctum, mœroremq; su-
scipimus: cur ea quæ mutare non possumus conuellere
malumus, quā tueri? C. Cæsarem senatus & genere
supplicationum amplissimo ornauit, & numero dierū
nouem. Idem in angustijs ærarij uictorem exercitum
spondio affecit: Imperatori decem legatos decreuit: le-
ge Sempronia succedendum non censuit. harum ego sen-
tentiarum & princeps & auctor fui: neq; me dissen-
sioni meæ pristinae putauit potius assentiri, quā præ-
sentibus Reipublicæ temporibus & concordie conue-
nire. non idem alijs uidetur. sunt fortasse in sententia
firmiores: reprehendo neminem. sed assentior non omni-
bus, neq; esse inconstantis puto, sententiam aliquam, tan-
quam aliquod nauigium ex reipub. tempestate mode-
rari. sed si qui sunt, quibus infinitum sit odium: in quo

semel susceptum sit: quos uideo esse non nullos: cum duabus ipsis, non cum comitatu, affectatoribusq; constigant. illam enim fortasse pertinaciam, nonnulli, uirtutem alij putabunt: hanc uero iniquitatem omnes, cum aliqua crudelitate coniunctam. Sed si certorum hominum mentes nulla ratione placare possumus Iudices: uestros quidem animos certe confidimus non oratione nostra, sed humanitate uestra esse placatos. quid enim est cur non potius ad summam laudem huic, quam ad minimam fraudem Caesaris familiaritas ualere debeat? cognouit adolescens: placuit homini prudentissimo: in summa amicorum copia cum familiarissimus eius est adequatus: in Prætura, in Consulatu Præfectum fabrum detulit: consilium hominis probauit: fidem eius est complexus: officia, obseruantiamq; dilexit: fuit hic multorum illi laborum socius aliquando: est fortasse nunc nonnullorum particeps commodorum. quæ quidem si huic obfuerint apud uos: nō intelligo quod bonum cuiquam sit apud tales uiros profuturum. Sed quoniā C. Caesar abest longissime: atque in his est nunc locis: quæ regiones orbem terrarum rebus illius gestis, imperium populi Ro. definiunt: nolite per deos immortales Iudices hunc illi acerbum nuncium uelle deferri: ut suum Præfectum fabrum, ut hominem sibi carissimum, & familiarissimum non ob ipsius aliquod delictum, sed ob suam familiaritatem uestris oppressum sententijs audiat. miseremini eius: qui non de suo peccato, sed huius summi & clarissimi uiri facto, non de aliquo crimine, sed periculo suo de publico iure disceptat: quod ius si Cn. Pompeius pater ignorauit: si M. Crassus, si Q. Metellus, si Cn. Pompeius, si L. Sylla, si L. Crassus,

PRO L. CORNELIO BALBO.

si C. Marius, si Senatus, si populus romanus, si qui de re simili iudicarunt: si foederati populi, si socij, si illi antiqui latini: uidete ne utilius uobis & honestius sit, illis ducibus errare: quàm hoc magistro erudiri. sed si de certo, de perspicuo, de utili, de probato, de iudicato uobis iure esse constituendum uidetis: nolite committere ut in re tam inueterata quicquam noui sentiat. simul & illa Iud. omnia ante oculos uestros proponite. primū esse omnes etiam post mortem reos clarissimos illos uiros: qui foederatos ciuitate donarunt. deinde senatum: qui persæpe hoc iudicauit: populum: qui iussit: indices: qui approbarunt. tum etiam illud cogitatote: sic uiuere ac uixisse Cornelium: ut cum omnium peccatorū questiones sint: non de uitiorum suorum pœna, sed de uirtutis præmio in iudicium uocetur. accedat etiam illud: ut statuatis hoc iudicio, utrum post hac amicitias clarorum uirorum calamitati hominibus an ornamento esse malitis. postremo illud Iud. fixum in animis uestris tenetote: uos in hac causa non de maleficio L. Corneliij, sed de beneficio Cn. Pompeij iudicaturos.

DE PROVINCIIIS CONSVLA-
RIBVS. ORATIO
XXXVII.

I quis uestrum P.C. expectat, quas sim
provincias decreturus: cōsideret ipse se-
cum, qui mihi homines ex provincijs
potissimum detrahendi sint: non dubi-
tabit, quid me sentire conueniat: cum
quid mihi sentire necesse sit: cogitarit. Ac si princeps eā
sententiam dicerem: laudaretis profecto: si solus: certe
ignosceretis: etiam si paulominus utilis uobis sententia
uideretur: ueniam tamen aliquam dolori meo tribuere-
tis. nunc uero P.C. non parua affiaor uoluptate: uel
quod hoc maxime Reip. conducit, Syriam Macedoni-
amq; decerni: ut dolor meus nihil a' communi utilita-
te dissentiat: uel quod habeo authorem P. Seruiliū, quī
ante me sententiam dixit: uirum clarissimum, & cum
in uniuersam Remp. tum etiam erga meam salutem fi-
de ac beniuolentia singulari. quod si ille, & paulo ante,
& quotienscunq; ei locus dicendi ac potestas fuit: Ga-
binium & Pisonem duo Reip. portenta, ac pene' fune-
ra, cum propter alias causas, tum maxime propter illud
insigne scelus eorum, & importunam in me crudelita-
tem, non solum sententia sua, sed etiam uerborum gra-
uitate esse notandos putauit: quoniam me animo esse opor-
tet in eos: cuius illi salutem pro pignore tradiderunt
ad explendas suas cupiditates. Sed ego in hac senten-
tia dicenda non parebo dolori meo: nec iracundiæ ser-
uiam. quo animo unusquisq; uestrum debet esse in illos:
hoc ero. præcipuum illum & proprium sensum dolo.

DE PROVINCIIS

ris mei, quem tamen uos communem semper uobis mecum esse duxistis: a sententia dicenda amouebo: ad ulciscendi tempora reseruabo. Quatuor sunt prouinciae P. C. de quibus adhuc intelligo sententias esse dictas: Galliae duae: quas hoc tempore uno imperio uidemus esse coniunctas: & Syria, & Macedonia: quas uobis inuitis, & oppressis, pestiferi illi Consules pro euerſae Reip. praemijs occupauerunt. decernendae nobis sunt lege Sempronia duae. quid est quod possimus de Syria Macedoniaq; dubitare? mitto, quod eas ita partas habent ij, qui nunc obtinent: ut non ante attigerint: quam hunc ordinem condemnarint: quam auctoritatem uestram e ciuitate exterminarint: quam fidem publicam, quam perpetuam Populi Ro. salutem: quam me, ac meos omnes foedissime crudelissimeq; uexarint. omnia illa domestica atq; urbana mitto: quae tanta sunt: ut nunquam Annibal huic urbi tantum mali optarit: quantum illi effecerint. ad ipsas uenio prouincias. quarum Macedonia, quae erat antea munus plurimorum imperatorum non turribus, sed tropheis: quae multis uictorijs erat iamdiu triumphisq; pacata: sic a Barbaris, quibus est propter auariciam pax erepta: uexatur: ut Thessalonicensis positi in gremio Imperij nostri relinquere oppidum, & arcem munire cogantur: ut uia illa nostra, quae per Macedoniam est usq; ad Hellespontum militaris: non solum excursionibus Barbarorum sit infesta: sed etiam castris Thracijs distincta, ac notata. Ita gentes haec, quae ut pace uterentur: uim argenteam dederant praclaro Imperatori nostro: ut exhaustas domos replere possent: pro emptae pace bellum nobis propè iustum intulerunt. Iam uero exercitus ille noster super-

bissimo delectu, & durissima conquisitione collectus,
omnis interijt. magno hæc dico cum dolore: miseran-
dum immodum milites Populi Ro. capti, necati, deser-
ti, dissipati sunt: in curia, fame, morbo, uastitate consum-
pti: ut, quod est indignissimum scelus: is Imperator in
pœnam exercitus expetitus esse uideatur. Atq; hanc Ma-
cedoniam domitis iam gentibus finitimus, Barbariaq;
compressa pacatam ipsam per se, & quietam, tenui præ-
sidio, atq; exigua manu, etiam sine Imperio, per lega-
tos nomine ipso Populi Ro. tuebamur: quæ nunc Con-
sulari imperio, atq; exercitu ita uexata est: ut uix possit
se diuturna pace recreare. cum interea quis uestrum
hoc non audiuit? quis ignorat? Acheos ingentem pecu-
niam pendere L. Pisoni quotannis: uectigal ac portoria
Dyrrachinorum totum in huius unius quæstum esse
conuersum? urbem Byzantiorum uobis atq; huic Im-
perio fidelissimam, hostilem immodum esse uexatam?
quo ille, postquam nihil exprimere ab egentibus, nihil
ulla ui a miseris extorquere potuit: cohortes in hy-
berna misit. his præposuit quos putauit fore diligentis-
simos satellites scelerum, ministros cupiditatum suarum.
omitto iurisdictionem in libera ciuitate contra leges, se-
natusq; consulta: cædes relinquo: libidines prætereo:
quarum acerbissimum extat indicium & ad insignem
memoriam turpitudinis, & pene ad iustum imperij
nostri odium: quod constat nobilissimas uirgines se im-
puteos abieciisse: & morte uoluntaria nefaria turpitudi-
nem depulisse. Nec hæc itirco omitto: quod non grauif-
sima sint: sed quia nunc sine teste dico. Ipsam uero ur-
bem Byzantiorum fuisse refertissimam, atq; ornatissi-
mam signis quis ignorat? quæ illi exhausti sumptibus,

DE PROVINCIIS

bellisq; maximis, cum Mithridaticos impetus, totumq;
Pontum armatum efferuescentem in Asiam, atq; erum-
pentem ægre repulsum, & ceruicibus interclusum suis
sustinerent: tum inquam Byzantij, & postea signa illa,
& reliqua urbis ornamenta sanctissime custodita te-
nuerunt. te Imperatore infelicissimo & teterrimo Ce-
sonine Caluente ciuitas libera, & proximis suis bene-
ficijs a' senatu, & a' Populo Ro. liberata: sic spoliata
atq; nudata est: ut nisi C. Virgilius legatus uir fortis &
innocens interuenisset: unum signum Byzantij ex ma-
ximo numero nullum haberent. quod sanum in Acha-
ia? qui locus aut lucus in Graecia tota, tam sanctus fuit?
in quo ullum simulacrum, ullum ornamentum reliquū
sit? emisti a' fœdissimo tribuno pl. tum in illo naufrā-
gio huius urbis: cum tu idem, qui gubernare debueras,
euerteres: tum inquam emisti grandi pecunia, ut tibi de
pecunijs creditis dicere liceret ius in liberos populos con-
tra senatus consultū, et cōtra legem generi tui. id emptū
ita uendidisti: ut aut ius non diceres: aut bonos ciues ro-
manos euerteres. quorum ego nihil dico nunc patres
conscripti in hominem ipsum: de prouincia disputo. itaq;
omnia illa, quæ & sæpe audistis: & tenetis animis, eti-
am si non audiat: prætermitto: nihil de hac eius ur-
bana, quam ille præsens in oculis uestris mentibusq; de-
fixit: audacia loquor: nihil de superbia, nihil de contu-
melia, nihil de crudelitate disputo: lateant libidines eius
illæ tenebrosæ: quas fronte, & supercilio, non pudore
& temperantia contegebat. de prouincia quod agitur:
id disputo. huic uos non summittetis? hunc diutius ma-
nere patiimini? cuius ut prouinciam tetigit: sic fortuna
cum improbitate certauit: ut nemo posset uirum dete-

rrior an infelicioꝛ eſſet iudicare. An uero in Syria diu-
tius eſt ſenuramus illa retinenda? cuius iter in Provin-
ciam fuit eiꝛſmodi: ut Rex Arriobarꝛanes conſulem ue-
ſtrum ad cædem faciendam, tanquam aliquem Thra-
cem conduceret. deinde aduentus in Syriam primus, e-
quitatus habuit interitum. poſt conaſe ſunt optimæ co-
hortes. Igitur in Syria Imperatore illo, nihil aliud actũ
eſt: niſi pactiones pecuniarum cum Tyrannis, deciſio-
nes, direptiones, latroania, cædes, cum palàm Populi
Ro. Imperator inſtructo exercitu dexteram tendens non
ad laudem milites hortaretur: ſed omnia ſibi & emptæ
& emenda eſſe clamaret. Iam uero Publicanos miſe-
ros, me etiam miſerum, illorum ita de me meritorum
miſeris ac dolore: tradidit in ſeruitutem iudeis, et Sy-
ris nationibus natis ſeruituti. ſtatuit ab initio: & in eo
perſeuerauit: ius publicano non dicere: pactiones ſine
ulla iniuria factas, reſcidit: cuſtodias ſuſtulit: uectiga-
les multos ac ſtipendiarios liberauit: quo in oppido ipſe
eſſet: aut quo ueniret: ibi Publicanum, aut Publicani ſer-
uum eſſe uetuit. quid multa? crudelis haberetur: ſi in ho-
ſtem animo fuiſſet eo: quo fuit in ciues Romanos, eius
ordinis præſertim, qui eſt ſemper dignitate ſua, benigni-
tate magiſtratus ſuſtentatus. Itaq; uidetis P. C. non teme-
ritate redemptionis, aut negotij gerendi inſcitia, ſed aua-
ricia, ſuperbia, crudelitate Gabiniꝝ, penè afflictoſ iam,
atq; euerſoſ publicanoſ. quibus quidem uoſ, in hiſ an-
guſtijs ærary tamen ſubueniatis neceſſe eſt: & ſi iam mul-
tiſ non poteſtiſ: qui propter illum hoſtem Senatuſ, ini-
miſſimum ordinis equeſtriſ, bonorumq; omnium, nõ
ſolum bona, ſed etiam honeſtatem miſeri deperdide-
runt. quos non parſimonia, non continentia, non uirtuſ,

DE PROVINCIIS

non labor, non splendor, tueri potuit contra illius Hel-
luonis & prædonis audaciam. quid? qui se etiam nunc
subsidijs patrimonij, aut amicorum liberalitate susten-
tant: hos perire patiemini? si qui frui publico non po-
tuit per hostem: hic tegitur ipsa lege Censoria. quem is
frui nō sinit, q̄ est, ēt si nō appellatur, hostis: huic ferrī
auxiliū nō oportet? Retinete igitur in provincia diutius
eū q̄ de socijs cū hostibus, de ciuibz cū socijs faciat pa-
ctiones: q̄ hoc etiā se plurius esse q̄, Collegā putet: quod ille
uos tristitia, multūq; deceperit: ipse nunquam se minus
quā erat, nequam esse simularit. Piso autem alio quo-
dam modo gloriatur: se breui tempore perfecisse: ne Ga-
binus unus omnium nequissimus existimaretur. hos
uos de provincijs, si non aliquando deducendi essent: di-
ripiendos non putaretis? et has publicas pestes sociorum,
militum clades, publicanorum ruinas, provinciarum
vastitates, imperij maculas teneretis? At ijdem vos anno
superiore hos eosdem reuocabatis: cum in Prouincias iā
peruenissent. quo tempore si liberum uestrum iudicium
fuisset: nec totiens dilata res: nec ad extremum ē mani-
bus erepta: restituissetis, id quod cupiebatis, uestram au-
thoritatem: his, per quos erat amissa, reuocatis, & his
ipsis præmijs extortis, quæ erant pro scelere, atq; euer-
sione patriæ consecuti. Quam poenam si tum aliorum
opibus, non suis, inuitissimis uobis euolarunt: at aliam
multo maiorem grauioremq; subierunt. quæ enim ho-
mini, in quo aliquis si non famæ pudor, at supplicij
timor est: grauior pœna accidere potuit? quā non cre-
di litteris ijs: quæ rem bene gestam in bello nunciarent?
hoc statuit Senatus: cum frequens supplicatione Gabinio
denegauit: primum homini sceleribus, flagitijs, contra-

minatissimo, nihil esse credendum: deinde a proditore, atq; eo, quem præsentem hostem Reip. cognosset: bene rem geri non potuisse: postremo ne deos quidem immortales uelle aperiri sua templa: & sibi supplicari, hominis impurissimi & sceleratissimi nomine. Itaq; ille alter aut ipse est homo doctus: & a suis Græcis subtilius eruditus: quibus cum iam in orchestra helluatur: antea post siparium solebat: aut amicos habet prudentiores q̃ Gabinius: cuius nullæ literæ perferuntur. Hosce igitur Imperatores habebimus? quorum alter nō audet nos certiores facere: ne Imperator appelletur. alterū, si tabularij nō cessarint: necesse est paucis diebus poeniteat aude re. cuius amica si qui sunt: aut si belluæ tam immani itaq; terræ possunt ulli esse amica: hac consolatione utuntur: etiam T. Albutio supplicationem hunc ordinem denegasse. quod est primum dissimule: res in Sardinia cum Mastrucatis latrunculis a Proprætore una cohorte auxiliaria gesta: & bellum cum maximis Syriæ gentibus, Tyrannis, Consulari exercitu imperioq; confectū. deinde Albutius quod a Senatu petebat, ipse sibi in Sardinia ante decreuerat. constabat enim Græcum hominem ac leuem in ipsa provincia quasi triumphasse. itaq; hanc eius temeritatem Senatus supplicatione denegata notauit. sed fruatur sane hoc solatio: atq; hanc insignem ignominiam, quoniam uni præter se iniusta est: putet esse leuiorem: dummodo cuius exemplo se consolatur: eius exitum expectet. præsertim cum in Albutio nec Pisonis libidines, nec audacia Gabini fuerit: hac tamen una plaga conciderit, ignominia Senatus. At quæ duas Gallias decernit Consulibus duobus: hos retinet ambos. qui autem alteram Galliam, & aut Syriam, aut

DE PROVINCIIS

Macedoniam: tamen alterum retinet: & in utriusq; pa-
 ri scelere disparem conditionem facit. Faciam inquit il-
 las Prætorias: ut Pisoni & Gabinio succedatur statim.
 si hic sinat: tum enim Tribunus intercedere poterit:
 nunc non potest. itaq; ego idem, qui nunc Consulibus
 ijs, qui designati erunt: Syriã, Macedoniãq; decerno:
 decernam easdem Prætorias: & ut prætores annuas
 provincias habeant: & eos quamprimum uideamus
 quos animo æquo uidere non possumus. sed mihi credi-
 te: nunquam succedatur illis: nisi cum ea lege referetur
 qua intercedi de provincijs non licebit. Itaq; hoc tem-
 pore anusso, annus est integer uobis expectandus. quo
 interiecto ciuium calamitas, sociorum erumna, scelera-
 tissimorum hominum impunitas propagatur. Quod si
 essent illi optimi uiri: tamen ego mea sententia C. Cæsa-
 ri succedendum nondum putarem. Qua de re dicam
 P. C. quod sentio: atq; illam interpellationem mei fami-
 liarissimi, qua paulo ante interrupta est oratio mea: non
 pertimescam. Negat me uir optimus inimiciorem Gabi-
 nio debere esse quàm Cæsari. omnem illam tempesta-
 tem, cui cesserim: Cæsare impulsore, atq; adiutore esse
 excitatam. cui si primum sic respondeam: me communis
 utilitatis habere rationem, non doloris mei: possim ne
 probare? cum id me facere dicam: quod exëplo fortissi-
 morum & clarissimorum ciuium facere possim. an
 Ty. Gracchus, patrem dico: cuius utinam filij non de-
 generassent a grauitate paterna: tantam laudem est
 adeptus? quod Tribunus pl. solus ex toto illo collegio,
 L. Scipioni auxilio fuit inimicissimus & ipsius, & fra-
 tris eius Africani: iurauitq; in concione se in gratiam
 non rediisse: sed alienum sibi uideri dignitate imperij:
 quo duces

quo duces essent hostium Scipione triumphante ducti:
 eodem ipsum duci. qui triumphasset. Quis plenior ini-
 micorum fuit C. Mario? L. Crassus, M. Scaurus. alij ne-
 inimici? omnes Metelli. at hi non modo illum inimicū
 ex Gallia sententijs suis non detrahebant: sed & pro-
 pter rationem Gallia belli prouinciam extra ordinem
 decernebant. Bellum in gallia maximum gestum est:
 domitæ sunt à Cæsare maximæ nationes: sed nondum
 legibus, nondum iure certo, nondum satis firma pace
 deuinctæ. bellum affectum uidemus: & uere ut dicā
 penè confectum: sed ita, ut si idem extrema persequi-
 tur: qui inchoauit: iam omnia perfecta uideamus. si suc-
 ceditur: periculum sit, ne instauratas maximi belli re-
 liquias, ac renouatas audiamus. Ergo ego Senator, ini-
 micus si ita uultis, homini, amicus esse, sicut semper
 fui, Reip. debeo. Quid si ipsas inimicitias depono Reipub-
 licæ causa? quis me tandem iure reprehendat? præser-
 tim cum ego omnium meorum consiliorum, atq; facto-
 rum exempla, ex summorū hominum factis mihi cen-
 suerim petenda. An non M. ille Lepidus qui bis con-
 sul, & pontifex maximus fuit: non solum memoria, et
 testimonio, sed etiam annalium literis, & summi poetæ
 uocæ laudatus est? quod cum M. Fulvio Collega, quo
 die censor est factus: homine inimicissimo, in Campo
 statim edijt in gratiam: ut commune officium Censu-
 ræ communi animo, ac uoluntate defenderent. atq; ut
 uetera, quæ sunt innumerabilia: mittam: tuus pater
 Philippe nō uno tempore cum suis inimicissimis redijt
 in gratiam? quibus cum omnibus eadem Resp. reconci-
 liauit: quæ alienarat. multa præterco: quod intueor co-
 ram hæc lumina atq; ornamenta reipublicæ, P. Serui-

kkk

DE PROVINCIIS

lium, & M. Lucillum: utinam etiam L. Lucillus ille
 uiueret. quæ fuerunt inimicitiae grauioribus in ciuitate,
 quam Lucullorum, atq; Seruiliorum? quas in uiris for-
 tissimis non solum extinxit Reip. dignitas, & ipsorum:
 sed etiam ad amicitiam consuetudinemq; traduxit. qd?
 Q. Metellus nepos, non'ne Consul in templo Iouis Op-
 timi Maximi permotus cum authoritate uestra, tum il-
 lius P. Seruilij incredibili grauitate dicendi, absens
 mecum summo suo beneficio redijt in gratiam? an ego
 possum huic esse inimicus? cuius literis, fama, nuncijs,
 celebrantur aures quotidie meae nouis nominibus gen-
 tium, nationum, locorum. Ardeo mihi credite P. C. (id
 quod uosmet de me existimatis: & facitis ipsi) incredi-
 bili quodam amore patriæ. qui me amor, & subueni-
 re olim impendentibus periculis maximus, cum dimi-
 catione capitis, & rursus, cum omnia tela undiq; esse
 intenta in patriam uiderem: subire coegit, atq; exape-
 re unum pro uniuersis. hic me meus in Remp. animus
 pristinus, ac perennis, cum C. Casare reducit, reconci-
 liat, restituit in gratiam. quid uolent deniq; homines
 existiment: nemini ego esse possum bene de Rep. meren-
 ti non amicus. Etenim si is, qui hæc omnia flamma ac
 ferro delere uoluerunt: non inimicitias solum, sed etiã
 bellum indixi: atq; intuli: cum partim mihi illorum fa-
 miliares, partim etiam me defendente capitis iudicijs
 essent liberati: cur eadem Resp. quæ me in amicos in-
 flammare potuit: inimicas placare non possit? quod mi-
 hi odium cum P. Clodio fuit? nisi quod perniciosum pa-
 triæ ciuem fore putabam: qui turpissima libidine incen-
 sus duas res sanctissimas religionem, et pudicitiam uno
 scelere uiolasset. num est igitur dubium ex his rebus,

quas is egit, agiq; quotidie: quin ego in illo oppugnan-
 do Reip. plus quam ocio meo, nonnulli in eodem de-
 fendendo suo plus ocio, quam communi prospexerint?
 Ego me à C. Cesare in Rep. dissensisse fateor: et sensisse vo-
 bis cum. sed nunc isdem uobis assentior: cum quibus an-
 tea sentiebam. uos enim, ad quos literas L. Piso de suis
 rebus non audet mittere: qui Gabinij literas insigni
 quadam nota, atq; ignominia noua condemnastis: C.
 Cesari supplicationes decreuistis numero, ut nemini
 ullo ex bello, honore, ut omnino nemini. cur igitur, ex-
 pectem hominem aliquem: qui me cum illo in gratiam
 reducat? reduxit ordo amplissimus, et ordo is, qui est
 et publici consilij, et uiciorum omnium consiliorum au-
 thor, et princeps. uos sequor patres conscripti: uobis ob-
 tempero: uobis assentior: qui quadiu C. Caesaris consilia
 in Rep. non maxime diligebatis: me quoq; cum illo mi-
 nus coniunctum uidebatis. posteaquam rebus gestis men-
 tes uestras, uoluntatemq; mutastis: me non solum comi-
 tem esse sententiae uestrae, sed etiam laudatorem uidi-
 stis. sed quid est? quod in hac causa maxime homines
 admirentur: et reprehendant nunc consilium? cum
 ego idem antea multa decreuerim: quae magis ad ho-
 minis dignitatem, quam ad Reip. necessitatem pertine-
 rent? supplicationem quindecim dierum decreui senten-
 tia mea. Reip. satis erat tot dierum: quot C. Mario. non
 erat exigua eadem dijs immortalibus gratulatio: quae
 ex maximis bellis. ergo ille cumulus dierum hominis
 est dignitati iributus. in quo ego, quo Consule referen-
 te primum decem dierum est supplicatio decreta Cn.
 Pompeio Mithridate interfecto, confectoq; Mithridatico
 bello: et cuius sententia primum duplicata est suppli-

kkk y

DE PROVINCIIS

catio Consularis: mihi enim estis assensi: cum eiusdē Pom-
 pei literis recitatis confectis omnibus maritimus, terre-
 stribusq; bellis, supplicationem dierum duodecim decre-
 uistis: sum Cn. Pompei uirtutem, & animi magnitudi-
 nem admiratus: quod cum ipse cæteris omnibus esset
 omni honore antelatus: ampliorem honorem alteri tri-
 buebat: quàm ipse erat consecutus. ergo in illa supplica-
 tione, quam ego decreui: res ipsa tributa est dijs immor-
 talibus, & maiorum institutis, & utilitati reipublicæ,
 sed dignitas uerborum, honos, & nouitas, et numerus
 dierum, Cæsaris ipsius laudi, & gloriæ concessus est.
 relatum est ad nos nuper de stipendio exercitus: non de-
 creui solum: sed etiam ut uos decerneretis laboraui:
 multa dissentienbus respondi: scribendo affui: tum quoq;
 homini plus tribui, quàm nescio cui necessitati. illum
 enim etiam arbitrabar sine hoc subsidio pecuniæ re-
 tinere exercitum præda ante parta, & bellum confice-
 re posse. sed decus illud & ornamentum triumphi mi-
 nuendum nostra parsimonia nō putauī. actum est de
 decem legatis: quos alij omnino non dabant: alij exem-
 pla quærebant: alij tempus differebant: alij sine ullis
 uerborum ornamentis dabant. in ea quoq; re sic sum
 locutus: ut omnes intelligerent, me id, quod Reipub. cau-
 sa sentirem: facere uberius propter ipsius Cæsaris di-
 gnitatem. at ego idem nunc in prouincijs decernendis,
 qui illas omnis res egi silentio: interpellor. cum supe-
 rioribus causis hominis ornamenta fuerint: in hac me
 nihil aliud, nisi ratio belli, nisi summa utilitas Reipub.
 moueat. nam ipse Cæsar quid est, cur in prouincia cō-
 morari uelit? nisi ut ea quæ per eum affecta sunt: per-
 fecta Reipub. tradantur. amenitas eum credo locorum,

urbium pulchritudo, hominum, nationumq; illarum
 humanitas, & lepos, uictoriae cupiditas, finium impe-
 rij nostri propagatio, retinet. quid illis terris asperius?
 quid porro tot uictorijs praestabilius? quid oceano lon-
 gius inueniri potest? an reditus in patriam habet ali-
 quam offensionem? utrum apud populum, à quo mis-
 sus est? an apud Senatum, à quo ornatus est? an dies
 auget eius desiderium? an magis obliuionem? ac lau-
 rea illa magnis periculis parata, amittit longo interval-
 lo uiriditatem? quare si qui hominem non diligunt: ni-
 hil est: quod eum de Prouincia deuocent. ad gloriam
 deuocant: ad triumphum, ad gratulationem, ad sum-
 mum honorem Senatus, equestris ordinis gratiam, po-
 puli caritatē. Sed si ille hac tam eximia fortuna pro-
 pter utilitatem Reip. frui non properat: ut omnia illa
 conficiat: quid ego Senator facere debeo? quem, etiam
 si ille aliud uellet: Reipub. consulere oporteret. Ego ue-
 ro sic intelligo P. C. nos hoc tempore in Prouincijs de-
 cernendis perpetuae pacis oportere habere rationem. nā
 quis hoc tempore non sentit: omnia alia esse nobis ua-
 cha ab omni periculo, atque etiam ab omni suspitione
 belli? iamdiu mare uidemus illud immensum, cuius fer-
 uore non solum maritimi cursus, sed urbes etiam &
 uiae militares iam tenebantur: uirtute Cn. Pompei sic à
 Populo Ro. ab Oceano usq; ad ultimum Pontum, tan-
 quam unum aliquem portum tutum, et clausum tene-
 ri: nationes eas, quae numero hominum, ac multitudi-
 ne ipsa poterant in Prouincias nostras redundare: ita
 ab eodem partim recisas, partim repressas: ut Asia quae
 Imperium antea nostrum terminabat: nunc nouis tri-
 bus prouincijs ipsa cingatur. Possum de omni regione,

kkk ij

DE PROVINCIIS

de omni hostium genere dicere. nulla gens est: quæ non aut ita subacta sit: ut uix extet: aut ita domita: ut quiescat: aut ita pacata: ut uictoria nostra i perioq; lætetur. bellū Gallicum Patres Cōscripti C. Cæsare imperatore gestum est: antea tantūmodo repulsum. semper illas nationes nostri Imperatores refutandas potius bello, q̄ læscendas putauerunt. ipse ille C. Marius, cuius diuina atq; eximia uirtus magnis Populi Ro. luctibus funeribusq; subuenit: influentes in Italiam Gallorum maximas copias repressit: non ipse ad eorum urbes sedesq; penetravit. modo ille meorum laborum, periculorum, consiliorum socius C. Pontinus fortissimus uir, ortum repente bellum Allobrogum, atq; hac scelerata coniuratione excitatum, prælijs fregit: eosq; domuit: qui læcesserant: & ea uictoria contentus Rep. metu liberata quiescit. C. Cæsaris longe aliam uideo fuisse rationem. non enim sibi solum cum ijs, quos iam armatos contra Populum Ro. uidebat: bellādum esse duxit: sed totam Galliam in nostram ditionem esse redigendam. Itaq; cum acerrimis nationibus, et maximis, germanorum, et Heluictorum, prælijs felicissime decertauit. cæteras contriuit: compulit: domuit: imperio Populi Ro. parere assuefecit: & quas regiones, quasq; gentes nullæ nobis antea literæ, nulla uox, nulla fama notas fecerat: has noster imperator, nosterq; exercitus, & Populi Ro. arma peragrarunt. semitam tantum Galliæ tenebamus antea. P. C. cæteræ partes à gentibus aut inimicis huic imperio, aut infidis, aut incognitis, aut certe immanibus, & barbaris, & bellicosis tenebantur. quas nationes nemo unquam fuit: qui non frangi domariq; cuperet: nemo sapienter de Repub. nostra cogitauit iam in-

de à principio huius imperij: quin Galliam maxime
timendam huic imperio putaret. sed propter uim ac
multitudinem gentium illarum, nunquam est antea cū
omnibus dimicatum. restitimus semper laceffiti: nunc
denique est perfectum: ut imperij nostri terrarumq; il-
larum idem esset extremum. alpibus Italiam munie-
rat ante natura non sine aliquo diuino numine. nam
si ille aditus Gallorum immanitati multitudinēq; pa-
tuisset: nunquam hæc urbs summo imperio domiciliū,
ac sedem præbuisset. quæ iam licet considant: nihil est
enim ultra illam altitudinem montium usq; ad Ocea-
num: quod sit Italiæ pertiniscendum. Sed tamen una
atq; altera æstas uel metu, uel spe, uel pœna uel præ-
mijs, uel armis, uel legibus potest totam Galliam sem-
piternis uinculis astringere. impolite uero res, et acer-
bæ si erunt relictæ: quanquam sunt abscisæ: tamen ef-
ferent se aliquando: & ad renouandum bellum re-
uirescent. quare sit in eius tutela Gallia: cuius uirtuti,
fidei, felicitati commendata est. Et enim si fortunæ mu-
neribus amplissimus ornatus, sæpius eius deæ pericu-
lum facere noller: si in patriâ, si ad deos penates, si ad
eam dignitatem, quam in ciuitate sibi propositam ui-
det: si ad iucundissimos liberos, si ad clarissimum geno-
rum, redire properaret: si in Capitolium muchi ui-
ctor cum illa insigni laurea gestiret: si denique timeret
casum aliquem: qui illi tantum addere iam non po-
test: quantum auferre: uos tamen oporteret ab eodem il-
la omnia, à quo profligata sunt: confici uelle. cum ue-
ro ille suæ gloriæ iam pridem, Reipub. nondum satis-
fecerit: & malit tamen tardius ad suorum laborū fru-
ctus peruenire: quàm non explere susceptum Reip. mu-

kkk iiij

DE PROVINCIIIS

nus: nec Imperatorem incensum ad Remp. bene geren-
dam reuocare: nec totam Gallia belli rationem propè
iam explicatam perturbare, atq; impedire debemus. Nā
illæ sententiæ uirorum clarissimorum minime proban-
dæ sunt: quorum alter ulteriorem Galliam decernit
cum Syria: alter Citeriorem. qui Vltiorem, omnia il-
la de quibus differui paulo ante: perturbat. simul osten-
dit: eam se sciscere legem: quam esse legem neget: &
quæ pars Prouinciæ sit: cui non possit intercedi: hanc
se auellere: quæ defensorem habeat: non tangere. simul
& illud facit: ut quod illi à populo datum sit: id non
uiolet: quod Senatus dederit: id Senator properet aufer-
re. Alter belli Gallici rationem habet: fungitur officio bo-
ni Senatoris: legem quam non putat: eam quoq; seruat:
præfinit enim successori diem. qui mihi nihil uidetur
minus à dignitate disciplinaq; maiorū dissidere: quàm
ut qui Consul Calendis Ian. habere prouinciā de-
beret: ut eam desponsam, non decretam habere uidea-
tur: fuerit toto in Consulatu sine Prouincia: cui fuerit
antequam designatus esset: prouincia decreta. sortietur,
an non? nam & non sortiri absurdum est: & quod
sortitus sis: non habere. proficietur paludatus: quoq; per-
uenire ante certam diem non licebit. Ianuario, Februa-
rio, prouinciā non habebit: Cal. ei deniq; Marij na-
scetur repente prouincia. attamen his sententijs Piso in
Prouincia permanebit. quæ cum grauiā sunt: nihil gra-
uius illo: quod mulctari Imperatorem diminutione Pro-
uinciæ contumeliosum est. neq; solum summo in uiro: sed
etiam in mediocri homine ne accidat, prouidendum.
Ego uos intelligo P. C. multos decreuisse honores eximi-
os C. Cæsari, & propè singulares: quod ita meritis erat:

gratis etiam: ut quam coniunctissimus huic ordini esset. sapientes ac diuini fustis. neminem unquam est hic ordo complexus honoribus & beneficijs suis: qui ullam dignitatem præstabiliorem ea, quam per uos esset adeptus: putarit. nemo unquam hic potuit esse princeps: qui maluerit esse popularis. sed homines aut propter dignitatem suam diffisi ipsi sibi, aut propter reliquorum obrectationem, ab huius ordinis coniunctione depulsi, sæpe ex hoc portu se in illos fluctus propè necessario contulerunt. qui si ex illa iactatione cursuq; populari bene gesta Rep. referunt aspectum in Curiam: atq; huic amplissimæ dignitati commendati esse uolunt: non modo non repellendi sunt: uerum etiam expetendi. monemur a' fortissimo uiro, atq; optimo post hominum memoriam Consule: ut provideamus ne Citerior Gallia nobis inuitis, alicui decernatur: post eos Consules, qui nunc erunt designati: perpetuoq; posthac ab ijs, qui hunc ordinem oppugnant: populari ac turbulenta ratione teneatur. Quam ego plagam & si non contemno P. C. præsertim monitus a' sapientissimo Consule & diligentissimo custode pacis, & ocij: tamen uehementius arbuor pertimescendam: si hominum præclarissimorum ac potentissimorum aut honorem minuerio: aut studium erga hunc ordinem repudiario. nam ut C. Iulius omnibus a' Senatus eximjs ac nouis rebus ornatus, per manus hanc Prouinciam tradat ei, cui minime uos uelitis: per quem ordinem ipse amplissimam sit gloriam consecutus: sic ne libertatem tunc quidem relinquat: adduci ad suspicandum nullo modo possum. Po-
stremito quo quisq; animo futurus sit: nescio: quid sperem: uideo. præstare hoc Senator debeo, quantum possum: ne-

*

DE PROVINCIIS

quis uir clarus aut potens huic ordini iure irasci posse uideatur. Atq; hoc, si inimicissimus essem C. Cesari: sentirem tamen Reip. causa. sed non alienum esse arbitror: quominus saepe aut interpeller à nonnullis: aut tacita existimatione reprehendar: explicare breuiter quæ mihi sit ratio & causa cum Cesare. Ac primum illud tempus familiaritatis & consuetudinis, quæ mihi cum illo, quæ fratri meo, quæ C. Varroni consobрино nostro ab omnium nostrum adolescentia fuit: prætermitto. posteaquam sum penitus in Remp. ingressus: ita dissens ab illo: ut in disiunctione sententiæ, coniuncti tamen amicitia maneremus. Consul ille egit eas res: quarum participem me esse uoluit: quibus ego si minus assentiebam: tamen illius mihi iudicium gratum esse debebat. me ille ut quinquaguiratum acciperem, rogauit: me in tribus sibi coniunctissimis Consularibus esse uoluit: mihi legationem quam uellem, quanto cum honore uellem, detulit. quæ ego omnia non ingrato animo, sed obstinatione quadam sententiæ repudiaui. quam sapienter non disputo. multis enim non probabo. constanter quidem, & fortiter certe. qui cum me firmissimis opibus contra scelus inimicorum munire, & popularis impetus populari præsidio possem propulsare: quamuis exapere fortunam, subire uim, atq; iniuriam malui: quàm aut a' uestris sanctissimis mentibus dissidere: aut de meo statu declinare. sed non is solum gratus debet esse: qui accipit beneficium: uerum etiam is, cui potestas accipiendi fuit. Ego illa ornamenta, quibus ille me ornabat: decere me, & conuenire ijs rebus, quas gesseram: non putabam. illum quidem amico animo me habere eodem loco quo principem ciuium suum generum sentiebam.

et aduxit ad plebem inimicum meum, siue iratus mi-
 hi, quod me secum ne beneficijs quidem uidebat posse
 coniungi. siue exoratus. ne hoc quidem fuit iniuria. nam
 postea me ut sibi essem Legatus, non solum suasi: uerum
 etiam rogauit. ne id quidem accepi. non quo alienum
 mea dignitate arbitrarer: sed quod tantum Reip. sce-
 ris impendere a Consulibus proximis non suspicabar.
 Ergo adhuc magis est mihi uerendum ne mea superbia
 in illius liberalitate, quam ne illius iniuria in nostra
 amicitia reprehēdatur. Ecce illa tempestas, caligo bono-
 rum, et subita atq; improuisa fornudo, tenebrae Reip.
 ruina atq; incendium ciuitatis. terror iniectus Cæsari
 de eius actis: metus cædis bonis omnibus: consulum sce-
 lus, cupiditas, egestas, audacia. si non sum adiutus: non
 debui. si desertus: sibi prouidit. si etiam oppugnatus: ut
 quidam aut putant: aut uolunt: uiolata amicitia est: ac
 cepi iniuriam: inimicus esse debui: non nego. sed si idem
 ille tum me saluum esse uoluit: cum uos me ut carissi-
 mum filium desiderabatis: et si uos ydem pertinere ad
 causam illam putabatis, uoluntatem C. Cæsaris a sa-
 lute mea non abhorrere. et si illius uoluntatis generum
 eius habeo testem: qui idem Italiam in municipijs, Po-
 pulum Ro. in concione, uos mei semper cupidissimos in
 Capitolio ad meam salutem inuocauit: si deniq; Cn. Pom-
 peius idem mihi testis de uoluntate Cæsaris, et spon-
 sor est illi de mea: non ne uobis uideor et ultimi tem-
 poris recollectione, et proximi memoria, medium il-
 lud tristissimum tempus debere, si ex rerum natura
 non possem euellere: ex animo quidem certe excidere?
 ego uero si mihi non licet per aliquos ita gloriari: me
 dolore atq; inimicitias meas Reip. concessisse: quod ma-

DE PROVINCIIS

gni cuiusdam hominis & per sapiētis uidetur: utar hoc, quod non tam ad laudem adipiscendam, quā ad uitandam uituperationem ualer: hominem me esse gratum: & non modo tantis beneficijs, sed etiam mediocri hominum beniuolentia commoueri. à uiris fortissimis, & de me optime meritis quibusdam peto: ut si ego illos meorum laborum & incommodorum participes esse nolui: ne illi me suarum inimicitiarum socum uelint esse. præsertim cum ydem illi concesserint: ut etiam acta illa Cæsaris, quæ neq; oppugnaui antea: neq; defendi: meo iam iure possim defendere. nam summi ciuitatis uiri, quorum ego consilio Remp. conseruau: & quorum auctoritate illam coniurationem Catilinæ defugi: Iulias leges, & cæteras illo Consule rogatas, iure latas negant. ydem illam proscriptionē capitis mei contra salutē reipublicæ, sed saluus auspicijs rogatam esse dicebant. itaq; uir summa eloquentia dixit grauiter, casum illum meum finis esse reipublicæ, sed finis iustum, & indictum. mihi ipsi omnino perhonorificum, discessum meum finis dici reipublicæ. reliqua non reprehendo: sed mihi ad id quod sentio: assumo. nam si illud iure rogatum dicere ausi sunt: quod nullo exemplo fieri potuit: nulla lege licuit: quia nemo de cælo esse seruatum dixit: quid? si plebeius omnino esse non potuit? qui tribunus pl. potuit esse? cuius tribunatus si ratur est: nihil est quod irritum ex actis Cæsaris possit esse: eius non solum Tribunatus, sed etiam perniciosissimæ res auspiciorum religione conseruata iure late uidebuntur. quare aut uobis statuendum est legem Heliam manere: legem Fusiam non esse abrogatam: non omnibus fastis legem ferri licere: cum lex feratur, de cælo seruari, ob-

nunciari, intercedi licere: censorium iudicium ac notio-
nem & illum morem seuerissimum magistratum non
esse nefarijs legibus de ciuitate sublatum: si patricius tri-
bunus pl. fuerit: contra leges sacratas, si plebeius, contra
auspicia fuisse. aut mihi concedant homines oportet: aut
in rebus bonis nō exquirere iura ea: quæ ipsi in per-
ditis non exquirunt: præsertim cum ab illis aliquoti-
ens conditio C. Cæsari lata sit: ut easdem alio modo
ferret: qua conditione auspicia requirebant: leges com-
probabant: in Clodio auspiciorum ratio sit eadem: le-
ges omnes sint euersæ ac perditæ ciuitatis. Extremum
illud est. ego, si essent inimici mihi cum C. Cæsare: ta-
men hoc tempore Reip. consulere, inimicitias in aliud
tempus reservare deberem. possem etiam summorum
uirorum exemplo inimicitias Reip. causa deponere. sed
cum inimicitie fuerint nunquam: opinio iniuriæ bene-
ficio sit extincta: sententia mea P. C. si dignitas agitur
C. Cæsaris: homini iribuam: si honos quidam: Senatus
concordiæ consulam: si authoritas decretorum uestrorū:
constantiam ordinis in eodem ornando Imperatore ser-
uabo: si perpetua ratio Gallici belli: Reipub. provide-
bo: si aliquod meum priuatum officium: me non in-
gratum esse præstabo. Atq; hoc uelim probare omnibus
patres conscripti: sed leuissime feram: si forte aut his ma-
nus probaro: qui meum inimicum repugnante uestra
authoritate texerunt: aut his: si qui meum cum inimico
suo reditum in gratiam uituperabunt: cum ipsi & cum
meo, & cum suo inimico in gratiam non dubitarint
redire.

IN PISONEM. ORATIO
XX XVIII.

Deest principium.

Iam ne uides belua? iam ne sentis? quæ sit hominum querela frontis tuæ? nemo queritur Syrum nescio quem de grege nouitiorum factum esse Consulem. non enim nos color iste seruilis, non pilosæ genæ, non dentes putridi deceperunt. oculi, supercilia, frons, uultus denique totus, qui sermo quidam tacitus mentis est: hic in fraudem homines impulit: hic eos, quibus erat ignotus: decepit: fefellit: induxit: pauci ista tua lutulenta uicia noueramus: pauci tarditatem ingenij, stuporem, debilitatemque lingue: nunquam erat audita uox in foro: nunquam periculum factum consilij: nullum non modo illustre, sed ne notum quidem factum aut militiæ, aut domi. obrepisti ad honores errore hominum, commendatione fumosarum imaginum: quarum simile habes nihil, præter colorem. is mihi etiam gloriabitur: se omnes magistratus sine repulsa affectum. mihi ista licet de me uera cum gloria prædicare. omnes enim honores Populus Ro. mihi ipsi homini detulit. nam tu cum Quæstor es factus: etiam qui te nunquam uiderant: tamen illum honorem nomini mandabant tuo. Aedilis es factus: Piso est a Populo Ro. factus: non iste Piso. Prætura item maioribus delata est tuis. noti erant illi mortui. te uiuum nondum nouerat quisquam. me cum Quæstorem in primis, Aedilem priorem, Prætozem primum cun-

Etis suffragijs Populus Ro. faciebat: homini ille honorem, non generi, moribus, non maioribus meis, uirtuti perspectæ, non auditæ nobilitati deferbat. Nam quid ego de consulatu loquar? parto uis, anne gesto? miserum me, cum hac me peste atque labe confero: sed nihil comparandi causa loquar: ac tamen ea, quæ sunt longissime disiuncta, comprehendam. Tu Cōsul es renunciatus (nihil dicam grauius quàm quod omnes fātentur) Impeditis Reip. temporibus, dissidentibus Cōss. Cæsare & Bibulo, cum hoc non recusares, quin hi, à quibus dicebatur Cōsul: te luce dignum non putarent: nisi nequior quàm Gabinus extitisses. Me cuncta Italia, me omnes ordines, me uniuersa ciuitas non prius tabella, quàm uoce priorem Cōsulem declarauit. Sed omitto ut sit factus uterq; nostrū. sit sanè fors domina campi. magnificentius est dicere, quemadmodum gesserimus consulatum, quàm quemadmodum ceperimus. Ego Calendis Ian. Senatum & bonos omnes legis Agrariæ, maximarumq; largitionum metu liberaui. ego agrum Campanum, si diuidi non oportuit: conseruaui: si oportuit: melioribus auctoribus reseruaui. ego in C. Rabirio perduellionis reo XL annis ante me Cōsulem interpositam Senatus auctoritatem sustinui contra inuidiam, atque defendi. ego adolescentes bonos & fortes, sed usos ea conditione fortunæ, ut si essent magistratus adepti: Reip. statum conuulsuri uiderentur: meis inimicijs nulla Senatus mala gratia comitiorum ratione priuaui. ego Antonium Collegam cupidum prouinciæ multæ in Rep. molientem, patientia atq; obsequio meo mitigaui. ego prouinciā Galliā Senatus auctoritate, exeratu, & pecunia instructam, et

IN PISONEM.

ornatam, quam cum Antonio communicavi: quod ita
existimabam tempora Reip. ferre: in concione deposui
reclamante Populo romano. ego L. Catilinam caedem
Senatus, interitum urbis, non obscure, sed palam mo-
lientem egredi ex urbe iussi: ut à quo legibus non po-
teramus, moenibus tuti esse possemus. ego tela extremo
mense consulatus mei intenta iugulis civitatis de coniu-
ratorum nefarijs manibus extorsi. ego facies iam accen-
sas ad huius urbis incendium comprehendere protuli: ex-
tinxi. me Q. Catulus princeps huius ordinis & auctor
publici consilij frequentissimo Senatu parentem patriæ
nominavit. mihi hic uir clarissimus, qui propter te se-
det, L. Gellius his audientibus civitatem coronam debe-
ri à Rep. dixit. mihi togato Senatus, non ut multis be-
ne gesta, sed ut nemini, conservata Reip. singulari ge-
nere supplicationis decorum immortalium templa pa-
tescit. ego cum in concione abiens magistratu dicere à
tribuno Pl. prohiberer, quæ constitueram, cumq; is mi-
hi tantum modo ut iurarem, permitteret: sine ulla du-
bitatione iuravi, Reip. atq; hanc urbem mea unius ope-
ra esse saluam. mihi Populus Ro. uniuersus illa in con-
cione non unius dici gratulationem, sed æternitatem
immortalitatemq; donavit: cum meum iusiurandum
tale, atq; tantum iuratus ipse una uoce & consensu ap-
probauit. quo quidem tempore is meus domum fuit è fo-
ro reditus: ut nemo, nisi qui mecum esset, ciuium esse in
numero uideretur. Atq; ita est à me Consulatus pera-
ctus: ut nihil sine consilio Senatus, nihil non approban-
te Populo Ro. egerim: ut semper in rostris Curiam, in
Senatu populum defenderim: ut multitudinem cum
principibus, Equestrem ordinem cum Senatu coniunxe-
rim. Expofui

rim. Exposui breuiter Consulatum meū. Aude nūc
 o' furia de tuo dicere. cuius sit initium ludi Compita-
 licij, tum primum facti post L. Luscellum, & C. Ma-
 rium cons. contra auctoritatem huius ordinis: quos Q.
 Metellus (facio iniuriam fortissimo uiro mortuo: qui il-
 lum, cuius paucos pares hæc ciuitas tulit: cum hac im-
 portuna belua conferam) sed ille designatus consul, cum
 quidam Tribunus Pl. suo auxilio magnos ludos con-
 tra Senatus consultum facere iussisset: priuatus fieri ue-
 tuit: atq; id, quod nondum potestate poterat: obtinuit
 auctoritate. Tu cum in Calendas Ian. Compitalicio-
 rum dies inadiissent: Sex. Clodium, qui nunquam an-
 tea prætextatus fuisset: ludos facere, & prætextatum uo-
 litare passus es, hominem impurum, atq; non modo fa-
 cie sed etiam oculo tuo dignissimum. Ergo his funda-
 mentis positus consulatus tui, triduo post inspectante &
 tacente te, à P. Clodio, fatali portento, prodigioq; Reip.
 lex Elia & Fusia euersa est, propugnacula, muriq;
 tranquillitatis, atq; ocij: collegia, non ea solum, quæ Se-
 natus sustulerat: restituta sunt: sed innumerabilia quæ-
 dam noua ex omni fece urbis ac seruitio conatata. ab
 eodem homine in stupris inauditis, nefarijsq; uersato,
 uetus illa magistra pudoris et modestiæ seueritas censo-
 ria sublata est: cum tu interim bustum Reipublicæ, q te
 Cōsulem tum Romæ dicas fuisse: uerbo nunquam signi-
 ficaris sententiam tuam tantis in naufragijs ciuitatis.
 Nondum quæ feceris, sed quæ fieri passus sis, dico: neq;
 uero multum interest, præsertim in consule, utrum ipse
 perniciosus legibus, improbis concionibus Remp. uexet:
 an alios uexare patiatur. An potest ulla esse excusa-
 tio non dicam male sentienti, sed sedenti, cunctanti, dor-

IN PISONEM.

mienti in maximo Reipub. motu Consuli. 2. centum prope annos legem Eliam & Fufiam tenueramus: quadringentos iudicium rationemq; Censoriam. quas leges ausus est non nemo improbus, potuit quidem nemo unquam conuellere: quam potestatem minuire, quominus de moribus nostris quinto quoq; anno iudicaretur: nemo tam effuse petulas conatus est: hæc sunt O' carnifex in gremio sepulta Consulatus tui. persequere connexos his funeribus dies. pro Aurelio Tribunali ne conuiuentem quidem te, quod ipsum esset scelus: sed etiam hilarioribus oculis, quam solitus eras, intuentes, delectus seruorum habebatur ab eo: qui nihil sibi unquam nec facere, nec pati turpe esse duxit: arma in templo castoris, O' proditor templorum omnium, uidente te constituebantur ab eo latrone: cui templum illud fuit te Consule, arx ciuium perditorum, receptaculum ueterum Catilinæ militum, castellum forensis latrocinij, bustum legum omnium, ac religionum. erat non solum domus mea, sed totum Palatium Senatu, Egitibus romanis, ciuitate omni, Italia cuncta, refertum: cum tu non modo ad eum Ciceronem (multo enim domestica: quæ negari possunt: hæc commemoro quæ sunt palam) non modo inquam ad eum, cui primam comitijs tuis dederas tabulam prærogatiuæ: quem in Senatu sententiam rogabas tertium: nunquam aspirasti: sed omnibus consilijs, quæ ad me opprimendum parabantur: non interfuisti solum: uerum etiam crudelissime præfuisi. mihi uero ipsi coram genero meo propinquo tuo: quæ dicere ausus es? egere foris esse Gabinium: sine provincia, stare non posse: spem habere à tribuno Pl. si tua consilia cum illo coniunxeris: sed à Senatu quidem desperasse. huius te cupiditati obsequi:

sicuti ego fecissem in Collega meo. nihil esse quod praesidium consulum implorare: sibi quonque consulere oportere. Atque haec dicere uix audco. uereor ne qui sit: qui istius insignem nequitiam frontis inuolutam integumentis nondum cernat. dicam tamen. ipse certe agnosceret. Et cum aliquo dolore flagitiorum suorum recordabitur. Memnisti ne cenum? cum ad te quinta fere hora, cum C. Pisione uenissem: nescio quo è gurgustio te prodire, inuoluto capite, soleatum? Et cum isto ore foetido teterrimam nobis popinam inhalasses: excusatione te uti ualitudinis: quod diceres, uinolentis te quibusdam medicamentibus solere curari? quam nos causam cum acceperimus: quid enim facere poteramus? paulisper stetimus in illo ginearum tuarum nidore, atque fumo. unde tu nos cum improbissime respondendo, tum turpissime eructando eiecisti. Idem illo fere biduo productus in concionem ab eo, cui sic aequatum praebabas consulatum tuum: cum esses interrogatus quid sentiret de consulatu meo: grauis auctor, Calatinus credo aliquis, aut Africanus, aut Maximus, et non Cesonius Semplacentinus Caluentius, respondes, altero ad frontem sublato, altero ad mentum depresso supercilio, crudelitatem tibi non placere. hic te ille homo dignissimus, tuis laudibus collaudauit. Crudelitatis tu furorifer Senatuum Consul in concione condemnas? non enim me: qui Senatui parui. nam relatio illa salutaris et diligens fuerat consulis: animaduersio quidem, et iudicium Senatus. quae cum reprehendis: ostendis qualis tu, si ita forte accidisset: fueris illo tempore consul futurus. stipendio mehercule et frumento Catilinam esse putasses iuuantum. quid enim interfuit inter Catilinam, et eum: cui

IN PISONEM.

tu Senatus auctoritatem, salutem ciuitatis, totam Rempublicam
provinciae praemio uendidisti? quae enim L. Catilinam
conantem consul prohibui: ea P. Clodium facientem con-
sules adiuuerunt. uoluit ille Senatum interficere: uos su-
stulistis: leges incendere: uos abrogastis: interire patriam:
uos adiunxistis. quid est uobis consilium? gestum sine armis?
incendere illa coniuratorum manus uoluit urbem: uos
eius domum, quem propter urbs incensa non est. ac ne
illi quidem, si habuissent uestri similem consulem: de ur-
bis incendio cogitassent. non enim se tectis priuare uo-
luerunt: sed his stantibus, nullum domicalium scelus
suo fore putauerunt. caedem illi ciuium, uos seruitutem
expetistis. hic uos etiam crudeliores. huic enim populo
ita fuerat ante uos consilium. libertas insita: ut emori poti-
us, quam seruire praestaret. Illud uero geminum consi-
lium Catilinae et Lentuli: quod me domo mea expulistis:
Cn. Pompeium domum suam compulistis. neque enim me
stante et manente in urbis uigilia, neque resistente Cn.
Pompeio omnium gentium uictore, unquam se illi Respub-
licae delere posse duxerunt. a me quidem etiam poenas ex-
petistis: quibus coniuratorum manes mortuorum expia-
retis: omne odium inclusum nefariis sensibus impiorum
in me profudistis. quorum ego furori nisi cessissem: in
Catilinae busto uobis ducibus mactatus essem. Quod
autem maius indicium expectatis, nihil inter uos et
Catilinam interfuisse? quam quod eandem illam ma-
num ex intermortuis Catilinae reliquijs concitastis: quod
omnes undique perditos collegistis: quod in me carce-
rem effudistis: quod coniuratos armastis: quod eorum
ferro meum corpus, atque omnium bonorum uitam
obycere uoluistis. Sed iam redeo ad praecalam il-

lam concionem tuam. Tu es ille, cui crudelitas displicet. cui, cum Senatus luctum ac dolorem suum uestis mutatione declarandum censuisset: cum uideres moerere Remp. amplissimi ordinis luctu: O' noster misericors quid facis? quod nulla in barbaria quisquam Tyrannus. omitto enim illud, consulem edicere, ut Senatus senatus consulto ne obtemperet. quo facilius nec fieri nec cogitari quicquam potest. ad misericordiam redeo eius: cui nimis uidetur Senatus in conseruanda patria fuisse crudelis. Edicere est ausus cum illo suo pari: quem tamen omnibus uicijs superare cupiebat: ut Senatus, contra quam ipse censuisset, ad uestitum rediret. quis hoc faciat ulla in Scythia Tyrannus? ut eos, quos luctu afficeret: lugere non sineret? moerorem relinquit: moeroris aufers insignia. eripis lachrymas non consolando, sed minando. Quod si uestem non publico consilio patres conscripti, sed privato officio, aut misericordia mutauissent: tamen id eis non licere per interdicta crudelitatis tue, potestatis erat non ferendae. cum uero id Senatus frequens censuisset: ordines reliqui iam ante fecissent: tu ex tenebricosa popina Consul extractus, cum illa Sal-
 tatrice tonsa, Senatum reipublicae ocafum atq; interitum lugere uetuisti. At querebat etiam paulo ante de me: quid suo mihi opus fuisset auxilio? cur non meis inimicis meis copijs restituissem? quasi uero non modo ego, qui multis saepe auxilio fuisset: sed quisquam tam inops fuerit unquam: qui isto non modo propugnatore tutiorem se, sed aduocato aut adstipulatore paratiorem fore putaret. ego istius pecudis, ac putidae carnis consilio scilicet, aut praesidio niti uolebam? ab hoc eiecto cadauere quicquam mihi aut opis, aut ornamenti expecta

IN PISONEM.

bam? consulem ego tum requirebam: consulem inquam,
 non illum quidem, quem in hoc animali inuenire non
 possem: qui tantam Reip. causam grauitate & consilio
 suo tueretur: sed qui tanquam truncus atque stipes, si ste-
 tisset modo, posset sustinere tamen titulum consulatus.
 cum enim esset omnis causa illa mea consularis, & Se-
 natoria: auxilio mihi opus fuerat & consulis, & Se-
 natus. quorum alterum etiam ad perniciem meā erat
 à nobis cōsulis cōuersum: alterū Reip. penitus ereptū.
 Attamen si consilium exquiris meum: neq; ego cessissem:
 & me ipsa suo complexu patria tenuisset: si mihi cum
 illo bustuario gladiatore, & tecum, et cum Collega tuo
 decertandum fuisset. alia enim causa praestantissimi ui-
 ri Q. Metelli fuit: quem ego auctore meo iudicio cum deo-
 rum immortalium laude coniungo: qui C. illi Mario
 fortissimo uiro & consuli, & sextum consuli, & eius
 inuictis legionibus ne armis confingeret cadendum eē
 duxit. Quod mihi certamen esset huiusmodi? cum C.
 Mario scilicet? aut cum aliquo pari? an cum altero bar-
 bato Epicureo? cū altero Catilinæ laternario? quos neq;
 hercule ego, neq; supercilium tuū, neq; Collegae tui cym-
 bala, ac crotalia fugi: neq; tam fui timidus: ut qui ma-
 ximis turbinibus, ac fluctibus Reip. nauem gubernas-
 sem: saluamq; in portu collocaissem: frontis tuae nubecu-
 lam, tum collegae tui contaminatum spiritum pertimesce-
 rem. alios egowidi uentos: alias prospexi animo procel-
 las: alijs impendentibus tempestatibus, non cessi: sed his
 unum me pro omnium salute obtuli. itaq; discessu tum
 meo omnes illi nefarii gladij de manibus crudelissi-
 mis exciderunt. cum quidem tu, o' uecors & amens,
 cum omnes boni abdi, inclusi;q; mœrrent: templa ge-

merent: tecta ipsa urbis lugerent: complexus es illud fi-
 nestum animal ex nefarijs stupris, ex civili cruore, ex
 omnium scelerum importunitate, & flagitiorum im-
 punitate concretum. atq; eodem in templo, eodem & lo-
 ci uestigio, & temporis, arbitria non mei solum, sed pa-
 triæ funeris abstulisti. Quid ego illorum dierum epu-
 las, quid letitiam & gratulationem tuam, quid cum
 tuis sordidissimis gregibus intemperatissimas perpota-
 tiones prædicem? quis te illis diebus sobrium? quis a-
 gentem aliquid, quod esset libero dignum? quis deniq;
 in publico uidit? cum collegæ tui domus cantu, et cym-
 balis personaret: cumq; ipse nudus in conuiuium salta-
 ret: in quo ne tum quidem, cum illum suum saltatori-
 um uersaret orbem: fortunæ rotam pertimescebat. hic
 autem non tam concinnus helluo, nec tam musicus iace-
 bat in suo græcorum fetore atq; uino. quod quidē istius
 in illis Reip. luctibus, quasi aliquod Lapitarum aut Cē-
 taurorum conuiuium ferebatur: in quo nemo potest di-
 cere, utrum iste plus biberit: an uomuerit: an effuderit.
 Tu etiam mentionem facies consulatus tui? aut te fuisse
 Romæ Consulem dicere audebis? quid? tu in lictori-
 bus, in toga, & prætexta esse consulatum putas? quæ
 ornamenta etiam in Sex. Clodio te Consule esse uolui-
 sti? huius tu Clodiani canis insignibus consulatum de-
 clarari putas? animo consulem esse oportet, consilio,
 fide, grauitate, uigilantia, cura, toto deniq; munere con-
 sulatus, omni officio. ego consulem esse putem: qui Sena-
 tum esse in Repub. non putauit? & sine eo consilio
 consulem numerem? sine quo Romæ ne reges quidem
 esse potuerunt? Etenim illa iam omitto: cum seruo-
 rum delectus haberetur in foro: arma in templo ca-

IN PISONEM.

storis luce, & palam comportarentur: id autem templum sublato aditu, reuulsis gradibus, à coniuratorum reliquijs, atque à Catilinæ præuicatore quondam, tum ultore, armis teneretur: cum Equites Ro. relegarentur: uiri boni lapidibus è foro pellerentur: Senatui non solum inuare rempublicam, sed ne lugere quidem liceret: cum ciuis is, quem hic ordo assentiēte Italia, cunctisq; gentibus conservatorem patriæ iudicaret: nullo iudicio, nulla lege, nullo more, seruitio atq; armis pelleretur, non dicam auxilio uestro, quod uere licet dicere: sed certe silentio: tum Romæ fuisse Consules quisquam existimabit? qui latrones igitur, siquidem uos Consules: qui prædones, qui hostes, qui proditores, qui tyranni nominabuntur? Magnum nomen est, magna species, magna dignitas, magna maiestas Consulis: non capiunt angustiae pectoris tui, non recipit leuitas ista, non egestas animi, non infirmitas ingenij sustinet, nō insolentia rerum secundarum tantam personam tam grauem tam seueram. Seplasia mehercle, ut dici audiebam: te ut primum aspexit: Campanum consulem repudiavit. audierat Decios, Magios, & de Taurea illo Tubelio aliquid acceperat: in quibus si moderatio illa, quæ in nostris solet esse consulibus: non fuit: at fuit pompa: fuit species: fuit incessus, saltem Seplasia dignus, & Capua. Gabinium denique si uidissent Diuumirum uestri illi unguentari: citius agnouissent. erant illi compti, capilli, & madentes ananorum fimbriae, & fluentes pulsataeq; buccæ dignæ Capua, sed
 * illa uetere. nam hæc quidem, quæ nunc est, splendissimorum hominum, fortissimorum uirorum, optimorum ciuium, mihiq; amantissimorum multitudine redun-

dat. quorum caput te prætextatum nemo aspexit: qui non gemeret desiderio mei: cuius consilio cum uniuersam Rempublicam illam ipsam urbem memnerant esse seruata. me inaurata statua donarant: me patronum unum asciuerant: à me se habere uitam, fortunas, liberos, arbitrabantur: me & præsentem contra latrocinium tuum suis decretis legatisq; defenderunt: & absentem principem Cn. Pompeio referente, & de corpore Reipublicæ scelerum tela reuellente, reuocarunt. an tu eras consul? cum in palatio mea domus ardebat, non casu aliquo, sed ignibus iniectis, instigante te. Et quod in hac urbe maius unquam incendium fuit? cui non Consul subuenerit? At tu illo ipso tempore apud socrum tuam propè à meis ædibus, cuius domum ad meam exhaurientem patefeceras: sedebas non extinctor, sed author incendi: & ardentes faces furis clodianis penè ipse Consul ministrabas. An uero reliquo tempore Consulem te quisquam dixit? quisquam tibi paruit? quisquam in curiam uenienti assurrexit? quisquam consulenti respondendum putauit? numerandus est ille annus deniq; in republica? cum obmutuisset Senatus: iudicia conticuisissent: mœrerent boni: uis latrocinij uestri tota urbe uoligaret: neq; ciuis unus ex ciuitate, sed ipsa ciuitas tuo et Gabinij sceleri, furoriq; cessisset. At ne tum quidem emeristi luttulente cæso ex miserrimis naturæ tuæ sordibus: cum ex perrecta tandem uirtus clarissimi uiri celeriter & uerum amicum, & optime meritum ciuem, & suum pristinum morem requisiiuit: neq; est ille uir passus, in ea Rep. quam ipse decorarat: atq; auxerat: diutius uictrorum scelerum pestem morari. cum tamen ille, qualiscunq; est: qui est ab uno te improbitate uictus Gabi-

IN PISONEM.

nus, collegit ipse se uix: sed collegit tamen: et contra suū
Clodium primum simulate, deinde non libēter, ad ex=
tremum tamen pro Cn. Pompeio uere uehementerq; pu=
gnauit. quo quidem in spectaculo mira Reip. æquitas
erat: uter eorum perisset, tanquam lanista, in cuiusmodi
pari lucrum fieri putabat: immortalem uero quæstum,
si uterq; cecidisset. sed ille tamen agebat aliquid: tueba=
tur auctoritatem summi uiri: erat ipse sceleratus: erat
gladiator: cum scelerato tamen & cum pari gladiato=
re pugnabat. tu scilicet homo religiosus, & sanctus, fœ=
dus, quod meo sanguine in pactione prouinciarum ie=
ceras: frangere noluisse. cauerat enim sibi ille sororius
adulter: ut si tibi prouinciā, si exercitum, si pecuniā
ereptā ex Reip. uisceribus dedisset: omnium suorum
scelerum socum te, adiutoremq; præberes. itaq; in illo
tumultu fracti fasces: ictus ipse: quotidie tela, lapides,
fugæ: deprehensus deniq; cum ferro ad Senatum is, quē
ad Cn. Pompeium interimendum collocatum fuisse con=
stabat. Et quis audiuit non modo actionem aliquā, aut
relationem, sed uocem omnino, aut querelam tuā?
Cōsulem tu te fuisse putas? cuius in imperio, qui Remp.
Senatus auctoritate seruaret: idemq; in Italia qui o=
mnis omnium gentiū partes tribus triumphis deuin=
xerat: is se in publico tuto statuit esse non posse. an tum
eratis Consules? cum quacūq; de re uerbum facere cœ=
peratis: aut referre ad Senatum: cunctus ordo reclama=
bat? ostendebatq; nihil esse uos acturos: nisi prius de me
retulissetis? cum uos quanquam fœdere obstricti teneba=
mini: tamen cupere uos diceretis: sed lege impediri. quæ
lex priuatis hominibus, esse lex non uidebatur, iniusta
per seruos, incisa per uim, imposita per latrocinium, sub=

Laeto Senatu, pulsus è foro bonis omnibus, capta Rep. contra omnes leges, nullo scripta more: hanc qui se metuere dicerent, Consules, non dicam animi hominum, sed si ulli ferre possunt? nam si illam legem non putabatis: quæ erat, contra omnes leges, indemnati cuius, atq; integri capitis, bonorumq; tribunitia proscriptio: hac tamen obstricti pactione tenebamini: quis uos non modo Consules, sed liberos fuisse putet? quorum mens fuerit oppressa præmio lingua astricta mercede? sin illam uos soli legem putabatis: quisquam uos consules tunc fuisse, aut nunc esse Consulares putet? qui eius ciuitatis, in qua in principum numero uultis esse: non leges, non instituta, non mores, non iura noritis? An cum proficiscebamini paludati in provincias uel emptas, uel creptas: consules uos quisquam putauit? itaq; credo, si minus frequentia sua uestrum egressum ornando, atq; celebrando, at omnibus saltem bonis, ut consules, non tristissimis, ut hostes aut proditores persequerentur. tu ne etiam immanissimum ac foedissimum monstrum ausus es meum discessum illum testem sceleris, & crudelitatis tuæ maledicti & contumeliae loco ponere? quo quidem tempore cæpi P.C. fructum immortalem uestri in me & amoris & iudicii: qui non admurmuratione, sed uoce, & clamore abiecti hominis, & semiuuii furorem petulantiamq; fregistis. tu luctum Senatus, tu desiderium equestri ordinis, tu squalorem Italiae, tu curiæ taciturnitatem annuam, tu silentium perpetuum iudiciorum, ac fori, tu cætera illa in maledicti loco pones? quæ meus discessus Reip. uulnera inflixit? qui si calamitosissimus fuisset: tamen misericordia dignior, quàm contumelia, & cum gloria potius esse coniunctus, quàm cum

IN PISONEM.

probro putaretur: atq; ille, dolor meus duntaxat, uestrū
quidem scelus, ac dedecus haberetur. tum uero forsitan
hoc, quod dicturus sum, mirabile auditu esse uidea-
tur: sed certe id dicam, quod sentio. Cum tantis à uobis
P. C. beneficijs affectus sim, tantis honoribus: non mo-
do illam calamitatem esse non duco: sed si quid mihi po-
test à Rep. esse seiunctum, quod uix potest, priuatim ad
meum nomen augendum: optandam duco mihi fuisse
illam, expetendamq; fortunam. Atq; ut tuum lætissi-
mum diem cum tristissimo meo conferam: utrum tandē
bono uiro & sapienti optabilius putas: sic exire à pa-
tria: ut omnes sui ciues salutem, incolumitatem, reditum
precentur: quod mihi accidit: an quod tibi proficiscenti
euenit: ut omnes execrarentur: male precarentur: unam
tibi illam uiam & perpetuam esse uellent? mihi medi-
us fidius in tanto omnium mortalium odio iusto præser-
tim & debito, quæuis fuga potius, quàm ulla prouin-
cia esset optatior. Sed perge porro. nam si illud meum tur-
bulentissimum tempus profectionis, tuo tranquillissimo
præstat: quid conferam reliqua? quæ in te dedecoris ple-
na fuerunt: in me dignitatis? Me Calendis Ian. qui dies
post obitum occisumq; nostrum Reipu. primus illuxit:
frequentissimus Senatus, concursu Italiæ, referente cla-
rissimo, atq; fortissimo uiro P. Lentulo, consentiente Po-
pulo Ro. atq; una uoce reuocauit. me idem Senatus exte-
ris nationibus, me legatis, magistratibusq; nostris aucto-
ritate sua consularibus literis, non ut tu nuper dicere
ausus es, orbatum patria, sed ut Senatus illo ipso tem-
pore appellauit: quem conseruatorem Reip. commenda-
uit. ad meam unius salutem Senatus auxilium omnium
ciuium cuncta ex Italia, qui Rempu. saluam esse uel-

Lent: Consulis uoce & literis implorandum putauit.
 mei capitis seruandi causa Romam uno tempore quasi
 signo dato Italia tota conuenit. de mea salute P. Lentulus
 praestantissimi uiri, atq; optimi Consulis, Cn. Pompei
 clarissimi, atq; inuictissimi ciuis, ceterorumq; princi-
 pum celeberrimae & gratissimae conciones fuerunt.
 de me Senatus ita decreuit, Cn. Pompeio auctore, &
 eius sententiae princeps: ut si quis impedisset reditum me-
 um: in hostium numero putaretur: hisq; uerbis ea de
 me Senatus auctoritas declarata est: ut nemini sit tri-
 umphus honorificentius, quam mihi salus restitutioq;
 perscripta. de me, cum omnes magistratus promulgas-
 sent, praeter unum Praetorem, a quo non fuit postulan-
 dum, fratrem inimici mei, praeterq; duos de lapide em-
 ptos tribunos plebis: legem comitijs Centuriatis tulit P.
 Lentulus consul de Collegae Q. Metelli sententia: quem
 mecum eadem Resp. quae in Tribunatu eius disiunxe-
 rat: in Consulatu uirtute optimi, ac iustissimi uiri, sapi-
 entiaq; coniunxit. Quae lex quemadmodum accepta
 sit, quid me attinet dicere? ex uobis audio nemini cui-
 ullam, quominus adesset, satis iustam excusationem esse
 uisam: nullis comitijs unquam multitudinem hominum
 tantam neq; splendidiorum fuisse. hoc certe uideo, quod
 indicant tabulae publicae: uos rogatores, uos distributo-
 res, uos custodes fuisse tabularum: & quod in honori-
 bus uestrorum propinquorum non facitis, uel aetatis ex-
 cusatione, uel honoris: id in salute mea nullo rogante
 uos uestra sponte fecistis. confer nunc Epicure noster ex
 hara producte, non ex scola, confer, si audes, absentiam
 tuam, cum mea. Obtinuisti prouinciam Consularem fi-
 nibus ijs, quos lex cupiditatis tuae, non quos lex generi

IN PISONEM.

tui pepigerat. nam lege Cæsaris iustissima, atq; optima, populi liberi, plane, & uere erant liberi: lege autem ea, quam nemo legem præter te, & Collegam tuum putauit: omnis erat tibi Achaia, Thessalia, Athenæ, cuncta Græcia addicta: habebas exercitum tantum, quantum tibi non Senatus, aut Populus Ro. dederat: sed quantum tua libido conscripserat. ærarium exhauseras. quas res gessisti in Imperio, exercitu, provincia consulari? quas res gesserit quero? qui ut uenit statim: nondum commemoro rapinas, nondum exactas pecunias, non captas, non Imperatas: non neces sociorum, non cædem hospitum, non perfidiam, non immanitatem, non scelera prædico: mox, si uidebitur: ut cum fure, ut cum sacrilego, ut cum sicario disputabo: nunc meâ spoliatam fortunam conferam cum flore imperatoris. Quis unquam provinciam cum exercitu obtinuit? qui nullas ad Senatum literas miserit? tantam uero provinciam cum tanto exercitu, Macedoniam præsertim: quæ tantis barbarorum gentibus attingitur: ut semper Macedonibus imperatoribus iisdem fines provinciae fuerint: qui gladiatorum atq; pilorum. ex qua aliquot Prætorio Imperio, Consularis quidem nemo rediit: qui incolumis fuerit: qui non triumpharit. est hoc nouum. multo illud magis. appellatus est hic uulturius illius provinciae (si diis placeat) Imperator. ne tum quidem paulo noster tabulas Romam cum laurea mittere audebas? nisi inquit. quis unquam recitauit? quis ut recitarentur, postulauit? nihil enim mea refert, utrum tu conscientia oppressus scelerum tuorum nihil unquam ausus sis scribere, ad eum ordinem, quem despexeras: quem affixeras: quem deleueras: an amici tui tabulas abdi-

derint: iisdemq; silentio suo temeritatem atq; audaciam
tuam condemnarint. Atq; haud scio an malim te uide
ri nullo pudore fuisse in literis mittendis: an amicos
tuos plus habuisse & pudoris & consilij: quàm aut te
uideri prudentiorem fuisse quàm soles: aut tuum factum
non esse condemnatum iudicio amicorum. Quod si non
tuis nefarijs in hunc ordinem contumelijs, in perpetuum
tibi Curiam præclusisses: quid tandem erat actum, aut
gestum in illa provincia: de quo ad Senatum cum gra
tulatione aliqua scribi abs te oporteret? uexatio Mace
doniae? an oppidorum turpis amissio? an sociorum di
reptio? an agrorum depopulatio? an munitio Thessa
lonicae? an obsessio militaris uiae? an exercitus nostri inte
ritus, ferro, fame, frigore, pestilentia? Tu uero qui ad Se
natum nihil scripseris: ut in urbe nequior inuentus es,
quàm Gabinus: sic in provincia paulo tamen quàm
ille demissior. nam ille gurgis atq; helluo natus abdomi
ni suo, non laudi, atq; gloriae, cum Equites Ro. in pro
uincia, cum publicanos nobiscum & uoluntate, & di
gnitate coniunctos, omnes fortunis, multos fama, uitaq;
priuasset: cum egresset aliud nihil in illo exercitu: nisi ut
urbes depopularetur: agros uastaret: exhauriret domos:
ausus est, quid enim ille non auderet? à Senatu supplica
tionem per literas postulare. O' dij immortales, tu ne
etiam, atq; adeo uos geminae uoragines, scopuliq; Reip.
uos meam fortunam deprimitis? uestram extollitis? cum
de me ea senatus consulta absente facta sint: ea conciones
habita: his motus fuerit municipiorum & coloniarum
omnium: ea decreta publicanorum: ea collegiorum: ea
deniq; generum, ordinumq; omnium: quæ ego non mo
do optare nunquam auderem: sed cogitare non possem:

IN PISONEM.

uos autem sempiternas foedissimæ turpitudinis notas
 subieritis. An ego, si te & Gabiniū cruci suffixos uide-
 rem: maiore afficerer læticia ex corporis uestri lacera-
 tione, quàm afficior ex infamia? nullum est supplici-
 um putandum, quo affici casu aliquo etiam boni ui-
 ri fortesq; possunt. Atq; hoc quidem etiam isti tui di-
 cunt uoluptarij græci: quos utinam ita audires, ut erant
 audiēdi: nunq̃ te in tot flagitia ingurgitasses. uerū audis
 in præsepibus: audis in stupris: audis in cibo, et uino. sed
 dicūt ipsi, q̃ mala dolore, bona uoluptate definiūt. Sapiē-
 tem, ēt si in Phalaridis tauro inclusus, succensis ignibus
 torreatur: dicturum tamen, suaue illud esse: se seq; ne
 tantulum quidem commoueri. tantam uirtutis esse uim:
 uoluerunt: ut non posset unquam esse, uir bonus, non
 beatus. quæ est igitur pœna? quod supplicium? id mea sen-
 tentia: quod accidere nemini potest, nisi nocenti: suscepta
 fraus, impedita & oppressa mens conscientia, bonorum
 omnium odium, nota iusti Senatus, amissio dignitatis.
 nec mihi ille, M. Regulus, quem Carthaginenses resectis
 palpebris, illigatum in machina, uigilando necauerunt:
 supplicio uidetur affectus: nec C. Marius, quem Italia
 seruata ab illo, demersum in Minturnensium paludibus,
 Africa deuicta ab eodem, expulsū & naufragum
 uidit. fortunæ enim ista tela sunt, non culpæ. supplicium
 autem est pœna peccati. neq; uero ego si unquam uobis
 mala precarer: quod sæpe feci: in quo dij immortales me-
 as preces audiuerunt: morbum, aut mortem, aut crucia-
 tum precarer. thyesteia ista execratio est, poetæ uulgi ani-
 mos non sapientum mouentis. ut tu naufragio expulsus
 uspiam saxi fixus asperis euisceratus latere penderes
 (ut ait ille) saxa spargens tabo sanie sanguine atro. Non
 ferrem omnino

ferrem omnino moleste: si ita accidisset: sed id tamen esset humanum. M. Marcellus, qui ter Consul fuit: summa uirtute, pietate, gloria militari, periit in mari. qui tamen ob uirtutem, gloriae laude uiuit. in fortuna quadam est illa mors, non poena putanda. quae est igitur poena? quod supplicium? quae saxa? quae cruces? Ecce duos duces in prouincijs Populi Ro. habere exercitus: appellari Imperatores: horum alterum sic fuisse infirmatum conscientia scelerum, et fraudum suarum: ut ex ea prouincia, quae fuerit ex omnibus una maxime triumphalis: nullas sit ad Senatum literas mittere ausus. ex qua prouincia modo uir omni dignitate ornatissimus L. Torquatus magnis rebus gestis me referente absens Imperator sit appellatus: unde his paucis annis Cn. Dolobellae, C. Curionis, M. Luculli iustissimos triumphos uidimus: ex ea te Imperatore nuncius ad Senatum allatus est nullus. Ab altero allatae literae: recitatae: relatum ad Senatum. dii immortales id ne ego optarem? ut inimicus meus, ea, qua nemo unquam, ignominia notaretur? ut Senatus is: qui in eam iam benignitatis consuetudinem uenit: ut eos, qui bene Rempublicam gesserint: nouis honoribus afficiat, et numero dierum, et genere uerborum: huius unius literis nuntiantibus non crederet? postulantibus denegaret? his ego rebus pascor: his delector: his praeferor: quod de uobis hic ordo opinatur: non secus ac de teterrimis hostibus: quod uos Equites romani quid ceteri ordines, quod cuncta ciuitas odit: quod nemo bonus, nemo denique ciuis est: qui modo se ciuem esse meminerit: qui uos non oculis fugiat: auribus respuat: animo aspernetur: recordatione denique ipsa consulatus uestri perhorrescat. Haec ego semper de uobis expetui: haec opta-

m m m

IN PISONEM.

ui: hæc precatus sum. plura etiã acciderunt: quã uel-
lem. nam ut amitteretis exercitum, nunquam me her-
cule optauī. illud etiã accidit præter optatum meum,
sed ualde ex uoluntate. mihi enim non uenerat in mē-
tem furorem & insaniam optare uobis: in quam inci-
distis. atqui fuit optandum. me tamen fugerat deorum
immortalium has esse in impios & consceleratos pœ-
nas certissimas constitutas. nolite enim putare P. C. ut
in scena uidetis, homines consceleratos impulsu deorū
terreri furiarū tædis ardentibus: sua quicq; fraus, su-
um facinus, suū scelus, sua audacia de sanitate ac men-
te deturbat. hæ sunt impiorum furie, hæ flammæ, hæ
faces. ego te non uecordem, non furiosum, non mente ca-
ptum, non tragico illo horeste aut Athamante demen-
torem putem? qui sis ausus primum facere: nam id est
caput: deinde paulo ante Torquato grauissimo, et san-
ctissimo uiro premente confiteri: te prouinciam Macedo-
niam, in quam tantum exercitum transportasses: sine ul-
lo milite reliquisse? mitto de amissa maxima parte exer-
citus: sit hoc infelicitatis tuæ. dimittendi uero exercitus
quam potes asferre causam? quam potestatem habuisti?
quam legem? quod Senatus Consultum? quod ius? quod
exemplum? quid est aliud fieri? nisi non cognoscere
homines: non cognoscere leges: non Senatum, non ciui-
tatem. cruentare corpus suum? maior hæc est uitæ, fa-
mæ, salutis suæ uulneratio. si familiam tuã dimisisses:
quod ad neminem nisi ad ipsum te pertineret: amici te
tui constringendum putarent. præsidium tu Populi Ro-
mani, custodiam prouinciæ, iniussu populi Senatusq; di-
misisses: si tuæ mentis compos fuisses? Ecce tibi alter effu-
sa iam maxima præda, quam ex fortunis publicatio-

rum, ex agris, urbibusq; sociorum exhausserat: cum partim eius prædæ profundæ libidines deuorassent: partim noua quedam, & inaudita luxuries: partim etiã in illis locis, ubi omnia diripuit, emptiones: partim permutationes ad hunc thusculanum montem extruendũ, cum illa eius immensa & intolerabilis ædificatio constitisset: se ipsum, fascis suos, exercitũ populi Romani, nomen interdictumq; deorum immortalium, responsa sacerdotum, auctoritatem Senatus, iussa populi, nomen, ac dignitatem Imperij, Regi Aegypto uendidit. cum finis prouinciæ tantos haberet: quantos uoluerat: quantos optauerat: quantos mei capitis precio periculoq; emerat: his se tenere nõ potuit: exercitum eduxit ex Syria. qui licuit extra prouinciã? tribuit se mercenarium comitem Regi Alexãdrino. quid hoc turpius? In Aegyptum uenit: signa contulit cum alexãdrinis. quando hoc bellum aut hic ordo, aut populus suscepit? cœpit Alexandriam. quid aliud expectamus à furore eius: nisi ut ad Senatum tantis de rebus gestis literas mittat? hic si mentis esset suæ: nisi pœnas patriæ, dijsq; immortalibus eas, quæ grauissimæ sunt: furore atq; insania pederet: ausus esset, mitto exire de prouincia: educere exercitum: bellum sua sponte gerere: in regnum iniussu populi aut Senatus accedere. quæ cum plurimæ leges ueteres, tum lex Cornelia maiestatis, Iulia de pecunijs repetundis planissime uctant. sed hæc omitto. ille si non acerrime fureret: auderet quam prouinciã P. Lentulus amissimus huic ordini, cum & auctoritate Senatus, & sorte haberet: interposita religione sine ulla dubitatione deponisset: eam sibi tum adsciscere: cum, etiam si religio non impediret: mos maiorum tamen, & exempla, &

m m m ij

IN PISONEM.

grauissimæ legum pœnæ uetarent. Sed quoniam fortunarum contentionem facere cœpimus: de reditu Gabini omittamus: quem, & si sibi ipse præcidit: ego tamen os ut uideam hominis expecto. tuum si placet reditum cum meo conferamus. At meus quidē is fuit: ut à Brundisio usq; Romam agmen perpetuum totius Italiæ uiderem. neq; enim regio fuit ulla, neq; municipium, neq; præfectura, aut colonia: ex qua non publice ad me uenerint gratulatum. quid dicam aduentus meos? quid effusiones hominum ex oppidis? quid concursum ex agris patrum familias cum coniugibus ac liberis? qd eos dies, qui quasi deorum immortalium, festi, atq; solennes sunt aduentu meo, redituq; celebrati? unus ille dies mihi quidem immortalitatis instar fuit: quo in patriam redij: cum Senatum egressum uidi, populumq; Romanū uniuersum: cum mihi ipsa Roma propè conuulsa sedibus suis ad complectendum conseruatorem suum procedere uisa est. quæ me ita accepit: ut non modo omnium generum, ætatum, ordinum omnes uiri, ac mulieres omnis fortunæ ac loci, sed etiam moenia ipsa uiderentur, & tecta urbis ac templa lætari. me consequentibus diebus in ea ipsa domo, qua tu me expulcras: quam expilaras: quam incenderas: Pontifices, Consules, patres conscripti collocauerunt: mihiq; (quod ante me nemini) pecunia publica ædificandam domum censuerunt. habes reditum meum. confer nunc uicissim tuum: quando quidem amisso exercitu nihil incolume domum, præter os illud pristinum tuum retulisti. qui primum qua ueneris cum laureatis tuis licioribus quis scit? quos tu Meandros, dum omnes solitudines persequeris: quæ diuerticula, flexionesq; quæsisisti? quod te municipium uidit? quis amicus,

inuitauit? quis hospes aspexit? non ne tibi nox erat pro die? non solitudo pro frequentia? caupona pro oppido? non ut redire ex Macedonia nobilis Imperator, sed ut mortuus infamis referri uideretur. Romam uero ipsam, foedauit aduentus tuus: O' familiae non dicam Calphurniae, sed Caluentiae, neque huius urbis, sed placentini municipij, neque paterni generis, sed Brachatae cognitionis dedecus, quemadmodum uenisti? quis tibi, non dicam horum, aut ciuium caeterorum, sed tuorum legatorum obuiam uenit? mecum enim tum L. Flaccus uir tua legatione indignissimus, atque is consilij, quibus mecum in consulatu meo coniunctus fuit, ad conseruandam Rempublicam dignior, mecum fuit: tum cum te quidam non longe a porta cum licitoribus errantem uisum esse narrabam: scio item uirum fortem in primis belli ac rei militaris peritum familiarem meum Q. Martium, quorum tu legatorum praelio Imperator appellatus eras: cum longe abfuisses: aduentu isto tuo domum fuisse otiosum. sed quid ego enumero qui tibi obuiam non uenerint? qui dico uenisse pene neminem: ne de officiosissima quidem natione candidatorum: cum uulgo essent et illo ipso, et multis ante diebus admoniti et rogati. togulae licitoribus ad portam praesto fuerunt: quibus illi acceptis, sagula reiecerunt: et aeternam Imperatori suo nouam praebuerunt. sic iste tanto exercitu, tanta prouincia, triennio post Macedonicus Imperator in urbem se intulit: ut nullius negociatoris obscurissimi reditus unquam fuerit desertior. in quo me tamen, qui esset paratus ad se defendendum, reprehendit. cum ego Celimontana porta introisse dixissem: responsione me numquam Esquilina introisse homo promptissimus lacessiuit. quasi uero id, aut

m m m iij

IN PISONEM.

ego scire debuerim: aut uestrum quispiam audierit: aut ad rem pertineat: qua tu porta introieris: modo ne Triumphali: quæ porta Macedonicis semper consulibus ante te patuit. tu inuentus es, qui consulari Imperio præditus ex Macedonia non triumphares. At audistis P. C. philosophi uocem. negauit se triumphum cupidum unquam fuisse. O scelus, O pestis, O labes, cum extinguere Senatui: uendebas auctoritatem huius ordinis: ad dicebas tribuno pl. consulatum tuum: Rempublicam. euertebas: prodebas caput et salutem meam una mercede provincie: si triumphum non cupiebas: cuius tandem rei te cupiditate arsisse defendes? sæpe enim uidi, qui et mihi et cæteris cupidiores provincie uiderentur: triumphum nomine tegere atque uelare cupiditatem suam. hoc modo Decimus Syllanus consul in hoc ordine, hoc meus etiam Collega dicebat. neque enim quisquam potest exercitum cupere, aperteque petere: ut non prætexat cupiditatem triumphum. quod si te Senatus populusque Romanus. aut non appetentem, aut etiam recusantem, bellum suscipere, exercitum ducere coegisset: tamen erat angusti animi, atque demissi, triumphum honorem, atque dignitatem contemnere. nam ut leuitatis est inanem aucupari rumorem: ut omnis umbras etiam falsæ gloriæ consecrari: sic leuis est animus, lucem, splendoremque fugientis, iustam gloriam, qui est fructus ueræ uirtutis honestissimus: repudiare. cum uero non modo non postulante, atque cogente, sed inuito, atque oppresso Senatu, non modo nullo populi Romano studio, sed nullo ferente suffragium libero, provincia tibi ista manu præcium fuerit non euerse per te, sed perditæ ciuitatis: cumque omnium tuorum scelerum hæc paenitentia extiterit: ut si tu totam Rempublicam. nefarijs latronibus

tradidisses: Macedonia tibi ob eam rem, quibus tu finibus uelles redderetur: cum exhauriebas aerarium: cum orbabas Italiam iuuentute: cum mare uastissimum hyme transibas: si triumphum contemnebas: quæ te prædo amentissime, nisi prædæ, ac rapinarum cupiditas tam cæcæ rapiebat? non est integrum Cn. Pompeio consilio iã uti tuo. errauit enim: non gustarat istam tuam philosophiam: ter iam homo stultus triumphauit. Crasse pudet me tui. quid est, quod confecto formidolosissimo bello, coronam illam lauream tibi tantopere decerni uolueris à Senatu? P. Seruili, Q. Metelle, C. Curio, P. Africane, cur non hunc audistis tam doctum hominem, tam eruditum, prius quàm in istum errorem induceremini? C. ipsi Pontino necessario meo iam non est integrum: religionibus enim susceptis impeditur. o' stultos Camillos, Curios, Fabritios, Calatinos, Scipiones, Marcellos, Maximos: o' amentem Paulum, rusticum Marium, nullius consilij patres istorum amborum consulum: qui triumpharunt. Sed quoniam præterita mutare non possumus: quid cessat hic homulus ex argilla & luto fictus Epicureus, dare hæc præclara præcepta sapientiæ clarissimo & summo Imperatori genero suo? fertur ille uir mihi crede gloria: flagrat, ardet cupiditate iusti & magni triumphi: non didicit eadem ista, quæ tu. mitte ad eum libellum. sed iam si ipsi coram congregari poteris: meditare quibus uerbis incensam illius cupiditatem comprimas, atque restringas. ualebis apud hominem uolitantem gloriæ cupiditate uir moderatus & constans: apud indoctum eruditus: apud generum socer. dicēs enim, ut es homo facetus, ad persuadendum, concinnus, perfectus, politus è schola. quid est

m m m iij

IN PISONEM.

Cæsar, quod te supplicationes totiens decretæ, tot die-
rum, tantopere delectent? in quibus homines errore
ducuntur: quas dii negligunt: qui (ut noster ille di-
uinus dixit Epicurus) neque propitij cuiquam esse so-
lent: neque irati. non facies fidem scilicet cum hæc di-
sputabis. tibi enim & esse & fuisse deos uidebis ira-
tos. uertes te ad alteram scholam: differes de triumpho.
quid tandem habet iste currus? quid uincti ante cur-
rum duces? quid simulacra oppidorum? quid aurum?
quid argentum? quid legati in equis & tribuni? quid
clamor militum? quid tota illa pompa? inania sunt
ista mihi crede, delectamenta penè puerorum: captare
plausus: uehi per urbem: constici uelle. quibus ex re-
bus, nihil est, quod solidum tenere, nihil, quod referre
ad uoluptatem corporis possis. quin tu me uides: qui ex
qua provincia T. Flamminius, L. Paulus, Q. Metellus,
T. Didius, innumerabiles alij, leui cupiditate commo-
ti triumpharunt: ex ea sic redij: ut ad portam Esqui-
linam Macedonicam lauream conculcarim: ipse cum ho-
minibus quindecim male uestitis ad portam Celimon-
tanam sitiens peruenerim: quo in loco, mihi libertus
præclaro Imperatori domum ex hac die biduo ante
conduxerat: quæ uacua si non fuisset: in campo Martio
mihi tabernaculum collocassem. nummus interea mihi
Cæsar neglectis uehiculis triumphalibus domi manet:
& manebit. rationes ad ærarium retuli continuo: si-
cut tua lex iubebat: neq; alia ulla in re legi tuæ parui.
quas rationes si cognor is: intelliges nemini plusquam
mihi literas profuisse: ita enim sunt perscriptæ scite, &
literate: ut scriba, ad ærarium qui eas retuli: perscriptis
rationibus secum ipse caput sinistra manu perfricans,

commurmuratus sit. Ratio quidem hercle apparet: ar-
gentum dixisti. Hac tu oratione non dubito, quin
illum iam ascendentem in currum possis reuocare. O'
tenebrae, O' lutum, O' sordes, O' paterni generis ob-
lite, materni uix memor: ita nescio quid istuc fractum,
humile, demissum, sordidum, inferius etiam est, quàm
ut Mediolanensi pracone auo tuo dignum esse uideatur.
L. Crassus homo sapientissimus nostrae ciuitatis specu-
lis propè scrutatus est alpes: ut ubi hostis non erat: ibi
triumphi causam aliquam quæreretur. eadem cupidita-
te uir summo ingenio praeditus C. Cotta nullo certo
hoste flagrauit. eorum neuter triumphauit: quod alteri
illum honorem collegit, alteri mors ademit. Irrisa est
abs te paulo ante M. Pisonis cupiditas triumphandi: à
qua te longe dixisti abhorrere. qui etiam si minus
magnum bellum gesserat: ut abs te dictum est: tamen
istum honorem contemnendum non putauit. tu erudi-
tior quàm Piso, prudentior quàm Cotta, abundantior
consilio, ingenio, sapientia, quàm Crassus, ea contemnis:
quæ illi idiotæ, ut tu appellas, præclara duxerunt. quod
si reprehendis quod cupidi laureæ fuerint: cum bella
aut parua aut nulla gessissent: tu tantis nationibus sub-
actis, tantis rebus gestis, minime fructum laborum tuo-
rum, præmia periculorum, uirtutis insignia contemne-
re debuisti. neq; uero contempsisti, licet ihemista sapien-
tior: si os tuum ferreum Senatus conuicio uerberare no-
luisti. Iam uides, quando quidem ita mihi met sui inimicus:
ut me tecum compararem: & digressum meum, et
absentiam, & reditum ita longe tuo præstitisse: ut mihi
illa omnia immortalem gloriam dederint: tibi sempi-
ternâ turpitudine inflixerint. nunc etiâ in hac quotidiana

IN PISONEM.

na, assidua, urbanaq; uita splendorem tuum, gratiam, celebritatē domesticam, operā forensem, consiliū, auxiliū, auctoritatem, sententiā senatoriā nobis, aut uerius dicam, cuiquam es infirmissimo ac desperatissimo ante laturus? age Senatus odit te, quod eum tu facere iure concedis: afflicto rem, & proditorem non modo dignitatis et auctoritatis, sed omnino ordinis, ac nominis sui: uidere Equites Ro. non possunt: quo ex ordine uir praestantissimus L. Elius est te Consule relegatus: plebs Romana perditum cupit: in cuius tu infamiam ea, quæ per latrones, & per seruos de me egeras: contulisti: Italia cuncta execratur: cuius idem tu superbissime decreta & preces repudiasti. fac huius odij tanti, ac uniuersi periculū si audes. instant post hominum memoriam paratissimi, magnificentissimiq; ludi: quales non modo nunquam fuerunt: sed ne quomodo fieri quidem post hac possint, possum ullo pacto suspicari. da te populo: commute ludis. sibilum metus? ubi sunt uestre scholæ? ne acclametur? ne id quidem est curare philosophi. manus tibi ne afferantur, times. dolor enim est malum: ut disputas. existimatio, dedecus, infamia, turpitudine, uerba sunt, atq; ineptiæ. sed de hoc non dubito: non audebit accedere ad ludos. conuiuium publicum non dignitatis causa inibit: nisi forte, ut cum P. Clodio hoc est comptoribus suis cœnet. sed plane animi sui causa ludos nobis idiotis relinquet. solet in disputationibus suis oculorum, & aurium delectationi abdomini uoluptates anteferre. nam quod uobis iste tantummodo improbus, crudelis olim furunculus, nunc uero etiam rapax, quod sordidus, quod contumax, quod superbus, quod fallax, quod perfidiosus, quod impudens, quod audax esse uideatur: nihil

scitote esse luxuriosius: nihil libidinosius: nihil posterius:
 nihil nequius. luxuriam autem in isto nolite hanc co-
 gitare: est enim quædam, quanquam omnis est uiciosa,
 atq; turpis: tamen ingenuo, ac libero dignior. nihil apud
 hunc lautum: nihil elegans: nihil exquisitum (laudabo
 inimicum) ne magnopere quidem quicquam præter li-
 bidines sumptuosum. toreuma nullum: maximæ calices:
 & hi, ne contemnere suos uideatur: placentini: exstructa
 mensa non conchylis aut piscibus, sed multa carne sub-
 rancida: serui sordidati ministrant: nonnulli etiam se-
 nes: idem coquus: idem atriensis: pistor domi nullus: nul-
 la cella: panis & uinum à propola, atq; de cupa: Græci
 stipati, quini in lectulis, sæpe plures: ipse solus, bibitu-
 rus quæ eodem de folio ministrantur. ubi galli cantum
 audiuit: auum suum reuixisse putat: mensam tolli iubet.
 Dicet aliquis unde tibi hæc nota sunt? non mehercule
 contumeliæ causa describam quenquam, præsertim in-
 geniosum hominem, atq; eruditum. cui generi esse ego
 iratus, ne si cupiam quidem, possum. Est quidam græ-
 cus, qui cum isto uiuit: homo, uere ut dicam: sic enim co-
 gnoui: humanus: sed tamdiu, quamdiu cum alijs est,
 aut ipse secum. is cum istum adolescentem iam tum cum
 hac dys irata fronte uidisset: non fugit eius amicitiam:
 cum esset præsertim appetitus: dedit se in consuetudi-
 nem sic, ut prorsus una uiueret: nec ferè ab isto unquā
 discederet. non apud indoctos, sed ut ego arbitror, in
 hominum eruditissimorum, & humanissimorum cetis
 loquor. audistis profecto dici, philosophos Epicureos o-
 mnis res, quæ sunt homini expetendæ: uoluptate metiri.
 recte an secus: nihil ad nos: aut si ad nos: nihil ad hoc
 tempus. sed tamen lubricum genus orationis, adolescenti

IN PISONEM.

non acriter intelligenti sepe praecepta. itaque admissarius iste simul atque audiuit a philosopho uoluptatem tanto pere laudari: nihil ex piscatus est: sic suos sensus uoluptarios omnis incitauit: sic ad illius hanc orationem adhinxi: ut non magistrum uirtutis, sed authorem libidinis a se illum inuentum arbitraretur. graecus primo distinguere, atque diuidere illa quemadmodum dicerentur. iste claudus (quomodo aiunt) pilam retinere: quod acceperat testificari: tabulas obsignare uelle: Epicurum disertum decernere: et tamen dictum opinor, se nullum bonum intelligere posse de mptis corporis uoluptatibus. quid multa? graecus facilis, et ualde uenustus, nimis pugna contra Senatorem Populi Romae esse noluit. est autem hic, de quo loquor: non philosophia solum, sed etiam literis, quod fere ceteros Epicureos negligere dicunt: perpolitus. Poëma porro facit ita festiuum, ita concinnum, ita elegans: nihil ut fieri possit argutius. in quo reprehendat eum licet, si qui uolet: modo leuiter, non ut impurum, non ut improbum, non ut audacem: sed ut graeculum, ut assentatorem, ut poetam. deuenit, aut potius incidit in istum eodem deceptus super calio graecus, atque aduena: quo tam sapiens, et tanta ciuitas. se reuocare non poterat familiaritate implicatus: et simul inconstantiae famam uerebatur: rogatus, inuitatus, coactus, ita multa ad istum de isto scripsit: ut omnes hominis libidines, omnia coenarum genera, conuiuiorumque, adulteria eius delicatissimis uersibus expresserit. in quibus, si quis uelit, possit istius tanquam in speculo uitam intueri: ex quibus multa a multis lecta et audita recitarem: nisi uerer ne hoc ipsum genus orationis, quo nunc utor: ab huius loci more abhorreret. et simul de ipso,

qui scripsit, detrahi nolo. qui si fuisset in discipulo com-
parando meliore fortuna: fortasse austerior & grauior
esse potuisset. sed eum casus in hac consuetudinem scri-
bendi induxit philosopho ualde indignam: siquidem
philosophia ut fertur uirtutis continet, & officij, & be-
neuiuendi disciplinam. quam qui proficitur: grauissi-
mam mihi sustinere personam uidetur. sed idem casus
illum ignarum quid profiteretur: cum se philosophum
esse diceret: istius impurissimæ ac intemperatissimæ pe-
cudis cœno & sordibus inquinauit: qui modo res ge-
stas Consulatus mei cum laudasset: quæ quidem lauda-
tio hominis turpissimæ mihi ipsi erat penè turpis: non
ulla tibi inquit inuidia nocuit: sed uersus tui. nimis ma-
gna pœna te Consule constituta est, siue malo poëtæ, siue
libero. scripsisti enim uersus. Cædant arma togæ. quid
tum? hæc res tibi fluctus illos excitauit. at hoc nus-
quam opinor scriptum fuisse in illo elogio: quod te Con-
sule in sepulcro Reip. incisum est: uelitis, iubeatis, ut,
non quod M. Cicero uersum fecerit: sed quod uindicta-
rit. uerum tamen, quoniam te non Aristarchum, sed
Phalarim grammaticum habemus: qui non notam ap-
ponas ad malum uersum: sed poëtam armis persequare:
scire cupio quid tandem isto in uersu reprehendas? Cæ-
dant arma togæ. tuæ dicis, inquit, togæ summum Impe-
ratorem esse cessurum. quid nunc te asine literas doce-
am? non opus est uerbis, sed fistibus. non dixi hanc to-
gæ, qua sum amictus: nec arma, scutum, & gladium
unius Imperatoris: sed quod pacis est insigne, & ocij to-
gæ: contra autem arma tumultus atq; belli: more poëta-
rum locutus, hoc intelligi uolui: bellum, ac tumultum
paci, atq; ocio concessurum. quære ex familiari tuo Græ

IN PISONEM.

eo illo poëta: probabit genus ipsum, & agnoscer: neq; te
 nihil sapere mirabitur. At in illo altero inquit hæres.
 cōcedat laurea laudi. Immo me hercule habeo tibi gra-
 tiam: hærerem enim, nisi tu me expedisses. nam cum tu
 timidus ac tremens tuis ipse furacissimis manibus de-
 tractam cruentis fascibus lauream ad portam Esqui-
 linam abiecisti: indicasti non modo amplissimæ, sed etiā
 munime laudi lauream concessisse. Atq; ista ratione hoc
 tamen intelligi scelerate uis: Pompeium inimicum mi-
 hi isto uersu esse factum: ut si uersus mihi nocuerit: ab
 eo, quem is uersus offenderit: uideatur mihi pernicies
 esse quæ sita. omitto, nihil istum uersum pertinuisse ad
 illum: non fuisse meum, quem quantum potuissem mul-
 tis sæpe orationibus scriptisq; decorassem: hunc uno
 uiolare uersu. Sed sit offensus primo: non'ne compēsa-
 bit cum uno uersiculo tot mea uolumina laudum sua-
 rum? quod si est commotus: ad perniciem ne non dicam
 amicissimi, non ita de sua laude meriti, non ita de Re-
 publica, non Consularis, non Senatoris, non ciuis, non
 liberi: in hominis caput ille tam crudelis propter uer-
 sum fuisse? tu quidem, tu apud quos, de quo dicas intelli-
 gis? complecteris amplissimos uiros ad tuum & Gabi-
 ni scelus: neq; id occulte. nam paulo ante dixisti, me cum
 ijs configere, quos despicere: non attingere eos, qui
 plus possent: quibus iratus esse deberem. quorum qui-
 dem, quis enim non intelligit quos dicas? quanquam
 non est una causa omnium: tamen est omnium mihi
 probata. me Cn. Pompeius multis obsistentibus eius erga
 me studio, atq; amoris semper dilexit: semper sua con-
 iunctione dignissimum iudicauit: semper nō modo in-
 columem, sed etiam amplissimum, atq; ornatissimum

uoluit esse. uestræ fraudes, uestrum scelus, uestræ criminationes insidiarum mearum, illius periculorū nefariæ fictæ, simul eorum, qui familiaritatis licentia, suorum improbissimorum sermonum domicilium, in auribus eius impulsu uestro collocauerunt: uestræ cupiditates prouinciarum, effecerunt: ut ego excluderer: omnesq; qui me, qui illius gloriam, qui Remp. saluam esse cupiebant: sermone atq; aditu prohiberentur. quibus rebus est perfectum: ut illi planè suo stare iudicio non liceret: cum certi homines non studium eius à me alienassent: sed auxilium retardassent. Nonne ad te L. Lentulus, qui tum erat Prætor: non Q. Sanga, non L. Torquatus pater, non M. Lucullus uenit? qui omnes ad eum multiq; mortales oratum in Albanum obsecratumq; uenerant: ne meas fortunas defereret cum Reip. salute coniunctas. quos ille ad te & ad tuum collegam remisit: ut causam publicam susciperetis: ut ad Senatum referretis: se contra armatum Tribunum pl. sine consilio publico decertare nolle: consulibus ex S. C. Remp. defendentibus se arma suscepturum. Ecquid infelix recordaris: quid responderis? In quo illi omnes quidem, sed Torquatus præter cæteros furebat contumacia responsi tui: te non esse tam fortem quàm ipse Torquatus in Consulatu fuisset, aut ego: nihil opus esse armis: nihil contentione: me posse iterum Remp. saluare si cessissem: infinitam cædem fore: si restitisssem. deinde ad extremum neq; se, neq; generum, neq; Collegam suum, tribuno plebis defuturum. hic tu hostis ac proditor alijs me inimiciorem quàm tibi debere esse dicis? Ego C. Cæsare non eadem de Rep. sensisse, quæ me, scio: sed tamen, quod iam de eo, his audientibus, sæpe dixi, me ille sui totius

IN PISONEM.

Consulatus, eorumq; honorum, quos cum proximis communicauit: socium esse uoluit: detulit: inuitauit: rogauit. non sum ego propter nimiam fortasse constantiae cupiditatem adductus ad causam: non postulabam ut ei charissimus essem: cuius ego beneficij quidem sententiam meam tradidissem. Adducta res in certamen te Consule putabatur: utrum quae superiore anno ille gessisset: manerent: an rescinderentur? quid loquar plura? si tantum ille in me esse uno roboris, et uirtutis putauit: ut ea, quae ipse gesserat, conciderent: si ego restituissem: cur non ignoscam: si anteposuit suam salutem meae? Sed praeterita omitto: me ut Cn. Pompeius omnibus suis studiis, laboribus, uitae periculis complexus est: cum municipia pro me adiret: Italiae fidem imploraret: P. Lentulo Consuli auctori salutis meae frequens assideret: Senatui sententiam praestaret: in concionibus non modo se defensore salutis meae, sed etiam supplicem pro me profiteretur: huius uoluntatis eum, quem multum posse intelligebat: mihi non inimicum esse cognorat: socium sibi et adiutorem C. Caesarem adiunxit. Iam uides me tibi non inimicum, sed hostem, illis, quos describis, non modo non iratum, sed etiam amicum esse debere. quorum alter, id quod memnero semper: aequum mihi fuit amicus, ac sibi: alter id, quod obliuiscar aliquando: sibi amicior quam mihi. deinde hoc ita fit: ut uiri fortes, etiam si ferro inter se cominus decertarint: tamen illud contentionis odium, simul cum ipsa pugna armuq; ponant. Atq; me ille odisse nunquam potuit: ne tum quidem cum dissidebamus. habet hoc uirtus: quam tu ne de facie quidem nosti: ut uiros fortes species eius, et pulchritudo etiam in hoste posita delectet. Equidem dicam ex anima

P.C. quod

P. C. quod sentio: & quod uobis audientibus saepe iam dixi. si mihi nunquā amicus C. Caesar fuisset: sed semper iratus: si aspernaretur amicitiam meam: se seq; mihi implacabilem inexpiabilemq; praeberet: tamen ei, cum tantas res gessisset: gereretq; quotidie: non amicus esse non possem: cuius ego imperio, non alpiū uallū contra ascensum transgressionemq; gallorum, nō rhēni fossam, gurgtibus illis redundantem, germanorum immanissimis gentibus obijcio, & oppono. perfecit ille, ut si montes resedissent: amnes exaruisissent: non naturae praesidio, sed uictoria sua rebusq; gestis Italiam munitam haberemus. sed cum me expetatur: diligit: omni laude dignum putet: tu me à tuis inimicis ad similitudinem reuocabis? sic tuis sceleribus Reip. praeterita facta refricabis? quod quidem tu, qui bene nosse coniunctionem meam, & Caesaris: eludebas: cum à me tremuntibus omnino labris, sed tamen cur tibi nomen non deferrem requirebas. quanquam, quod ad me attinet nunquam istam immensam curam inficiando tibi: tamen est mihi considerandum, quantum illi tantis Reip. negociis, tantoq; bello impedito, ego homo amicissimus, sollicitudinis atq; oneris imponam. nec despero tamen, quam languet iuuentus: nec perinde atq; debeat, in laudis & gloriae cupiditate uersetur: futuros aliquos: qui abiectum hoc cadauer, consularibus spolijs nudare nō nolint: praesertim tam afflicto, tam infirmo, tam enervato reo: qui te ita gesseris: ut timeres: ne indignus beneficio uidereris: nisi eius, à quo missus eras, simillimus extitisses. An uero tu parum putas inuestigatas esse à nobis labes imperij tui, stragesq; prouinciae? quas quidem nos non uestigijs odorantes ingressus tuos, sed to-

nnn

IN PISONEM.

tis uoluntationibus corporis, et cubilibus persecuti sumus.
 notata à nobis sunt & prima illa scelera in aduentu:
 cum accepta pecunia à dyrrhachinis ob necem hospi-
 tis tui Platoris, eius ipsius domum euertisti: cuius san-
 guinem addixeras: eumq; seruis symphoniacis, et alijs
 muneribus acceptis, timentem et multum dubitantem con-
 firmasti: & Thessalonicam fide tua uenire iussisti. quē
 ne maiorum quidem more supplicio affecisti: cum mu-
 ser ille securibus hospitis sui ceruices subicere gestiret:
 sed ei medico, quem tecum eduxeras, imperasti: ut ue-
 nas hominis incaderet. tum quidem tibi etiam accessio
 fuit ad necem Platoris, Pleuratus eius comes: quem ne-
 casti uerberibus summa senectute confectum. Idemq;
 tu Rabocentum bessicæ gentis principem, cum te trecen-
 tis talentis Regi Cotto uendidisses: securi percussisti: cum
 ille ad te legatus in castra uenisset: et tibi magna præ-
 sidia & auxilia à bessis peditum equitumq; pollicere-
 tur. neq; eum solum, sed etiam cæteros legatos qui simul
 uenerant: quorum omnium capita Regi Cotto uendi-
 disti. Denseletis, quæ natio semper obediens huic impe-
 rio, etiam in illa omnium barbarorum defectione Ma-
 cedonum, C. Sextium prætorem tutata est: nefarium bel-
 lum et crudele intulisti: eusq; cum fidelissimus socijs uti
 posses: hostibus uti acerrimis maluisti. Ita perpetuos de-
 fensores Macedoniæ, uexatores, ac perditores effecisti.
 uestigia nostra perturbarunt: urbes coeperunt: uasta-
 runt agros: socios nostros in seruitutem adduxerunt:
 familias arripuerunt: pecus abegerunt: thessalonicenses,
 cum oppido desperassent: munire arcem coegerunt. A-
 te Iouis Velsuri fanum antiquissimum barbarorum,
 sanctissimumq; direptum est. tua scelera diu immorta-

les in nostros milites expiauerunt. qui cum uno genere morbi affligerentur: neq; se recreare quisquam posset: q; semel incidisset: dubitabat nemo, quin uiolati hospites, legati necati, pacati atq; socij nefario bello laceffiti, fana uexata, hanc tantam efficerent uastitatem. cognoscis ex particula parua scelerum & crudelitatis tue genus uniuersum. quid auariciae, quae criminibus infinitis implicata est: summam nunc explicem? generatim ea, quae maxime nota sunt, dicam. non'ne sestertium centies & octogies, quod, quasi uasarij nomine, in uenditione mei capitis ascripseras: ex aerario tibi ad tributum Romae in quaestu reliquisti? non'ne cum CC talenta tibi Apolloniatae Romae dedissent: ne pecunias creditas soluerent: ultro Fufidium Equidem Ro. hominem ornatissimum, creditorem debitoribus suis ad dixeris? non'ne hyberna cum legato, praefectoq; tradidisses: euertisti miseras funditus ciuitates? quae non solum bonis sunt exhaustae: sed etiam nefarias libidinum contumelias turpitudinesq; subierunt. qui modus tibi fuit frumenti aestimandi? qui honorarij? siquidem, potest ui & metu extortum honorarium nominari. quod cum peraeque omnes, tum acerbissime Baeotij, & Byzantij, Cherronenfes, Thessalonica sensit. unus tu dominus, unus aestimator, unus ueditor, tota in prouincia per triennium frumenti omnis fuisti. quid ego rerum capitulum quaestiones, reorum pactiones, redemptiones, acerbissimas donationes, libidinosissimas liberationes proferam? tantum locum aliquem cum mihi notum senseris: tecum ipse licebit quot in eo genere & quanta sint crimina recordere. quid? illam armorum officinam ecquid recordaris? cum omni totius prouinciae pe

nnn y

IN PISONEM.

core compulso, pellium nomine, omnē quæstum illum
domesticum paternumq; renouasti? uideras enim gran-
dis iam puer bello Italico repleti quæstu uestram do-
mum: cum pater armis faciendis tuus præfuisset. quid?
uestigalem prouinciam, singulis rebus, quæcunq; ueni-
rent, certo portorio imposito, seruis tuis publicanis à te
factam esse meministi? quid? centuriatus palàm uendi-
tos? quid? per tuum seruulum ordines assignatos? quid?
stipendiū militibus per omnes annos à ciuitatibus men-
sis palàm propositis esse numeratum? quid illa in pon-
tum profectio & conatus tuus? quid debilitatio, atque
abiectio animi tui, macedonia Prætoria nunciata, cum
tu non solum quod tibi succederetur: sed quod Gabi-
nio non succederetur: exanguis & mortuus concidisti?
quid quæstor Aedilitius reiectus præpositus? legatorū
tuorum optimus abs te quisq; uiolatus? tribuni militum
non recepti? M. Bebius uir fortis interfectus iussu tuo?
quid quod tu totiens diffidens, ac desperans rebus tuis,
in sordibus, lamentis, luctuq; iacuiisti? quod populari
illi sacerdoti sexcentos ad bestias amicos sociosq; misisti?
quid? quod cum sustentare uix posses mœrorē tuum, do-
loremq; decessionis: Samothracia te primū, inde Thar-
sum cum tuis teneris saltatoribus, & cum Antobulo,
Ahamante, & Timocle formosis fratribus contulisti?
quid? cum inde te recipiens, in uilla Euchadiæ, quæ
fuit uxor exegisti? iacuiisti mœrens aliquot dies? atque
inde obsoletus Thessalonicam omnibus inscientibus no-
ctuq; uenisti. qui cum concursum plorantium, ac tem-
pestatem querelarum ferre nō posses: in oppidum de-
uium Beroam perfugisti. quo in oppido cum tibi spe
falsa, quod Q. Acharium non esse successurum pu-

tares: animos rumor inflasset: quo te modo ad tuam in-
 temperantiam scelerate innouasti? mitto aurum coro-
 narium, quod te diutissime torsit: cum modo uelles: mo-
 do nolles. lex enim generi tui & decerni, & te accepe-
 re uetabat, nisi decreto triumpho. in quo tu accepta ta-
 men & deuorata pecunia Vtinachorum centum talen-
 ta euomere non poteras. uocabula tantum pecuniarum
 & genera mutabas. mitto diplomata tota in prouincia
 passim data: mitto numerum nauium, summamq; præ-
 dae: mitto rationem exacti imperatiq; frumenti: mitto
 ereptam libertatem populis, ac singulis, qui erant affe-
 cti præmijs nominatim: quorum nihil est: quod non sit
 lege Iulia, ne fieri liceat, sanctum diligenter. Aetoliã,
 quæ procul à barbaris disiun- cta gentibus in sinu pa-
 cis posita medio ferè græciæ gremio continetur: O pœ-
 na, O furia sociorum, decedens miseram perdidisti.
 Arsinoan Thracum, Neopactum, ut modo tu te indi-
 casti, nobiles urbes, atq; plenas fateris ab hostibus esse
 captas. quibus autem hostibus? nempe his, quos tu Am-
 braciæ sedens, primo tuo aduentu ex oppidis Aggri-
 narum, atq; Dolopum demigrare, et aras, & focos re-
 linquere coegisti. hoc tu in exitu præclare imperator:
 cum tibi ad pristinas clades accessio fuisset Aetoliæ re-
 pentinus interitus: exercitum dinuisti: neq; ullam pœ-
 nam, quæ tanto facinori deberetur: nõ maluisti subire:
 quàm numerum tuorum militum reliquiasq; cogno-
 scere. Atq; ut duorum Epicureorum similitudinem in
 re militari imperioq; uideatis. Albutius cum in Sar-
 dinia triumphasset: Romæ damnatus est. hic cum simi-
 lem exitum spectaret: in Macedonia Trophea posuit:
 eaq; quæ bellicæ laudis uictoriæq; omnes gentes insi-

IN PISONEM.

gnia & monumenta esse uoluerunt: noster hic prae-
 sterus Imperator amissorum oppidorum, caesarum le-
 gionum, provinciae praesidio & reliquis militibus or-
 batae ad sempiternum dedecus sui generis & nomi-
 nis indicia constituit. idemque, ut esset quod in basitropheo-
 rum incidi, inscribiq; posset: Dyrrhachium ut uenit de-
 cedens: obsessus est ab ijs ipsis militibus: quos paulo an-
 te Torquato respondit, beneficii causa ab se esse dimis-
 sos. quibus cum iuratus affirmasset: se, quae deberentur,
 postero die persoluturum: domum se abdidit. inde no-
 cte intempesta crepidatus ueste seruili nauem conscen-
 dit: Brundisiumque uitauit: & ultimas Adriani maris
 oras petiuit: cum interim Dyrrhachij milites domum,
 in qua istum esse arbitrabantur: obsidere coeperunt: et
 cum latere hominem putarent: ignes circumdederunt.
 quo metu commoti Dyrrhachini, profugisse noctu cre-
 pidatum imperatorem indicauerunt. illi autem statuam
 istius persimilem, quam stare celeberrimo in loco uolue-
 rat: ne suauissimi hominis memoria moreretur: detur-
 bant: affligunt: comminuunt: dissipant. sic odium quod
 in ipsum attulerant: id in eius imaginem ac simula-
 crum profuderunt. Quae cum ita sint: non enim dubi-
 to, quin cum haec quae excellunt me nosse uideas: non
 existimes: mediam illam partem & turbam flagitiorum
 tuorum mihi esse inauditam: nihil est quod me hortere:
 nihil est quod inuites. admoneri me satis est: admo-
 nit autem nemo alius, nisi Reip. tempus: quod mihi quidem
 magis uidetur, quam tu unquam arbitratus es: ap-
 propinquare. Ecquid uides, ecquid sentis, lege iudicia-
 ria lata, quos posthac iudices sumus habituri? non aequale-
 getur quisquis uoluerit: nec quisquis noluerit non le-

getur. nulli conijciuntur in illum ordinem: nulli eximē-
tur: non ambitio ad gratiam, non iniquitas ad simula-
tionem, conijciuntur. iudices iudicabunt ij, quos lex ipsa,
non quos hominum libido delegerit. quod cum ita sit:
mihi crede: neminem inuitus inuitabis: res ipsa et reip-
tempus aut me ipsum, quod nolim: aut aliū quempiā,
aut inuitabit: aut dehortabitur. Equidem, ut paulo ante
dixi: non eadem supplicia esse in hominibus existimo:
quæ fortasse pleriq; damnationes, expulsionēs, neces. de-
niq; nullam mihi pœnam uidetur habere id, quod acci-
dere innocenti, quod forti, quod sapienti, quod bono ui-
ro, & cui potest. damnatio ista, quæ in te flagitatur: ob-
tigit P. Rutilio: quod specimen habuit hæc ciuitas in-
nocentiæ. maior mihi iudicium, & Reip. pœna illa ui-
sa est, quàm Rutilij. L. Opimus eiectus est à patria is:
qui Prætor, & Consul maximis Remp. periculis libe-
rarat. non in eo, cui facta est iniuria: sed in ijs, qui fe-
cerunt: sceleris ac conscientie pœna remansit. at contra
bis Catilina absolutus: emissus etiam ille author tuus
provinciæ: cum stuprum bonæ deæ puluinaribus in-
tulisset. quis fuit in tanta ciuitate? qui illum incesto li-
beratum, non eos, qui ita iudicarunt: pari scelere astri-
ctos arbitraretur? An ego expectem: dum de te quin-
q; & septuaginta tabellæ diripiantur? de quo iam pri-
dem omnes mortales omnium generum, ætatum, ordi-
num iudicauerunt? quis enim te aditu, quis ullo ho-
nore, quis deniq; communi salutatione dignum pu-
tet? omnes memoriam consulatus tui, facta, mores, facti-
em deniq; ac nomen à Reip. detestantur. legati qui
una fuere, alienati: Tribuni Mil. inimici: centuriones,
& si qui ex tanto exercitu reliqui milites existunt: non

nnn iij

IN PISONEM.

dimissi abs te, sed dissipati te oderunt: tibi pestem exoptant: te execrantur: Achaia exhausta: Thessalia uexata: laceratae Athenae: Dyrrhachium & Apollonia exinanita: Ambracia direpta: Parihini, & Bullienses illusi: Epirus exarsa: Locri, Phocij, Boeotij exusti: Acarnania, Amphilochia, Peryhebia, Athamanumq; gens uendita: Macedonia condonata barbaris: Aetolia amissa: Dolopes finitimuq; montani oppidis atq; agris exterminati: ciues Ro. qui in his locis negotiantur: te unum, solum, suum depeculatorem, uexatorem, praedonem, hostem, uenisse senserunt. ad horum omnium iudicia tot atq; tanta, domesticum iudicium accessit, sententiae damnationis tuae, occultus aduentus, furtiuum iter per Italiam, introitus in urbem desertus ab amicis, nullae ad Senatum e provincia literae, nulla trinis aestiuis gratulatio, nulla triumphi mentio: non modo quid gesseris, sed ne quibus in locis quidem fueris dicere audes. Ex illo fonte & seminario triumphorum, cum arida folia laureae retulisses: cum ea abiecta ad portam reliquisti: tum tu ipse de te sententiam tulisse uideris: tum iudicium pronunciauisti: qui si nihil gesseras dignum honore: ubi exercitus? ubi sumptus? ubi imperium? ubi illa uberrima supplicationibus triumphisq; provincia? sin autem aliquid sperare uolueras: cogitaras id, quod Imperatoris nomen, quod laureati fasces, quod illa trohea plena dedecoris, & risus, te commentatum esse declarant: quis te miserior? quis te damnator? qui neq; scribere ad Senatum a te bene Remp. esse gestam, neq; praesens dicere ausus es? An tu mihi, cui semper ita persuasum fuerit: non euentis sed factis cuiusq; fortunam ponderari: dicere audes? neq; in tabellis paucorum iudicium, sed in senten

tus omnium cuius famam nostram fortunamq; pende-
re? te indemnatum uideri putas? quem socj, quem fœ-
derati, quem liberi populi, quem stipendiarij, quem ne-
gociatores, quem publicani, quem uniuersa ciuitas, quem
Legati, quem Tr. militares, quem reliqui milites, qui fer-
rum, qui famem, qui mortem effugerunt: omni cruciatu
dignissimum putant: cui non apud Senatum, non apud
ullu ordinē, nō apud Equites romanos, nō in urbe, non
in Italia maximorum scelerū uenia ulla ad ignoscen-
dum dari possit: qui seipsum oderit: qui metuat omnis:
qui suam causam nemini committere audeat: qui se-
ipsum condemnet. Nunquam ego sanguinem expetiui
tuum: nunquam illud extremum quod posset esse impro-
bis & probis commune supplicium, legis, ac iudicij: sed
abiectum, contemptum, despectum à cæteris, à te ipso
desperatum, & relictum, circumspectantem omnia, quic-
quid increpuisset pertimescentem, diffidentem tuis re-
bus, sine uoce, sine libertate, sine authoritate, sine ulla spe-
cie Consulari, horrentem, trementem, adulantem omnis
uidere te uolui. uidi. quare si tibi euenerit, quod metuis
ne accidat: equidem non moleste feram. sin id tardius
forte fiet: fruor tamen tua indignitate: nec minus liben-
ter metuentem uidebo ne reus fias: quàm reum: nec mi-
nus letabor cum te semper sordidum, quàm si paulisper
sordidatum uiderem.

PRO T. ANNIO MILONE.
ORATIO. XXXIX.

si uereor iudices, ne turpe sit, pro fortissimo uiro dicere incipientem, timere: minimèq; deceat, cum Titus Annius Milo ipse magis de reip. salute, quàm de sua pertubetur: me ad eius causam parem animi magnitudinem afferre non posse: tamen hæc noui iudicij noua forma terret oculos: qui quocunq; inciderint: ueterem consuetudinem fori, & pristinum morem iudiciorum minime uident. non enim corona confessus uester cinctus est, ut solebat: non usitata frequentia stipati sumus. nam illa præsidia, quæ pro templis omnibus cernitis: & si contra uim collata sunt: non afferunt tamen oratori aliquid: ut in foro, & in iudicio, quanquam præsidys salutaribus, & necessarijs septi sumus: tamen ne non timere quidem sine aliquo timore possimus. quæ si opposita Miloni putarem: cederem temporibus iudices: nec inter tantam uim armorum existimarem oratori locum esse. sed me recreat, & reficit Cn. Pompei sapientissimi, et iustissimi uiri consilium: qui profecto nec iusticiæ suæ putaret esse, quem reum sententijs iudicium tradidisset: eundem telis militum dedere: nec sapientiæ: temeritatem concitatae multitudinis auctoritate publicæ armare. quamobrem illa arma, centuriones, cohortes, non periculum nobis, sed præsidium denuntiant: neq; solum ut quieto, sed etiam ut magno animo simus hortantur: neq; auxilium modo defensionis meæ, uerum etiam silentium pollicentur. reliqua uero multitudo, quæ quidem est ciuium: tota nostra est: neq; eorū

quisquam, quos undiq; intuentes ex hoc ipso loco cernitis, unde aliqua pars fori aspici potest, & huius exitum iudicij expectantes: non tum uirtuti Milonis fauer: tum de se, de liberis suis, de patria, de fortunis hodierno die certari putat. unum genus est aduersum, infestumq; nobis, eorum, quos P. Clodij furor rapinis, & incendijs, & omnibus exitijs publicis pauit. qui hesternae etiam concione incitati sunt, ut uobis uoce praerent, quid iudicaretis. quorum clamor si quis forte fuerit: admonere uos debet: ut eum ciuem retineatis: qui semper genus illud hominum, clamoresq; maximos pro uestra salute neglexit. quamobrem adeste animus Iudices: & timorem, si quem habetis, deponite. nam si unquam de bonis, & fortibus uiris, si unquam de benemeritis ciuibus, potestas uobis iudicandi fuit: si deniq; unquam locus amplissimorum ordinum delectis uiris datus est: ubi sua studia erga fortes & bonos ciues, quae uultu & uerbis saepe si gnificassent: re & sententijs declararēt: hoc profecto tempore eam potestatem omnem uos habetis: ut statuatis, utrum nos, qui semper uestrae auctoritati dediti fuimus: semper miseri lugeamus. an diu uexati a perditissimis ciuibus aliquando per uos, ac uestram fidem, uirtutem, sapientiamq; recreemur. quid enim nobis duobus laboriosius iudices, quid magis sollicitum, magis exercitum, dici, aut fingi potest? qui spe amplissimorum praemiorum ad remp. adducti, metu crudelissimorum exitiorum carere non possumus. Et quidem ceteras tempestates, et procellas in illis duntaxat fluctibus concionum, semper putauimus Miloni esse subeundas: quod semper pro bonis contra improbos senserat. in iudicio uero & in eo consilio, in quo ex cunctis ordinibus amplissimam

PRO T.

uiri iudicaret: nunquam existimaui spem ullam esse habituros Milonis inimicos, ad eius non salutem modo extinguendam, sed etiam gloriam per tales uiros infringendam. quanquam in hac causa iudices Titi Annij tribunatu rebus omnibus pro salute reip. gestis ad huius criminis defensionem non abutemur, nisi oculis uideritis insidias Miloni a Clodio factas: nec deprecaturi sumus, ut crimen hoc nobis multa propter præclara in remp. merita condonetis: nec postulaturi, ut si mors P. Clodij salus uestra fuerit: ictu eam uirtuti Milonis potius, quam populi Ro. felicitati assignetis. sed si illius insidiæ clariores hac luce fuerint: tum deniq; obsecrabo, obtestaborq; uos iudices: si cætera amisimus: hoc saltem nobis ut relinquatur: ab inimicorum audacia telisq; uitam ut impune liceat defendere. Sed antequam ad eam orationem ueniam, quæ est propria nostræ quæstionis: uidentur ea esse refutanda: quæ in senatu sæpe ab inimicis, ab improbis sæpe iactata sunt: & in concione etiam paulo ante ab accusatoribus: ut omni errore sublato, rem planè quæ uenit in iudicium uidere possitis. Negant intueri lucem fas esse ei: qui a se hominem occisum fateatur. in qua tandem urbe hoc homines stultissimi disputant? nempe in ea: quæ primum iudicium de capite uidit M. Horatij fortissimi uiri: qui nondum libera ciuitate, tamen populi Ro. comitijs liberatus est: cum sua manu sororem esse interfectam fateretur. an est quisquam? qui hoc ignoret: cum de homine occiso quæritur: aut negari solere omnino esse factum: aut iure factum esse defendi. nisi uero existimatis dementem P. Africanum fuisse: qui cum a Carbone Tribuno pl. in concione seditiose interrogaretur, quid de T. Gracchi

morte sentiret: respondit iure casum uideri. neque enim posset aut Hala ille Seruilius, aut P. Nasica, aut L. Opimius, aut C. Marius, aut me consule senatus non nefarius haberi: si sceleratos ciues interfici nefas esset. Itaque hoc Iud. non sine causa fictis fabulis doctissimi homines memoriae prodiderunt: eum, qui patris ulciscendi causa matrem necauisset: uariatis hominum sententijs, non solum diuina, sed etiam deae sapientissimae sententia liberatum. Quod si duodecim tabulae nocturnum furem quoquo modo, diurnum autem, si se telo defenderit: interfici impune uoluerunt: quis est? qui quoquo modo quis interfectus sit: puniendum putet? cum uideat aliquando gladium nobis ad occidendum hominem ab ipsis porrigi legibus. atqui si tempus est ullum iure hominis necandi: quae multa sunt: certe illud est, non modo iustum, uerum etiam necessarium: cum uiuis illata defenditur. pudicitiam cum eriperet muliti tribunus militaris in exercitu C. Marij propinquus eius imperatoris: interfectus ab eo est: cui uim afferebat. facere enim probus adolescens periculose, quam perpeti turpiter maluit. Atque hunc ille uir summus scelere solutum periculo liberauit. insidiatori uero, et latroni, quae potest afferri iniusta nex? quid comutatus nostri? quid gladij uolunt? quos habere certe non liceret: si uti illis nullo pacto liceret. Est ergo haec Iudices non scripta, sed nata lex: quam non didicimus: accepimus: legimus: uerum etiam ex natura ipsa arripimus: hausimus: expressimus: ad quam non docti, sed facti, non instituti, sed imbuti sumus: ut si uita nostra in aliquas insidias, si in uim, in tela aut latronum, aut inimicorum incidisset: omnis honesta ratio esset expediendae salutis. silent enim leges inter arma: nec se

PRO T.

expectari iubent: cum ei, qui expectare uelit, ante in-
iusta poena luenda sit: quàm iusta repetenda. et si persa-
pienter & quodammodo tacite dat ipsa lex potestatem
defendendi: quæ non modo hominem occidi, sed esse cum
telo hominis occidendi causa uetat: ut cum causa non te-
lum quaereretur: qui sui defendendi causa telo esset usus:
non hominis occidendi causa habuisse telum iudicare-
tur. quapropter hoc maneat in causa Iudices: non enim
dubito, quin probaturus sim uobis defensionem meam:
si id memneritis, quod obliuisci non potestis: insidiato-
rem iure interfici posse. Sequitur illud quod a Milonis
inimicis sæpissime dicitur: cædem, qua P. Clodius occisus
est: senatum iudicasse contra remp. esse factam. Illam ue-
ro senatus non sententijs suis solum, sed etiam studijs
comprobauit. quotiens enim est illa causa a nobis acta
in senatu? quibus assensionibus uniuersi ordinis? quam
nec tacitis, nec occultis? quando enim frequentissimo se-
natu quatuor, ad summum quinque sunt inuenti? qui
Milonis causam non probarent? declarant huius am-
busti Tribuni Pl. illæ intermortuæ conciones: quibus
quotidie meam potentiam inuidiose criminabatur: cum
diceret, senatum non quod sentiret: sed quod ego uellem
re decernere. quæ quidem si potentia est appellāda po-
tius, quàm propter magna in remp. merita mediocris
in bonis causis autoritas: aut propter officiosos labores
meos non nulla apud bonos gratia: appelletur ita sanè:
dummodo ea nos utamur pro salute bonorum contra
amentiam perditorum. hæc uero quæstionem, & si non
est iniqua: nunquam tamen senatus constituendam puta-
uit. erant enim leges: erant quæstiones uel de cæde, uel
de ui: nec tantum moerorem, ac luctum senatui mors P.

Clodij afferebat: ut noua quaestio constitueretur. cuius enim senatui de illo incesto stupro iudicium decernendi potestas esset erepta: de eius interitu quis potest credere senatum iudicium nouum constituendum putasse? cur igitur incendium curiae, oppugnationem aedium Marci Lepidi, caedem hanc ipsam, contra remp. senatus factam esse decreuit? quia nulla uis unquam est in libera ciuitate suscepta inter ciues non contra rempublicam. non enim est ulla defensio contra uim unquam optanda: sed non nunquam est necessaria: nisi uero aut ille dies in quo T. Gracchus est caesus: aut ille, quo Caius: aut quo arma Saturnini oppressa sunt: etiam si e' republica, remp. tamen non uulnerarunt. Itaq; ego ipse decreui: cum caedem in Appia facta esse constaret: non eum, qui se defendisset, contra remp. fecisse: sed cum inesset in re uis, & insidia: crimen iudicio reseruauit: rem notauit. quod si per furiosum illum tribunum, senatui, quod sentiebat, perficere licuisset: nouam quaestionem nunc nullam haberemus. decernebat enim, ut ueteribus legibus tantummodo extra ordinem quaereretur. diuisa sententia est postulante nescio quo (nihil enim necesse est omnium flagitia proferre) sic reliqua auctoritas senatus empti intercessionem sublata est. At enim Cn. Pompeius rogatione sua, & de re, & de causa iudicauit: tulit enim de caede: quae in Appia uia facta esset: in qua P. Clodius occisus fuit. quid ergo tulit? nempe ut quaeretur. quid porro quaerendum est? factum ne sit? at constat. a quo? at patet. uidit, etiam in confessione facti, iuris tamen defensionem suscipi posse. quod nisi uidisset: posset absolui eum qui fateretur: cum uideret nos fateri: neque quaeri unquam iussisset: nec uobis tam salutarem hanc

PRO L.

in iudicando literam, quam illam tristem dedisset. Mihi uero Cn. Pompeius non modo nihil grauius contra Milonem iudicasse: sed etiam statuiffe uidetur, quid uos in iudicando spectare oporteret. nam qui non poenam confessioni, sed defensionem dedit: is causam interitus querendam non interitum putauit. Iam illud dicet ipse profecto, quod sua sponte fecit: P. ne Clodio tribuendum putet, an temporis? Domi suae nobilissimus uir, senatus propugnator, atq; illis quidem temporibus penè patronus, auunculus huius nostri iudicis fortissimi uiri Catonis, Tribunus pl. M. Drusus occisus est. nihil de eius morte populus consultus: nulla quaestio decretæ à senatu est. Quantum luctum in hac urbe fuisse à nostris patribus accepimus: cum P. Africano domi suae quiescenti illa nocturna uis esset illata? quis tum non genuit? quis non arsit dolore? quem immortalem, si fieri posset, omnes esse cuperent: eius ne necessariam quidem expectatam esse mortem? num igitur ulla quaestio de Africani morte lata est? certe nulla. quid ita? quia non alio facinore clari homines, alio obscuri necantur. Inter sit inter uitæ dignitatem summorum atq; infimorum: mors quidē illata per scelus isdē poenis teneatur, et legibus: nisi forte magis erit parricida si quis consularem patrem, quàm si quis humilem necauerit? aut eo mors atrocior erit P. Clodij: quod is in monumentis maiorū suorum sit interfectus? hoc enim saepe ab istis dicitur: perinde quasi Appius ille cæcus uiam munierit: non qua populus uteretur: sed ubi impune sui posterī latrocinarerentur. itaq; in eadem ista Appia uia cum ornatisimum equitem Ro. Marcum Papirium occidisset: nō fuit illud facinus puniendum. homo enim nobilis in suis monumentis

monumentis equitem Ro. occiderat. nunc eiusdem Ap-
 piæ nomen quantas tragœdias excitat? quæ cruentata
 antea cæde honesti atq; innocentis uiri silebatur: eadẽ
 nunc crebro usurpatur: postea quàm latronis & par-
 ricidæ sanguine imbuta est. sed quid ego illa comme-
 moro? comprehensus est in templo Castoris seruus P.
 Clodij: quem ille ad Cn. Pompeium interficiendũ col-
 locarat. extorta est confitenti sitta de manibus. caruit
 foro postea Pompeius: caruit senatu: caruit publico: ia-
 nuæ se, ac parietibus, non iure legum, iudiciorumq;
 textit. num quæ rogatio lata? num quæ noua quæstio
 decreta est? atqui si res, si uir, si tempus ullum dignũ
 fuit: certe hæc in illa causa summa omnia fuerunt. in-
 sidiator erat in foro collocatus, atq; in uestibulo ipso se-
 natus: ei uiro autem mors parabatur: cuius in uita ni-
 tebatur salus ciuitatis: eo porro reipub. tempore: quo si
 unus ille occidisset: non hæc solum ciuitas, sed gentes o-
 mnes concidissent. nisi forte, quia perfecta res non est:
 non fuit punienda. perinde quasi exitus rerum, non ho-
 minum consilia legibus uindicentur. minus dolendum
 fuit re non perfecta: sed puniendum certe nihilo minus.
 quotiens ipse Iudices ex P. Clodij telis, et cruentis eius
 manibus effugit? ex quibus si me non mea, uel reip. for-
 tuna seruasset: quis tandem de interitu meo quæstione
 tulisset? Sed stulti sumus: qui Drusum, qui Africanum,
 Pompeium, nos metipsos, cum P. Clodio conferre audea-
 mus. tolerabilia fuerunt illa: P. Clodij mortem æquo ani-
 mo nemo ferre potest: luget senatus: moeret equester or-
 do: tota ciuitas confecta senio est: squallent municipia: af-
 flictantur coloniæ: agri deniq; ipsi tam beneficium, tam
 salutarem, tam mansuetum canem desiderant. Non fuit

PRO T.

ea causa Iudices: non fuit: cur sibi censeret Pompeius
 quaestionem ferendam. sed homo sapiens, & alta qua-
 dam mente praeditus, multa uidit: fuisse sibi illum ini-
 micum: familiarem Milonem: in communi omnium lae-
 ticia si etiam ipse gauderet: timuit, ne uideretur infir-
 mior fides reconciliatae gratiae. multa etiam alia uidit:
 sed illud maxime: quamuis atrociter ipse tulisset: uos ta-
 men fortiter iudicatueros. itaq; delegit e florentissimus or-
 dinibus ipsa lumina: neq; uero quod nonnulli dictitant,
 secreuit in iudiciis legendis amicos meos. neq; enim
 hoc cogitauit uir iustissimus: neq; in bonis uiris legendis
 id assequi potuisset: etiam si cupisset. non enim mea gra-
 tia familiaritatibus continetur: quae late patere non pos-
 sunt: propterea quod consuetudines uictus non possunt
 esse cum multis. sed si quid possumus: ex eo possumus:
 quod resp. nos coniunxit cum multis. ex quibus ille cu
 optimos uiros legeret: idq; maxime ad fide suam per-
 tinere arbitraretur: non potuit legere non studiosos mei.
 quod uero te L. Domiti huic quaestioni praesse maxime
 uoluit: nihil quaesuit aliud nisi iusticia, grauitatem, hu-
 manitatem, fidem. tulit ut consularem necesse esset: cre-
 do quod principum munus esse ducebat, resistere & le-
 uitati multitudinis, & perditorum temeritati. ex consu-
 laribus te creauit potissimum. dederas enim quam con-
 temneres populares insanias iam ab adolescentia docu-
 menta maxima. quamobrem iudices ut aliquando ad
 causam crimenq; ueniamus: si neq; omnis confessio facti
 est inusitata: neq; de causa quicquam nostra aliter, ac
 nos uellemus, a senatu iudicatum est: & lator ipse legis,
 cum esset controuersia nulla facti iuris tamen discepta-
 tionem esse uoluit: & electi iudices, et isti praepositi quae-

stioni, qui hæc iuste sapienterq; disceptet: reliquum est Iudices: ut nihil iam aliud quærere debeatis: nisi uter utri insidias fecerit. quod quo facilius argumentis perspicere possitis: rem gestam uobis dum breuiter expono: quæso diligenter attendite. P. Clodius cum statuisset omni scelere in prætura uexare rempublicam: uidereiq; ita tracta esse comitia anno superiore: ut non multos menses præturam gerere posset: qui non honoris gradum spectaret, ut cæteri: sed et L. Paulum collegam effugere uellet singulari uirtute ciuem: et annum integrum ad dilacerandam remp. quæreret: subito reliquit annum suum: seq; in annum proximum transtulit: non religione aliqua, sed ut haberet, quod ipse dicebat: ad præturam gerendam, hoc est ad euertendâ remp. plenum annum, atq; integrum. occurbat mancam, ac debilem præturam suam futuram consule Milone: eum porro summo consensu populi romani consulem fieri uidebat: contulit se ad eius competitores: sed ita: totam ut petitionem ipse solus etiam inuitis illis gubernaret: tota ut comitia suis, ut dictitabat, humeris sustineret. conuocabat tribus: se interponebat: coloniam nouam, delectum perditissimorum scribebat ciuium. quanto ille plura miscebat: tanto hic magis in dies conualefcebat. ubi uidit homo ad omne facinus paratissimus fortissimum uirum, inimicissimum suum, certissimum consulem: idq; intellexit non solum sermonibus, sed etiam suffragiis populi romani sæpe esse declaratum: palam agere coepit: et aperte dicere occidendum Milonem. seruos agrestes, et barbaros, quibus siluas publicas depulatus erat: hebruriamq; uexarat: ex Appennino deduxerat: quos uidebatis: res erat minime obscura. eteni

palam dictabat: consulatum Miloni eripi nō posse: uē-
 tā posse. significauit hoc sepe in senatu: dixit in cōtione.
 quin etiam Fauonio fortissimo uiro quarenti ex eo,
 qua spe fureret Milone uiuo: respondit triduo illum, ad
 summum quatriduo periturum. quam uocem eius ad
 hunc M. Catonem statim Fauonius detulit. Interim cum
 sciret Clodius (neque enim erat difficile scire) iter so-
 lenne, legitimum, necessarium, ante diem XIII Cal.
 Februarij Miloni esse Lanuium ad flaminem prodē-
 dum: quod erat dictator Lanuij Milo: Roma subito ipse
 profectus pridie est: ut ante suum fundum (quod re in-
 tellectum est) Miloni insidias collocaret. atq; ita profe-
 ctus est: ut concionem turbulentam, in qua eius furor
 desideratus est: quæ illo ipso die habita est: relinqueret.
 quam, nisi obire facinoris locum, tempusq; uoluisset: nū-
 quā reliquisset. Milo autem, cum in senatu fuisset eo die,
 quoad senatus dimissus est: domum uenit: calceos & ue-
 stimenta mutauit: paulisper, dum se uxor (ut fit) compa-
 rat: commoratus est: deinde profectus est id tēporis, cum
 iam Clodius (siquidem eo die Romam uēturus erat) re-
 dire potuisset. obuiam fit ei Clodius expeditus in equo,
 nulla rheda, nullis impedimentis, nullis græcis comi-
 tibus (ut solebat) sine uxore, quod nunquam ferē: cum
 hic insidiator, qui iter illud ad cædem faciendam appa-
 rasset: cum uxore ueheretur in rheda penulatus, uulge
 magno impedimento, ac muliebri, & delicato analla-
 rum, puerorumq; comitatu. fit obuiam Clodio ante fun-
 dum eius hora ferē undecima, aut non multo secus. sta-
 tim complures cum telis in hunc faciūt de loco superio-
 re impetum: aduersi rhedarium occidunt. cum autem
 hic de rheda reiecta penula desiluisset: seq; acri animo

defenderet: illi, q̄ erant cum Clodio, gladijs eductis partim recurrere ad rhedā: ut à tergo Milonē adoriretur: partim, quod hūc iam interfectū putarent: cedere incipiunt eius seruos, qui post erant. ex quibus, qui animo fideli in dominum erant: & præsentes fuerunt: partim occisi sunt: partim, cum ad rhedam pugnari uiderent: domino succurrere prohiberentur: Milonem occisum esse, etiam ex ipso Clodio audirent: fecerunt id serui Milonis (dicam enim non deriuandi criminis causa, sed ut factum est) neq; imperante, neq; sciente, neq; præsente domino, quod suos quisq; seruos in tali re facere uoluisset. hæc sicut exposui, ita gesta sunt Iudices: insidiator superatus, ui uicta uis, uel potius oppressa uirtute audacia est. nihil dico qd resp. consecuta sit: nihil qd uos: nihil quid omnes boni: nihil sanē id profit Miloni: qui hoc fato natus est: ut ne se quidem seruare potuerit: quin una remp. uosq; seruaret. si id iure non posset: nihil habeo quod defendam. sin hoc & ratio doctis, & necessitas barbaris, & mos gentibus, & feris natura ipsa præscripsit: ut omnem semper uim, quacunq; ope possent, à corpore, à capite, à uita sua propulsarent: non potestis hoc facinus improbū iudicare: quin simul iudicetis, omnibus, qui in latrones inciderint: aut illorum telis, aut uestris sententijs esse pereundum. quod si ita putasset: certe optabilius Miloni fuit dare iugulum P. Clodio non semel ab illo, neq; tum primū petiit: quā iugulari à uobis: q̄a se illi non iugulandum tradidisset. sin hoc nemo uestrum ita sentit: illud in iudicium uenit, non occisus ne sit: quod fatemur: sed iure, an iniuria: quod multis antea in causis iam quæsitum est. insidias factas esse constat: & id est, quod senatus contra remp. factum

PRO T.

indicauit. ab utro factæ sint incertum est. de hoc igitur
latum est, ut quaeretur. Ita & senatus rem, non homi-
nem notauit. & Porapcius de iure, non de facto quæ-
stionem tulit. numquid igitur aliud in iudicium ue-
nit? nisi uter uiri insidias fecerit? profecto nihil. si hic
illi: ut ne sit impune. si ille huic: tum nos scelere solua-
mur. Quo nam igitur pacto probari potest, insidias
Miloni fecisse Clodium? satis est quidem in illa tam au-
daci, tam nefaria bellua docere, magnam ei causam, ma-
gnam sp̃e in Milonis morte propositam, magnas utili-
tates fuisse. Itaq; illud Cassianum, cui bono fuerit: in
his personis ualeat: et si boni nullo emolumento impel-
luntur in fraudem: improbi sæpe paruo. Atqui Milone
interfecto Clodius hoc assequebatur: non modo ut præ-
tor esset, non eo consule, quo sceleris nihil facere posset:
sed etiam his consulibus prætor esset: quibus si nõ adiu-
uantibus, at coniuuentibus certe sperasset se posse elu-
dere in illis suis cogitatis furoribus. cuius illi conatus,
ut ille ratioinabatur, nec, si cuperet, reprimere possent:
cum tantum beneficium ei se debere arbitrarentur: &
si uellent: fortasse, uix possent frangere hominis scelera-
tissimi corroboratam iam uetustate audaciam. An uero
Iudices uos soli ignoratis? uos hospites in hac urbe uer-
samini? uestre. peregrinantur aures? neq; in hoc perui-
gato ciuitatis sermone uersantur? quas ille leges (si leges
nominandæ sunt, ac non faces urbis, & pestes reipu.)
fuerit impositurus nobis omnibus, atq; iniustus? exhi-
be quæso Sexte Clodi, exhibe librarium illud legum
uestrarum: quod te aiunt eripuisse è domo: et ex medijs
armis, turbaq; nocturna, tanquam palladium sustulisse:
ut præclarum inde munus, ac instrumentum tribus.

natus ad aliquem, si nactus esses, qui tuo arbitrio tribu-
 natum gereret: deferre posses. & aspexit me qdem illis
 oculis, quibus tum solebat, cum oia omnibus minabatur.
 mouet me quippe lumen curiæ. quid? tu me iratum Sex-
 te putas tibi? cuius tu inimicissimum multo crudelius eti-
 am punitus es: quàm erat humanitatis meæ postulare?
 tu P. Clodij cruentum cadauer eiecisti domo: tu in pu-
 blicum eiecisti: tu spoliatum imaginibus, exequijs, pom-
 pa, laudatione, infelicissimis lignis semiustulatum no-
 cturnis canibus dilaniandum reliquisti. quam rem &
 si necessario fecisti: tamen, quoniam in meo inimico cru-
 delitatem exprompsisti tuam: laudare non possum: irasci
 certe non debeo. P. Clodij præturam non sine maximo
 rerum nouarum motu proponi solitam esse uidebatis:
 nisi esset is consul: qui eam auderet, possetq; confringere.
 cum Milonem esse cum sentiret uniuersus populus roma-
 nus: quis dubitaret suffragio suo se metu, periculo rep-
 liberare? At non P. Clodio usitatis iam rebus obniten-
 dum est Miloni, ut tueatur dignitatem suam. singularis
 illa huic uni concessa gloria, quæ quotidie augebatur
 frangendis furoribus Clodianis: iam morte Clodij ce-
 cidit. uos adepti estis, ne quem ciuē metueretis. hic exer-
 citationem uirtutis, suffragationem consulatus, fontem
 perennem gloriæ suæ perdidit. itaq; Milonis consula-
 tus, qui uiuo Clodio labefactari non poterat: mortuo
 deniq; tentari coëptus est. non modo igitur nihil prodest,
 sed obest etiam P. Clodij mors Miloni. at ualuit odium:
 fecit iratus: fecit inimicus: fuit ultor iniuriæ: punitor dolo-
 ris sui. quid? si hæc non dico maiora fuerunt in Clodio,
 quàm in Milone? sed in illo maxima, nulla in hoc?
 quid uultis amplius? quid enim odisset Clodium Milo,

PRO T.

segetem, ac materiam suæ gloriæ? præter hoc civile odi-
um, quo omnes improbos odimus? ille erat ut odisset
primum defensorem salutis meæ: deinde uexatorem su-
roris, domitorem armorum suorum: postremo etiam ac-
cusatorem suum. reus enim Milonis lege plotia fuit Clo-
dius, quoad uixit. quo tandem animo hoc tyrannum
tulisse creditis? quantum odium illius? & in homine
iniusto quàm etiam iustum? reliquum est ut iam illum
natura ipsius, consuetudoq; defendat: hunc autem hæc
eadem coarguant. nihil per uim unquam Clodius: o-
mnia per uim Milo. quid ergo Iudices, cum moerenti-
bus uobis urbe cessi: non seruos, non arma, non uim
intentauit? quæ fuisset igitur causa restituendi mei: ni-
si fuisset iniusta eiciendi? diem mihi credo dixerat:
multam irrogarat: actionem perduellionis intende-
rat. & mihi Iud. in causa aut uestra mala, aut mea
nec præclarissima etiam iudicium timendum fuit?
seruorum, & egentium ciuium, & facinorosorum ar-
mis meos aues meis consilijs periculisq; seruatos pro
me obijci nolui. uidi enim, uidi hunc ipsum Q. Horten-
sium lumen & ornamentum reip. penè interfici seruo-
rum manu: cum mihi adesset: qua in turba C. Vibienus
senator uir optimus, cum hoc cum esset una: ita est mul-
tatus: ut uitam amiserit. itaq; quando illius postea sicut
illa, quam a Catilina acceperat, conqueui? hæc inten-
tata nobis est: huic ego uos obijci pro me non sum passus:
hæc insidiata Pompeio est: hæc istam Appiam uiam mo-
numentum sui nominis nec Papirij cruentauit: hæc ea-
dem longo interuallo conuersa rursus est in me: nuper
quidem ut scitis me ad regiam penè confect. quid simi-
le Milonis? cuius uis omnis hæc semper fuit: ne P. Clo-

dius, cum in iudicium detrahi non posset: ui oppressam
 ciuitatem teneret: quem si interficere uoluisset: quantæ
 quotiens occasiones, quam præclaræ fuerunt. potuit ne,
 cum domum, ac deos penates suos illo oppugnante de-
 fenderet: iure se ulasci? potuit ne aue egregio & uiro
 fortissimo P. Sextio collega suo uulnerato? potuit ne Fa-
 bricio uiro optimo, cū de reditu meo legem ferret pulso,
 crudelissima in foro cæde facta? potuit ne L. Cæcilij in-
 stissimi fortissimiq; prætoris oppugnata domo? potuit ne
 illo die, cum est lata lex de me: cum totius Italiæ con-
 cursus, quem mea salus concitarat: facti illius gloriam
 libens agnouisset: ut etiam si id Milo fecisset: cuncta ci-
 uitas eam laudem pro sua uendicaret. atq; erat id tempo-
 ris. clarissimus & fortissimus consul inimicus Clodio,
 P. Lentulus, ultor sceleris illius, propugnator senatus,
 defensor uestræ uoluntatis, patronus illius publica con-
 sensus, restitutor salutis meæ: septem prætores, octo tri-
 buni pl. illius aduersarij, defensores mei: Cn. Pompeius
 author & dux mei reditus, illius hostis: cuius senten-
 tiam senatus omnis de salute mea grauissimam et or-
 natissimam secutus est: qui Populum ro. cohortatus est: q
 cum de me decretum Capuæ fecisset: ipse cunctæ Italiæ
 cupienti, & eius fidem imploranti signum dedit: ut
 ad me restituendum Romam concurrerent. omnia
 tum deniq; in illum odia ciuium ardebant desiderio
 mei. quem tum si interemisset: non de impunitate eius,
 sed de præmijs cogitaretur. tamen se Milo continuit: et
 P. Clodium ad iudicium bis, ad uim nunquam uoca-
 uit. quid? priuato Milone, & reo ad populum, accusan-
 te P. Clodio, cum in Cn. Pompeium pro Milone dicen-
 tem impetus factus est? quæ tum non modo occasio, sed

PRO T.

etiam causa illius opprimendi fuit? nuper uero cum M.
 Antonius summam spem salutis bonis omnibus attulis-
 set: grauissimamq; adolescens nobilissimus reip. partem
 fortissime suscepisset: atq; illam belluam iudicij laqueos
 declinantem iam irretitam teneret: qui locus, quod tem-
 pus illud dij immortales fuit? cum se ille fugies in scalaru
 tenebris abdidisset: magnum Miloni fuit conficere illa
 pestem nulla sua inuidia, Antony uero maxima glo-
 ria? quid? comitjs in campo, quotiens potestas fuit? cum
 ille ui in septa irruisset: gladios distringendos, lapides
 iaciendos curasset: dein subito uultu Milonis perterritus
 fugeret ad Tyberim: uos & omnes boni uota faceretis:
 ut Miloni uti uirtute sua liberet? quem igitur cum o-
 mnium gratia noluit, hunc uoluit cum aliquorum quæ-
 rela? quem iure, quem loco, quem tempore, quem im-
 pune non est ausus: hunc iniuria, iniquo loco, alieno
 tempore, periculo capitis, non dubitauit occidere? præ-
 sertim Iudices cum honoris amplissimi contentio, &
 dies comitiorum subesset. quo quidem tempore scio enim
 quam timida sit ambitio: quantaq; & quam sollicita
 cupiditas consilatus) omnia, non modo quæ reprehen-
 di palam, sed etiam obscure cogitari possunt: time-
 mus: rumorem, fabulam fictam, falsam perhorresci-
 mus: ora omnium atq; oculos intuemur. nihil enim est
 tam molle, tam tenerum, tam aut fragile, aut flexibile:
 quam uoluntas erga nos, sensusq; animus: qui non mo-
 do improbitati irascuntur candidatorum: sed etiã re-
 cte factis sæpe fastidiunt. hunc diem igitur campi spe-
 ratum, atq; exoptatum sibi proponens Milo cruentis ma-
 nibus scelus, & facinus præ se ferens & confitens ad
 illa augusta Centuriarum auspicia ueniebat? quam hoc

non credibile in hoc? quam idem in Clodio non dubitandum? qui se, interfecto Milone regnaturum putaret. quid? quod caput audacie est Iudices: quis ignorat? maximam illecebram esse peccandi impunitatis spem? in viro igitur hæc fuit? in Milone? qui etiam nunc reus est facti aut præclari, aut certe necessarij? an Clodio? qui ita iudicia poenamq; contempserat: ut eum nihil delectaret: quod aut per naturam fas esset: aut per leges liceret? Sed quid ego argumentor? quid plura disputo? te Q. Petili apello optimum et fortissimum ciuē: te M. Cato testor: quos mihi diuina quædam sors dedit iudices. uos ex M. Fauonio audistis Clodium sibi dixisse, Et audistis uiuo Clodio, periturum Milonem iriduo post diem tertium gestare: quā dixerat. cum ille non dubitaret aperire quid cogitaret: quemadmodum igitur eum dies non fefellit? dixi equidem modo. dictatoris Lanuij statuta sacrificia nosse negocij nihil erat: uidit necesse esse Miloni proficisci Lanuuium illo ipso, quo profectus est, die. itaq; anteuertit. at quo die? quo, ut ante dixi in sanissima concio ab ipsius mercenario Tribuno pl. ē cōcitata: quē diē ille, quā concionē, quos clamores, nisi ad cogitatu faciū approperearet: nunquam reliquisset. Ergo illi ne causa qdē itineris: et causa manēdi. Miloni nulla facultas manēdi, exeūdi, nō causa solum, sed etiā necessitas fuit. Quid? si ut ille sciuit Milonē fore eo die in uia: sic Clodium Milo ne suspicari quidem potuit? primum quæro, qui scire potuerit? quod uos idem in Clodio quærere non potistis. ut enim neminem alium nisi T. Patinam famularissimum suum rogasset: scire potuit illo die ipso Lanuij a Dictatore Milone prodi flaminem necesse esse. sederant p̄multi alij:

PRO T.

ex quibus id facillime sciri posset. omnes Lanuvini. Milo de Clodij reditu unde quaesivit? quaesierit sane. uide-
 dete quid uobis largiar. seruum etiam, ut Arius meus
 amicus dixit corruerit. Legite testimonia testium uestro-
 rum. dixit C. Cassinius, cognomento schola, interamnis
 familiaris meus, et idem comes P. Clodij, cuius iam pri-
 dem testimonio Clodius eadem hora Interamne fuerat,
 et Romae: P. Clodium illo die in Albano mansurum
 fuisse: sed subito ei fuisse nunciatum Cyrum architectum
 esse mortuum: itaque Romam repente constituisse profici-
 sci. dixit hoc comes item Publij Clodij, C. Clodius. ui-
 dete Iudices quantae res his testimonijs sunt confectae.
 primum certe liberatur Milo, non eo consilio profe-
 ctus esse: ut insidiaretur in uia Clodio: quippe si ille
 ei obuius futurus omnino non erat. deinde, non enim
 uideo cur non meum agam negotium: scitis Iudices
 fuisse, qui in hac rogatione suadenda dicerent, Milo-
 nis manu caedem esse factam: consilio uero maioris ali-
 cuius. uidelicet me latronem, ac scitatum abiectionis homi-
 nes et perditos describebant. iacent suis testibus ij: qui
 Clodium negant eo die Romam, nisi de Cyro audi-
 tum esset: rediturum fuisse. respiravi: liberatus sum: non ue-
 reor, ne quod ne suspicari quidem potuerim: uidear id
 cogitasse. nunc persequar caetera. nam occurrit illud: ne
 Clodius quidem de insidijs cogitauit: quoniam fuit in Al-
 bano mansurus. siquidem exiturus ad caedem e nulla non
 fuisset. uideo enim illum, qui dicitur Cyri mortem nun-
 ciasse: non id nunciasse: sed Milonem appropinquare.
 nam quid de Cyro nunciaret? quem Clodius Roma pro-
 ficiscens reliquerat morientem? una fui: testamentum
 simul obsignavi cum Clodio: testamentum autem palam

fecerat: & illum heredem & me scripserat. quem prae die hora tertia animam efflantem reliquisset: eum mortuum postridie hora decima ei nunciabatur? Age, sit ita factum: quae causa cur Romam properaret? cur in noctem se conijceret? quid afferebat festinatio? quod haeres erat? primum erat nihil cur properato opus esset? deinde siquid esset: quid tandem erat: quod ea nocte consequi posset? amitteret autem si postridie mane Romam uenisset? Atque ut illi nocturnus ad urbem aduentus uitandus potius, quam expetendus fuit: sic Miloni cum insidiator esset: si illum ad urbem noctu accessurum sciebat: subsistendum atque expectandum fuit. nemo ei neganti non credidisset: quem omnes saluum etiam confitentem uolunt. Sustinuisse hoc crimen primum ipse ille latronum oculator, & receptator locus: dum neque muta solitudo indicasset: neque cetera nox ostendisset Milonem: deinde ubi multi ab illo uiolati, spoliati, bonis expulsi, multi etiam haec timentes in suspicionem caderent: tota denique rea citaretur Hetruria. Atque illo die certe Aricia rediens diuertit Clodius ad Albanum: quod, nisi sciret illum Milo Ariciae fuisse: suspicari tamen debuit, eum, etiam si Romam illo die reuertii uellet: ad uillam suam, quae uiam tangeret: diuersurum. cur neque ante occurrit? ne in uilla resideret? nec eo in loco subsedit? quo ille noctu uenturus esset? Video adhuc constare omnia Iudices: Miloni etiam utile fuisse Clodium uiuere. illi ad ea quae concupierat optatissimum interitum Milonis fuisse. odium illius in hunc acerbissimum, in illum humi nullum. consuetudinem illius perpetuam in ui inferenda, huius tantum in repellenda. mortem ab illo denuntiata palam Miloni & praedicatam: nihil unquam

PRO T.

auditum ex Milone: profectionis huius diem illi notum,
reditum illius huic ignotum fuisse: huius iter necessa-
rium, illius etiam potius alienum: hunc præ se tulisse
illo die Roma exiturum: illum eo die se dissimulasse
rediturum: hunc nullius rei mutasse consilium: illum
causam mutandi consilij finxisse: huic si insidiaretur no-
cte propè urbem expectandum: illi, etiam si hunc non
timeret: tamen accessum ad urbem nocturnum fuisse
metuendum. Videamus nunc id, quod caput est: locus ad
insidias ille ipse, ubi congressi sunt, utri tandem fuerit
aptior? Id uero Iud. etiam dubitandum & diutius
cogitandum est? ante fundum Clodij, quo in fundo pro-
pter insanas illas substructiones, facile hominum mille
uersarentur ualentium aduersari. atqui ex cælo loco su-
periores se fore putabat Milo: & ob eam causam eum
locum ad pugnam potissimum delegerat. an in eo lo-
co potius expectandum ab eo, qui ipsius loci spe facere
impetum cogitaret? res loquitur Iudices ipsa: quæ sem-
per ualeat plurimum. si hæc non gesta audiretis: sed
picta uideretis: tamen appareret, uter esset insidiator:
uter nihil cogitaret mali: cum alter ueheretur in rheda
penulatus: una sederet uxor. quid horum non impedi-
tissimum? uestitus? an uehiculum? an comes? quid mi-
nus promptum ad pugnam? cum penula irretitus, rhe-
da impeditus, uxore penè constrictus esset. uidete nunc
illum, primum egredientem è uilla subito. cur uesperis?
quid necesse est tarde? qui conuenit præsertim id tem-
poris? diuertit in uillam Pompei. Pompeium ut uide-
ret? sciebat in Alsienti esse procul inde. uillam ut
perspiceret? nullies in ea fuerat. quid ergo erat moræ,
& tergiversationis? dum hic ueniret: locum relinque-

re noluit. Age nunc iter expediti latronis, cum Milonis impedimentis comparate. Semper ille antea cum uxore: tum sine ea: nunquam nõ in rheda: tum in equo: comites græculi quocunq; ibat, etiam cum in castra Herusca properabat: tum nugaturum in comitatu nihil. Milo qui nunquam: tum casu pueros symphonicos uxoris ducebat, et ancillarum greges. ille qui semper secum scorta, semper exoletos, semper lupas ducebat: tum neminem, nisi ut uirum à viro lectum esse diceret. cur igitur uictus est? quia nõ semper uiator à latrone, nõnunquam etiam latro à uiatore occiditur: quia quanquam paratus in imperatos Clodius, tamē mulier incidit in uiros. nec uero sic erat unquam non paratus Milo contra illū: ut non satis ferē esset paratus. semper ille, et quantum interesset P. Clodij se perire: et quanto illi odio esset: et quantum ille auderet: cogitabat. quamobrem uitam suam, quam maximis præmijs propositam et penē addictam sciebat: nunquam in periculum sine præsidio et sine custodia prouehat. adde casus: adde incertos exitus pugnarum, martemq; communem: qui sæpe spoliante iam et exultante euerit: et perculit ab abiecto: adde inscitiam pransi, poti, oscitantis duas: qui cum à tergo hostem interclusum reliquisset: nihil de eius extremis comitibus cogitauit: in quos incensos ira uitamq; domini desperantes cum incidisset: hæsit in his poenis: quas ab eo serui fideles pro domini uita expetuerunt. Cur igitur eos manumissi? metuebat scilicet ne indicaretur? ne dolorem perferre non possent? ne tormentis cogerentur occisum esse à seruis Milonis in Appia uia P. Clodium confiteri? quid opus est tortore? quid queris? occiderit ne? occidit iure an iniuria? ni-

PRO T.

hil ad tortorem. facti enim in eculeo quæstio est: Iuris
in iudicio. quod igitur in causa quærendum est: id aga-
mus. hoc quod tormentis inuenire uis: id fatemur. manus
uero cur miserit, si id potius quæris: quàm cur parum
amplis affecerit præmijs? nescis inimici factum repre-
hendere. dixit enim hoc idē, qui omnia semper constan-
ter, & fortiter, M. Cato: dixitq; in turbulenta concione:
quæ tamen huius autoritate placata est: non liberta-
te solum, sed etiam omnibus præmijs dignissimos fuisse:
qui domini caput defendissent. quod enim præmium
satis magnum est tam beniuolis, tam bonis, tam fide-
libus seruis? propter quos uiuit? eisi id quidem non tan-
ti est: quàm quod propter eosdem non sanguine & uul-
neribus suis crudelissimi inimici mentem oculosq; sa-
ciat. quos nisi manu misisset: tormentis etiam dedendi
fuerunt, conseruatores domini, ultores sceleris, defen-
sores necis? hic uero nihil habet in his malis: quod minus
moleste ferat: quàm, etiam si quid ipsi accidar: esse ta-
men illis meritum præmiū persolutum. Sed quæstiones
urgent Milonem: quæ sunt habitæ in atrio libertatis.
quibus nam de seruis? rogas? de P. Clodij. quis eos po-
stulauit? Appius. quis produxit? Appius. unde? ab Ap-
pio. dij boni quid potest agi seuerius? de seruis nulla
quæstio est in dominum, nisi de interitu: ut fuit in Clo-
diū. proxime ad deos accessit Clodius: propius quàm tu,
cum ad ipsos penetrarat: cuius de morte tanquam de
cerimonijs uiolatis quæritur. sed tamen maiores nostri
in dominum de seruo quæri noluerunt: non quia non
posset uerum inueniri: sed quia uidebatur indignum
esse, & domini morte ipsa tristius. in reū de seruis ac-
cusatoris cum quæritur, uerum inueniri potest? Age ue-
ro quæ erat:

ro quæ erat: aut qualis quæstio? heus ubi Ruscio? ubi
Casa? Clodius isidias fecit Miloni? fecit. certa crux. nul-
las fecit. sperata libertas. quid hac quæstione certius? su-
bito arrepti in quæstionem tamen separatur à cæteris:
et in aras conyuantur: nequis cum his colloqui possit.
hi centum dies penes accusatorem cum fuissent: ab eo
ipso accusatore producti sunt. quid hac quæstione dici
potest integrius? quid incorruptius? Quod si satis nun-
dum cernitis, cum res ipsa tot, tam clavis argumentis si-
gnisq; luceat: pura mente atq; integra Milonem nullo
scelere imbutum, nullo metu perterritum, nulla consci-
entia exanimatum Romam reuertisse: recordamini per
deos immortales, quæ fuerit celeritas reditus eius? qui
ingressus in forū ardente curia? quæ magnitudo animi?
q; uultus? quæ oratio? neq; uero se populo solū, sed etiā
senatui tradidit: neq; senatui modo, sed etiam publicis
præsidys, & armis, neq; his tantum, uerum et ei potestate
ti, cui senatus totam republicam, omnem Italiae pubē,
cuncta populi romani arma commiserat. cui se unquā
profecto tradidisset: nisi causæ suæ confideret: præ-
sertim omnia audienti, magna metuēti, multa suspican-
ti, nonnulla credenti. Magna uis est conscientie Iudi-
ces: & magna in uirantq; partem: ut neq; timeant: qui
nihil commiserint: & poenam semper ante oculos uer-
sari putent: qui peccarint. neq; uero sine ratione certa
causa Milonis semper à senatu probata est. uidebant
enim sapientissimi homines, facti rationem, præsentiam
animi, defensionis constantiam. an uero obliuiscitis Iudi-
ces recenti illo nuncio necis Clodiane, non modo ini-
morum Milonis sermones, et opiniones, sed nonnullo-
rum imperitorum? qui negabant eum Romam esse re-

PPP

diturum? siue enim illud animo irato, ac percito fecisset: ut incensus odio trucidaret inimicum: arbitratur eum tanti mortem P. Clodij putasse: ut a quo animo patria careret: cum sanguine inimici expleisset odium suum. siue etiam illius morte patriam liberare uoluisset: non dubitaturum fortem uirum: quin, cum suo periculo salutem reip. attulisset: caderet a quo animo legibus: secum auferret gloriam sempiternam: nobis hæc fruenda relinqueret: quæ ipse seruasset. multi etiam Catilinam atq; illa portenta loquebantur: erumperet: occupabit aliquem locum: bellum patriæ faciet. miseros interdum ciues optime de rep. meritos: in quibus homines nõ modo res præclarissimas obliuiscuntur: sed etiam nefarias suspiciantur. ergo illa falsa fuerunt: quæ certe uera extitissent: si Milo admisisset aliquid: quod non posset honeste, uereq; defendere. quid? quæ postea sunt in eum congesta? quæ quamuis etiam mediocrium delictorum conscientiam perculissent: ut sustinuit dij immortales? sustinuit? immo uero ut contempsit? ac pro nihilo putauit? quæ neq; maximo animo nocens, neq; innocens, nisi fortissimus uir, negligere potuisset. scutorum, gladiorum, frenorum, spavorum, pilorumq; etiã multitudo deprehendi posse iudicabatur: nullũ in urbe uicium, nullum angportum esse dicebant: in quo Miloni non esset conducta domus: arma in uillam Oriculanam deuecta Tyberi: domus in cliuo Capitolino scutis referta, plena omnium malleorum ad urbis incendia comparatorum. hæc non delata solum, sed pene credita: nec ante repudiata sunt: quàm quæ sita. laudabam equidem incredibilem diligentia Cn. Pompei: sed dicam ut sentio Iudices: nimis multa audire coguntur: neq;

aliter facere possunt ij: quibus tota commissā est respu-
 blica. quin etiam audiendus sit Popa Licinius nescio q̄s
 de circo maximo: seruos Milonis apud se ebrios factos,
 sibi confessos esse de interficiendo Pompeio coniurasse.
 deinde postea se gladio percussū esse ab uno de illis,
 ne indicaret: Pompeio in hortos nunciauit. arcessor in
 primis: de amicorum sententia rem defert ad senatum.
 non poteram in illius mei patriæq; custodis tanta su-
 spicione non metu exanimari. sed mirabar tamen credi
 Popæ: confessionem seruorum audiri: vulnus in latere,
 quod acū pūctum uideretur: pro ictu gladiatoris pu-
 tari. uerum etiam ut intelligo cauebat magis Pompe-
 ius, quā timebat, non ea solum, quæ timenda erant,
 sed omnia ne aliquid uos timeretis. oppugnata domus
 C. Cæsaris clarissimi, et fortissimi uiri per multas no-
 ctis horas nuntiabatur. nemo audierat tam celebri lo-
 co: nemo senserat: tamen audiebatur. non poteram Cn.
 Pompeium præstantissima uirtute ciuem, timidum su-
 spicari. diligentiam, tota rep. suscepta, nimā nullam pu-
 tabam. frequentissimo senatu nuper in Capitolio sena-
 tor inuentus est: qui Milonem cum telo esse diceret. nu-
 dauit se in sanctissimo templo: quoniam uita talis ex-
 ciuis, et uiri fidem non faciebat: nisi eo tacente res ipsa
 loqueretur. oia falsa atq; insidiosè ficta comperta sunt.
 cū tamen si metuitur etiā nunc Milo: nō iam Clodianum
 crimē timeamus: sed tuas Cn. Pōpei (te enim iam appello
 ea uoce: ut me audire possis) tuas inquam suspiciones per-
 horrescimus. si Milonem times: si hunc de tua uita nefa-
 rie aut nunc cogitare, aut molitum aliquando aliquid
 putas: si Italiæ delectus, ut nonnulli conquisitores tui di-
 stant: si hæc arma, si Capitolinæ cohortes, si ex cubiæ,

PRO T.

si uigilia, si delecta inuentus, quæ tuum corpus domumq; custodit: contra Milonis impetum armata est: atq; illa omnia in hunc unum instituta, parata, intentæ sunt: magna in hoc certe uis, & incredibilis animus, & non unius uiri uires, atq; opes indicantur: siquidem in hunc unum & præstantissimus dux electus, & tota resp. armata est. sed quis non intelligit, omnes tibi recipere partes ægras, & labantes, ut eas his armis sanares, & confirmares, esse commissas: quod si Miloni locus datus esset: probasset profecto tibi ipsi, neminem unquam hominem homini cariorum fuisse, quàm te sibi: nullum se unquam periculum pro tua dignitate fugisse: cum illa terribilissima peste sepiissime pro tua gloria contendisse: Tribunatum suum ad salutem meam, quæ tibi carissima fuisset: consilijs tuis gubernatum: se à te postea defensum in periculo capitis: adiutum in petitione præturæ: duos se habere semper amicissimos sperasse: te tuo beneficio: me suo. quæ si non probaret: si tibi ita penitus insedisset ista suspicio: nullo ut euelli modo posset: si deniq; Italia à delectu, urbs ab armis, sine Milonis clade nunquam esset conquietura: ne iste haud dubitans cessisset patria is, qui ita natus est: & ita consuevit: te Magne tamen attestaretur: quod nunc etiam facit. uide q̄ sit uaria uite, commutabilisq; ratio: quàm uaga, uolubilisq; fortuna: quantæ infidelitates in amicis: quàm ad tempus aptæ simulationes: quantæ in periculis fugæ proximorū: quantæ timiditates. erit, erit illud profecto tempus & illucescet aliquando ille dies: cum tu salutaribus ut spero rebus tuis, sed fortasse motu aliquo communium temporum immutatus, qui quàm crebro accidat, experti debemus scire: et amicissimi beniuolentiā,

Et grauiſſimæ hominis fidem, Et unius poſt homi-
 nes natos fortiſſimi uiri magnitudinē animi deſideres.
 Quanquam quis hoc credat? Cn. Pompeium iuris pu-
 blici, moris maiorum, rei deniq; publicæ peritiſſimum,
 cum ſenatus ei commiſerit, ut uideret, nequid reſp. de-
 trimenti caperet: quo uno uerſiculo ſatis armati ſem-
 per conſules fuerunt, etiam nullis armis datis: hunc
 exercitu, hunc delectu dato, iudiciu expectaturu
 fuiſſe in eius iudicijs uindicandis: qui uel iudicia ipſa
 tolleret. ſatis iudicatu eſt a Pompeio: falſo iſta confer-
 ri in Milonem: qui legem tulit: qua, ut ego ſentio, Milo-
 nem abſolui oporteret: ut omnes conſententur,liceret.
 Quod uero in illo loco, atq; in illis publicorum præ-
 ſidiorum copijs circunſuſus ſedet: ſatis declarat, ſe non
 terrorem inferre uobis: quid enim illo minus dignū?
 quā cogere ut uos eum condēnetis: in quem animad-
 uertere ipſe, Et more maiorum, Et ſuo iure poſſet?
 ſed præſidio eſſe: ut intelligatis, contra heſternam concio-
 nem illam licere uobis quod ſentiatſ libere iudicare.
 Nec uero me Iud. Clodianu crimen mouet: nec tam
 ſum demens, tamq; ueſtri ſenſus ignarus, atq; expers: ut
 neſciā quid de morte Clodij ſentiatſ. de qua ſi iam nol-
 lem ita diluere crimen, ut dilui: tamen impune Miloni
 palām clamare atq; mētiri glorioſe liceret: occidi, occidi,
 non ſpurium Mæliu, qui annona leuanda, iactu-
 riſq; rei familiaris, quia nimis amplecti plebem puta-
 batur: in ſuſpicionem inadit regni appetendi: non Ty-
 Gracchum, qui collegæ magiſtratu per ſeditionem ab-
 rogauit: quorum interfectores impleunt orbem ter-
 rarum nominis ſui gloria: ſed eum (auderet enim di-
 cere: cum patriam periculo ſuo liberaſſet) cuius neſari-

um adulteriū in pulvinaribus sanctissimis nobilissimæ
 fœminæ comprehenderunt: eum, cuius supplicio senatus
 solennes religiones expiandas sæpe censuit: eum, quem
 cum sorore germana nefarium stuprum fecisse L. Lu-
 cullus iuratus se quæstionibus habitis dixit comperisse:
 eum, qui ciuem, quem senatus, quem populus, quem o-
 mnes gentes, urbis, ac uitæ ciuium conservatorem iudī
 cabant: seruorum armis exterminauit: eum, qui regna
 dedit: ademur: orbē terrarum qbus cum uoluit partitus
 est: eum, qui pluribus cædibus in foro factis singulari
 uirtute & gloria ciuem, domum ui & armis compulsi:
 eum, cui nihil unquam nefas fuit nec in fauore, nec
 in libidine: eum, qui ædem Nympharum incendit: ut
 memoriam publicam recensionis tabulis publicis im-
 pressam extingueret: eum deniq; cui iam nulla lex
 erat: nullum ciuile ius: nulli possessionum termini: qui
 non calumnia litium, non iniustus uindicys, ac sacra-
 mentis alienos fundos, sed castris, exercitu, si gnis infe-
 rēdis petebat: qui nō solum Hetruscos (eos enim penitus
 * contempserat) sed hunc Cn. Pompeium uirum fortissi-
 mum, atq; optimum ciuem, iudicem nostrum pellere pos-
 sessionibus, armis, castrisq; conatus est: qui cum archite-
 ctis & decempedis uillas multorum, hortosq; peragra-
 bat: qui Ianiculo, & alpibus spem possessionum termi-
 nabat suarum: qui cum ab egre romano splēdidissimo,
 et forti uiro, T. Patanio non impetrasset: ut insulam in
 lacu Precio uenderet: repente Lyntribus in eam insulā
 materiam, calcem, cementa, atq; arma conuexit: domi-
 no transripā inspectante non dubitauit ædificium ex-
 truere in alieno: qui huic T. Furfanio, cui uiro dī im-
 mortales? (quid enim de muliercula Sanctia? quid de

a adolescente Apronio dico? quorum utriq; mortem est mi-
 nitatus: nisi sibi hortorum possessione cessisset) sed ausum
 esse Fursum dicere, si sibi pecuniam quantam poposce-
 rat non dedisset: mortuum se in domum eius illaturu-
 qua invidia huic esset tali viro conflagrandum? quia
 Appium fratrem hominem mihi coniunctum fidelis-
 sima gratia, absentem de possessione fundi deiecit: qui
 parietem sic per vestibulum sororis instituit ducere: sic
 agere fundamenta: ut sororem non modo vestibulo pri-
 uaret: sed omni aditu & lumine. quanquam haec qui-
 dem iam tolerabilia videbantur: et si aequaliter in re-
 publicam, in priuatos, in longinquos, in propinquos, in
 alienos, in suos irruebat. sed nescio quomodo usu obdu-
 ruerat & percullerat ciuitatis incredibilis patientia.
 quae uero aderant iam, & impendebant: quonam
 modo ea aut depellere potuissetis? aut ferre imperiu? si
 id ille nactus eet. omitto socios, exterarum nationes, Reges,
 Tetrarchas (uota enim feceratis: ut in eos se potius mit-
 teret: quam in uestras possessiones, uestra tecta, uestras
 pecunias) dico, a liberis mediis fidius, & a coniugibus
 uestris nunquam ille effrenatas suas libidines cohibuis-
 set. fingi haec putatis? quae patent? quae nota omnibus?
 quae tenentur? seruorum exercitus illum in urbe conscri-
 ptuū fuisse: per quos totam remp. resq; priuatas omniu
 possideret. Quamobrem si cruentum gladium tenens
 clamaret T. Annius: adeste quae so, atque audite ciues:
 P. Clodium interfeci: eius furores, quos nullis iam legi-
 bus, nullis iudicijs frenare poteramus: hoc ferro, & hac
 dextera a ceruicibus repuli: per me unum effectum
 est: ut ius, aequitas, leges, libertas, pudor, pudicitia in ci-
 uitate manerent: enimvero timendum quonam modo

ppp iiij

PRO T.

id factum ferret ciuitas? nunc enim quis est: qui nō pro-
bet? qui non laudet? qui non unū post hominum me-
moriā T. Annium plurimum reip. profuisse, maxima
leticia populum romanum, cunctā Italiā, nationes
omnes affecisse, & dicat, & sentiat? Neque uetera illa
populi romani quanta fuerint gaudia iudicare. multas
tamen iam summorum imperatorum clarissimas ui-
ctorias ætas nostra uidit: quarum nulla neq; tam diu-
turnam attulit læticiā, nec tantam. mandate hoc memo-
riæ Iudices. spero multa uos liberosq; uestros in rep-
bona eē uisuros. in his singulis ita semper existimabitis,
uiuō P. Clodio nihil horum uos uisuros fore. in spem ma-
ximā, & quemadmodum confido, uerissimā addu-
cti sumus: hunc ipsum annum, hoc summo uiro consu-
le, concussa hominum licentia, cupiditatibus fractis, le-
gibus, & iudicijs constitutis, salutare ciuitati fore. nun-
quis igitur est tam demens? qui hoc P. Clodio uiuō con-
tingere potuisse arbitretur? Quid? ea quæ tenetis pri-
uata atq; uestra, dominante homine furioso, quod ius
perpetuæ possessionis habere potuissent? non timeo Iud-
ne odio inimicitiarum mearum inflammatus libentius
hæc in illum euomere uidear: quā uerius. etenim et si
præcipuum esse debebat: tamen ita communis erat omni-
um ille hostis: ut in communi odio penē æqualiter uersa-
retur odium meum. non potest dici satis: ne cogitari qui-
dem: quantum in illo scelere, quantum exitij fuerit.
quin sic attendite Iudices. nempe hæc est quæstio de in-
teritu P. Clodij. fingite animus, liberæ enim sunt cogita-
tiones nostræ: & quæ uolunt sic intuentur: ut ea cerni-
mus, quæ uidemus. fingite igitur cogitatione imaginem
huius conditionis meæ: si possim efficere ut Milonem ab

soluat: sed ita, si P. Clodius reuixerit. quid uultu exti-
 muistis? quonam modo ille uos uiuus affecerat: qui mor-
 tuus inani cogitatione percussit? quid? si ipse Cn. Pompeius,
 qui ea uirtute ac sapientia est: ut ea potuerit semper: quæ
 nemo præter illum: si is inquam potuisset, ut quæstionem
 de morte P. Clodij ferre: sic ipsum ab inferis excitare:
 uirum putatis potius facturum fuisse? etiam si propter
 amicitiam uellet illum ab inferis reuocare: propter
 rem publicam, nõ fecisset. Eius igitur mortis sedetis ul-
 tores: cuius uitam si putetis per uos restitui posse: nolitis:
 Et de eius nece lata quæstio est: qui si eadem lege reui-
 uiscere posset: lata lex nunquam esset. huius ergo in-
 terfector non esset in confitendo ab his impetraturus,
 ne poenam timeret: quos liberauisset? græci homi-
 nes deorum honores tribuunt his uiris, qui Tyrannos
 necauerunt. quæ ego uidi Athenis? quæ alijs in ur-
 bibus græciæ? quas res diuinas talibus institutas uiris?
 quos cantus? quæ carmina? propè ad immortalitatem Et
 religionem Et memoriam consecrantur. uos tanti con-
 seruatorem populi, tanti sceleris ultorem, non modo ho-
 noribus nullis afficietis: sed ad supplicium rapi patie-
 mini? confiteretur, confiteretur inquam, si fecisset, Et ma-
 gno animo, Et libenter, se fecisse libertatis omnium cau-
 sa: quod certe ei non confitendum modo fuisset: uerum
 etiam prædicandum. Et enim si id non negat: ex quo
 nihil petit: nisi ut ignoscatur: dubitaret id fateri: ex quo
 etiam præmia laudis essent petenda? nisi uero gratus
 putat esse uobis: sui se capitis, quam uestri ordinis defen-
 sorem fuisse: cum præsertim in ea confessione, si grati
 esse uelletis: honores assequeretur amplissimos. si factum
 uobis non probaretur (quanquam qui poterat salus sua

PRO T.

eniq; non probari?) sed tamen si minus fortissimi uiri
 uirtus ciuibus grata cecidisset: magno animo constan-
 tiq; caderet ex ingrata ciuitate. nam quid esset ingra-
 tius? quā letari ceteros: lugere eū solū, propter quē cē-
 teri letarentur? quanquam hoc animo semper omnes
 fuimus in patriæ proditoribus opprimendis: ut quoniam
 nostra futura esset gloria: periculum quoq; & inuidiā
 nostram putaremus. nam quæ mihi contribuenda laus
 esset ipsi: cum tantum in consulatu meo pro uobis ac
 liberis uestris ausus essem: si id, quod conabar, sine ma-
 ximis dimicationibus meis me esse ausurum arbitra-
 rer? quæ mulier sceleratum ac perniciosum quem occi-
 dere non auderet? si periculum non timeret? proposita
 inuidia, morte, poena, qui nihilo se gnus remp. defendit:
 is uir uere putandus est. populi grati est, præmijs affi-
 cere bene meritos de rep. aues: uiri fortis ne supplicijs
 quidem moueri: ut fortiter fecisse poeniteat. quamobrem
 uteretur eadem confessione T. Annius, qua Hala, qua
 Nasica, qua Opimius, qua Marius, qua nos mutipsi: &
 si grata resp. esset: letaretur: si ingrata: tum in grauē
 fortuna conscientia sua niteretur. sed huius beneficij gra-
 tiā Iud. fortuna populi romani, et uestra fœlicitas, et dij
 immortales sibi debere putant. Nec uero quisquā aliter
 arbitrari potest: nisi qui nullā uim cælestem existimat,
 numen ue diuinum: quem neq; imperij uestri magnitu-
 do, neq; sol ille, nec cœli, & signorum motus, nec uicis-
 situdines rerum, atq; ordines mouent: neq; id, quod
 maximum est, maiorum sapientia: qui sacra, qui ceri-
 monias, qui auspicia & ipsi sanctissime coluerunt: &
 nobis suis posteris prodiderunt. Et est profecto illa uis:
 neq; in his corporibus, atq; in hac imbecillitate nostra

inest quiddam, quod uigeat: & sentiat: & non inest in
hoc tanto naturæ, tam præclaro motu. nisi forte iacit
non putant: quia non apparet: nec cernitur: perinde
quasi nostram ipsam mentem, qua sapimus: qua prouide-
mus: qua hæc ipsa agimus: ac dicimus: uidere, aut pla-
ne qualis, aut ubi sit, sentire possimus. Ea uis, ea est igitur:
quæ sepe incredibiles huic urbi fœlicitates, atq; o-
pes attulit: quæ illam pernicië extinxit: ac sustulit: cui
primum mentem iniecit: ut ui irritare ferroq; lacessere
fortissimum uirum auderet: uincereturq; ab eo: quem
si uisisset: habiturus esset impunitatem, & licentiam
sempiternam. non est humano consilio, nec mediocri
quidem Iudices deorum immortalium cura res illa per-
fecta. religiones mehercule ipsæ, aræq; cum illam bellis
am cadere uiderunt: commouisse se uidentur: & ius in
illo suum retinuisse. uos enim Albani tumuli atq; lucus,
uos inquam imploro, atque obtestor: uosq; albanorum
obrutæ aræ sacrorum populi romani sociæ, et æquales:
quas ille præceps amentia, cæsis, prostratisq; sanctissimis
lucis substructionum insanis molibus oppresserat: ue-
stræ tum aræ, uestre religiones uiguerunt: uestra uis ua-
luit: quam ille omni scelere polluerat: tuq; ex tuo edito
monte Latialis sancte Iupiter, cuius ille lacus, nemora,
finesq; sepe omni nefario stupro, & scelere macula-
rat: aliquando ad eum puniendum oculos aperuisti. uo-
bis illæ, uobis uestro in conspectu seræ, sed iustæ tamen,
& debitæ pœnæ solutæ sunt. nisi forte hoc etiam casu
factum esse dicimus: ut ante ipsum sacrarium Bonæ deæ,
quod est in fundo T. Sexii Galli in primis honesti, et
ornati adolescentis: ante ipsam inquam Bonam deam,
cum prælium commisisset: primum illud uulnus acce-

PRO T.

perit: quo teterrimam mortem obiret: ut non absolutus iudicio illo nefario uideretur: sed ad hanc insignem poenam reservatus. Nec uero non eadem ira decorum hanc eius satellitibus iniecit amentiam: ut sine imaginibus, sine cantu, sine ludis, sine exequiis, sine lamentis, sine laudationibus, sine funere, oblitus cruore, & luto, spoliatus illius supremi diei celebritate, quam concedere etiam inimici solent: ambreretur etiam abiectus. non fuisse credo fas clarissimorum uirorum formas illi teterrimo pariri adae aliquid afferre: neq; ullo in loco potius mortem eius lacerari: quam in quo uita esset damnata. Dura mihi mediis fidius iam fortuna populi romani, & crudelis uidebatur: quae tot annos illum in hanc remp. insultare uideret: & pateretur. polluerat stupro sanctissimas religiones: senatus grauissima decreta perfrigerat: pecunia se palam iudicibus redemerat: uexarat in tribu natu senatum: omnium ordinum consensu pro salute reip. gesta resciderat: me patria expulerat: bona diripuerat: domum incenderat: liberos, coniugem meam uxauerat: Cn. Pompeio nefarium bellum indixerat: magistratum priuatorumq; caedes effecerat: domum mei fratris incenderat: uastarat Hetruriam: multos sedibus, ac fortunis eiecerat: instabat: urgebat: capere eius amentiam ciuitas, Italia, provinciae, regna non poterant: incidebantur iam domi leges: quae nos nostris seruis addicerent: nihil erat cuiusquam, quod quidem ille adamasset: quod non hoc anno suum fore putaret: obstabat eius cogitationibus nemo: praeter illum Milonem ipsum: qui poterat obstare: Cn. Pompeium nouo reditu in gratiam quasi deuinctum arbitrabatur: Caesaris potentiam, suam potentiam esse dicebat: bonorum animos etiam in

meo casu contempserat: Milo unus urgebat. Hic dii immortales, ut supradixi, mentem dederunt illi perdito, ac furioso: ut huic faceret insidias. aliter perire pestis illa non potuit. nunquam illum resp. suo iure esset ulta. senatus credo prætorem eum circumscripsisset. ne cum solebat quidem id facere, in privato eodem hoc, aliquid profecerat. An consules in prætore coercendo fortes fuissent? primum Milone occiso habuisset suos consules. deinde quis in eo prætore consul fortis esset? per quem tribunum, uirum consularem crudelissime necatum esse meminisset. omnia possideret: teneret: lege noua, quæ est inuenta apud eum cum reliquis legibus Clodianis: seruos nostros libertos suos fecisset: postremo, nisi eum dii immortales in eam mentem impulissent: ut homo effœminatus fortissimum uirum conaretur occidere: hodie temp. nullam haberetis. An ille prætor, ille uero consul si modo hæc templa, atq; ipsa mœnia stare eo uiuo tamdiu, & consulatum eius expectare potuissent: ille deniq; uiuus, mali nihil fecisset? qui mortuus uno ex suis satellitibus Sex. Clodio duce, curiam incenderit? quo quid miserius? quid acerbius? quid luctuosius uidimus? templum sanctitatis, amplitudinis, mentis, consilij publici, caput urbis, aram sociorum, portum omnium gentium, sedem ab uniuerso populo romano concessam uni ordini, inflammari: excindi: funestari. neq; id fieri a multitudine imperita: quanquã esset miserum id ipsum: sed ab uno, q. cum tantum ausus sit ultro pro mortuo: qd signifer pro uiuo non esset ausus? in curiam potissimum abiecit: ut eam mortuus incenderet: quam uiuus euerterrat. et sunt qui de uia Appia querantur? taceant de curia? & quando ab eo spirante fori potuisset defendi: cu

ius nō resisterit cecidit curia: excitare, excitare eum
 si potestis à mortuis: frangetis impetum uiui: cuius uix
 sustinetis furias insepulti. nisi uero sustinuistis eos: qui cū
 facibus ad curiā accurrerūt: cum facibus, ad Castoris
 cum gladijs toto foro uolitarunt. cedi uidistis populum
 romanum: concionem gladijs disturbari: cum audiretur
 silentio M. Celijs Tribunus pl. uir fortissimus, & in sa-
 scepta causa firmissimus, & bonorum uoluntati et au-
 thoritati senatus deditus, & in hac Milonis siue inui-
 dia, siue fortuna, singulari, diuina, et incredibili fide.

Sed iam satis multa de causa: extra causam etiā ni-
 mis fortasse multa. quid restat? nisi ut orem: obtesterq;
 uos Iudices: ut etiam misericordiam tribuatis fortissimo
 uiro: quam ipse non implorat: ego autem repugnante
 hoc, imploro, & exposco. Nolite si in uestro omnium
 fletu nullam lachrymam aspexistis Milonis: si nultum
 semper eundem, si uocem, si orationem stabilem, ac non
 mutatam uidetis: hoc minus ei parcere. atq; haud scio, an
 multo etiam sit adiuuandus magis. etenim si in gla-
 diatorijs pugnis, & infimi generis hominum conditio-
 ne, atq; fortuna, timidos & supplices, & ut uiuere li-
 ceat obsecrantes, etiam odisse solemus: fortes, & animo-
 sos, & se acriter ipsi morti offerentes seruare cupimus:
 eorumq; nos magis misereatur: qui nostram misericordiā
 non requirunt: quā qui illam efflagitant: quanto hoc
 magis in fortissimis ciuibus facere debemus? me qui-
 dem Iud. exanimant & interimunt hae uoces Milonis:
 quas audio assidue: & quibus adsum quotidie. uale-
 ant, inquit, ualeant aues mei: sint incolumes: sint flore-
 tes: sint beati: stet haec urbs praeclara, mihiq; patria ca-
 rissima, quoquomodo merita de me erit: tranquilla rep.

uites mei (quoniam mihi cum illis non licet) sine me ip-
si, sed per me tamen, perfruantur: ego cadam: atq; abi-
bo: si mihi rep. bona frui non licuerit: at carebo mala:
et quam primum tetigero benemoratam, & liberam ci-
uitatem: in ea conquiescam. O' frustra inquit suscepti
mei labores: O' spes fallaces: O' cogitationes inanes meae.
Ego cum Tribunus plebis rep. oppressa me senatui de-
dissem, quem extinctum acceperam: equitibus romanis,
quorum uires erant debiles: bonis uiris, qui omnem au-
thoritatem Clodianis armis abiecerant: mihi unquā bo-
norum praesidium defuturum putare? ego cum te (me-
cum enim saepissime loquitur) patriae reddidissem: mihi
non futurum in patria putarem locum? ubi nunc sena-
tus est? quem secuti sumus? ubi eqtes romani, illi, illi in-
quit tui? ubi studia municipiorum? ubi Italiae uoces?
ubi deniq; tua M. Tulli, quae plurimis fuit auxilio: uox,
& defensio? mihi ne ea soli, qui pro te totiens morti me
obtuli: nihil potest opitulari? Nec uero haec Iud. ut ego
nunc, stens, sed hoc eodem loquitur uultu, quo uidetis.
negat enim se, negat in gratis ciuibus fecisse, quae fecis-
set: timidus & omnia circumspectantibus pericula, nō ne-
gat. plebē, & infimam multitudinē, quae P. Clodio du-
ce fortunis uestris imminebat: eam quo tutior esset uita
uestra, se fecisse commemorat, ut non modo uirtute flecte-
ret: sed etiam tribus suis patrimonijs deliniret: nec ti-
met, cum plebē muneribus placarit, uos non conciliarit
meritis in remp. singularibus. senatus erga se beniuolen-
tia temporibus his ipsis saepe esse p̄spectam: uestras uero,
& uestrorū ordinum oacursationes, studia, sermones,
quēcunq; casum fortuna dederit, secum ablaturū esse di-
ci. meminit et sibi uocem praconis modo defuisse: quā mi

PRO T.

nime desiderat: populi uero cunctis suffragiis quod unum
cupierit: se consulem declaratum. nunc denique si hæc con-
tra se sint futura: sibi facinoris suspicionem non facti cri-
men obstare. addit hæc, quæ certe uera sunt: fortes et
sapientes uiros non tam præmia sequi solere recte fa-
ctorum, quam in sa recte facta. se nihil in uita nisi præ-
clarissime fecisse. siquidem nihil sit præstabilius uiro,
quam periculis patriam liberare. beatos esse: quibus ea
res honori fuerit à suis ciuibus: nec tamen eos miseros:
qui beneficio ciues suos uicerint. Sed tamen ex omni-
bus præmijs uirtutis: si esset habenda ratio præmio-
rum, amplissimum esse præmium gloriam. esse hanc
unam: quæ breuitatem uitæ posteritatis memoria con-
solaretur: quæ efficeret, ut absentes adessemus: mortui
uiueremus: hanc denique esse: cuius gradibus etiam ho-
mines in cælum uideantur ascendere. De me inquit sem-
per populus romanus, semper omnes gentes loquentur:
nulla unquam obmutescet uetustas: quin hoc tempore
ipso, cum omnes à suis inimicis faces inuidiæ meæ sub-
ijciantur: tamen omni in hominum coetu gratijs agen-
dis, et gratulationibus habendis, et omni sermone ce-
lebramur. Omitto Hebruriæ festos et actos et institu-
tos dies. centesima lux est hæc ab interitu P. Clodij, et
opinor altera: qua fines imperij populi romani non so-
lum fama iam de illo, sed etiam læticia peragravit.
quamobrem ubi corpus hoc sit, non inquit laboro: quo-
niam omnibus in terris et iam uersatur, et semper
habitabit nominis mei gloria. Hæc tu mecum sæpe his
absentibus: sed hisdem audientibus, hæc ego tecum Milo.
Te quidem quod isto animo es, satis laudare non pos-
sum: sed quo est illa magis diuina uirtus: eo maiore à te
dolore diuellor.

dolore diueller. nec uero si mihi eriperis: reliqua est il-
la tamen ad consolandum querela: ut his irasci possim:
à quibus tantum uulnus accepero. non enim inimici
mei te mihi eripient: sed amicitissimi: nò male aliquã-
do de me meriti: sed optime. Nullum unquam Iudices
mihi tantum dolorẽ inuretis: etsi quis potest esse tantus?
sed ne hunc quidẽ ipsum: ut obliuiscar, quanti me sem-
per feceritis. quæ si uos cœpit obliuio: aut si in me ali-
quid offendistis: cur non id meo capite potius luitur? q̃
Milonis? præclare enim uixero: si qd mihi acciderit, pri-
us, quàm hoc tantum mali uidero. nunc me una conso-
latio sustentat: quod tibi o' T. Anni nullum à me amo-
ris, nullum studij, nullum pietatis officium defuit. ego
inimicitias potentium pro te appetui: ego meum sæpe
corpus & uitam obieci armis inimicorum tuorum: ego
me plurimus pro te supplicem abieci: bona, fortunas meas,
ac liberorum meorum in communionem tuorum tempo-
rum contuli: hoc deniq; ipso die si qua uis est parata:
si qua dimicatio capitis futura: depono. quid iam restat?
qd habeo? qd dicam? qd faciam pro tuis in me meritis?
nisi ut eam fortunam, quæcunq; erit tua: ducam meam?
non recuso: non abnuo: uosq; obsecro Iudices: ut uestra
beneficia, quæ in me contulistis: aut in huius salute au-
geatis: aut in eiusdem exitio occasura esse iubeatis. His
lachrymis non mouetur Milo: est quodam incredibili
robore animi septus: exilium ibi esse putat: ubi uirtuti
non sit locus: mortem naturæ finem esse: non poenam.
sit hic ea mente, qua natus est. quid uos Iudices? quo
tandem animo eritis? memoriam Milonis retinebitis?
ipsum eicietis? & erit dignior locus in terris ullus, q̃
hanc uirtutem excipiat? quàm hic, qui procreauit: uos,

PRO T.

uos appello fortissimi uiri: qui multum pro rep. sanguinem effudistis: uos in uiri, & in ciuis inuicti appello periculo Centuriones, uosq; milites: uobis non modo inspecantibus, sed etiam armatis, & huic iudicio praesidentibus, haec tanta uirtus ex hac urbe expelletur? exterminabitur? eicietur? O' me miserum: O' me infelicem: reuocare tu me in patriam Milo potuisti per hos: ego te in patria per eosdem retinere non potero? quid respondebo liberis meis? qui te parentem alterum putant? quid tibi Q. frater? qui nunc abes: consorti mecum temporum illorum? me non potuisse milonis salutem tueri per eosdem: per quos nostram ille seruasset? at in qua causa non potuisse? quae est grata gentibus. à quibus nō potuisse? ab his, qui maxime P. Clodij morte acquierūt. quo deprecante? me. quod nam concepi tantum scelus? aut quod in me tantum facinus admisi Iudices? cum illa indicia communis exitij indagauī: patefecī: protuli: extinxi. omnes in me meosq; redundant ex illo fonte dolores. quid me reducem esse uoluistis? an ut inspectante me expellerentur hi: per quos essem restitutus? nolite, obsecro uos, pati, mihi acerbiozem reditum esse, quam fuerit ille ipse discessus. nam qui possum putare me restitutum esse? si distrahor ab ijs, per quos restitutus sum? uti nam dij immortales fecissent (pace tua patria dixerim: metuo enim ne scelerate dicam in te: quod pro Milone dicam pie) ut P. Clodius non modo uiueret: sed etiā praetor, consul, Dictator esset: antequam hoc spectaculum uiderem. O' dij immortales fortem, & à uobis Iud. conseruandum uirum. minime, minime inquit: immo uero poenas ille debitas luerit: nos subeamus, si ita necesse est, non debitas. hicne uir patriae natus, usquam nisi in

patria morietur? aut si forte pro patria, huius uos ani-
me monumenta retinebitis: corporis in Italia nullū se-
pulchrum esse patiemini? hunc sua quisquam sententia
ex hac urbe expellet? quem omnes urbes expulsū a
uobis ad se uocabunt. O' terram illam beatam: quæ
hunc uirum exceperit: hanc ingratam: si eiecerit: mise-
ram: si amiserit. sed finis sit: neq; enim præ lachrymis
loqui possum: et hic se lachrymis defendi uetat. uos oro
obtestorq; Iudices: ut in sententijs ferendis, quod sentie-
tis, id audeatis. uestram uirtutem, iusticiam, fidem (mi-
hi credite) is maxime probabit: qui in iudicijs legen-
dis optimum, et sapientissimum quenq; legit.

PRO C. RABIRIO POSTHUM-
MO. ORATIO. XL.

I quis est Iudices: qui C. Rabirium,
quod suæ fortunæ fundatas præfer-
tim, atq; optime constitutas opes potesta-
ti regie, libidiniq; commiserit: repre-
hendendum putet: ascribat ad iudici-
um suum non modo meam, sed huius etiam ipsius, qui
commisit, sententiam. neq; enim cuiquam eius consilium
uehementius, quàm ipsi displicet. quanquam hoc plerūq;
facimus: ut consilia euentis ponderemus: & cui bene qd
procefferit: multum illum prouidisse: cui secus: nihil sen-
sisse dicamus. si extitisset in rege fides: nihil sapientius
Posthumus: quia fefellit Rex: nihil hoc amentius dicitur.
ut iam nihil esse uideatur, nisi diuinare, sapientis. Sed
tamen si quis est Iudices: qui illam Posthumi siue inanē
spem, siue inconsultam rationē, siue (ut grauissimo uer-
bo utar) temeritatem, uituperandam putet: ego eius opi-
nioni nō repugno. illud tamen deprecor: ut cum ab ipsa
fortuna crudelissime uideat huius consilia esse multa-
ta: ne quid ad eas ruinas, quibus hic oppressus est: ad-
dendum acerbitalis putet. satis est homines impruden-
tia lapsos non erigere. urgere uero iacentes, aut præci-
pitantis impellere, certe est inhumanū. præsertim Iud.
cum sit hoc generi hominum propè natura datum: uti
qua in familia laus aliqua forte floruerit: hanc ferè q
sunt eius stirpis: quod sermo hominum ad memoriā pa-
trum uirtute celebretur: cupidissime persequatur. siqui-
dem non modo in gloria rei militaris Paulum Scipio,

aut Maximum filius, sed etiam in deuotione uitæ, & in ipso genere mortis imitatus est P. Decium filius. sine igitur similia Iud. parua magnis. fuit enim pueris nobis huius pater C. Curius princeps ordinis equestris, fortissimus & maximus Publicanus: cuius in negocijs gerendis magnitudinem animi non tam homines probassent: nisi in eodem benignitas incredibilis fuisset: ut in augenda re non avariciæ prædam, sed instrumentum bonitati quærere uideretur. Hoc ille natus, quãuis patrem suum nunquam uiderat: tamen & natura ipsa duce, quæ plurimum ualeat: & assiduus domesticorum sermonebus, in paternæ culpæ similitudinem deductus est. multa gessit: multa contraxit: magnas partis habuit Publicanorum: credidit populis: in pluribus prouincijs eius uersata res est: dedit se etiam Regibus. huic ipsi Alexandrino grandemiam antea pecuniam credidit. nec interea locupletare amicos unquam suos destitit: mittere in negotium: dare partis: augere: fide sustentare. quid multa? cum magnitudine animi, tum liberalitate, uitâ patris, et consuetudinem expresserat. pulsus interea regno Ptolemæus dolosis consilijs (ut dixit Sibylla: sensit Posthumus) Romam uenit. huic, egenti, et roganti hic infelix pecuniâ credidit. nec tum primû. nam regnanti crediderat absens. nec temere se credere putabat: quod erat nemini dubium: quin is in regnum restitueretur à S. P. Q. R. In dando autem et credendo processit longius: nec suam solû pecuniam credidit: sed etiâ amicorum. stulte. quis negat? aut quis iam non admonet? quod male cecidit: bene consultû putares. Id est difficile: quod cum spe magna sis ingressus: id non exequi usq; ad exitum. supplex erat rex: multa rogabat: omnia polli-

PRO C.

cebatur: ut iam metuere Posthumus cogeretur: ne quod crediderat, perderet: si credendi constituisset modum. nihil autem erat illo blandius: nihil hoc benignius: ut magis poeniteret coepisse: quam liceret desistere. hinc primum exoritur crimen illud: Senatum corruptum esse dicunt. O' dij immortales, haec est illa exoptata iudiciorum seueritas? corruptores nostri causam dicunt: nos qui corrupti sumus, non dicimus. quid ego Senatum defendam hoc loco Iudices? omni equidem loco debeo: ita de me est meritis ille ordo. sed id nec agitur hoc tempore: nec cum Posthumus causa, res ista coniuncta est. quae quae ad sumptum itineris, ad illam magnificentiam apparatus, comitatumque regium, suppeditata pecunia à Posthumus est: factaeque syngraphae sunt in albano Cn. Pompeij: cum ille Roma profectus esset: tamen non debuit is, qui dabat: quo ille, qui accipiebat, consumeret, quærere. non enim latroni, sed Regi credidit: nec Regi inimico Populi romani: sed ei, cuius reditum consuli datum à senatu uidebat. nec ei regi, qui alienus ab hoc imperio esset: sed ei, qui cum foedus ferire in Capitolio uiderat. quod si creditor in culpa sit: non qui improbe credita pecunia usus: damnetur is, qui fabricatus gladium est: et uendidit: non is, qui illo gladio ciuem aliquem interemit. Quamobrem neque tu C. Memmi hoc facere debes: ut Senatum, cuius auctoritati te ab adolescentia dedisti: in tanta infamia uersari uelis: neque id, quod non agitur, defendere. Posthumus enim causa, quaecumque est, seiuncta à Senatu est. Quod si item à Gabinio seiunctam ostendero: certe quod dicas, nihil habebis. est enim haec causa: quo ea pecunia peruenierit: quasi quaedam appendicula causae iudicatae, atque damnatae. sunt lites aestima-

ta A. Gabinio: nec prædes dati: nec ex bonis populi seruari lex æqua est. Iubet lex Iulia persequi ab ijs, ad quos ea pecunia, quam is coeperit, qui dānatus sit, peruenierit: si est hoc nouum in lege Iulia: sicuti multa sunt seuerius scripta, quā in antiquis legibus, & sanctius iudicata: sane etiam consuetudo huius generis iudiciorū noua sit. hoc totidem uerbis translatus caput est: quod fuit non modo in Cornelia, sed etiam ante in lege Seruilia. per deos immortales quid agimus Iudices? aut quem hunc morem nouorum iudiciorum in Rempublica inducamus? erat enim hæc consuetudo, nota uobis quidē omnibus. sed si usus magister est optimus: mihi debet esse notissimus. accusaui de pecunijs repetundis: Iudex sedi: Prætor quæsiui: defendi plurimos: nulla pars, quæ aliam quam facultatem dicendi afferre posset: non mea fuit. ita contendo: neminem unquam, quo ea pecunia peruenisset: causam dixisse: qui in aestimandis litibus appellatus non esset. in litibus autem nemo appellabatur: nisi ex testium dictis, aut tabulis priuatorum, aut rationibus ciuitatum. Itaque in inferendis litibus adesse solebant: quī aliquid de se uerebantur: & cum erant appellati: si uidebatur, statim contradicere solebant. sin eius temporis recentem inuidiam pertimuerant: respondebant postea. quod cum fecissent: permulti sæpe uicerunt. hoc uero nouum est: ante hoc tempus omnino inauditum: in litibus Posthumi nomen est nusquam. in litibus dico? modo uos iidem in A. Gabinium iudices sedistis. num quis testis posthumum appellauit? testis autem? num accusator? nū denique toto illo iudicio Posthumi nomē audistis? non igitur reus ex ea causa quæ iudicata est, redundat Posthumnus: sed est arreptus unus Eques Ro. de pecunijs repe-

PRO C.

tundis reus. qbus tabulis? quæ in iudicio à Gabinio recitatæ nō sunt quo testes? a quo tum appellatus nusquā est. qua appellatione litum? in qua Posthumus mentio facta nulla est. qua lege? qua non tenetur. Hic iam Iud. uestri consilij res est: uestre sapientiæ: quid deceat uos, non quantum liceat uobis, spectare debetis. si enim quid liceat queritis: potestis tollere e ciuitate, quem uultis. tabella est: quæ dat potestatem: occultat eadem libidinem. cuius conscientia nihil est, quod quisquam timeat: si nō pertimescat suam. ubi est igitur sapientia Iudicis? in hoc: ut non solum quid possit, sed etiam quid debeat, ponderet: nec quantum sibi permissum, meminerit solum: sed etiam quatenus commissum sit. datur tibi tabella iudicij qua lege? Iulia de pecunijs repetundis. quo de reo? de Equite romano. at iste ordo lege ea non tenetur. illo inquit capite, quod erat in posthumum: quod in Gabinium iudex esses. nihil Gabinio datum: cum in eum lites æstimaret. at nunc audio. reus igitur Posthumus est ea lege: qua non modo ipse, sed totus etiam ordo solutus, ac liber est. Hic ego nunc nō uos prius implorabo Equites romani: quorum ius iudicio tentatur: quàm uos Senatores: quorum agitur fides in hunc ordinem: quæ quidem cum sepe ante, tum in hac ipsa causa nuper est cognita. nam cum optimo, et præstantissimo Consule Cn. Pompeio de hac ipsa quæstione referente, existerent nonnullæ, sed perpaucae tamen acerbæ sententiæ: quæ censerent, ut Tribuni, ut Præfecti, ut Scribæ, ut comites omnes magistratuum lege hac tenerentur: uos, uos inquam ipsi, et Senatus frequens restitit: et quanquam tum propter multorum delicta etiam ad innocentium periculum tempus illud exarserat: tamen cum odium

non restingeretis: huic ordini ignem nouū subijci non
 fuisset. hoc animo igitur Senatus. quid uos Equites roma-
 ni, quid tandem estis acturi? Clauia solebat homo im-
 purus, sed tamen acutus populum monere: ut cum lex
 aliqua recitaretur: primum uersum attenderet: si esset,
 Dictator, Consul, Prætor, Magister equitum: ne labora-
 ret: sciret nihil ad se pertinere. sin autem, quicumq; post
 hanc legem: uideret ne qua noua quæstione alligare-
 tur. Nunc uos Equites romani uidete. scitis me ortum
 ē, uobis, omnia semper sensisse pro uobis: nihil horum
 sine magna cura, & summa charitate uestri ordinis
 loquor: alius alios homines, & ordines, ego uos sem-
 per complexus sum. moneo, & prædico: integra re cau-
 saq; denuncio: omnes homines deosq; testor: dum po-
 testis: dum licet: prouidete: ne duriores uobis conditio-
 nem statuatis ordinisq; uestro: quam ferre possit. ser-
 pet hoc malum (nūhi credite) longius, quam putatis.
 potentissimo, & nobilissimo tribuno PL. M. Druso u-
 nam in equestrem ordinem quæstionem ferenti: si quis
 ob rem iudicatam pecuniam cœpisset: aperte Equites ro-
 mani resisterunt. quid? hoc licere uolebant? minime.
 neq; solum hoc genus pecuniæ capiendæ turpe, sed eti-
 am nefarium arbitrabantur. at tamen ita disputabant:
 eos teneri legibus oportere: qui suo iudicio essent illam
 conditionem uitæ secuti. delectat amplissimus ciui-
 tatis gradus, sella curulis, fasces, imperia, prouinciæ,
 sacerdotia, triumphus, deniq; imago ipsa ad posteritatis
 memoriam prodita: est simul etiam sollicitudo aliqua, et
 legum, & iudiciorum maiorum quidam metus. nos ista
 nunquam contempsimus (ita enim disputabant) sed hanc
 uitam quietam, atq; otiosam secuti sumus. quæ quo-

PRO C.

niam honore caret: careat etiam molestia. tam es tu Iu-
dex, quam ego Senator. ita est. sed tu istud petisti: ego hoc
cogor. quare aut iudici mihi non esse liceat: aut legem,
lege Senatoria non timere. hoc uos Equites romani ius
a patribus acceptum amittetis? moneo, ne faciatis. rapē-
entur homines in hæc iudicia ex omni non modo inui-
dia, sed sermone malivolorum: nisi cauetis. Si iam uobis
nunciaretur in Senatu sententias dici: ut his legibus tene-
remini: concurrendum ad curiam putaretis: si lex fer-
retur: conuolaretis ad rostra. uos Senatus liberos hac le-
ge esse uoluit: populus nunquam alligauit: soluti huc
conuenistis: ne constricti discedatis: caute. nam si Posthu-
mo fraudi fuerit: qui nec Tribunus, nec Præfectus, nec
ex Italia comes, nec familiaris Gabinij fuit: quonam se-
modo defendent posthac, qui uestri ordinis cum magi-
stratibus nostris fuerint his causis implicati? Tu in-
quit Gabinium, ut Regem reduceret, impulisti. non pa-
titur mea etiam fides de Gabinio grauius agere. quem
enim ex tantis inimicijs receptum in gratiam summo
studio defenderim: hunc affictum uiolare non debeo.
quo cum stante sime Cn. Pompeij autoritas in gratiā
non reduxisset: nunc iam ipsius fortuna reduceret. sed
tamen, cum ita dicas: Posthumi impulsu Gabinium pro-
fectum Alexandriam: si defensionis Gabinij fidem non
habes: obliuisceris ne etiam accusationis tuæ? Gabinius
se id fecisse dicebat reipublicæ causa: quod classē Mar-
chilei timeret: quod mare refertum prædonum putaret.
lege etiam id sibi licuisse dicebat. tu inimicus negas: igno-
sco: & eo magis, quod est contra illud indicatum. redeo
igitur ad crimen et accusationem tuam. quid uocifera-
bare decemmillia talenta Gabinio esse promissa? huic ui-

delicti perblandus reperiendus fuit: qui hominem, ut tu
 us, auarissimum exoraret, sestertium bis millies et qua-
 dringenties ne magnopere contemneret. Gabinius illud
 quo quo cōsilio fecit: fecit certe suo: quaecūq; mēs illa fuit:
 Gabini fuit. siue ille ut ipse dicebat: gloriam, siue, ut tu
 us, pecuniā quāsiuit: quāsiuit sibi. nū Gabini comes,
 uel sēctator? negat, cuius id negociū non erat: sed ad P.
 Lētuli clarissimi uiri auctoritatem, a' Senatu profē-
 ctam, & consilio certo, & spe non dubia, Romam con-
 tenderet. At Diocetes fuit regius: et quidem in custodia
 etiam fuit regia: et uita eius oblata pœnæ est. multa præ-
 terea, quæ libido Regis, quæ necessitas cœgit ferre, per-
 tulit. quare omnium rerum una reprehensio est: quod
 regnum intrarit: quod potestati se Regis commiserit.
 uerum si quærimus, stulte. quid enim stultius? quàm E-
 quitem Ro. ex hac urbe, huius inquam reipub. ciuem,
 quæ est una maxime, & fuit semper libera: uenire in
 eum locum: ubi parendum alteri, & seruiendum sit?
 Sed ego in hoc tandem Posthumus non ignoscā homi-
 ni mediocriter docto? qui uideam sapiētissimos homines
 esse lapsos? uirum unum totius Græciæ facile doctissi-
 mum Platonem, iniquitate Dionysij Siciliae Tyranni,
 cui se ille commiserat: in maximis periculis insidijsq;
 esse uersatum accepinus: Callistenem doctum hominē
 somitem Magni Alexandri ab Alexandro necatum:
 Demetrium & ex republica Athenis, quam optime dī-
 gesserat: & ex doctrina nobilem & clarum, qui Pha-
 lereus uocatus est: in eodem isto Aegypti regno aspide
 ad corpus admotā uita esse priuatū. planē confiteor fie-
 ri nihil posse dementius: quàm scientem in eum locum
 uenire: ubi libertatem sis perditurus. sed huius istius fa-

Et stulticiam maior iam superior stulticia defendit.
 quæ facit ut hoc stultissimum facinus, quod in Regnum
 uenerit: quod regi se commiserit: sapienter factum esse
 uideatur. si quidem tam semper stulti, quam sero sapien-
 tis est: cum stulticia sua impeditus sit: quo quomodo pos-
 sit se expedire. Quamobrem illud maneat: & fixum
 sit: quod neq; moueri, neq; mutari potest: in quo æqui spe-
 rasse Posthumum dicunt: peccasse iniqui: ipse etiam in-
 sanisse se confitetur: quod suam, quod amicorum pecu-
 niam Regi crediderit cum tanto fortunarum suarum
 periculo. hoc quidem semel suscepto, atq; contracto, per-
 petienda fuerunt: ut se aliquando ad suos uindicaret.
 itaq; obicias licet, quam uoles, sæpe palliatum fuisse: ali-
 qua habuisse non Romani hominis insignia. quotiens
 eorum quippiam dices: totiens unum dices: atq; illud: te-
 mere hunc pecuniam Regi credidisse: suas fortunas, atq;
 famam libidini regie commisisse. fecerat temere: fateor:
 mutari factum iam nullo modo poterat: aut palliū su-
 mendum Alexandriæ, ut & Romæ togato esse liceret:
 aut omnes fortunæ abiciendæ: si togam retinuisset. deli-
 ctarum causa, & uoluptatis, non modo cuius romanos,
 sed & nobilis adolescentis, et quosdam etiam Senatores
 summo loco natos, non in hortis, aut suburbanis suis,
 sed Neapoli in celeberrimo oppido cū nutrella sæpe ui-
 demus. chlamydatum illū L. Syllam Imperatorem, L.
 uero Sapienis, qui bellum in Asia gessit: Antiochumq;
 deuiat: non solum cum chlamyde, sed etiam cum cre-
 pidis in Capitolio statuam uidetis. quorum impunitas
 fuit non modo a iudicio, sed etiam a sermone. facilius
 certe P. Rutilium Rufum necessitatis excusatio defen-
 det: qui cum a Mythridate Mitylenis oppressus esset: cru-

delitatem Regis in togatos, uestitus mutatione uitauit. Er-
 go ille P. Rutilius, qui documentum fuit hominibus no-
 stris uirtutis, antiquitatis, prudentiæ: Consularis homo
 socros habuit, & pallium: nec uero id hominibus tum quis-
 quam, sed tempori assignandum putauit. Posthumus crimi-
 nen uestitus afferet is: in quo spes fuit, posse sese aliquan-
 do ad fortunas suas peruenire. nam ut uentum est Ale-
 xandriam Iudices: hæc una ratio a rege proposita Po-
 sthumo est seruandæ pecuniæ: si curationem, & quasi
 dispensationem regiam suscepisset. id autem facere non
 poterat nisi Diocetes: hoc enim nomine utitur, qui a re-
 ge esset constitutus. odiosum negotium Posthumus uideba-
 tur. sed erat nulla omnino recusatio. molestum etiam
 nomen ipsum. sed res habebat nomen hoc apud illos:
 nõ hic imposuerat. oderat uestitum etiam illum. sed si-
 ne eo nec nomen illud poterat, nec munus tueri. ergo
 aderat uis (ut ait Poëta ille noster) quæ summas fran-
 git infirmatq; opes. moreretur inquit. nam id sequitur.
 fecisset certe: si sine maximo dedecore tam impeditis suis
 rebus potuisset emori. nolite igitur fortunam conuertere
 in culpam: neq; regis iniuriam, huius crimen putare:
 nec consilium ex necessitate, nec uoluntatem ex ui in-
 terpretari. nisi forte eos etiam, qui in hostes, aut in præ-
 dones inciderint: si aliter quippiam coacti faciant: libe-
 ros uituperandos putes. nemo nostrum ignorat, etiam
 si experti non sumus: consuetudinem regiam. regum au-
 tem sunt hæc imperia, animaduerte: et dicto pare. &
 præter rogatum si querare: et illæ minæ, si te secundo lu-
 mine hac offendero: moriere. quæ non ut delectemur
 solum legere et spectare debemus: sed ut cauere etiam,
 & effugere discamus. At ex hoc ipso crimen exoritur.

PRO C.

ait enim, dum Gabinio pecuniam Posthumus cogeret ex
decumis Imperatorum: pecuniam sibi coegisse. non intel-
ligo hoc quale sit: utrum accessionem decumæ, ut nostri
facere coactores solent, centima, an decessionem de sum-
ma fecerit. si accessionem: undecim millia talentum ad
Gabinium perueniunt. at non modo abs te decem mi-
lia obiecta sunt: sed etiam ab his aestimata. addo illud
etiam: qui tandem conuenit, aut tam graui onere tri-
butorum ad tantam pecuniam cogendam mille talen-
tum accessionem esse factam: aut in tanta mercede homi-
nis, ut uis auarissimi, mille talentum decessionem esse
concessam? neq; enim fuit Gabinij, remittere tantum de
suo: nec Regis, imponere tantum pati suis. adierunt testes
Legati Alexandrini. hi nihil in Gabinium dixerunt.
immo hi Gabinium laudauerunt. ubi ergo ille mos? ubi
consuetudo iudiciorum? ubi exempla? solet is dicere in
* eum, qui pecunia, qui in illum cuius nomine a pecu-
nia redigeretur: non dixerit? Age si is, qui non dixit so-
let: etiam, ne is solet, qui laudauit? iisdem testibus, & q-
dem non productis, sed dictis testum reatatis, quasi præ-
iudicata res ad has causas deferri solet? et ait etiam me-
us familiaris, & necessarius: eandem causam Alexan-
drinis fuisse, cur laudarent Gabinium: quæ mihi fue-
rat: cur eundem defenderem. mihi C. Memmi causa de-
fendendi Gabinij fuit reconciliatio gratiæ. neq; me uero
poenitet mortales inimicitias, sempiternas amicitias ha-
bere. nam si me inuitum putas, ne Cn. Pompeij animum
offenderem: defendisse: causam, & illum, & me uehe-
menter ignoras. neq; enim Pompeius me sua causa quic-
quam facere uoluisset inuitum: neq; ego, cui omnium ci-
uium libertas charissima fuisset: meam proiecissem. quæ

diu inimicissimus Gabinio fui: non amantissimus mihi
 non Pompeius fuit. nec postea quàm illius auctoritate
 eam dedi ueniam, quam debui: quicquam simulavi: ne
 cum mea perfidia illi etiam ipsi facerem, cui beneficium
 dedissem: iniuriam. nam non redeundo in gratiam
 cum inimico, non uiolabam Pompeium. si per eum re-
 ductus insidiosè redissem: me scilicet maxime, sed proxi-
 me illum quoq; sefellissem. At de me omittamus. ad Ale-
 xandrinis istos reuertamur. quod habent os? quam au-
 daciam? modo uobis inspectantibus in iudicio Gabinij
 tertio quoq; uerbo excitabantur. negabant pecuniam
 Gabinio datam. recitabatur identidem Pompeij testimo-
 nium: Regem ad se scripsisse nullam pecuniam Gabi-
 nio, nisi in rem militarem datam. non est inquit tum
 Alexandrinis testibus creditum. quid? postea creditum?
 non. quamobrem? quia nunc aiunt: quod tum nega-
 bant. quid ergo? ista conditio est testium: ut quibus cre-
 ditum non sit negantibus: iisdem credatur dicentibus?
 at si uerum tum cum uerissima fronte dixerunt: nunc
 mentiuntur. si tunc mētiti sunt: doceant nos uerum. quid
 uultis? sileant. dicere audiebamus Alexandriam nunc *
 cognoscimus: illinc omnes praeſtigiae: illinc inquam o-
 mnes fallaciae: omnia deniq; ab his nummorum argu-
 menta nata sunt. nec mihi longius quicquam est Iudices:
 quàm uidere hominum uultus. dixerunt hic modo no-
 bis cum ad haec subsellia quibus supercilijs renuentes
 huic decemmilliū crimini. iam nostis insulsitatem Cræ-
 corum. humeris gestum agebant. tum temporis credo cau-
 sa: nunc scilicet tempus nullum est. ubi semel quis deie-
 rauerit: ei credi postea, etiam si per pluris deos iuret:
 non oportet. praesertim Iud. cum in his iudicijs, ne locus

quidem nouo testi soleat esse : ob eamq; causam iudem iudices retineantur: qui fuerint de reo: ut his nota sint omnia: neq; quid fingi noui possit. quo ea pecunia peruenit: non suis proprijs iudicjs in reum facti condemnari solent. Itaq; si aut prædes dedisset Gabinus: aut tantum ex eius bonis, quanta summa litium fuisset: populus recepisset: quamuis magna ad Posthumum ab eo pecunia peruenisset: non redigeretur: ut intelligi facile possit: quod ex ea pecunia ad quem eorum, qui damnatus est, peruenisse in illo primo iudicio planum factum sit: id hoc genere iudicij redigi solere. nunc uero quid agitur? ubi terrarum sumus? quid tam peruersum præposterumue dici, aut excogitari potest? Acusatur is: qui non abstulit a rege, sicut Gabinus iudicatus est: sed qui maximam Regi pecuniam credidit. ergo is Gabinio dedit: qui non huic reddidit. iā cedo: cum is qui pecuniam Posthumus debuit: non huic, sed Gabinio dederit: condemnato Gabinio, uirum illi eā pecuniā reddidit? an et nūc debet? At habet: et celat. sunt enim qui ita loquantur. quod genus tandem est istud ostentationis, et gloriæ? si nihil habuisset unquam: tamen si quæsisset: cur is dissimularet habere causa non esset. qui uero duo lauta & copiosa patrimonia accepisset: remq; præterea bonis, & honestis rationibus auxisset: quid esset tandem causæ, cur æstimari uellet nihil habere? An cum credebatur inductus usuris, id agebat: ut haberet quā plurimum? postea quam exegit, quod crediderat: ut existimaretur egere: nouum genus hoc gloriæ concupiscit? Dominatus est enim inquit Alexandria: immo uero in superbissimo dominatu fuit: pertulit ipse custodiam: uidit in uinculis familiaris suos: mors

ob oculos

ob oculos sæpe uersata est: nudus atq; egens ad extre-
 mum fugit e regno. At permutata aliquando pecunia
 est. ductæ naues Posthumi Puteolis sunt: auditæ, uisæq;
 merces fallaces, quidem & fucosæ, chartis, & linteis, et
 uitro delatæ: quibus cum multæ naues refertæ fuissent:
 una non potuerit parua artata. plus ille Putolanus ser-
 mo illius temporis, uectorumq; cursus, atq; ostentatio,
 tum subinuisum apud maleuolos Posthumi nomen pro-
 pter opinionem pecuniæ nescioquam, æstatem unam cō-
 plures auris referat istis sermonibus. uerum autem Iud-
 si scire uultis: nisi C. Cæsaris summa in omnis, incredi-
 bilis in hunc eadem liberalitas extitisset: nos hunc Po-
 sthumum iam pridem in foro non haberemus. ille one-
 ra multorum huius amicorum excepit unus: quæq;
 multi homines necessarij secundis Posthumi rebus de-
 scripta sustinuerunt: nunc eius afflictis fortunis uniuersa
 sustinet. umbram Equitis Ro. & imaginem uidetis Iu-
 dices unius amica conseruatam auxilio & fide. nihil
 huic eripi potest præter hoc simulacrum pristinae digni-
 tatis: quod Cæsar solus tuetur: & sustinet. quæ quidem
 in miserrimis rebus huic tamen tribuenda est. maxima
 nisi uero hoc mediocri uirtute effici potest. ut tantus il-
 le uir, tanti ducat hunc, & afflictum præsertim &
 absentem: & in tanta fortuna sua, ut aliena respicere
 magnum sit: tanta oppugnatione maximarum rerum,
 quas gerit: atq; gessit: ut uel obliuisci aliorum non sit
 mirum: uel si meminerit: oblitum esse facile possit
 probare. multas equidem C. Cæsaris uirtutes, magnas,
 incredibilisq; cognoui. sed sunt cæteræ maioribus
 quasi theatris propositæ: et pene populares. castris locū
 capere: exercitum instruere: expugnare urbes: aciem ho-

stium profligare: hanc uim frigorum hyememq; quam
nos uix huius urbis tellis sustinemus: exapere: his ipsis
diebus hostem persequi: tum cum etiam feræ latibulis
se tegant: atq; omnia bella iure gentium conquiescant:
sunt ea quidem magna. quis negat? sed magnis excita-
ta sunt præmijs ad memoriam hominum sempiternam.
quo minus admirandum est: eum facere illa, qui im-
mortalitatem concupiuerit. hæc mira laus est: quæ non
poetarum carminibus, non annalium monumentis ce-
lebratur: sed prudētū iudicio expēditur. Egetem roma-
nū, ueterem amicum suum, studiosum, amantem, obser-
uantem sui, non libidine, non turpibus impensis cupidi-
tatum atq; iacturis, sed experientia patrimonij am-
plificandi, labentem excepit: corruere non sinit: fulsit:
et sustinuit, re, fortuna, fide: hodieq; sustinet: nec ami-
cum prudentem corruere patitur: nec illius animi acie
perstringit splendor sui nominis: nec mentis quasi lu-
minibus officit altitudo fortunæ et gloriæ. sint sane
illa magna: quæ reuera magna sunt: de iudicio animi
mei, ut uolet, quisq; sentiat: ego enim hæc in tantis opi-
bus, tanta fortuna, liberalitatem in suos, memoriā ami-
ciæ, reliquis uirtutibus omnibus antepono. Quam q-
dem uos Iud. in nouo genere bonitatem inusitatam cla-
ris ac præpotentibus uiris nōmodo nō aspernari, ac resis-
tare, sed complecti etiam, et augere debetis: et eo ma-
gis, quod uidetis hos quasi sumptos dies ad labefactan-
dum illius dignitatem. ex qua illi nihil detrahi potest:
quod non aut fortiter ferat: aut facile restituat. amicissi-
mum hominem si honestate spoliatum audierit: nec sine
magno dolore feret: nec id amiserit: quod posse speret
recuperari. Satis multa hominibus non iniquis hæc esse

debent. nimis etiam multa uobis: quos æquissimos esse
 confidimus. Sed ut omnium uel suspicioni, uel maluo-
 lentiae, uel crudelitati satisfiat: occultat pecuniam Po-
 sthumus: latent regiae diuitiae: ecquis est ex tanto popu-
 lo, qui bona C. Rabirij Posthumi nummo sestertio sibi
 addici uelit? Sed miserum me, quanto hæc dixi cum do-
 lore. hem Posthume, tu ne es Curij filius: C. Rabirij iu-
 dicio, & uoluntate filius, natura sororis filius? tune
 ille in omnis tuos liberalis? cuius multos bonitas locu-
 pletauit: qui nihil profudisti: nihil ullam in libidinem
 contulisti? tua Posthume nummo sestertio à me addicun-
 tur? O' meum miserum, acerbumq; præconium. at hoc
 etiam optat miser: ut condemnetur à uobis: ita bona
 ueneant: ut solidum suum cuiq; soluator: nihil iam ali-
 ud nisi fidem curat: nec uos huic, si iam obliuisci uestre
 mansuetudinis uolueritis: quicquam præterea potestis
 eripere. quod Iud. ne faciatis, oro obtestorq; uos: atq; co-
 magis, si aduenticia pecunia petitur ab eo: cui sua non
 redditur. nã in eum, cui misericordia opitulari debeat:
 inuidia quæsitæ est. sed iam, quoniã, ut spero, fidẽ quã
 potui, tibi præstati Posthume: reddam etiam lachrymas,
 quas debeo. quas qdẽ ego tuas in meo casu plurimas ui-
 di. uersatur ante oculos luctuosa nox meis oibus: cum
 tu totũ te cum tuis copijs ad me detulisti. tu comitibus, te
 præsidio, tu etiam tanto pondere auri, quantum tempus
 illud postulabat: discessum illum sustentasti: tu nunquam
 meis me absente liberis, nunquam coniungi meæ, defuisti.
 possum excitare multos reductos testes liberalitatis tuæ.
 quod sæpe audiui patri tuo, qui id fecisset, magno adiu-
 mento in iudicio capitis fuisse: sed iam omnia timeo: boni-
 tatis ipsius inuidiam reformido. iam indicat tot homi-

PRO C. RABIRIO POSTHVMO.

num fletus, quàm sis charus tuis: & me dolor debilitat: includitq; uocem. uos obsecro Iudices: ut huic optimo uiro, quo nemo melior unquam fuit: nomen Equitis Ro. & usuram huius lucis, & uestrum conspectum ne eripiat. hic uos aliud nihil orat: nisi ut rectis oculis hanc urbem sibi intueri, atque in hoc foro uestigium facere liceat: quod ipsum fortuna eripuerat: nisi unius amici opes subuenissent.

PRO M. MARCELLO.

ORATIO. XLI.

Iuturni silentij P.C. quo eram his tem-
 poribus usus, nō timore aliquo, sed par-
 tim dolore, partim uerecundia: finem
 hodiernus dies attulit: idemq; initium
 quæ uellem, quæq; sentirem, meo pri-
 stino more dicendi. tantam enim mansuetudinem, tam
 inusitatam, inauditamq; clementiam, tantum in sum-
 ma potestate rerum omnium, modum, tam deniq; incre-
 dibilem sapientiam, ac penē diuinam, tacitus nullo mo-
 do præterire possum. M. enim Marcello uobis P.C. Reiq;
 pub. reddito, non solum illius, sed meam etiam uocem,
 & auctoritatem, & uobis, & Reip. conseruatam, ac
 restitutam puto. dolcbam enim P.C. ac uehementer an-
 gebam: cum uiderem uirum talem, qui in eadem cau-
 sa, in qua ego, fuisset: non in eadem esse fortuna. nec
 mihi persuadere poteram: nec fas esse ducebam: uet sa-
 ri me in uestro ueteri curriculo, illo æmulo atq; imita-
 tore studiorum, ac laborum meorū, quasi quodā socio
 à me, et comite distracto. ergo & mihi meæ pristinae ui-
 tæ consuetudinem C. Cæsar interclusam aperuisti: &
 his omnibus ad bene de omni Rep. sperandum quasi si-
 gnum aliquod sustulisti. intellectum est enim mihi qui-
 dem in multis, & maxime in me ipso, sed paulo ante in
 omnibus, cum M. Marcellum Senatui, Reiq; pub. conces-
 sisti, cōmemoratis præsertim ēi offensionibus: te authori-
 tatem huius ordinis, dignitatemq; Reip. tuis uel dolori-
 bus, uel suspicionibus anteferre. Ille quidē fructum o-

rrr ij

P R O M.

minis ante actae uitae hodierno die maximum coepit, cum summo consensu senatus, tum praeterea iudicio tuo grauissimo, et maximo. ex quo profecto intelligis, quantam in dato beneficio sit laus: cum in accepto tanta sit gloria. est uere fortunatus ille: cuius ex salute non minor pene ad omnes, quam ad illum uentura sit: leticia peruenierit. quod ei quidem merito atque optimo iure contigit. quis enim est illo aut nobilitate, aut probitate, aut optimarum artium studio, aut innocentia, aut ullo genere laudis praestantior? Nullius tantum est flumen ingenij: nulla dicendi, aut scribendi tanta uis, tantaque copia: quae non dicam exornare, sed enarrare C. Caesar res tuas gestas possit. tamen hoc affirmo. et hoc pace dicam tua: nullam in his esse laudem ampliore: quam eam, quam hodierno die consecutus es. Soleo saepe ante oculos ponere, idque libenter crebris usurpare sermonibus: omnes nostrorum Imperatorum, omnes exterarum gentium, potentissimorumque populorum, omnes clarissimorum regum res gestas, cum uis nec contentionum magnitudine, nec numero praeliorum, nec uarietate regionum, nec celeritate conficiendi, nec dissimilitudine bellorum posse conferri. nec uero disiunctissimas terras citius cuiusquam passibus potuisse peragrari: quam tuis non dicam cursibus, sed uictorijs illustratae sunt. quae quidem ego nisi tam magna esse fatear: ut ea uix cuiusquam mens aut cogitatio capere possit: amens sim. sed tamen sunt alia maiora. nam bellicae laudes solent quaedam extenuare uerbis: easque detrahere ducibus: communicare cum multis: ne propriae sint Imperatorum. et certe in armis, militum uirtus, locorum opportunitas, auxilia sociorum, classes, comitatus, multum iuuant. maxi-

mam uero partem quasi suo iure fortuna sibi uendicari:
Et quicquid prospere gestum est: id pene' omne duat su-
um. At uero huius gloriæ C. Cæsar, quam es paulo an-
te adeptus, socium habes neminem. totum hoc, quan-
tūcūq; est: quod certe maximum est: totum est inquam
tuum. nihil tibi ex ista laude Centurio, nihil Præ-
fectus, nihil cohors, nihil turma decerpit. quin etiam illa
ipsa rerum humanarum domina fortuna in istius se so-
cietatem gloriæ non offert: tibi cedit: tuam esse totam,
Et propriam fatetur. nunquam enim temeritas cum sa-
pientia commiscetur: nec ad consilium casus admittitur.
domuisti gentes immanitate barbaras, multitudine in-
numerabiles, locis infinitas, omni copiarū genere abū-
dantes. sed tamen ea uicisti: quæ Et naturam, Et con-
ditionem ut uinca possent: habebant. nulla est enim tan-
ta uis, tanta copia: quæ non ferro, ac uiribus debilita-
ri, frangiq; possit. uerum animum uincere: iracundi-
am cohibere: uictoriam temperare: aduersarium nobi-
litate, ingenio, uirtute, præstantem non modo extollere
iacentem: sed etiam amplificare eius pristinam digni-
tatem: hæc qui faciat: non ego eum summus uiris com-
paro: sed simillimum deo iudico. Itaq; C. Cæsar belli-
cæ tuæ laudes celebrabuntur illæ quidem non solum
nostris, sed pene' omnium gentium literis, atq; linguis:
neq; ulla unquam ætas de tuis laudibus conticescet. sed
tamen eiusmodi res, nescio quomodo, etiam dum legun-
tur, obstrepi clamore militum uidentur, Et tubarum so-
no. at uero cum aliquid clementer, mansuete, iuste, re-
cte, moderate, sapienter factum, in iracundia præser-
tim, quæ est inimica consilio: Et in uictoria, quæ natu-
ra insolens Et superba est: aut audimus: aut legimus:

quo studio incendimur? non modo in gestis rebus, sed etiam in fictis? ut eos sæpe, quos nunquam uidimus: diligamus. te uero, quem præsentem intuemur: cuius mentem, sensusq; & os cernimus: ut quicquid belli fortuna reliquum Reipub. fecerit: id esse saluum uelis: quibus laudibus effereamus? quibus studiis prosequemur? qua beniuolentia complectemur? parietes medijs fidi-
 us C. Caesar, ut mihi uidetur: huius curiæ tibi gratias agere gestiunt: quod breui tempore futura sit illa au-
 thoritas in his maiorum suorum et suis sedibus. Equi-
 dem cum M. Marcelli uiri optimi, & memorabili pietate ac uirtute præditi lachrymas modo uobiscum uiderem: omnium marcellorum meum pectus memoria effodit. quibus tu etiam mortuis M. Marcello conserva-
 to, dignitatem suam reddidisti: nobilissimamq; fami-
 liam, iam ad paucos redactam, pene ab interitu uen-
 dicasti. hunc tu igitur diem tuis maximis, & innume-
 rabilibus gratulationibus iure antepones. hæc enim res unius est propria Caesaris. cæteræ duce te gestæ ma-
 gnæ illæ quidem: sed tamen nullo magnoq; comita-
 tu. huius autem rei tu ipse es & dux, & comes: quæ quidem tanta est: ut nulla sicut trophæis, monumen-
 tisq; tuis allatura sit finem ætas. nihil enim est opere, aut manu factum, quod aliquando non conficiat, & consumat uetustas. at uero hæc tua iusticia, & lenitas animi florescet quotidie magis: ita ut quantum operibus tuis diuturnitas detrahet: tantum afferat laudibus. & cæteros quidem omnes uictores bellorum quiliū iam ante pietate, & misericordia uiceras: hodierno uero die te ipsum uicisti. uereor ut hoc, quod dictum, non per-
 inde intelligi auditu possit: atq; ego ipse cogitans sen-

tio. ipsam uictoriam uicisse uideris: cum ea quæ illa,
erat adepta: uictis remisisti. nam cum ipsius uictoriæ con-
ditione iure omnes uicti occidissimus: clementiæ tuæ ius-
dicio conseruati sumus. recte igitur unus inuictus es: a
quo etiam ipsius uictoriæ conditio, uisq; deuicta est.
atq; hoc C. Cæsaris iudicium P. C. quàm late pateat,
attendite. oēs enim q̄ ad illa arma fato sumus nescioquo
Reip. misero funestoq; compulsi: & si aliqua culpa tene-
mur erroris humani: a scelere certe liberati sumus. nam
cum M. Marcellum deprecantibus uobis, Reip. conser-
uauit: memet mihi, & item Reip. nullo deprecante: re-
reliquos amplissimos uiros, et sibi ipsis, & patriæ red-
didit: quorum & frequentiam, & dignitatem hoc ipso
confessu uidetis: non ille hostes induxit in Curiam:
sed indicauit a plerisq; ignoratione potius, & falso
atq; inani metu, quàm cupiditate, aut crudelitete ciuile
bellum esse susceptum. quo quidem in bello semper de
pace agendum, audiendumq; esse putauit: semperq; do-
lui nonmodo pacem, sed orationem etiam ciuium pa-
cem effragitantium repudiari. neq; enim ego illa, nec ul-
la unquam secutus sum arma ciuilia: semperq; mea con-
silia pacis, & togæ sociæ, non belli, atq; armorum fue-
runt. hominem sum secutus priuato officio, non publi-
co: tantumq; apud me grati animi fidelis memoria ua-
luit: ut nulla nonmodo cupiditate, sed ne spe quidem,
prudens, & sciens tanquam ad interitum ruerem uolun-
tarium. quod quidem meum consilium maxime obscu-
rum fuit. nam & hoc in ordine integra re, multa de
pace dixi: et in ipso bello eadem etiam cum capitis mei
periculo sensi. ex quo nemo erit tam iniustus rerum æsti-
mator: qui dubitet, quæ Cæsaris uoluntas de bello fue-

PRO M.

rit: cum pacis authores conseruandos statim censue-
rit: ceteris fuerit iratior. Atque id mirus murum ui-
deretur fortasse tum, cum esset incertus exitus, & an-
ceps fortuna belli. qui uero uictor, pacis authores dili-
guis profecto declarat, maluisse se nō dimicare, quam
uincere. Atque huius quidem rei M. Marcello sum te-
stis. nostri enim sensus, ut in pace semper, sic tum
etiam in bello congruebant. quotiens ego eum, &
quanto cum dolore uidi? cum insolentiam certorum
hominum, tum etiam ipsius uictoriæ ferocitatem ex-
timescentem? quo gratior tua liberalitas C. Cæsar no-
bis, qui illa uidimus: debet esse. non enim iam causæ
sunt inter se, sed uictoriæ comparandæ. uidimus tu-
am uictoriam præliorum exitu terminatam: gladi-
um uagina uacuum in urbe non uidimus. quos ami-
simus ciues, eos martis uis perculit, non ira uictoriæ.
ut dubitare debeat nemo: quin multos, si fieri posset,
C. Cæsar ab inferis excitaret: quoniam ex eadem acie
conseruat, quos potest. alterius uero partis nihil ampli-
us dicam: quā id, quod omnes uerebamur, nimis ira-
cundam futuram fuisse uictoriā. quidam enim nonmo-
do armatis, sed interdum etiam ocosis minabantur.
nec quid quisque sensisset: sed ubi fuisset: cogitandum
esse dicebant. ut mihi quidem uideantur dy immor-
tales, etiam si pœnas à Populo Ro. ob aliquod delictum
expetuerint: qui ciuile bellum tantum, & tam luctuo-
sum excitauerunt: uel placati iam, uel etiam satiati
aliquando omnem spem salutis ad clementiam uicto-
ris, & sapientiam contulisse. Quare gaude tuo isto tam
excellenti bono: & fructe cum fortuna, & gloria, tum
etiam natura & moribus tuis. ex quo quidem maxi-

mus est fructus, iucunditasq; sapiēti. cætera cum tua recordabere: & si per sepe uirtuti, tamen plerūq; felicitati tuæ gratulabere. de nobis, quos in R. ep. tecum simul saluos esse uoluisti: quotiens cogitabis: totiens de maximis tuis beneficijs, totiens de mirabili liberalitate, totiens de singulari sapiētia tua cogitabis. quæ non modo summa bona, sed nimirum audebo uel sola dicere. tantus est enim splendor in laude uera: tanta in magnitudine animi, & consilij dignitas: ut hæc à uirtute donata, cætera à fortuna commodata esse uideantur. noli igitur in conseruandis bonis uiris defatigari, non cupiditate præsertim, aut prauitate aliqua lapsis, sed opinione officij stulta fortasse, certe non improba, & specie quadam R. a publicæ. non enim culpa tua est: si te aliqui timuerunt: contraq; summa laus: quod pleriq; minime timendum fuisse senserunt. Nunc uenio ad grauissimam querelam, & atrocissimam suspicionem tuam: quæ nõ tibi ipsi magis, q̃ cum omnibus ciuibus, tum maxime nobis, qui à te conseruati sumus: prouidenda est. quam ei si spero esse falsam: nunquam tamen uerbis extenuabo. tua enim cautio, nostra cautio est. ut si in alterutro peccandum sit: malim uideri nimis timidus, quàm parum prudens. sed quisnam est iste tam demens? de tuis ne? tamen si qui magis sunt tui? quàm quibus tu salutem insperantibus reddidisti? an ex eo numero, qui una tecum fuerunt? non est credibilis tantus in ullo furor: ut quo duce omnia summa sit adeptus: huius uitam non anteponat suæ. At si tui nihil cogitant sceleris: cauendū est, ne quid inimici. qui? omnes enim, qui fuerunt, aut sua pertinacia uitam amiserunt: aut tua misericordia retinuerunt: ut aut nulli supersint

de inimicis: aut qui supersuerunt: amicissimi sunt. sed tamen, cum in animis hominum tantæ latebræ sint, & tanti recessus: augeamus sanè suspicionem tuam: simul enim augebimus & diligentiam. nam quis est omnium, tam ignarus rerum, tam rudis in Republica, tam nihil unquam nec de sua, nec de communi salute cogitans? qui non intelligat tua salute, contineri suam? & ex unius tui uitam pendere omnium. Equidem dies noctesq; de te, ut debeo, cogitans, casus duntaxat humanos, & incertos euentus ualitudinis, & naturæ communis fragilitatem extimesco: doleoq; cum Resp. immortalis esse debeat: eam in unius mortalis anima consistere. si uero ad humanos casus, incertosq; euentus ualitudinis, sceleris etiam accedat, insidiarumq; consensio: quem deum, etiam si cupiat, opitulari posse Reip. credamus? Omnia sunt excitanda tibi C. Caesar uni: quæ iacere sentis belli ipsius impetu, quod necesse fuit: percussa, atq; prostrata: constituenda iudicia: reuocanda fides: comprimende libidines: propaganda soboles: omnia, quæ delapsa iam fluxerunt: seueris legibus uincenda sunt. non fuit recusandum in tanto ciuili bello, tantoq; animorum ardore & armorum, quin quassata Resp. quicunq; belli euentus fuisset: multa perderet & ornamenta dignitatis, & præsidia stabilitatis suæ: multaq; uterq; dux faceret armatus: quæ idem togatus fieri prohibuisset. quæ quidem tibi nunc tibi omnia belli uulnera sananda sunt: quibus præter te mederi nemo potest. Itaq; illam tuam præclarissimam & sapientissimam uocem inuitus audiui: satis te diu uel naturæ uixisse, uel gloriæ. satis si ita uis naturæ fortasse: addo etiam si placeat gloriæ. at quod maximum est: patriæ certe parum.

quare omitte quæso istam doctorum hominum in con-
temnenda morte prudentiam: noli nostro periculo sa-
piens esse. sepe enim uenit ad aures meas, te idem istud
nimis crebro dicere: satis te tibi uixisse. credo: sed tum id
audirem, si tibi soli uiueres: aut si tibi etiam soli natus
esses: nunc cum omnium salutem ciuium, cunctamq;
Rempublicam, res tuæ gestæ complexæ sint: tantum abes
a perfectione maximorum operum: ut fundamenta,
quæ cogitas, nondum ieceris. Hic tu modum uitæ tuæ,
non salute Reipub. sed æquitate animi definies? quid?
si istud, ne gloriæ quidem tuæ, satis est? cuius te esse aut
dissimum quamuis sis sapiens, non negabis. parum ne
igitur inquires gloriam magnam relinquemus? immo
uero alijs, quamuis multis, satis: tibi uni parum. quic-
quid enim est, quamuis amplum sit: id parum est, tum
cum est aliquid amplius. quod si rerum tuarum im-
mortalium C. Cæsar hic exitus futurus fuit: ut deuictis
aduersarijs Remp. in costatu relinqueres, in quo nunc
est: uide quæso, ne tua diuina uirtus admirationis plus
sit habitura, quàm gloriæ. siquidem gloria est illustris,
ac peruagata multorum, & magnorum uel in suos ci-
ues, uel in patriam, uel in omne genus hominum fama
meritorum. hæc igitur tibi reliqua pars est: hic restat
actus: in hoc elaborandum est: ut Remp. constituas: eaq;
tu in primis composita summa tranquillitate & ocio
perfruare. Tum te, si uoles, cum & patriæ quod debes,
solueris: & naturam ipsam expleueris satietate uiuē-
di: satis diu uixisse dicito. quid enim est omnino hoc
ipsum diu: in quo est aliquid extremum? quod cum uene-
rit: omnis uoluptas præterita pro nihilo est: quia postea
nulla futura sit. quanquam iste tuus animus nunquam

PRO M.

his angustiis, quas natura nobis ad uiuendum dedit: contentus fuit. semper immortalitatis amore flagrauit. nec uero hæc tua uita dicenda est: quæ corpore et spiritu continetur. illa inquam illa uita est tua Cæsar: quæ uigebit memoria seculorum omnium: quam posteritas alet: quæ ipsa æternitas semper intuebitur. huic tu inservias, huic te ostentes oportet. quæ quidem quæ miretur iā pridem multa habet: nunc etiam quæ laudet expectat. obstupefcent posteri certe Imperia, Provincias, Rhenum, Oceanum, Nilum, pugnas innumerabiles, incredibiles uictorias, monumenta, munera, triumphos, audientes & legentes tuos. sed nisi hæc urbs stabilita tuis consilijs, & institutis erit: uagabitur modo nomen tuum longe, atq; late: sedem quidem stabilem, & domicilium certum non habebit. Erit inter eos etiam, qui nascentur: sicut inter nos fuit: magna dissensio: cum alij laudibus ad cælum res tuas gestas effèrent: alij fortasse aliquid requirent: idq; uel maximum: nisi belli ciuilis incendium salute patriæ restinxeris: ut illud fâti fuisse uideatur: hoc consilij. serui igitur ipsi etiam iudicibus: qui multis post sæculis de te iudicabunt: & quidem haud scio, an incorruptius quam nos. nam & sine amore, & sine cupiditate, & rursus sine odio, & sine inuidia iudicabunt. id autem, etiā si tunc ad te, ut quidam falso putant: non pertinebit: nunc certe pertinet, te esse talem: ut tuas laudes obscuratura nulla unquam sit obliuio. Diuersæ uoluntates ciuium fuerunt: distractæq; sententiæ. non enim consilijs solum & studijs, sed armis etiam, & castris diffidebamus. erat autē obscuritas quædam: erat certamen inter clarissimos duces: multi dubitabant, quid optimum esset: multi quid sibi expediret: multi

quid deceret: nonnulli etiam quidliceret. perfuncta
Resp. est hoc misero, fataliq; bello: uicit is: qui non for-
tuna inflammaret odium suum: sed bonitate leniret:
neq; omnes, quibus iratus esset: eosdem etiam exilio, aut
morte dignos iudicaret. arma ab alijs posita, ab alijs
erepta sunt. ingratus est iniustusq; ciuis: qui armorum
periculo liberatus, animum tamen retinet armatum: ut
etiā ille sit melior. qui in acie cecidit: quā qui in cau-
sa animam profudit. quæ enim pertinacia quibusdam:
eadē alijs constantia uideri potest. sed quia iam omnis
fracta dissensio est armis, & extincta æquitate uicto-
ris: restat ut omnes unum uelint: qui habent aliquid
non solum sapientiæ, sed etiam sanitatis. quia nisi te C.
Cæsar saluo, & in ista sententia, qua cum antea, tum
hodie uel maxime usus es: manente, salui esse non possi-
mus. Quare omnes te, qui hæc salua esse uolumus: &
hortamur: & obsecramus: ut uitæ, ut saluti tuæ consu-
las: omnesq; tibi, ut pro alijs etiam loquar: quod de me
ipse sentio: quoniam subesse aliquid putas: quod cauē-
dum sit: non modo excubias & custodias, sed etiam la-
terum nostrorum oppositus, & corporum pollicemur.
Sed ut unde est orsa, in eodem terminetur oratio mea:
maximas tibi omnes gratias agimus C. Cæsar: maiores
etiam habemus. nam omnes idem sentiunt: quod ex o-
mnium precibus, & lachrymis sentire potuisti: sed quia
non est astantibus omnibus necesse dicere: à me certe
dici uolunt: cui necesse est quodammodo, & quod uo-
lunt: et quod M. Marcello à te huic ordini Populoq; Ro-
et Reip. reddito, præcipue id à me fieri debere intelligo.
nam lætari omnes, non ut de unius solum, sed ut de
communi omnium salute sentio. quod autem summæ

PRO M. MARCELLO.

ria
uer
per
rie
di
ten
C.
con
ferē
libe
Ha
di
ea
di
con
pre
bell
sidi
bu
tis
mi

137
PRO Q. LIGARIO AD C.

CAESAREM. ORA-

TIO. XLII.

n *Unum crimen C. Caesar, & ante hunc
 diem inauditum, propinquus meus ad
 te Q. Tubero detulit: Q. Ligarium
 in Africa fuisse: idque C. Pansa prae-
 stanti uir ingenio, fretus fortasse ea familia-
 ritate, quae est ei tecum, ausus est confiteri. Itaque quo me
 uertam nescio. paratus enim ueneram: cum tu id neque
 per te scires: neque audire aliunde potuisses: ut ignoratio
 ne tua ad hominis miseri salutem abuterer. sed quoniam
 diligentia inimici inuestigatum est, quod latebar: confi-
 tendum est, ut opinor: praesertim cum meus necessarius
 C. Pansa fecerit: ut id iam integrum non esset: omniaque
 controuersia omnis oratio ad misericordiam tuam con-
 ferenda est: qua plurimi sunt conseruati: cum a te non solum
 liberationem culpae, sed errati ueniam impetrauissent.
 Habes igitur Tubero quod est accusatori maxime optan-
 dum confitentem reum: sed tamen hoc ita confitentem: se in
 ea parte fuisse, qua te Tubero: qua uirum omni laude
 dignum patrem tuum. Itaque prius de uestro delicto
 confiteamini necesse est: quam Ligarij ullam culpam re-
 prehēdatis. Q. igitur Ligarius, cum esset adhuc nulla
 belli suspicio: Legatus in Africam cum consule C. Con-
 sidio profectus est: qua in Legatione & socijs, & ciui-
 bus ita se probauit: ut decedens Considius provincia, sa-
 tisfacere hominibus non posset: si quenquam alium pro-
 uinae praefecisset. Itaque Q. Ligarius cum diu reuē-*

PRO Q.

sans nihil profecisset: Prouincia accepit inuitus: cui sic
 praesuit in pace: ut et auibus, et socijs gratissima esse
 eius integritas, et fides. bellum subito exarsit. quod,
 qui erant in Africa, ante audierunt geri: quam para-
 ri. quo audito partim cupiditate inconsiderata, partim
 caeco quodam timore, primo salutis causa, post etiam stu-
 dij sui querebant aliquem ducem. tum Ligarius do-
 mum spectans, et ad suos redire cupiens, nullo se im-
 plicari negotio passus est. Interim P. Aetius Varus, qui
 Praetor Africam obtinuerat: Vticam uenit. ad eum sta-
 tim concursus est. atque ille non mediocri cupiditate ar-
 ripuit imperium: si illud imperium esse potuit: quod ad
 priuatum, clamore multitudinis imperitiae, nullo publi-
 co consilio deferrebat. Itaque Ligarius qui omne tale ne-
 gocium cuperet effugere: paulum aduentu Vari con-
 quieuit. Adhuc C. Caesar Q. Ligarius omni culpa uac-
 cat. domo est egressus non modo nullum ad bellum: sed
 ne ad minimam quidem suspicionem belli. legatus in
 pace profectus, in prouincia pacatissima ita se gessit: ut
 ei pacem esse expediret. profectio certe animum tuum non
 debet offendere. num igitur remansio? multo minus. nam
 profectio uoluntatem habuit non turpem: remansio etiam
 necessitatem honestam. Ergo haec duo tempora carent
 crimine. unum, cum est Legatus profectus: alterum, cum
 efflagitatus a prouincia, praepositus Africae est. tertium
 est tempus, quo post aduentum Vari in Africa restitit.
 quod si est criminofum: necessitatis crimen est, non uo-
 luntatis. An ille, si potuisset illinc ullo modo euadere:
 Vticae potius, quam Romae? cum P. Aetio, quam cum
 concordissimis fratribus? cum alienis esse, quam cum su-
 is maluisset? cum ipsa Legatio plena desiderij, ac solli-

citudinis fuisset, propter incredibilem quendam fratrum
 amorem: hic æquo animo esse potuit, belli dissidio di-
 stractus à fratribus. Nullum igitur habes Cæsar ad-
 huc in Q. Ligario signum alienæ à te uoluntatis. cu-
 ius ego causam animaduerte quæso qua fide defendam:
 cum pro domea. O' clementiam admirabilem, atq; o-
 mnium laude, prædicatione, literis, monumentisq; de-
 corandam: M. Cicero apud te defendit alium in ea uo-
 luntate non fuisse: in qua seipsum confitetur fuisse: nec
 tuas tacitas cogitationes extimescit: nec quid tibi de alio
 audienti de seipso occurrat: reformidat. uide q̄ non re-
 formidem: uide quanta lux liberalitatis, & sapientiæ
 tuæ mihi apud te dicenti oboriatur: quantum potero uo-
 ce contendam: ut hoc Populus Ro. exaudiat: suscepto bel-
 lo Cæsar, gesto etiā ex magna parte, nulla ui coactus,
 iudicio meo, ac uolūtate ad ea arma profectus sum: quæ
 erant sumpta contra te. apud quem igitur hoc dico?
 nempe apud eum: qui, cum hoc sciret: tamen me, anteq̄
 uidit, Reip. reddidit: qui ad me ex Aegypto literas mi-
 sit: ut essem idem: qui fuisset: qui cum ipse Imperator in
 toto imperio Populi Ro. unus esset: esse me alterum pas-
 sus est: a quo hoc ipso C. Pansa mihi nuncium perfe-
 rente, concessos fasces laureatos tenui, quoad tenendes
 putauit: qui mihi tum deniq; se salutem putauit reddere:
 si eā nullis spoliata ornamentis redderet. Vide quæso
 Tubero, ut qui de meo facto non dubitem dicere: de Li-
 garij non audeam confiteri. Atq; hæc propterea de me
 dixi: ut mihi Tubero, cum de se eadem dicerem: igno-
 sceret. cuius ego industriæ gloriæq; fauco: uel propter
 propinquam cognationē: uel quod eius ingenio studijsq;
 delector: uel quod laudem adolescentis propinqui exi-

PRO Q.

stimo etiam ad meum aliquem fructum redundare. sed hoc quaero: quis putet fuisse crimen esse in Africa Ligarium? nempe is: qui & ipse in eadem Africa esse uoluit: & prohibitum se à Ligario queritur: & certe contra ipsum Caesarem est congressus armatus. quid enim Tubero, tuus ille districtus in acie Pharsalica gladius agebat? cuius latus ille mucro petebat? qui sensus erat armorum tuorum? quæ tua mens? oculi? manus? ardor animi? quid cupiebas? quid optabas? nimis urgeo: commoueri uidetur adolescens: ad me reuertar. isde in armis fui. qd autem aliud egimus Tubero? nisi ut quod hic potest: nos possemus? quorū igitur impunitas, Caesar, tuæ clementiæ laus est: eorum ipsorum ad crudelitatem te acuet oratio? Atq; in hac causa non nihil eundem Tubero etiam tuā, sed multo magis patris tui prudentiam desidero: quod homo cum ingenio, tum etiam doctrina excellens, genus hoc causæ quod esset, non uiderit. nam si uidisset: quouis profecto, quāmodo isto modo, à te agi maluisset. arguis fatentem: non est satis: accusas eū, qui causam habet, aut, ut ego dico, meliorem quā tu: aut, ut tu uis, parem. Hæc nōmodo mirabilia sunt: sed prodigijs similia, quæ dicam. non habet eam uim ista accusatio: ut Q. Ligarius condemnatur: sed ut necetur. hoc egit ciuis Ro. ante te nemo. externi isti mores usq; ad sanguinem, incitare solent odium aut leuium Græcorum, aut immanium Barbarorum. nam quid aliud agis? ut Romæ ne sit? ut domo careat? ne cum optimis fratribus, ne cum hoc T. Brocho auūculo suo, ne cum eius filio consobrino suo, ne nobiscum uiuat? ne sit in patria? num in patria est? num potest magis carere his omnibus, quā caret? Italia prohibetur: exulat. non

tu ergo hunc patria priuare, qua caret: sed uita uis. At istud ne apud eum quidem Dictatorē, qui omnes, quos oderat, morte mulctabat: quisquam egit isto modo. ipse iubebat occidi, nullo postulante: præmijs etiam inuitabat. quæ tamen crudelitas ab hoc eodem aliquot annis post, quem tu nunc crudelem esse uis, uindicta est? Ego uero istud non postulo inquires. ita mehercule existimo Tuberō. noui enim te: noui patrem: noui domum, nomenq; uestrum: studia deniq; generis ac familiarie uestre, uirtutis, humanitatis, doctrinæ, plurimarum artium, atq; optimarum nota sunt mihi omnia. itaq; certo scio, uos non petere sanguinem. sed parum attenditis. res enim eo spectat: ut ea poena, in qua adhuc Q. Ligarius sit, non uideamini esse contenti. quæ est igitur alia præter mortem? si enim in exilio est: sicuti est: quid amplius postulatis? an ne ignoscatur? hoc uero multo acerbius, multoq; est grauius. quod nos domi petimus, precibus, & lachrymis prostrati ad pedes, non tam nostræ causæ fidentes, quam huius humanitatis: id ne impetremus, pugnabis? & in nostrum fletum irrumpes? & nos iacentes ad pedes supplicum uocæ prohibebis? si cum hoc domi faceremus: quod & fecimus: & ut spero non frustra fecimus: tu de repente irrupisses: & clamare cœpisses: C. Cæsar caue credas: caue ignoscas: caue te fratrum pro fratris salute obsecrantium misereat: non'ne omnem humanitatem exuises? quanto hoc durius: quod nos domi petimus: id a te in foro oppugnari? & in tali miseria multorum, perfugium misericordiæ tollere? Dicam plane C. Cæsar quod sentio. si in hac tanta tua fortuna, lenitas tanta non esset: quantam tu per te, per te inquam obti-

nes (intelligo quid loquor) acerbissimo luctu redundaret ista uictoria. quam multi enim essent de uictoribus, qui te crudelem esse uellent: cum etiam de uictis repertiatur: quam multi, qui cum à te nemini ignosci uellent: impedirent clementiam tuam: cum etiā hi quibus ipse ignouisti, nolint te in alios esse misericordem. Quod si probare Cæsari possemus in Africa Ligarium omnino non fuisse: si honesto, et misericordi mendacio, saluti cui calamitoso esse uellemus: tamen hominis non esset, in tanto discrimine, et periculo ciuis refellere, et coarguere nostrum mendacium: et si esset alicuius: eius certe non esset: qui in eadem causa et fortuna fuisset. sed tamen aliud est, errare Cæsarem nolle: aliud nolle misereri. tum diceret, caue Cæsar credas: fuit in Africa Ligarius: tulit arma contra te. nunc quid dicis? caue ignoscas. hæc nec hominis, nec ad hominem uox est. qua qui apud te C. Cæsar utetur: suam citius abijcet humanitatem: quam extorquebit tuam. Ac primus aditus et postulatio Tiberonis hæc, ut opinor, fuit: uelle se de Q. Ligarij scelere dicere. non dubito quin admiratus sis: uel quod de nullo alio quisquam: uel quod is qui in eadem causa fuisset: uel quidnam noui facinoris afferret. scelus tu illud uocas Tiberio? cur? isto enim nomine illa adhuc causa atruit. alij errorem appellant: alij timorem: qui durius: spem, cupiditatem, odium, pertinaciam: qui grauissime: temeritatem: scelus præter te adhuc nemo. Ac mihi quidem, si proprium et uerum nomen nostri mali queratur: fatalis quædam calamitas incidisse uidetur: et improvidas hominum mentes occupauisse: ut nemo mirari debeat humana consilia diuina necessitate esse superata.

liceat esse miseros: quanquam hoc uictore esse non possumus. sed non loquor de nobis: de illis loquor: qui occiderunt. fuerint cupidi: fuerint irati: fuerint pertinaces: sceleris uero crimine, furoris, parriadij liceat. Cn. Pompeio mortuo, liceat multis alijs carere. quando hoc quisquam ex te caesar audiuit? aut tua quid aliud arma uoluerunt? nisi a te contumeliam propulsare? quid egit tuus ille inuictus exercitus? nisi ut suum ius tueretur, & dignitatem tuam? quid? tu cum pacem esse cupiebas: id ne agebas? ut tibi cum sceleratis, an ut cum bonis ciuibus conueniret? mihi uero Caesar tua in me maxima merita, tanta certe non uiderentur: si me ut sceleratum a te conseruatum putarem. quomodo autem tu de Rep. benemeritus esses: si tot sceleratos incolumi dignitate esse uoluisses? secessionem tu illam existimauisti Caesar initio, non bellum: non hostile odium, sed ciuile dissidium: utrisq; cupientibus Rempub. saluam: sed partim consilijs, partim studijs, a communi utilitate aberrantibus. principum dignitas erat pene par: non par fortasse eorum, qui sequebantur: causa tum dubia: quod erat aliquid in utraq; parte: quod probari posset. nunc melior certe ea iudicanda est: quam etiam di adiuuerunt. cognita uero clementia tua, quis non eam uictoriam probeat: in qua occiderit nemo, nisi armatus? sed ut omittam communem causam: ueniamus ad nostram. utrum tandem existimas facilius fuisse Tubero Ligarium ex Africa exire: an uos in Africam non uenire? poteramus ne inquis? cum Senatus censuisset? si me consulis: nullo modo. sed tamen Ligarium Senatus idem leuauerat. atq; ille eo tempore paruic: cum parere Senatus necesse erat: uos tunc paruistis: cum paruic nemo,

sss iij

PRO Q.

qui noluit. reprehendo igitur? minime uero. neq; enim licuit aliter uestro generi, nomini, familiae, disciplinae. sed hoc non concedo: ut quibus rebus gloriemini in uobis: easdem in alijs reprehendatis. Tuberonis fors coniecta est, ex S. C. cum ipse non adesset: morbo etiam impediretur: statuerat se excusare. haec ego noui propter omnes necessitudines, quae mihi sunt cum L. Tuberone: domi una eruditi, militiae contubernales, post affines, in omni deniq; uita familiares. magnum etia uinculum: quod ijsdem semper studijs usi sumus. Scio igitur Tuberonem domi manere uoluisse. sed ita quidam agebant: ita Reip. sanctissimum nomen opponebant: ut, etiam si aliter sentiret: uerborum tamen ipsorum pondus sustinere non posset. cessit auctoritati amplissimi uiri: uel potius paruuit: una est profectus cum ijs: quorum erat una causa. tardius iter fecit. itaq; in Africam uenit iam occupatam. hinc in Ligarium crimen oritur: uel ira potius. nam si crimen est prohibere illum uoluisse: non minus magnu est, uos Africam, omnium prouinciaru arcem, nata ad bellu contra hanc urbem gerendu obtinere uoluisse: q; ali- que se Imperatorem esse maluisse. atq; is tamen aliq; Ligari- rius non fuit. Varus imperiu se habere dicebat. fasces cer- te habebat. Sed quoquomodo sese illud haber: haec quere- la uestra Tubero quid ualet? recepti in prouinciam non sumus. quid si essetis? Caesari ne eam tradituri fuissetis? an contra eum retenturi? Vide quid licentiae Caesar nobis tua liberalitas det, uel potius audaciae. si respon- derit Tubero, Africam, quo Senatus eum, fors q; misce- rat: tibi patrem suum traditurum fuisse: non dubitabo apud ipsum te, cuius id eum facere interfui: grauissi- mus uerbis eius consilium reprehendere. non enim si tu

bi ea res grata fuisset: esset etiam probata. sed iam hoc totum onulto: non tam ut ne offendam tuas patientissimas aures: quam ne Tubero quod nunquam cogitauit, facturum fuisse uideatur. ueniebatis igitur in Africam provinciam unam ex omnibus huic uictoriae maxime infestam: in qua erat Rex potentissimus, inimicus huic causae: aliena uoluntas: conuentus firmus, atque magnus. quero quid facturi fuissetis? quanquam quid facturum fueritis non dubitem: cum uideam, quid feceritis. prohibiti estis in provincia uestra pedem ponere, ut perhibetis, summa cum iniuria. quomodo id tulistis? acceptae iniuriae querelam ad quem detulistis? nempe ad eum: cuius auctoritatem secuti in societatem belli ueneratis. quod si Caesaris causa in Provinciam ueniebatis: ad eum profecto exclusi Provincia uenissetis. uenistis ad Pompeium. quae est ergo apud Caesarem querela? cum eum accusetis: a quo queramini uos prohibitos contra Caesarem bellum gerere. Atque in hoc quidem uel cum mendacio si uultis, gloriari per me licet: uos Provinciam fuisse Caesari tradituros: etiam si a V. aro et quibusdam alijs prohibiti essetis. ego autem confitebor culpam esse Ligarij: qui uos tantae laudis occasione priuauerit. Sed uide quaeso Caesar constantiam ornatissimi uiri L. Tuberonis: quam ego, quamuis ipse probarem: ut probo: tamen non commemorarem: nisi a te cognouissem in primis eam uirtutem solere laudari. quae fuit igitur unquam in ullo homine tanta constantia? constantiam dico: nescio an melius patientiam possem dicere: quotus enim istud quisque fecisset? ut a quibus partibus in dissensione civili non esset receptus: essetque etiam cum crudelitate cietus: ad eas ipsas rediret? magni quinsdam animi, atque

eius uiri est: quæ de suscepta causa proposita; sententia,
 nulla cõtumelia, nulla uis, nullũ periculũ posset depel-
 lere. ut enim cætera paria Tuberoni cum Varo fuissent:
 honos, nobilitas, splendor, ingeniũ: quæ nequaquã fue-
 runt: hoc certe præcipuum Tuberonis fuit: quod iusto
 cum Imperio, ex S. C. in Prouinciam suam uenerat.
 hinc prohibitus non ad Cæsarem, ne iratus, non do-
 mum, ne iners, non aliquam in regionem, ne condemna-
 re causam illam, quam secutus esset, uideretur: in Mac-
 doniam, in Cn. Pompeij castra uenit, in eam ipsam cau-
 sam, a qua erat reiectus cum iniuria. Quid? cum ista
 res nihil commouisset eius animum, ad quem uenera-
 tis: languidiore credo studio in causa fuistis? tantummodo
 in præsidij eratis? animi uero a causa abhorrebant?
 an, ut fit in ciuitibus bellis, nec in uobis magis, quàm
 in reliquis: omnes uincendi studio tenebamur. pacis equi-
 dem semper author fui: sed tum sero: erat enim amen-
 tis cum aciem uideres: pacem cogitare. omnes inquam
 uincere uolebamus. tu certe præcipue: qui in eum locum
 uenisses: ubi tibi esset pereundum, nisi uicisses. quanquã,
 ut nunc se res habet: non dubito quin hanc salutem an-
 teponas illi uictoriæ. Hæc ego non dicerem Tubero: si
 aut uos constantiæ uestræ, aut Cæsarem beneficij sui pœ-
 niteret. Nunc quæro utrum uestras iniurias, an Reip-
 persequamini? si Reipublicæ: quid de uestra in ea causa
 perseuerantia respondebitis? si uestras: uidete ne erretis:
 qui Cæsarem uestris inimicis iratum fore putetis: cum
 ignouerit suis. Itaq; num tibi uideor Cæsar in causa Li-
 garij occupatus esse? num de eius facto dicere? quicquid
 dixi ad unam summam referri uolo, uel humanitatis,
 uel clementiæ, uel misericordiæ tuæ. Causas Cæsar ego

multas: & quidem tecum, dum te in foro tenuit ratio
honorum tuorum: certe nunquam hoc modo: ignoscite
Iudices: erravi: lapsus est: non putavi: si unquam post
hac. ad parentem sic agi solet. ad iudices, non feci: non
cogitavi: falsi testes: fictum crimen. dic te Cæsar de fa-
cto Ligarij Iudicem esse: quibus in præsijs fuerit, quæ-
re. taceo: ne hæc quidem colligo: quæ fortasse ualerent
etiam apud Iudicem: legatus ante bellum profectus: re-
lictus in pace: bello oppressus, in eo non acerbus fuit:
tamen si totus esset studio tuus. ad Iudicem sic agi solet:
sed ego ad parentem loquor. erravi: temere feci: poenitet:
ad clementiam tuam confugio: delicti ueniam peto: ut
ignoscas oro: si nemo impetrauit: arroganter peto: si plus
rim: tu idem fer opem: qui spem dedisti. an sperandi Lē-
gario causa non sit? cum mihi apud te locus sit etiam
pro altero deprecandi: quanquam neq; in hac oratione
spes est posita cause, nec in eorum studijs qui a te pro
Ligario petunt tui necessarij. uidi enim, et cognoui quid
maxime spectares: cum pro alicuius salute multi labo-
rarent: causas apud te rogantium gratiores esse, quàm
preces: neq; spectare quàm tuus esset necessarius is, qui te
oraret: sed quàm illius, pro quo laboraret. Itaq; tribuis
tu quidem tuis ita multa: ut mihi beatiores illi esse ui-
deantur interdum: qui tua liberalitate fruuntur: quàm
tu ipse, qui illis tam multa concedis: sed uideo tamen
apud te causas ut dixi rogantium ualere, plus quàm
preces: ab ijsq; te moueri maxime: quorum iustissimum
dolorem uideas in petendo. In Q. Ligario conseruando
multis tu quidem gratum facies necessarijs tuis: sed hoc
quæso considera: quod soles. possum fortissimos uiros Sa-
binos, tibi probatissimos, totumq; agrum Sabinum flo-

PRO Q.

rem Italiae, robur Reipublicae proponere. nosti optime ho-
mines. animaduerte horum omnium moesticiam, & do-
lorem. huius T. Brochi, de quo non dubito quid existi-
mes: lachrymas, squaloremq; ipsius, & filij uides. quid
de fratribus dicam? noli Caesar putare de unius capite
nos agere. aut tres Ligarij retinendi in ciuitate sunt: aut
tres ex ciuitate exterminandi. quoduis exiliū his est opta-
tius: quā patria, quā domus, quā dū pœnates, uno
illo exulante. si fraterne, si pie, si cum dolore faciunt: mo-
ueant te horum lachrymae: moueat pietas: moueat ger-
manitas: ualeat tua uox illa: quæ uicit. te enim dicere
audiebamus: nos omnes aduersarios putare: nisi qui no-
bis cum essent: te omnes, qui contra te non essent: tuos. ui-
des ne igitur hunc splendorem, omnem hanc Brochorū
domum, hunc L. Martium, C. Cesetium, L. Cornificiū,
hosce omnes Equites Ro. qui adsunt ueste mutata: non
solum notos tibi, uerum etiam probatos uiros, qui te-
cum fuerunt? Atq; his maxime irascebamur: & hos re-
quirebamus: & his nonnulli minabantur. conserva igi-
tur tuis suos: ut quemadmodum cetera, quæ dicta sunt
a te: sic hoc uerissimum reperiatur. Quod si penitus
perspicere posses concordiam Ligariorum: omnes fratres
tecum iudicares fuisse. an potest quisquam dubitare:
quin si Q. Ligarius in Italia esse potuisset: in eadem
sententia fuisset futurus: in qua fratres fuerunt? quis est,
qui horum consensum conspirantem, & penē conflatum,
in hac prope æqualitate fraterna non nouerit? qui hoc non
sentiat? quiduis prius futurum fuisse: quā
ut hi fratres diuersas sententias fortunasq; sequerentur.
uoluntate igitur omnes tecum fuerunt. tempestate
abreptus est unus. qui si consilio id fecisset: esset eorum

similis: quos tu tamen saluos esse uoluisti. Sed ierit ad bellum: dissenserit non à te solum, uerum etiam à fratribus: hi te orant tui. Equidem cum tuis omnibus negocijs interesset: memoria teneo qualis tum T. Ligarius Quæstor Urbanus fuerit erga te, & dignitatem tuam. sed parum est me hoc meminisse: spero etiam te, qui obliscisci nihil soles, nisi iniurias: quoniam hoc est animi, quoniam etiam ingenij tui: te aliquid de huius Quæstoris officio cogitantem: etiam de alijs quibusdam Quæstoribus remunerantem recordari. Hic igitur T. Ligarius, qui tum nihil egit aliud: neque enim hæc diuinabat: nisi ut tu eum studiosum, & bonum uirum iudicares: nunc à te supplex fratris salutem petit. quam huius admonitus officio cum uirisque his dederis: tres fratres optimos, & integerrimos, non solum sibi ipsos, neque his tot ac talibus uiris, neque nobis necessarijs, sed etiam Recip. condonaueris. fac igitur quod de homine nobilissimo, et clarissimo M. Marcello restituto fecisti nuper in curia: nunc idem in foro de optimis & huic omni frequentie probatissimis fratribus. ut concessisti illum Senatui: sic da hunc Populo: cuius uoluntatem clarissimam semper habuisti. & si ille dies tibi gloriosissimus, Populo Rogratissimus fuit: noli obsecro dubitare C. Cæsar similē illi gloriæ laudem quam sepiissime querere. nihil est enim tam populare quàm bonitas: nulla de uirtutibus tuis plurimis, nec gratior, nec admirabilior misericordia est. homines enim ad deos nulla re propius accedunt: quàm salutem hominibus dando. nihil habet nec fortuna tua maius: quàm ut possis: nec natura tua melius: quàm ut uelis conseruare quamplurimos. Longiorē orationem causa forsitan postulat: tua certe natura

PRO Q. LIGARIO.

breuiorem: quare cum utilius esse arbitrer teipsum;
quàm me, aut quenquam loqui tecum: finem iam faci-
am. tantum teipsum admonebo: si illi absenti salutem
dederis: presentibus his omnibus te daturum.

PRO REGE DEIOTARO AD
C. CAESAREM. ORA-
TIO. XLIII.

Vm in omnibus causis grauioribus C.
 Caesar initio dicendi commoueri sole-
 am uehementius, quàm uidetur uel
 usus, uel ætas mea postulare: tum in hac
 causa ita me multa perturbant: ut quan-
 tum mea fides studij mihi afferat ad salutem Regis De-
 iotari defendendam: tantum facultatis timor detrahat.
 Primum dico pro capite fortunisq; Regis: quod ipsum
 etsi non iniquum est, in tuo duntaxat periculo: tamen
 est ita inusitatum: regem capitis reum esse: ut ante hoc tem-
 pus non sit auditum. deinde eum Regem, quem ornare
 antea cuncto cum Senatu solebamus, pro perpetuis eius
 in nostram Remp. meritis: nunc contra atrocissimum
 crimen cogor defendere. accedit ut accusatorum alterius
 crudelitate, alterius indignitate perturber. crudelis Ca-
 stor: ne dicam sceleratum, & impium: qui nepos auum
 in discrimen capitis adduxerit: adolescentiæq; suæ ter-
 rorem intulerit ei: cuius senectutem tueri, & tegere de-
 bebat: commendationemq; ineuntis ætatis ab impietate,
 & scelere duxerit: aui seruum corruptum præmijs ad
 accusandum dominum impulerit: a legatorum pedi-
 bus abduxerit. Fugitiui autem dominum accusantis, &
 dominum absentem, & dominum amicissimum nostræ
 Reipublicæ, cum os uidebã: cum uerba audiebam: non
 tam afflictam regiam conditionem dolebam: quàm de
 fortunis communibus extimescebam. nam cum more ma-
 iorum de seruo in dominum, ne tormentis quidem quæ-

PRO DEIOTARO.

ri liceat: in qua quaestione dolor ueram uocem elicere
 possit, etiam ab inuito: exortus est seruus: qui quem in
 eculco appellare non posset: eum acuset solutus. pertur-
 bat me C. Caesar etiam illud interdum: quod tamen,
 cum te penitus recognoui: timere desino. te enim iniqu-
 um est: sed tua sapientia fit æquissimum. nam dicere
 apud eum de fiamore, contra cuius uitam consilium fa-
 cinoris misse arguere: si per se ipsum consideres: graue
 est: nemo enim ferè est: qui sui periculi iudex, non sibi se
 æquiorem, quàm reo præbeat. sed tua Caesar præstans,
 singularisq; natura hunc mihi metum minuit. non
 enim tam timeo, quid tu de rege Deiotaro: quàm intelli-
 go quid de te cæteros uelis iudicare. moueor etiam loci
 ipsius insolentia: quod tantam causam, quanta nulla un-
 quam in disceptatione uersata est: dico intra domesticos
 parietes: dico extra conuentum, & eam frequentiam:
 in qua oratorum studia niti solent: in tuis oculis, in tuo
 ore, uultuq; acquiesco: te unum intueor: ad te unum om-
 nis mea spectat oratio: quæ mihi ad spem obtinendæ
 ueritatis grauissima sunt: ad motum animi & ad om-
 nem impetum dicendi contentionemq; leniora. hanc
 enim C. Caesar causam si in foro dicerem eodem audi-
 ente, & disceptante te: quantam mihi alacritatem Po-
 puli Ro. concursus afferret? quis enim ciuis ei Regi non
 faueret? cuius omnem ætatem in Populi Ro. bellis con-
 sumptam esse meminisset? spectarem Curiam: intuerer
 forum: cælum deniq; testarer ipsum. sic cum & deorum
 immortalium, & Populi romani, & Senatus beneficia
 in Regem Deiotarum recorder: nullo modo mihi de-
 esse posset oratio. quæ quoniam angustiora parietes faci-
 unt: actioq; causæ maximæ debilitatur loco: tuum est
 Caesar, qui

Cæsar, qui pro multis sæpe dixisti: quid nūc mihi ani-
 mi sit, ad te ipsum referre: quo facilius tum æquitas tua,
 tum audiendi diligentia minuatur hanc perturbationem
 meam. sed antequam de accusatione ipsa dico: de accu-
 satorum spe pauca dicam. qui cum uideantur neq; inge-
 nio, neq; usu, atq; exercitatione rerum ualere: tamen ad
 hanc causam non sine aliqua spe, et cogitatione uene-
 runt. Iratum te Regi Deiotaro fuisse non erant nescij:
 affectum illum quibusdam incommodis, et detrimen-
 tis propter offensionem animi tui meminerant: teq; cum
 huic iratum, tum sibi amicum cognouerant: cūq; apud
 ipsum te, de tuo periculo dicerent: fore putabant, ut in
 exulcerato animo facile fictum crimen insideret. Quā
 obrem hoc nos primum metu Cæsar per fidem, et con-
 stantiam, et clementiam tuam libera: ne residere in te
 ullam partem iracundiæ suspicemur. per dexteram te
 istam oro: quam Regi Deiotaro hospes hospiti porrexisti:
 istam inquam dexteram, nō tam in bellis, et in præ-
 liis, quā in promissis, et fide firmorem. tu illius do-
 mum inire, tu uetus hospitium renouare uoluisti: te cuius
 dii penates acceperunt: te amicum et placatum Deiotar-
 i regis aræ fociq; uiderunt. cum facile exorari Cæ-
 sar, tum semel exorari soles: nemo unquam te placuit
 inimicus: qui ullas residisse in te simultatis reliquias sen-
 serit. quanquam cui sunt inuidiæ cum Deiotaro que-
 relæ tuæ? nunquam tu illum accusasti ut hostem: sed ut
 amicum, officio parum functum: quod propensior in Cn.
 Pompei amicitia in fuisset, quā in tuam. cui tamen ipsi
 regi ueniam te daturum fuisse dicebas: si tum auxilia
 Pompeio, uel si etiam filium misisset: ipse tamen excusa-
 tione ætatis usus esset. itaq; cum maximis eum rebus li-

ttt

PRO DEIOTARO.

berares: per parvam amicitiae culpam relinquebas. itaque non solum in eum non animaduertisti: sed omni metu liberauisti: hospitem agnouisti: regem reliquisti. neque enim ille odio tui progressus, sed errore communi lapsus est. Is rex, quem Senatus hoc nomine saepe honorificentissimis decretis appellauisset: qui quique eum illum ordinem ab adolescentia grauissimum sanctissimumque duxisset: isdem rebus est perturbatus, homo longinquus, et alienigena: quibus nos in media Reipublicae nati, semperque uersati. cum audisset Senatus consentientis auctoritate arma sumpta: Consulibus, Praetoribus, Tribunis plebis, nouis Imperatoribus Reipublicae defendendam datam: mouebatur animo: et uir huic imperio amicissimus de salute Populi Romani extimescebat: in qua etiam suam inclusam esse uidebat. in summo tamen timore quiescendum sibi esse arbitrabatur. maxime uero perturbatus est: ut audiuit Consules ex Italia profugisse: omnesque Consulares, sic enim nunciabatur: cunctum Senatum, totam Italiam, esse effusam. talibus enim nuncijs et rumoribus patebat ad orientem uia: nec ulli ueri subsequerentur. nihil ille de conditionibus tuis, nihil de studio concordiae, et pacis, nihil de conspiratione audiebat certorum hominum contra dignitatem tuam. quae cum ita essent: tamen usque eo se tenuit: quoad a Cn. Pompeio ad eum legati literaeque uenerunt. Ignosce, ignosce Caesar, si eius uiri auctoritati Rex Deiotarus cessit: quem nos omnes secuti sumus: in quem, cum dii atque homines omnia ornamenta congerissent: tum tu ipse plurima, et maxima: neque enim si tuae res gestae ceterorum laudibus obscuritatem attulerunt: ideo Cn. Pompeij memoriam amicissimus. quantum nomen eius fuerit, quanta opes, quanta

et in omni genere bellorum gloria, quanti honores Po-
 puli romani, quanti Senatus, quanti tui, quis ignorat?
 tanto ille superiores uicerat gloria: quanto tu omnibus
 praestitisti. itaq; Cn. Pompeij bella, uictorias, triumphos,
 consulatus admirantes numerabamus: tuos enumerare
 non possumus. Ad eum igitur Rex Deiotarus uenit hoc
 misero fataliq; bello: quem ante iustis hostilibusq; bel-
 lis adiunxerat: quo cum erat non hospitio solum, uerū
 etiam familiaritate coniunctus. Et uenit, uel rogatus,
 ut amicus: uel accersitus, ut socius: uel euocatus, ut is, q
 Senatus parere didicisset. postremo uenit ut ad fugien-
 tem, non ut ad insequētem: idest ad periculi, nō ad ui-
 ctoriae societatem. itaq; Pharsalico praelio facto, à Pom-
 peio discessit: spem infinitam persequi noluit: uel offi-
 cio, si quid debuerat: uel errori, si quid nescierat: satis-
 factum esse duxit: domum se contulit: teq; Alexandri-
 num bellum gerente, utilitatibus tuis paruit. ille exer-
 citum Cn. Domitij amplissimi uiri, suis tectis, et copijs
 sustentauit: ille Ephesum ad eum, quem tu ex tuis fide-
 lissimum, et probatissimum omnibus delegisti: pecuniā
 misit: ille iterum, ille tertio auctionibus factis pecuniam
 dedit: qua ad bellum uteretur: ille corpus suum pericu-
 lo obiecit: tecumq; in acie contra Pharnacem fuit: tu-
 umq; hostem, esse duxit suum. Quæ quidem à te in eā
 partem accepta sunt Caesar: ut eum amplissimo Regis
 honore et nomine affeceres. Is igitur non modo à te
 periculo liberatus, sed etiam honore amplissimo orna-
 tus, arguitur domi te suæ interficere uoluisse. quod tu,
 nisi eum furiosissimum iudicas: suspicari profecto non po-
 tes. ut enim omittam, cuius tanti sceleris fuerit, in conspe-
 ctu deorū penatum necare hospitem: cuius tantæ im-

PRO DEIOTARO.

portunitatis, omnium gentium, atq; omnis memoriae clarissimum lumen extinguere: cuius tantæ ferocitatis, victorem orbis terrarum non extimescere: cuius tam inhumani, et ingrati animi, à quo Rex appellatus esset: in eum Tyrannum inueniri: ut hæc onultam: cuius tanti furoris fuit? omnes Reges, quorum multi erant finitimi: omnes liberos populos, omnes socios, omnes provincias, omnia deniq; omnium arma contra se unum excitare? quonam ille modo cum regno, cum domo, cum coniuge, cum clarissimo filio distractus esset? tanto scelere non modo perfecto, sed etiam cogitato? At credo hæc homo inconsultus & temerarius nõ uidebat? quis consideratior illo? quis rectior? quis prudentior? quam hoc loco Deiotarum non tam ingenio, & prudentia, quàm fide & religione uitæ defendendum puto. nota tibi est hominis probitas C. Cæsar: noti mores: nota constantia. cui porro, qui modo Populi Romani nomen audiuit: Deiotari integritas, grauitas, uirtus, fides non sit audita? quod igitur facinus, nec in hominem imprudentem cadere posset, propter metum præsentis exitij: nec in facinorosum, nisi esset idem amētissimus: id uos & à uiro optimo, & ab homine minime stulto cogitatum esse confingitis. At quàm non modo non credibiliter, sed ne suspiciose quidem. Cum inquit in castellum Luceium uenisses: & domum Regis hospitis tui diuertisses: locus erat qdam: in quo erant ea composita: quibus te Rex munere constituerat. huc te è balneo, prius quàm acumbers: ducere uolebat. ibi enim erant armati, qui te interficerent: in eo ipso loco collocati. En crimen, en causa, cur Regem fugitiuus, dominum seruus acuset. Ego me hercule Cæsar initio, cum est ad me ista causa

delata: Phidippum medicum, seruum regium, qui cum
legatis missus esset: ab ipso adolescente existimari esse
corruptum. hac suspitione sum percussus: medicum indi-
cem subornabit: finget uidelicet aliquod crimen ueneni.
Et si a ueritate longe, tamen a consuetudine criminan-
di non multum res abhorrebat. Quid ait medicus? ni-
hil de ueneno. at id fieri potuit, primo occultius in po-
tione, uel cibo: deinde etiam impunius fit: quod, cum
est factum: negari potest. si palam te interemisset: o-
mnium in se gentium non solum odia, sed etiam arma
conuertisset. si ueneno: Iouis illius quidē hospitalis nu-
men nunquam cælare potuisset: homines uero fortasse
cælasset. quod igitur Et occultius conari, Et efficere cau-
tius potuit: id tibi Et medico callido, Et seruo, ut puta-
bat, fideli non credidit? de armis, de ferro, de insidijs
cælare te noluit? At quā festiue crimen cōtexitur? Tua
te inquit eadem, quæ semper, fortuna seruauit. negau-
isti tum te inspicere uelle. quid postea? an Deiotarus re il-
lo tempore non perfecta, continuo dimisit exercitum?
nullus erat alius insidiandi locus? At eodē te cum ce-
nauiſſes rediturum dixeras. itaq; fecisti. horam unam
aut duas eodem loco armatos, ut collocati fuerant, reti-
nere magnum fuit? cum in conuiuio comiter, Et iucun-
de fuisses: tum illuc iuisti ut dixeras. quo in loco Deiotar-
um talem erga te cognouisti: qualis rex Attalus in P.
Africanum fuit: cui magnificentissima dona ut scriptū
legimus, usq; ad Numantiam misit ex Asia: quæ Afri-
canus inspectante exercitu accepit. Quod cum præsens
Deiotarus regio Et animo, Et more fecisset: tu in cubi-
culum discessisti. Obsecro Cæsar repete temporis illius
memoriam: pone illum ante oculos diem: uultus homi-

PRO DEIOTARO.

num te intuetum, atq; admirantium recordare. num-
quæ trepidatio? numqui tumultus? nunquid, nisi mo-
derate, nisi quiete, nisi ex hominis grauissimæ & san-
ctissimæ disciplina? quid igitur causæ excogitari potest?
cur te lautum uoluerit, cœnatum noluerit occidere? In
posterum inquit diem distulit: ut cum in castellum Lu-
ceium uentum esset: ibi cogitata perficeret. Non uideo
causam loci mutandi: sed tamen acta res criminoſe est.
cum inquit uomere te post cœnam uelle dixisses: in bal-
neum te ducere cœperunt. ibi enim erant insidiæ. at te
eadem tua fortuna seruauit. in cubiculum te ire malle
dixisti. Dii te perdant fugitiue: ita non modo nequam,
& improbus, sed & fatuus, & amens es. quid? ille si-
gna ænea in insidijs posuerat? quæ è balneo in cubicu-
lum transferri nō possent? Habes crimina insidiarū.
nihil enim dixit amplius. horum inquit eram conscius.
quid tum? ita demens ille erat? ut eum, quem conscium
tanti sceleris habebat: à se dimitteret? romam etiā mi-
teret? ubi & inimicissimum sciret esse nepotem suum,
& C. Cæsarem, cui fecisset insidias: præsertim cum is
unus esset: qui posset de absente se uindicare? Et fra-
tres meos inquit, quod erant conscij: in uincula coniecit.
cum igitur eos uinciret: quos secum habebat: te solum
Romam mittebat: qui eadem scires: quæ illos scire di-
cis. Reliqua pars accusationis duplex fuit: una, regē
semper in speculis fuisse: cum à te animo esset alieno.
altera, exercitum eum contra te magnum comparasse.
De exercitu dicam breuiter ut cætera. nunquam eas co-
pias Rex Deiotarus habuit: quibus inferre bellum Po-
pulo Ro. posset: sed qbus fines suos ab excursionibus ho-
stium, & latrocinijs tueretur: & Imperatoribus nostris

auxilia mitteret. Atq; antea quidē maiores copias alere poterat: nunc exiguas uix tueri potest. At misit ad Caelium nescio quem. sed eos, quos misit, quod ire noluerunt: in uincula coniecit. non quæro quā uerisimile sit: aut non habuisse Regem quos mitteret: aut eos, quos misisset, non paruissē: aut qui dicto audientes in tanta re non fuissent: eos uinctos potius q̄ necatos fuisse. sed tamen cum ad Caelium mittebat: utrum causam illā uictam esse nesciebat? an Caelium istum magnū hominē putabat? quem profecto is, qui optime nostros homines nouit: uel quia nō nosset: uel si nosset: contemneret. Adidit etiam illud, equites nō optimos, misisse. ueteres credo Cæsar: nihil ad tuum equitatum. sed misit ex ijs, quos habuit: electos. At nescio quem ex eo numero seruum iudicatum. non arbitror: non audiui. sed in eo, etiam si accidisset: culpam Regis nullam fuisse arbitrarer. Alieno autē a te animo fuit. quomodo? sperauit credo diffiales tibi Alexandriae fore exitus propter regionis naturam, & fluminis. At eo ipso tempore pecuniam dedit: exeratū aluit: quem Asiæ præfeceras, ei nulla in re defuit: tibi uictori non solum ad hospitium, sed ad periculum etiam, atq; ad aciem præsto fuit. Secutum est bellum Africanum. graues de te rumores sparsi: quī etiam furiosum illum Caelium exortauerunt. quo tum erga te rex animo fuit? qui auctonatus sit: seseq; expoliare maluerit: quā tibi pecuniam non subministrare. At eo inquit tempore ipso Niceam, Ephesumq; mittebat: qui rumores Africanos exacerperent: & celeriter ad se referrent. itaq; cum esset ei nunciatum, Domitium naufragio peruisse: te in castello circumsederi: de Domitio dixit uersum Græcum eadem sententia: qua etiam nos ha-

PRO DEIOTARO.

benus Latinum: Pereant amici: dum una inimici intercidant. quod ille, si esset tibi inimicissimus: nunquam tamen dixisset. ipse enim mansuetus: uersus immanis. qui autem Domitio poterat esse amicus: qui tibi esset inimicus? tibi porro inimicus cur esset? a quo cum uel interfici belli lege potuisset: regem & se, & filium suum constitutos esse meminisset? Quid deinde furcifer? quo progreditur? ait hac læticia Deiotarum elatum, uino se obruisse: in conuiuioq; nudum saltauisse. quæ crux huic fugituo potest satis supplicij afferre? Deiotarum saltantem quisquam aut ebrium uidit unquam? omnes sunt in illo rege uirtutes: quod te Cæsari ignorare non arbitror: sed præcipue singularis, & admiranda frugalitas. & si hoc uerbo scio laudari Reges non solere. frugi hominem dici, non multum laudis habet in rege. fortem, iustum, seuerum, grauem, magnanimum, largum, beneficum, liberalem, hæ sunt regiae laudes. illa priuata est. ut uolet quisq; accipiat: ego tamen frugalitatem, id est modestiam, & temperantiam uirtutem esse maximam iudico. hæc in illo est ab ineunte ætate, tum a cuncta Asia, tum a magistratibus legatisq; nostris, tum ab Equitibus Romanis, qui in Asia negociati sunt: perspecta, & cognita. multis ille quidem gradibus officiorum erga Rempublicam nostram ad hoc regium nomen ascendit. sed tamen quicquid a bellis Populi Romani uocabat: cum hominibus nostris consuetudines, amicitias, res, rationesq; iungebat: ut non solum Tetrarcha nobilis, sed optimus paterfamilias, & diligentissimus agricola, & pecuarius haberetur. qui igitur adolescens nondum tanta gloria præditus nihil unquam nisi seuerissime, & grauissime fecerit: is ea existimatione, eaq; ætate saltauit? Imi-

tari potius castor aui mores, disciplinamq; debebas: q̄
optimo et clarissimo uiro fugitui ore maledicere. quod
si saltatorem auum habuisses: neq; eum uirum, unde pu-
doris pudiciæq; exempla peterentur: tamen hoc male
dictum minime in illam ætatem conueniret. quibus il-
le studijs ab ineunte ætate se imbuerat: non saltandi,
sed bene ut armis, optime ut equis uteretur: ea tamen
illum cuncta iam ætate exacta defecerant. itaq; Deiotarum
cum plures in equum sustulissent: quod hæcere in
eo senex posset, admirari solebamus. hic uero adole-
scens, q̄ meus in Cilicia miles, in Græcia commilito fu-
it: cum in illo nostro exercitu equitaret cum suis delectis
equitibus: quos una cum eo ad Pompeium pater misce-
rat: quos concursus facere solebat? quàm se iactare?
quàm se ostentare? quàm nemini in illa causa studio &
cupiditate concedere? cum uero exercitu amisso, ego qui
pacis semper author fui: post Pharsalicum autem præ-
lium suasor fuisset armorum non deponendorum, sed
abijciendorum: hunc ad meam auctoritatem non potui
reuocare: quod & ipse ardebat studio ipsius belli: &
patri satisfaciendum esse arbitrabatur. felix ista domus:
quæ non impunitatem solum adeptæ sit: sed accusandi
etiam licentiam. calamitosus Deiotarus: qui ab eo, qui in
ijsdem castris fuerit, non modo apud te, sed etiam à su-
is accusetur. uos uestra secunda fortuna Castor non po-
testis sine propinquorum calamitate esse contenti. Sine
sanè inimiciæ: quæ esse non debebant. rex enim De-
iotarus uestram familiam abiectam, et obscuram è te-
nebris in lucem uocauit. quis tuum patrem antea, qui
esset, quàm cuius gener esset, audiuit? sed quamuis in-
grate, & impie necessitudinis nomen repudiaueritis: tæ-

PRO DEIOTARO.

nem inimicitias hominum more gerere poteratis: non factum crimine insectari: non expetere uitam: non capitis arcessere. Esto concedatur hæc quoque acerbitalis, et odij magnitudo. adeo ne? ut etiam omnia uitæ, salutisque communis, atque etiam humanitatis iura uiolentur? seruum sollicitare uerbis, spe, præmijsque corrumpere, adducere domum, contra dominum armare, hoc est non uni propinquo, sed omnibus famulis bellum nefarium indicere. nam ista corruptela serui si non modo impunita fuerit: sed etiam à tanta autoritate approbata: nulli parietes nostram salutem, nullæ leges, nulla iura custodient. ubi enim id, quod intus est, atque nostrum, impune euolare potest: contraque nos pugnare: fit in dominatu seruitus: in seruitute dominatus. O tempora, O mores: Cn. Domitius ille, quem nos pueri Cōsulem, Censorem, Pontificem maximum uidimus: cum Tribunum plebis M. Scauri principem ciuitatis in iudicium populi uocauisset: Scauriusque seruus ad eum clam domum uenisset: et crimina in dominum delaturum se esse dixisset: comprehendere hominem iussit: ad Scaurumque deduci. uide quid intersit? et si inique Castorem Domitio comparo. sed tamen, ille inimico seruum remisit. tu ab auo abduxisti. ille incorruptum audire noluit. tu corrupisti. ille adiutorem seruum contra dominum repudiauit. tu etiam accusatore adhibuisti. At semel iste est corruptus à uobis? nonne cum esset productus: et cum tecum fuisset: refugit ad legatos? nonne etiam ad hunc Cn. Domitium uenit? nonne audiente hoc Ser. Sulpitio clarissimo uiro, qui tum casu apud Domitium coenabat: et hoc T. Torquato optimo adolescente, se à te corruptum, tuis promissis in fraudem impulsam esse confessus est? Quæ est ista

tam impudens, tam crudelis, tam immoderata inhu-
 manitas? Itaque in hanc urbem uenisti? ut huius urbis
 iura & exempla corrumperes? domesticaq; tua inhu-
 manitate nostrae ciuitatis humanitatem inquinares? At
 quam acute collecta crimina? Blesamius inquit, eius
 enim nomine optimi hominis, nec tibi ignoti, maladice-
 bat tibi: ad regem inquit scribere solebat: te inuidiose
 Tyrannum existimari: statua inter Reges posita animos
 hominum uehementer offensos: plaudi tibi non solere.
 nonne intelligis Caesar, ex urbanis maliuolorum ser-
 munculis haec ab istis esse collecta? Blesamius Tyrannum
 Caesarem scriberet: multorum enim ciuium capita
 uiderat? multos iussu Caesaris uexatos, uerberatos, neca-
 tos? multas afflictas, et euersas domos? armatis militibus
 refertum forum? quae semper in ciuili uictoria sensimus:
 ea te uictore non uidimus. solus inquam es C. Caesar:
 cuius in uictoria ceciderit nemo nisi armatus. & quem
 nos liberi in summa Reip. libertate nati non modo non
 Tyrannum, sed etiam clementissimum in uictoria ui-
 demus ducem: is Blesamio, qui uiuit in regno: Tyrannus
 uideri potest? Nam de statua quis queritur? una prae-
 fertim? cum tam multas uideat? ualde enim inuiden-
 dum est eius statuae: cuius trophaeis non inuidemus. nam
 si locus affert inuidiam: nullus locus est ad statuam qui
 dem rostris clarior. De plausu autem quid responde-
 am? qui nec desideratus unquam a te est: & nonnun-
 quam obstupescitis hominibus ipsa admiratione com-
 pressus est: & fortasse eo praetermissus: quia nihil uul-
 gare te dignum uideri potest. Nihil a me arbitror
 praetermissum: sed aliquid ad extremam causae partem
 reservatum. id autem aliquid est: te ut plane Deiotaro

PRO DEIOTARO.


reconciliet oratio mea . non enim iam metuo, ne tu illi
succenseas. illud uereor: ne tibi illum succensere aliquid
suscipere. quod abest longissime mihi crede Caesar. quid
enim retineat per te meminit: non quid amiserit: neque
se a te multatum arbitratur: sed, cum existimaret mul-
tis tibi multa esse tribuenda: quæ minus assequi in alte-
ra parte potuisset: ea sumeres ab illo non recusauit. Ete-
nim si Antiochus magnus ille Rex Asiæ, cum postea quæ
a Sapione deuictus Tauro tenuis regnare iussus esset:
omnemque hanc Asiam, quæ est nunc nostra prouincia:
amisisset: dicere est solitus: benigne sibi a Populo Ro. esse
factum: quod nimis magna procuratione liberatus mo-
dicis regni terminis uteretur: potest multo facilius se Deio-
tarus consolari. ille enim furoris multam sustinuerat:
hic erroris. omnia tu Deiotaro Caesar tribuisti: cum et
ipsi, et filio nomen regium concessisti. Hoc nomine re-
tento atque conseruato, nullum beneficium Populi roma-
ni, nullum iudicium de se Senatus immutatum putat:
magno animo et erecto est: nec unquam succumbet ini-
micis: ne fortunæ quidem. multa se arbitratur et pepe-
risset antea factis, et habere in animo, atque uirtute: quæ
nullo modo possit amittere. quæ enim fortuna? aut quis
casus? aut quæ tanta possit iniuria, omnium Imperato-
rum de Deiotaro decreta delere? ab omnibus enim est
ornatus: qui, postquam in castris esse potuit per ætatem:
in Asia, Cappadocia, Ponto, Cilicia, Syria, bella gesse-
runt. senatus uero iudicia de illo tam multa, tamque hono-
rifica, quæ publicas Populi Ro. literis, monumentisque con-
signata sunt: quæ unquam uetustas obruet? aut quæ tan-
ta delebit obliuio? quid de uirtute eius dicam? quid de
magnitudine animi? grauitate? constantia? quæ omnes

docti, atq; sapientes summa, quidam etiam sola bona esse dixerunt: hisq; non modo ad bene, sed etiam ad beate uiuendum contentam uirtutem esse. Hæc ille reputans, & dies & noctes cogitans, non modo tibi non suæset (esset enim non solum ingratus: sed etiam amens) uerum omnem tranquillitatem, et quietem senectutis acceptam refert clementiæ tuæ. quo quidem animo cum antea fuit: tum non dubito quin tuis literis, quarum exemplum legi: quas ad eum Tarracone huic Blesamo disti: se magis etiam erexerit: ab omniq; sollicitudine abstraxerit. iubes enim eum bene sperare: & bono esse animo. quod scio te non frustra scribere solere. memini enim iisdem ferè uerbis ad me te scribere: meq; tuis literis bene sperare nõ frustra esse iussum. Laboro equidem Regis Deiotari causa: quo cum mihi amicitiam Resp. conualiauit: hospitium uoluntas utriusq; coniunxit: familiaritatem consuetudo attulit: summam uero necessitudinem magna eius officia in me, et in exercitum meum effecerunt: sed cum de illo laboro: tum de multis amplissimis uiris: quibus semel ignotum à te esse oportet: nec beneficium tuum in dubium uocari: nec hæere in animis hominum sollicitudinem sempiternam: nec accidere, ut quisquam te timere incipiat eorum, qui semel à te sint liberati timore. Non debeo C. Cæsar quod fieri solet in tantis periculis tentare: quonammodo dicendo misericordiam tuam commouere possim. nihil opus est. occurrere ipsa solet supplicibus, & calamitosis nullius oratione euocata. propone tibi duos reges: & id animo contemplare, quod oculis non potes: dabis profecto misericordiæ: quod iracundiæ negauisti. multa sunt tuæ clementiæ monumenta: sed maxime eorum incolu-

PRO DEIOTARO.

*m*eritas: quibus salutem dedisti. quæ si in priuatis glo-
 riosa sunt: multo magis commemorabuntur in regibus.
 semper regum nomen in hac ciuitate sanctum fuit.
 sociorum uero regum, & amicorum, sanctissimum.
 quod nomen hi reges ne amitterent, te uictore timue-
 runt: retentum uero, & à te confirmatum posteris etiã
 suis tradituros esse confido. corpora uero sua, pro salute
 Regum suorum hi legati tibi regij tradunt, Hieras, &
 Blesamius, et Antigonus tibi, nobisq; omnibus iam diu
 noti: eademq; fide, & uirtute præditus Dorialus: qui
 nuper cum Hiera legatus est ad te missus: tum Regum
 amicissimi, tum tibi etiam probati, ut spero. Exquire
 de Blesamio, nunquid ad Regem contra dignitatem tu-
 am scripserit? Hieras quidem causam omnem suscipit:
 & criminibus illis pro Rege se supponit reum: memo-
 riam tuam implorat: qua uales plurimum. negat un-
 quam se à te in Deiotari Tetrarchia pedem discessisse:
 in primis finibus tibi se præsto fuisse dicit: usq; ad ulti-
 mos persecutum: cum è balneo exisses: tecum se fuisse:
 cum illa munera inspexisses cœnatus: cum in cubiculo
 recubuiesses: eandemq; assiduitatem tibi se præbuisse po-
 stridie. quamobrem, si quid eorum, quæ obiecta sunt:
 cogitatum sit: non recusat, quin id facinus suum iudices.
 Quo circa C. Cæsar uelim existimes, hodierno die sen-
 tentiam tuam aut cum summo dedecore miserrimam
 pestem importaturam esse regibus: aut incolumẽ famã
 cum salute. quorum alterum optare illorum crudeli-
 tatis est: alterum conseruare clementiæ tuæ.

in
regi-
onem
in
mum.
mme-
is et
salute
as, et
amdu
is: qui
regem
quire
m sa-
luta-
mme-
me un-
esset
dultis
fuisse
buculo
esse po-
at sunt
iudices
die sen-
mam
fama
deli-



153

IN M. ANTONIVM PHILIPPI-

CA PRIMA. ORATIO.

XLI III.

a Ntequam de republica Patres C. dicam ea, quæ dicenda hoc tempore arbitror: exponam uobis breuiter consilium & profectiois, et reuersionis meæ.

Ego cum sperarem aliquando ad uestrum consilium auctoritatemq; Remp. esse reuocatum: manendum mihi statuebam quasi in uigilia quadam consulari, ac senatoria. nec uero usquam discedebam: nec à Rep. deſinebam oculos, ex eo die, quo in ædem tel luris conuocati sumus. in quo templo, quantum in me fuit, ieci fundamenta pacis: atheniẽſiumq; renouaui uetus exemplum: græcum etiam uerbum uſurpauit: quod tum in ſedandis diſcordiis uſurpauerat ciuitas illa: atq; omnem memoriam diſcordiarum obliuione ſempiterna delendam cenſui. præclara tum oratio M. Antoni: egregia etiam uoluntas: pax deniq; per eum, & per liberos eius cum præſtantiffimis ciuibus confirmata eſt. atq; hiſ principiis reliqua conſentiebant. ad deliberationes eas, quas habebat domi de republica: principes ciuitatis adhibebat: ad hunc ordinem res optimas deferbat: ſumma cum dignitate et conſtantia ad ea, quæ quaſita erant, reſpondebat: nihil tum, niſi quod erat notum omnibus, in C. Ceſaris commentariis reperiẽbatur. num qui exiles reſtituti? unum aiebat: præterea neminem. num immunitates datæ? nullæ reſpondebat. aſſentiri etiam nos Ser. Sulpitio clariſſimo uiro uoluit: nequa tabula poſt

uuu

PHILIPPICA

Idus Martias ullius decreti Cæsaris, aut beneficij fige-
retur. multa prætereo: eaq; præclara. ad singulare enim
M. Antony factum festinat oratio. Dictaturam, quæ
uim iam regie potestatis obsederat: funditus ex Rep.
sustulit. de qua ne sententias quidem diximus. scriptum
senatus cōsultum, quod fieri uellet: attulit. quo recitato,
authoritatem eius summo studio secuti sumus: eiq; am-
plissimis uerbis per senatus consultum gratias egimus.
lux quædam uidebatur oblata, non modo regno, quod
pertuleramus: sed etiā regni timore sublato: magnūq;
pignus ab eo Reip. datum: se liberam ciuitatem esse uel-
le: cum Dictatoris nomen, quod sæpe iustum fuisset: pro-
pter perpetuæ dictaturæ recentem memoriam funditus
ex Rep. sustulisset. liberatus cædis periculo paucis post
diebus Senatus: uncus impactus est fugituo illi: qui in
C. Marij nonnē inuaserat. atq; hæc omnia communiter
cum Collega. alia porro' propria Dolobellæ. quæ nisi
Collega abfuisset: credo eis fuisse futura communia. Nam
cum serperet in urbe infinitum malum: idq; manaret
in dies latius: ydemq; bustum in foro facerent: qui illā
insepultam sepulturam effecerant: & quotidie magis
magisq; perdit homines, cum suis similibus seruis, te-
tis ac templis urbis munarentur: talis animaduersio fu-
it Dolobellæ cum in audaces sceleratosq; seruos, tum in
impuros, & nefarios liberos: talisq; euersio illius exc-
ratae columnæ: ut mirum mihi uideatur: tam ualde
reliquum tempus ab illo uno die dissensisse. ecce enim
Cal. Iunij, quibus ut adessemus edixerat: mutata oia.
nihil per Senatum: multa & magna per seipsum &
absente populo & inuito. Consules designati se audere
negabant in Senatum uenire: patriæ liberatores urbe

carebant ea: cuius à ceruiabus iugum seruire deiecerant. quos tamen ipsi Consules, & in concionibus, & in omni sermone laudabant. ueterani qui appellabantur: quibus hic ordo diligentissime cauerat: non ad conseruationem earum rerum, quas habebant: sed ad spem nouarum prædarum inatabantur. quæ cum audire malem: quam uidere: haberemq; ius legationis liberum: ea mente discessi: ut adessem Cal. Ianuarij: quod initium Senatus cogendi fore uidebatur. Exposui P. C. profectionis consilium. nunc reuersionis, quæ plus admirationis habet: breuiter exponam. Cum Brundisium, iterq; illud, quod tritum in Græciam est: non sine causa uitauissem: Cal. sextilibus ueni Syracusas: quod ab urbe ea transmissio in Græciam laudabatur. quæ tamen, mihi urbs coniunctissima, plus una me nocte, capiens retinere non potuit. ueritus sum, ne meus repentinus ad meos necessarios aduentus suspicionis aliquid afferret: si essem commoratus. cum autem me ex Sicilia ad Leucopetram, quod est promontorium a gri rhegini: uenti detulissent: ab eo loco conscendi, ut transmitterem. nec ita multiū proiectus, reiectus austro sum in eum ipsum locum, unde conscenderam. cumq; intempesta nox esset: mansissemq; in uilla P. Valerij comitis, & familiaris mei: postridieq; apud eundem uentum expectans manerem: municipes Rhegini complures ad me uenerunt: ex his quidam Roma recentes: à quibus primum accipio M. Antonij concionem: quæ ita mihi placuit: ut ea lecta de reuersione primum cœperim cogitare. nec multo post, edictum Bruti affertur, & Cassij. quod quidem mihi, fortasse quod eos, etiam plus Reip. quam familiaritatis gratia diligo: plenum ætatis uidebatur. adde-

uuu ij

PHILIPPICA

bant præterea (fit enim plerumq; ut ij, qui boni quid uolunt asferre: affingant aliquid: quo faciant id, quod nuntiant, lætius) Remp. conuenturam Cal. Sextilibus: Senatum frequentem fore: Antonium repudiatis malis suasoribus, remissis Gallijs prouincijs, ad auctoritatem Senatus esse rediturum: tum uero tanta sum cupiditate incensus ad reditum: ut mihi nulli neq; remi, neq; uenti satisfacere. non quo me ad tempus occursum putarem: sed ne tardius, quàm cuperem, Reip. gratularer. Atq; ego celeriter Veliam deuectus Brutum uidi, quanto meo dolore non dico. turpe mihi ipsi uidebatur, in eâ urbem me audere reuerti: ex qua Brutus excederet: & ibi uelle tuto esse: ubi ille non posset. neq; uero illum similiter, atq; ipse eram, commotum esse uidi. erectus enim maximi, ac pulcherrimi facti conscientia, nihil de suo casu, multa de nostro querebatur. ex quo primum cognoui, quæ Cal. Sextilibus in Senatu fuisset L. Pisonis oratio. qui quanquam parû erat (id enim ipsum a Bruto audieram) à quibus debuerat, adiutus: tamen & Bruti testimonio, quo quid potest esse grauius? et omnium prædicatione, quos postea uidi: magnam mihi uidebatur gloriam consecutus. Hunc igitur ut sequeretur properaui: quem præsentem non sunt secuti: non ut proficerem aliquid (neq; enim sperabam id: neq; perficere poteram) sed ut, siquid mihi humanitus accidisset (multa autem impendere uidebantur præter naturam etiam, præterq; fatum) huius dici uocem testem reipub. relinquerem meæ perpetuæ erga se uoluntatis. Quoniam utriusq; consilij causam P.C. probatam uobis esse confido: prius quàm de Rep. dicere incipio: pauca querar de hesterina M. Antonij iniuria: cui sum amicus: idq; non

nullo eius officio debere esse, præ me semper tuli.
Quid tandem erat causæ? cur in Senatum hesterno die
tam acerbe cogerer? solus ne aberam? an non sæpe mi-
nus frequētes fuistis? an ea res agebatur? ut etiam ægro-
tos deferri oporteret? Annibal credo erat ad portas?
aut de Pyrrhi pace agebatur? ad quam causam etiam
Appium illum & cæcū & senem delatum esse me-
moræ proditum est. de supplicationibus referebatur. quo
in genere Senatores deesse non solent. coguntur enim
non pignoribus, sed eorum, quorum de honore agi-
tur, gratia. quod idem fit, cum de triumpho refertur.
ita sine cura Consules sunt: ut penè liberum sit Senato-
ri non adesse, qui cum mihi mos notus esset: cumq; è
uia languerem: et mihi met displicerem: nisi pro amicia
qui hoc diceret. at ille uobis audientibus, cum fabris
se domum meam uenturum esse dixit. nimis iracunde
hoc quidem, & ualde intemperanter. cuius enim male-
ficij ista pœna est? ut dicere in hoc ordine auderet: se
publicis operis disturbaturum publice ex Senatus sen-
tentia ædificatam domum? quis autem unquam tanto
damno Senatorem coegit? aut quid est ultra pignus, aut
multam? qui si scisset quam sententiam dicturus es-
sem: remisisset aliquid profecto de seueritate cogendi. an
me censetis P. C. quod uos inuiti secuti estis: decreturum
fuisse? ut parentalia cum supplicationibus miscerentur?
ut inexpriables religiones in Remp. inducerentur? ut de-
cernerentur supplicationes mortuorum? nihil dico quis
fuerit ille L. Brutus: qui & ipse regio dominatu Remp.
liberauit: & ad similem uirtutem, & simile factum
serpem in propè quingentesimum annum propagauit:
adduci tamen non possem: ut quenquam mortuum con-

uuu ij

PHILIPPICA

iungerem cum deorum immortalium religione: ut cuius sepulchrum nusquam extet, ubi parentetur: ei publice supplicetur. Ego uero eam sententiam dixissem Patres conscripti: ut me aduersus populum Ro. si quis accideret grauior Reip. casus: si bellum, si morbus, si fames: facile possim defendere: quæ partim iam sunt: partim tamen meo ne impendant. sed hoc ignoscant dii immortales uelim. Et populo romano, qui id non probat: Et huic ordini, qui decreuit inuitus. Quid de reliquis Reip. malis? licet ne dicere? mihi uero licet, Et semper licebit, dignitatem tueri: mortem contemnere. potestas modo ueniendi in hunc locum sit: dicendi periculum non recusabo. Atque utinam P. C. Cal. Sextilibus adesse potuissem: non quo profici potuerit aliquid: sed ne unus modo Consularis, quod tum accidit: dignus illo honore, dignus Reip. inueniretur. quia quidem ex re magnum accipio dolorem: homines amplissimis populi Ro. beneficijs usos L. Pisonem ducem optimæ sententiæ non secutos. itaque ne nos populus Ro. consulares fecit? ut in altissimo gradu dignitatis locati Remp. pro nihilo haberemus? non modo uoce nemo L. Pisoni Consularis, sed ne uultu quidem assensus est. quænam (malum) est ista uoluntaria seruitus? fuerit quædam necessaria. nec ego hoc ab omnibus ijs desidero: qui sententiam loco Consulari dicunt. alia causa est eorum: quorum silentio ignosco: alia eorum: quorum uocem requiro. quos quidem doleo in suspicionem populo Ro. uenire: non metu, quod ipsum est turpe: sed alium alia de causa deesse dignitati suæ. quare primum maximas gratias Et habeo, Et ago, L. Pisoni: qui non quid efficere posset in rep. cogitauit: sed quid ipse facere deberet. deinde à uobis P. C. peto: ut

etiam, si sequi minus audebitis orationem atq; authori-
tatem meam: benigne tamen me, ut fecistis adhuc, audia-
tis. Primum igitur acta Caesaris seruanda censeo. nō
quo probem: quis enim id quidem potest? sed quia ra-
tionem habendam maxime arbitror pacis, et ocij. uel-
lem adesset Antonius: modo sine aduocatis. sed, ut opi-
nor, licet ei minus ualere: quod mihi heri per illum
non licebat. doceret me, uel potius uos P. C. quemadmo-
dum ipse Caesaris acta defenderet. an in commentario-
lis, & chirographis, & libellis se uno authore prola-
tis, ac ne prolatis quidem, sed tantummodo dictis, acta
Caesaris firma erunt? quæ ille in æs incidit: in quo popu-
li iussa, perpetuasq; leges esse uoluit: pro nihilo habebun-
tur? Eodem existimo nihil tam esse in actis Caesaris, q̃ le-
ges Caesaris. an si cui quid ille promissum: id erit fixum?
quod idem facere non potuit: ut multis multa promissa
nō fecit. quæ tamen nullo plura reperta sunt illo mor-
tuo: quam uiuo beneficia per omnes annos tributa, &
data. sed ea non muto: non moueo: summo etiam studio
præclara illius acta defendo. pecunia utinam ad ædem
opis maneret. cruenta quidem illa: sed his temporibus,
cum ijs quorum est, non redditur: necessaria. quanquam
ea quoq; sit effusa: si ita in actis eius fuit. ecquid est?
quod tam proprie dici possit actum eius, qui togatus in
Rep. cum potestate, imperioq; uersatus sit: quàm lex?
quare acta Grachi: leges Sempronie proferentur: quæ=
re Scyllæ: Corneliæ. quid? Cn Pompei tertius Consu-
latus, in quibus actis consistit? nempe in legibus. à Cæ-
sare ipso si quæres, quid nam egisset in urbe, & toga?
leges multas responderet se, & præclaras tulisse. chiro-
grapha uero aut mutaret: aut non daret: aut, si dedis-

uuu iiij

PHILIPPICA

fer: non istas res in actis suis duceret. Sed ea ipsa concedo: quibusdam in rebus etiam conuiueo. in maximis uero rebus, id est legibus, acta Caesaris dissolui, ferendum non puto. Quae lex melior, utilior, optima etiam in Rep. saepius flagitata? quam ne Praetoriae provinciae plusquam annum, ne plusquam biennium Consulares obtinerentur? hac lege sublata uidentur ne uobis acta Caesaris seruari? quid? ea lege, quae promulgata est de tertia Decuria iudicum: non ne omnes iudicariae leges Caesaris dissoluantur? Et uos acta Caesaris defenditis: qui leges eius euertitis? nisi forte, si quid memoriae causa retulit in libellum: id numerabitur in actis: Et quamuis iniquum et inutile sit, defendetur? quod ad populum Centuriatis comitijs tulit: id in actis Caesaris non habebitur? At quae est ista tertia decuria? centurionum inquit. quid? isti ordini iudicatus lege Iulia, etiam ante Pompeia, Aurelia non patebat? census praefinebatur inquit. non Centurioni quidem solum, sed Equiti etiam romano. itaque uiri fortissimi atque honestissimi, qui ordines duxerunt: res et iudicant: et iudicauerunt. Non quero inquit istos: quicumque ordinem duxit, iudicet. at si feratis, quicumque equo meruisset: quod est laudatius: nemini probaretis. in iudice enim spectari et fortuna debet, et dignitas. Non quero inquit ista: addo etiam iudices manipulares ex legione Alaudarum. aliter enim nostri negant posse se saluos esse. O contumeliosum honorem istis, quos ad iudicandum nec opinantes uocatis. Hic enim est legis iudex: ut in tertia Decuria iudicent: qui libere iudicare non audeant. in quo quantus est error deum immortales eorum, qui istam legem excogitauerunt. ut enim quisque sordidissimus uidebitur: ita liberrime seueritate iudicandi sordes suas eluet: labora

bitq; ut honestis Decurijs potius dignus uideatur: q̄ in
turpes iure coniectus. Altera promulgata lex est: ut
et de ui, et de maiestate damnati, ad populum pro-
uocent, si uelint. Hæc utrum tandem lex est? an legum
omnium dissolutio? quis enim est hodie? cuius intersit
istam legem manere? nemo reus est istis legibus: nemo,
quem futurum putemus. armis enim gesta, nunquam
profecto in iudicium uocabuntur. At res popularis?
utinam quidem uelletis aliquid esse popolare. omnes
enim iam ciues de Reip. salute una et mente, et uo-
ce consentiunt. quæ est igitur ea cupiditas eius legis fe-
rendæ? quæ turpitudinem summam habeat: gratiam
nullam? quid enim turpius quàm qui maiestatem po-
puli romani per uim minuerit: eum damnatum iudi-
cio, ad eam ipsam reuerti: propter quam sit iure da-
mnatus? Sed quid plura de lege disputo? quasi uero id
agatur: ut quisquam prouocet. id agitur. id fertur: ne qs
omnino iniqua istis legibus reus fiat. quis enim aut ac-
cusator tam amens reperietur? qui reo condemnato obij-
ci se multitudini conductæ uelit? aut iudex? qui reum
damnare audeat: ut ipse ad operas mercenarias statim
protrahatur? nō igitur prouocatio ista lege datur. sed duæ
maxime salutare leges, quæstionesq; tolluntur? quid est
igitur aliud? quàm adhortari adolescentes, ut turbulen-
ti, et seditiosi, ut perniciosi ciues uelint esse? quam au-
tem ad Reip. pestem furor tribunitius impelli non pote-
rit, his duabus quæstionibus de ui, et de maiestate sub-
latis? quid? quod abrogatur his legibus Cæsaris, quæ
iubent, ei, qui de ui, itemq; ei, qui maiestatis damna-
tus sit: aqua et igni interdici? quibus cum prouocatio
datur: non ne acta Cæsaris rescinduntur? Quæ quidē

PHILIPPICA

ego P.C. qui illa nunquam probavi: ita conseruanda concordiae causa arbitratus sum: ut non modo, quas uiuus Caesar leges tulisset, infirmandas hoc tempore non putarem: sed ne illas quidem, quas post mortem Caesaris prolatas esse & fixas uidetis. de exilio reducti sunt a mortuo: ciuitas data non solum singulis, sed etiam nationibus, & prouincijs uniuersis: immunitatibus infinitis sublata uectigalia a mortuo. ergo haec uno uiro optimo auihore domo prolata defendimus. eas leges, quas ipse uobis inspectantibus reatauit: promouciat: tulit: quibus latis gloriabatur: ijsq; legibus Remp. contineri putabat: de prouincijs, de iudicijs: eas inquam Caesaris leges nos, qui defendimus acta Caesaris: euertendas putabimus? Ac de ijs tamen legibus, quae promulgatae sunt: saltem queri possumus: de ijs, quae iam lata dicuntur: ne illud quidem licuit. illae enim nulla promulgatione latae sunt ante, quam scriptae. Querunt quid sit: cur aut ego, aut quisquam uestrum P.C. bonis Tribunis pl. leges malas metuat. paratos habemus, qui intercedant: paratos, qui Remp. religione defendant: uacui metu esse debemus. quas tu mihi intercessionem inquis? quas religiones? eas scilicet, quibus Reip. salus continetur. negligimus ista: & nimis antiqua, & stulta ducimus. forum sepietur: omnes claudentur aditus: armati in praesidijs multis in locis collocabuntur. qd tum? quod erit ita gestum: id lex erit? & in aes incidi iubebitis? credo illa legitima: quae Consules populum iure rogauerunt. hoc enim a maioribus accepimus ius rogandi: populus quae iure sciuit. qui populus? is ne, qui exclusus est? quo iure? an eo, quod ui & armis omne sublatum est? Atq; ego hoc dico de futuris: quod est augurum:

antedicere ea, quæ uitari possunt: quæ si facta nõ erũt:
refelletur oratio mea. loquor de legibus promulgatis: de
quibus est integrum uobis. demonstro uicia: tollite. de-
nuncio uim, arma: remouete. Irasci quidem mihi Dolo-
bella pro Rep. dicenti non oportebit. quanquam quidem
te id facturum non arbitror. noui enim facilitatem tu-
am. collegam tuum aiunt in hac sua fortuna, quæ bona
ipsi uidetur: mihi, ne grauius quippiam dicam: auorum
et auunculi sui consulatum si imitaretur: fortunatior ui-
deretur. sed eum iracundum audio factum. uideo autẽ
quàm sit odiosum, habere iratum eundem, & armatũ:
cum tanta præsertim gladiorũ sit impunitas. sed pro-
mam ius ut opinor æquum: quod M. Antonium non
arbitror repudiaturum. ego si quid in uitam eius, aut
in mores contumeliæ dixerò: quo minus mihi inimicus
simus sit, non recusabo. si consuetudinem meam, quam
semper in Rep. habui: tenuero: id est si libere, quæ sen-
tiam, de Rep. dixerò: primũ deprecor ne irascatur. de-
inde, si hoc non impetro: peto, ut sic irascatur: ut quibus
armis utatur, si ita necesse est, ut dicat, sui defendẽdi cau-
sa: ijs qui pro Rep. quæ ipsis uisa erunt, dixerint: ista ar-
ma ne noceant. qd hac postulatione dici potest æquius?
Quod si, ut à quibusdam mihi eius familiaribus di-
ctum est: omnis eum quæ habetur contra uolũtatem eius
oratio, grauius offendit: etiam si nulla inest contume-
lia: feremus amica naturam. sed ydem illi ita mecum:
non idem tibi aduersario Cæsaris licebit: quod Pisoni so-
cero. et simul admonent quiddam: quod cauebimus: nec
erit iustior P. C. in Senatum non ueniẽdi morbi causa:
quàm mortis. Sed per deos immortales, te enim
intuens Dolobella, qui es mihi charissimus: non possum

PHILIPPICA

de utriusq; uestrum errore reticere. credo enim uos ho-
mines nobiles, magna quædam spectantes, non pecuni-
am, ut quidam nimis creduli suspicantur: quæ semper
ab amplissimo quoq; clarissimoq; contempta est: non
opes uiolentas, & populo ro. minime ferendam poten-
tiam, sed charitatem ciuium & gloriam concupisse. ea
autem est gloria, et laus, recte factorum, magnorumq;
in Remp. meritorum. quæ cum optimi cuiusq; tum etiã
multitudinis testimonio comprobatur. Dicerem Dolobel-
la qui recte factorum fructus esset: nisi te paulisper esse
expertum uideremus. quem potes recordari in uita tibi
illuxisse diem lætiores? quàm cum expiato foro, dissi-
pato concursu impiorum, principibus sceleris poena af-
fectis, te domum recepisti? cuius ordinis? cuius generis?
cuius deniq; fortunæ studia tum laudi, & gratulatio-
ni tuæ se non obtulerunt? quin mihi etiam, quo autho-
re te in ijs rebus uti arbitrabantur: & gratias boni ui-
ri agebant: et tuo nomine gratulabatur. recordare quæ-
so Dolobella consensum illum theatri: cum omnes carũ
rerum obliti, propter quas tibi fuerant offensi: significa-
uerunt se beneficio nouo memoriam doloris ueteris ab-
ieciisse. hanc tu potuisti Dolobella (magno loquor cum do-
lore) hanc tu inquam æquo animo potuisti tantam di-
gnitatem deponere? Te autem M. Antoni absentem ap-
pello: unum illũ diem, quo in æde Telluris Senatus fuit:
non omnibus ijs mensibus, quibus te quidam multum
à me dissentientes beatum putant: anteponis? quæ fuit
oratio de concordia? quanto metu ueterani, quanta solli-
citudine ciuitas tum à te liberata est? cum tuum Colle-
gam depositis inimicijs, oblitus auspiorum, auguria te
ipso augure nunciante, illo primum die Collegam tibi

esse uoluisti: reip. tuus paruus filius in Capitolium à te missus pacis obsecrator fuit. quo Senatus die letior? quo populus romanus? qui quidem nulla in concione unquam frequentior fuit. tum denique liberati per uiros fortissimos uidebamur: quia, ut illi uoluerant, libertatem pax con- sequebatur. proximo, altero, tertio, denique reliquis consecutis diebus non intermittebas quasi donum aliquod quotidie afferre rei publicae. maximum autem illud: quod dictaturae nomen sustulisti. haec iniusta est à te, à te inquam, mortuo Caesari nota ad ignominiam sempiternam. ut enim propter unius M. Manlii scelus, decreto, gentis Manliae neminem patricium M. Manlium uocari licet: sic tu propter unius dictatoris odium, nomen dictatoris funditus sustulisti. num huiusce, cum pro salute Reip. tanta gessisses: fortunae te? num amplitudinis? num claritatis? num gloriae poenitebat? unde igitur subito tanta ista mutatio? non possum adduci, ut suspicer, te pecunia captum. licet quod cuique libet, loquatur: credere non est necesse. nihil enim unquam in te sordidum, nihil humile cognoui. quanquam solent domestici deprauare nonnunquam. sed noui firmitatem tuam: atque utinam ut culpam, sic etiam suspicionem uitare potuisses. illud magis uereor: ne ignorans uerum iter gloriae, gloriosum putes, plus te unum posse: quam omnes: et metui à ciuibz tuis, quam diligere malis. quod si ita putas: totam ignoras uiam gloriae. carum esse ciuem, bene de Rep. mereri, laudari, coli, diligere, gloriosum est. metui uero et in odio esse, inuidiosum, detestabile, imbecillum, caducum. quod uidemus etiam in fabulis, ipsis illis, qui, oderint dum metuant, dixerint: periculosum fuisse. Utinam Antoni auum tuum meminisses: de quo tra-

PHILIPPICA

men multa audisti ex me sepiissime. putas ne illum im-
mortalitatem mereri uoluisse: ut propter armorum me-
tuendorum licentiam metueretur? illa erat uita: illa se-
cunda fortuna: libertate esse parem cum cæteris: princi-
pem dignitate. itaq; ut omittam res aui tui prosperas: a-
cerbissimum eius diē supremum malim: quā L. Cin-
næ dominatum: à quo ille crudelissime est interfectus.
Sed quid oratione te flectam? si enim exitus C. Cæsa-
ris efficere hoc non potest: ut malis carus esse: quā me-
tui: nihil cuiusquam proficiet, nec ualebit oratio. quem
qui beatum fuisse putant: miserrimi ipsi sunt. beatus est
nemo: qui ea lege uiuit: ut non modo impune, sed etiā
cum summa interfectoris gloria interfici possit. Qua-
re flecte te quæso: & maiores tuos respice: atq; ita guber-
na rem publicam: ut natum te esse ciues tui gaudeant:
sine quo nec beatus, nec clarus esse quisquam potest. Et
populi quidem ro. iudicia multa ambo habetis: quibus
uos non satis moueri permoleste fero. qd enim gladi-
torij clamores innumerabilium ciuium? quid populi
uersus? quid Pompei statuæ plausus infiniti? quid ij Tri-
buni plebis, qui uobis aduersantur? parum ne hæc si-
gnificant, incredibiliter consentientem populi ro. uni-
uersi uoluntatem? quid Appollinarium ludorum plau-
sus? uel testimonia potius? & indicia populi romani?
uobis parua esse uidebantur? O' beatos illos: qui cum
adesse ipsis, propter uim armorum, non licebat: aderāt
tamen: & in medullis populi romani ac uisceribus
hærebant. nisi forte Actio tum plaudi: & sexagesimo
post anno palmam dari putabatis: non Bruto: qui ijs lu-
dis ita caruit: ut in illo apparatissimo spectaculo stu-
dium populus romanus tribuerit absenti: desiderium

liberatoris sui perpetuo plausu et clamore leniret. Eque-
dem is sum: q̄ istos plausus, cum à popularibus quibus
tribueretur: semper contempserim. idēq; cum à summis,
medijs, infimis, cum deniq; ab uniuersis, hoc idem fit:
cūq; q̄, q̄ ante se q̄ populi consensum solebant: fugiunt:
nō plausum illum, sed iudiciū puto. Sin hęc leuiora uo-
bis uidentur: quę sunt grauissima: num etiam hoc con-
temnitis? quod sensistis tam caram populo ro. uitam A.
Hircij fuisse? satis enim erat, probatum illum esse popu-
lo romano, ut est: iucundum amicis, in quo uincat o-
mnes: carum suis, quibus est ipse charissimus. tantam
tamen sollicitudinem bonorum, tantum timorem omni-
um, in quo meminimus? certe in nullo. quid igitur? hoc
uos per deos immortales quale sit non interpretamini?
quid eos de nostra uita cogitare censetis? quibus eorum,
quos sperant Reipub. consulturos: uita tam cara sit?

Cœpi P. C. reuersionis meę fructum: quoniā ea dixi:
ut quicunq; casus consecutus esset: extaret conscientię
meę testimonium: Et sum à uobis benigne, ac diligenter
auditus. quę potestas si mihi sæpius sine meo uestroq; pe-
riculo fieri: utar. si minus: quantum potero, non tam mihi
me, quā Reip. reseruabo. mihi ferē satis est, quod uixi,
uel ad ætatem, uel ad gloriam. huc si quid accesserit:
non tam mihi, quā uobis, Reiq; publicę accesserit.

IN M. ANTONIVM, PHILIPPI-
CA SECVNDA. ORATIO.

XLV.

Vonam meo fato P.C. fieri dicam: ut
nemo his annis uiginti Reip. hostis fue-
rit: qui non bellum eodem tempore
q mihi quoq; indixerit. Nec uero necesse
est à me quenquam nominari uobis:
sum ipsi recordemini. mihi poenarum illi, plusquam o-
ptarem, dederunt. te miror Antoni quorum facta imi-
tere: eorum exitus non perhorrescere. Atq; hoc in alijs
minus mirabar. nemo illorum mihi inimicus fuit uo-
luntarius: omnes à me Reip. causa laceSSI. tu, ne uerbo
quidem uiolatus, ut audacior quam L. Catilina, furio-
sior, quam P. Clodius uiderere: ultro maledictis me la-
cessisti: tuamq; à me alienationem ad ciues impios tibi
gloriae fore putauisti. quid putem? contemptum ne me?
non uideo nec in uita, nec in gratia, nec in rebus gestis,
nec in hac mea mediocritate ingenij, quid despicere pos-
sit Antonius. an in Senatu facillime detrahi posse credi-
dit? qui ordo clarissimis ciuibus bene geste reipublicae
testimonium multis, mihi uni conseruate dedit. an de-
certare mecum uoluit contentione dicendi? hoc quidem
beneficium est. quid enim plenius? quid uberius? quam
mihi & pro me, & contra Antonium dicere. illud
profecto est. non existimauit suis similibus probari posse,
se esse hostem patriae: nisi mihi esset inimicus. Cui pri-
us quam de cæteris rebus respondeo: de amicitia, quam
à me uiolatam esse criminatus est: quod grauissimum
crimen iudico

crimen iudico: pauca dicamus. Contra rem suam uenisse me nescio quando questus est. an ego non uenirem contra alienum pro familiari, & necessario, meo? non uenirem contra gratiam, non uirtutis specie, sed ætatis flore collectam? non uenire contra iniuriam? quam iste intercessoris iniquissimi beneficio obtinuit, non iure prætorio? sed hoc igitur commemoratum à te puto: ut te in fimo ordini commendares: cum omnes recordarentur libertinum generum, et liberos tuos nepotes Q. fadi libertini hominis fuisse. Atenim te in disciplinam meam tradideras. nam ita dixisti. domum meam uentituras. ne tu, si id fecisses, melius famæ, melius pudiciæ tuæ consulisses. sed nec fecisti: nec si cuperes: tibi id per C. Curionem facere licuisset. Auguratus petitionem mihi te concessisse dixisti. O' incredibile audaciam: O' impudètiā prædicandam. quo enim tempore me Augurè à toto Collegio expetitum Cn. Pompeius, & Q. Hortensius nominauerunt: neq; enim licebat à pluribus nominari: nec tu soluendo eras: nec te ullo modo nisi euer sa Rep. fore incolumem putabas. poteras autem eo tempore Auguratum petere: cum in Italia Curio non esset? aut tum, cum es factus, unam tribum sine Curione ferre potuisses? cuius etiam familiares de ui condemnati sunt: quod tui nimis studiosi fuissent. At beneficio sum usus tuo? quo? quanquam illud ipsum, quod commemoras, semper præ me tuli. malui me tibi debere confiteri: quàm cuiquam minus prudenti nò satis gratus uideri. sed quo beneficio? quod me Brundusij non occideris? quem ipse uictor, qui tibi, ut tute gloriari solebas, detulerat ex latronibus suis principatum: saluum esse uoluisset: in Italiam ire iussisset: eum tu occideres? fac potuisse. quod est

xxx

PHILIPPICA

aliud P. C. beneficium latronum: nisi ut commemora-
re possint, his se uitam dedisse: quibus non ademerint?
quod si esset beneficium: nunquam u, qui illum interfecer-
unt, a quo erant seruati: quos tu ipse uiros clarissimos
appellare soles: tantam essent gloriam consecuti. quale
autem beneficium est? quod te abstinueris a nefario
scelere? qua in re, non tam iucundum uideri mihi de-
buit: non interfectum a te: quàm miserum: id te impu-
ne facere potuisse. Sed sit beneficium. quandoquidem ma-
ius accipi a latrone nullum potuit. in quo potes me di-
cere ingratum? an de interitu Reip. queri non debui,
ne te ingratus uiderer? an in illa querela misera qdem,
et luctuosa, sed mihi pro hoc gradu, in quo me Sena-
tus populusq; Ro. collocauit: necessaria, quid dictum a
me cum contumelia? quid non moderate? quid non ami-
ce? Et quidem cuius temperantiae fuit: de M. Antonio
querentem, abstinere maledicto? praesertim cum tu reli-
quias Reip. dissipauisses: cum domus tuae turpissimo mer-
catu omnia essent uenalia: cum leges eas, quae nunquam
promulgatae essent: et de te, et a te latas confiterere:
cum auspicia Augur, intercessionem Consul sustulisses:
cum esses foedissime stipatus armatis: cum omnes impu-
ritates pudici in domo quotidie susciperes, uino lu-
strisq; confectus. At ego, tanquam mihi cum M. Crasso
contentio esset: quo cum multae, et magnae fuerunt: non
cum uno gladiatore nequissimo: de Rep. grauius que-
rens, de homine nihil dixi. itaq; hodie perficiam: ut in-
telligat quantum tum a me beneficium acceperit. At
etiam literas, quas me sibi misisse diceret: recitauit homo
et humanitatis expers, et uitae communis ignarus. quis
enim unquam, qui paulum modo bonorum consuetudine

noffer: literas ad se ab amico missas, offensione aliqua interposita in medium protulit. palamq; recitauit: quid hoc est aliud. quam tollere e uita uita societatem. tollere amicorum colloquia absentium. quam multa loca solent esse in epistolis. quae prolata si sint: inepta esse uideantur. quam multa seria. neq; tamen ullo modo diuulganda. sit hoc inhumanitatis tuae. stulticia incredibilem uidete. quid habes quod mihi opponas homo diserte. ut Mustellae Tamisio, et Tyroni Numisio uideris. qui cum hoc ipso tempore stent cum gladijs in conspectu Senatus: ego quoq; te disertum putabo: si ostenderis quomodo sis eos inter sicarios defensurus. sed quid oppones tandem. si negem me unquam istas literas ad te misisse. quo me teste conuincas. an chirographo. in quo habes scientiam quaestuosam. qui possis. sunt enim librarij manu. Iam inuideo magistro tuo: qui te tanta mercede, quantam iam proferam: nihil sapere docuit. quid est minus non dico oratoris, sed hominis. quam obijcere aduersario: quod ille si uerbo negarit: longius progredi non possit, qui obiecerit. at ego non nego: teq; in isto ipso conuincio non inhumanitatis solū, sed etiam amentiae. quod enim uerbum in istis literis est non plenum humanitatis. officij. beniuolentiae. omne autem crimen tuum est: quod de te in his literis non male existimem: quod scribam tanquam ad ciuem, tanquam ad bonum uirum, non tanquam ad sceleratum, et latronem. At ego tuas literas, et si iure poteram a te laceissus: tamen non proferam: quibus petis, ut tibi p me liceat quendam de exilio reducere: adiurasq; id te inuito me, non esse facturum: idq; a me impetras. qd enim interponerem audaciae tuae. quam neq; authori-

xxx ij

PHILIPPICA

tas huius ordinis, neq; existimatio populi romani, neq;
leges ulla possent coercere? uerū tamen qd erat, quod me
rogares? si erat is, de quo rogabas: Cæsaris lege redu-
ctus? sed uidelicet meam gratiam uoluit esse. in quo,
ne ipsius quidē ulla esse poterat lege lata. Sed cum
mihi P.C. & pro me aliquid, et in M. Antonium mul-
ta dicenda sint: alterum peto à uobis: ut pro me dicen-
tem benigne, alterum ipse efficam: ut contra illum
cum dicam: attente audiatis. simul illud oro: si meam
cum in omni uita, tum in dicendo moderationem, mo-
destiamq; cognoscitis: ne me hodie cum isti, ut prouoca-
uit, respondebo: oblitum esse putetis mei. non tractabo ut
Consulem. ne ille quidem me ut Consularem. & si ille
nullo modo Consul: uel quod ita uiuit: uel quod ita
Rempub. gerit: uel quod ita factus est Consul. ego sine
ulla controuersia Consularis. ut igitur intelligeretis,
qualem me esse Consularem profiteretur: obiecit mihi
Consulatum meum. qui Consulatus uerbo meus P. C.
re uester fuit. quid enim constitui? quid gessi? nisi ex hu-
ius ordinis consilio? autoritate? sententia? Hæc tu ho-
mo sapiens, non solum eloquens, apud eos, quorum con-
silio, sapientiâq; gesta sunt: ausus es uituperare. quis au-
tem meum Consulatum, præter P. Clodium, qui uitu-
peraret inuentus est? cuius quidem te fatum, sicuti C.
Curionem manet: quoniam id domi tuæ est: quod fuit
illorum utriq; fatale. non placet M. Antonio Consu-
latus meus. at placuit P. Seruilio: ut eum primum no-
minem ex illius temporis Consularibus: qui proxime est
mortuus: placuit L. Catulo: cuius semper in hac repub.
uiuet autoritas: placuit duobus Lucullis, M. Crasso,
Q. Hortensio, C. Curioni, M. Lepido, C. Pisoni, M. La-

beoni, L. Volcatio, C. Figulo, D. Syllano, L. Murenæ: qui tunc erant Consules designati: placuit idem quod Consularibus M. Catoni: qui cum multa uita excedēs, prouidit: tum, quod te Consulem non uidit. maxime uero Consulatum meum Cn. Pompeius probauit: qui, ut me primum decedens ex Syria uidit: complexus, & gratulans meo beneficio patriam se uisurum esse dixit: sed quid singulos commemoro? frequentissimo Senatui sic placuit: ut esset nemo: qui mihi non ut parenti gratias ageret: q̄ non mihi uitam suā, liberos, fortunas, rem publicam referret acceptum. Sed quoniam illis, quos nominaui, tot & talibus uiris, Respub. orbatā est: ueniamus ad eos: qui duo ē consulari numero reliqui sunt. L. Cotta uir summo ingenio, summaq; prudentia, rebus his gestis, quas tu reprehendis: supplicationem decreuit uerbis amplissimis: eiq; illi ipsi, quos modo nominaui, Consulares, Senatusq; cunctus assensus est. qui honos post conditam hanc urbem habitus est togato ante me nemini. L. Cæsar auunculus tuus, qua oratione, qua constantia, qua grauitate sententiam dixit in sororis suæ uirum, uiricum tuum? hunc tu, cum authorem, & præceptorem omnium consiliorum, totiusq; uitæ debuisses habere: uirici te similem, quā auunculi esse maluisti. huius ego alienus consilij Consul usus sum. tu sororis filius, quid ad eum unquam de Rep. retulisti? ad quos refert dī immortales? ad eos scilicet: quorum nobis etiam dies natales audiēdi sunt. hodie non descendit Antonius. cur? dat natalicia in hortis. cui? neminem nominabo. putatote eum Phornioni, alicui, tum Gnatonī, tum Ballioni. O' fœditatem hominis flagitiosam: O' impudentiam, nequitiam, libidinem

xxx ij

PHILIPPICA

non ferendam. tu cum Principem Senatorem, ciuem singularem, tam propinquum habeas: ad eum de Rep. nihil refers: ad eos refers: qui domum suam nullam habent: tuam exhauriunt. tuus uidelicet salutaris Consulatus: perniciosus meus? adeo ne pudorem cum pudicitia perdidisti? ut hoc in eo templo dicere ausus sis: in quo ego Senatum illum, qui quondam florens orbi terrarum praesidebat: consulebam: tu homines perditissimos cum gladijs collocauisti. At etiam ausus es, quid autem est: quod tu non audeas? Cliuum Capitolinum dicere me Consule plenum seruorum armatorum fuisse. ut illa credo nefaria Senatus Consulta tum fierent, uim afferbam Senatui. O' miserum, siue illa tibi nota non sunt: nihil enim boni nostri: siue sunt: qui apud tales uiros tam impudenter loquere. quis enim Eques Romanus? quis praeter te adolescens nobilis? quis ullius ordinis? qui se ciuem meminisset: cum Senatus in hoc templo esset: in Cliuo Capitolino non fuit? quis nomen non dedit? quanquam nec scribae sufficere, nec tabulae nomina illorum capere potuerunt. Etenim cum homines nefarii de patriae parricidio confiterentur, consciorum indicijs, sua manu, uoce penè literarum coacti, se urbem inflammare, ciues trucidare, uastare Italiam, delere Remp. consensisse: quis esset? qui ad salutem communem defendendam non excitaretur? praesertim cum senatus populusq; Ro. haberet ducem: qualis si quidem nunc esset: tibi idem, quod illis accidit, contigisset. Ad sepulturam corpus uitrici sui negat à me datum. Hoc uero ne P. quidem Clodius dixit unquam. quem, quia iure ei sui inimicus: dolco à te iam omnibus uicijs esse superatum. Qui autem tibi uenit in mentem, redigere in

memoriam nostram, te domi P. Lentuli esse educatum?
an uerebare? ne non putaremus natura te potuisse tam
improbum euadere: nisi accessisset etiam disciplina?

Tam autem eras excors: ut tota in oratione tecum
ipse pugnares: ut non modo non coherentia inter se di-
ceres: sed maxime disiuncta, atq; contraria: ut non tan-
ta tecum, quanta tecum tibi esset contentio. Vitricum
tuum in tanto fuisse scelere fatebare: poena affectum
querere. Ita quod proprium meum est: laudasti: quod
totius Senatus est: reprehendisti. nam cum comprehensio
fontium, mea, animaduersio, Senatus fuerit: homo diser-
tus non intelligit eum, quem contra dicit: laudari a se:
eos, apud quos dicit: vituperari. Iam illud cuius est nō
dico audaciæ (cupit enim se audacem dici) sed, quod mi-
nime uult, stulticiæ? qua uincit omnes: cliui Capitolini
mentionem facere? cum inter subsellia nostra uersentur
armati: cum in hac cella concordia (o' dij immortales)
in qua me Cōsule salutare sententiæ dictæ sunt: quibus
ad hanc diem uiximus: cum gladijs homines collocati
stent. accusa senatum: accusa equestrem ordinem: qui
tum cum senatu copulatus fuit: accusa omnes ordines: o-
mnes aues: dum confiteare hunc ordinem, hoc ipso tem-
pore, ab Ithyreis circumfederi. hæc tu non propter au-
daciā dicis tam impudenter: sed, qui tantarum rerū
repugnantiam non uideas, nihil profecto sapis. quid est
enim dementius? quā cum ipse contra Remp. pernucio
sa arma cœperis: obicere alteri salutaria? At etiam
quodam loco facetus esse uoluisti. quam id (dij boni) non
decebat. in quo est tua culpa nulla. aliquid enim salis
ab uxore mima trahere potuisti. cædant arma togæ. qd
tum? non ne cesserunt? at postea tuis armis cessit toga.

xxx iiij

PHILIPPICA

quaeramus igitur utrum melius fuerit: libertati populi
romani, sceleratorum arma, an libertatem nostram ar-
mis tuis cedere? Nec uero tibi de uerbis responde-
bo. tantum dicam breuiter: neq; illos, neq; ullas te omni-
no literas nosse. me nec Reip. nec amicis unquam de-
fuisse: & tamen omni genere monumentorum meorum
perfectisse operis subactis: ut meae uigiliae, meaeq; literae
& inuentuti utilitatis, & nomini Romano laudis ali-
quid afferrent. sed hoc non huius temporis. ad maio-
ra ueniamus. P. Clodium meo consilio interfectum
esse dixisti. quid nam homines putarent? si tum occisus
esset: cum tu illum in foro spectante populo Ro. gladio
stricto insecutus es? negotiumq; transgresses: nisi ille se
sub scalas tabernae librariae coniecisset? hisq; oppilatis
impetum tuum compressisset? sed quid? ego fuisse me ti-
bi fateor: suasisse ne tu quidem dicis. at Miloni ne fauere
quidem potui. prius enim rem transiegit: quam quisquā
tum suspicaretur eum facturum esse. At ego suasi. sci-
licet is animus erat Milonis: ut prodesse Reip. sine sua-
sore non posset? At laetatus sum. quid ergo? in tanta lae-
ticia cunctae ciuitatis me unum tristem esse oportebat?
quanquam de morte P. Clodij fuit quaestio nō satis pri-
uēter illa quidem constituta. quid enim attinebat noua
lege quaeri de eo? qui hominem occidisset: cum esset legi-
bus quaestio constituta? quaesitum est tamen. quid ergo?
cum res agebatur: nemo in me dixit: & tot annis post
tu es inuentus, qui diceres? Quod uero dicere au-
sus es: idq; multis uerbis: opera mea Pompeium a Cae-
saris amicitia esse disiunctum: ob eamq; causam mea cul-
pa ciuile bellum esse natum: in eo non tu quidem tota
re, sed, quod maximum est, temporibus errasti. Ego M.

Bibulo præstantissimo ciue Consule, nihil prætermise-
quantum facere, enitq; potui: quin Pompeiũ a Cæsaris
coniunctione auocarem. in quo Cæsar fuit fœlicior. ipse
enim Pompeium a mea familiaritate disiunxit. Postea
uero quàm se totum Pompeius Cæsari tradidit: quid
ego illum ab eo distrahere conarer? stultierat sperare:
suadere impudentis. duo tamen tempora inciderunt:
quibus aliquid contra Cæsarem Pompeio suaserim:
ea uelim reprehendas si potes. unum, ne quinquennij
imperium Cæsari prorogaretur. alterum ne pateretur
fieri, ut absentis eius ratio haberetur. quorum si utrũ-
uis persuasissem: in has misérias nũquam incidissemus.
Atq; idem ego cum iam omnes opes suas & Reip. Pom-
peius ad Cæsarem detulisset: seroq; eadem sentire cœ-
pisset: quæ ego ante multo prouideram: inferriq; patriæ
bellum nefarium uiderem: pacis, concordie, compositio-
nis auctor esse non destiti: meaq; illa uox est nota mul-
tis: utinam Cn. Pompei cum C. Cæsare societatem aut
nunquam coisses: aut nunquam diremisses. fuit alterũ
grauitatis, alterum prudentiæ tuæ. Hæc mea M. Anto-
ni semper & de Pompeio & de rep. consilia fuerunt.
quæ si ualuisent: Resp. staret: tu tuis flagitijs, egestate,
infamia, concidisses. Sed hæc uetera. illud uero re-
cens, Cæsarem meo consilio interfectum. iam uereor P.
C. ne, quod turpissimum est: præuaticatorem mihi appo-
uisse uidear: qui me nõ solum meis laudibus ornaret:
sed etiam honoraret alienis. quis enim meum in istius
societate gloriosissimi facti nomen audiuit? cuius autem,
qui in eo numero fuisset: nomen est occultatum? occultatũ
dico? cuius non statim diuulgatum? atius dixerim ia-
ctasse se aliquos: ut fuisset in ista societate uideretur so-

PHILIPPICA

cij: cum socij nõ fuissent: quã ut quisquam cœlare uel-
 let. quam uerisimile porro est in tot hominibus partim
 obscuris, partim adolescentibus, neminẽ occultantibus,
 meum nomen latere potuisse. etenim si auctores ad li-
 berandam patriam desiderarẽtur illis auctoribus: Bru-
 tos ego impellerem? quorum uterq; L. Bruti imaginem
 quotidie uideret: alter, etiã Halæ. his igitur maioribus
 orti ab alienis potius consilium peterent, quã à suis? et
 foris potius, q̃ domu? quid? C. Cassius in ea familia na-
 tus, quæ nõ modo dominatum, sed ne potentiã quidẽ cu-
 iusquam ferre potuit: me auctorem credo desiderauit?
 qui etiam sine his clarissimis uiris, hanc rem in Cili-
 ciam ad hostium fluminis Cydni confecisset: si ille ad eã
 ripam, quã constituerat: non ad contrariã nauis appli-
 cuisset. Cn. Domitium non patris interitus clarissimi ui-
 ri? non auunculi mors? non spoliatio dignitatis? ad re-
 cuperandam libertatem, sed mea auctoritas excitauit?
 an C. Trebonio persuasi? cui ne suadere quidem ausus
 essem? quo etiam maiorem ei Respu. gratiam deber: q̃
 libertatem populi romani unius amicitie præposuit: de-
 pulsorq; dominatus, quã particeps esse maluit. an L.
 Tullius Cimber me est auctore secutus? quem ego ma-
 gis fecisse illam rem sum admiratus: quã facturũ pu-
 tauĩ. admiratus sum autem ob eam causam: quod im-
 memor beneficiorum, memor patriæ fuisset. quid duos
 Seruilius, Cascas dicam, an Halas? Et hos auctoritate
 mea censetis excitatos potius, quã charitate Reipubli-
 cæ? longum est psequi cæteros: idq; Reip. præclarũ, fuisse
 tam multos. tũ multo ipsis gloriosius est. At quẽadmodũ
 me coarguerit homo acutus, recordamini. Cæsare interfe-
 cto inquit statim cruentum alte extollens M. Brutus pu-

gronem, Ciceronem nominatim exclamauit: atq; ei recuperatam libertatem est gratulatus. Cur mihi potissimum? qui sciebam. Vide ne illa causa fuerit appellandi me: quod cum rem gessisset consimilem rebus ijs, quas ipse gesseram: me potissimum testatus est: se ænulum mearum laudum extitisse. tu autem omnium stultissime non intelligis: si id, quod me arguis, uoluisse interfici Cæsarem, crimen sit: etiam lætatum esse morte Cæsaris, crimen esse. quid enim interest inter suasorem facti? & probatorem? aut quid refert utrum uoluerim fieri? an gaudeam factum? ecquis est igitur, te excepto, qui illum regnare gaudebas: qui illud aut fieri noluerit? aut factum improbarit? omnes enim in culpa. etenim omnes boni, quantum in ipsis fuit, Cæsarem occiderunt. alijs consilium, alijs animus, alijs occasio defuit: uoluntas nemini. Sed stuporem hominis, uel dicam pecudis, attendite. sic enim dixit. M. Brutus, quem ego honoris causa nomino: cruentum pugionem tenens, Ciceronem exclamauit. ex quo intelligi debet eum conscium fuisse. Ergo ego sceleratus appellor à te: quem tu suspicatum aliquid suspicaris? ille, qui stillantem præ se pugionem tulit: is à te honoris causa nominatur? esto. sit in uerbis tuis hic stupor. quanto in rebus sententijsq; maior? constitue hoc Consul aliquando: Brutorum, C. Cassij, Cn. Domitij, C. Trebonij, reliquorum, quam uelis causam esse: edormi crapulam inquam: & exhalare. an facies admouendæ sunt? quæ te exatent tantæ causæ indormientem? nunquam ne intelligis statuendum tibi esse, utrum illi, qui istam rem gesserunt: homicidij rei sint? an uindictæ libertatis? Attende enim paulisper: cogitationemq; sobrij hominis ad punctum temporis suscipe. & ego,

PHILIPPICA

qui sum illorum, ut ipse fateor, familiaris: ut a te arguor, socius: nego quicquam esse medium. confiteor eos, nisi liberatores populi romani, conservatoresq; Reip. sint: plusquam sicarios, plusquam homicidas, plus etiam q̄ parricidas esse. siquidem est atrocis patriæ parentem, quàm suum occidere. tu homo sapiens & considerate quid dicis? si parricidæ: cur honoris causa a te sunt & in hoc ordine, & apud populum Ro. semper appellati? cur M. Brutus te referente legibus est solutus: si ab urbe plusquam decem dies absuisset? cur ludi Apollinares incredibili M. Bruti honore celebrati? cur prouinciæ Cassio & Bruto datae? cur quæstores additi? cur legatorum numerus additus? Atq; hæc acta per te. non igitur homicidæ. Sequitur ut liberatores tuo iudicio sint: quandoquidem tertium nihil potest esse. Quid est? num conturbo te? non enim fortasse satis, quæ distinctius dicuntur, intelligis. sed tamen hæc est summa conclusionis meæ: quoniam scelere a te liberati sunt: ab eodem te amplissimis præmijs dignissimi iudicati sunt. Itaq; iam retexo orationem meam: scribam ad illos: ut siqui forte, quod a te mihi obiectum est, quærent sit ne uerum? ne cui negent. etenim uereor, ne aut cœlatum me ab ipsis, illis non honestum, aut inuitatum refugisse, mihi sit turpissimum. quæ enim res unquam (pro sancte Iupiter) non modo in hac urbe, sed in omnibus terris est gesta maior? quæ gloriosior? quæ cōmendatior erit hominum memoriæ sempiternæ? In huius me consilij societate, tanquam in equum Troianum includi cū principibus non recusō. ago etiam gratias, quoquo animo facis. tanta enim res est: ut inuidiam istam, quam tu in me uis concitare: cum laude non comparem. quid

enim beatus illis quos tu expulsos a te praedicat, & re-
legatos? qui locus est aut tam desertus, aut tam inhu-
manus? qui illos, quo accesserint: non affari, atq; appete-
re uideatur? qui homines tam agrestes? qui se, cum eos
aspexerint non maximum cepisse uitae fructum pu-
tent? quae uero tam immemor posteritas? quae tam in-
grata literae reperientur? quae eorum gloriam non im-
mortalitatis memoria prosequantur. tu uero ascribe me-
talem in numerum. sed unam rem uereor, ne non pro-
bes. si enim fuisset: non solum regem, sed regnum et de-
Rep. sustulisset: & si meus filius ille fuisset (ut dici-
tur) mihi crede non solum unum actum, sed totam fabula-
lam confecissem. quanquam si interfici Caesarem uoluisse
crimen est: uide quaeso Antoni, quid tibi futurum sit:
quem & Narbone hoc consilium cum C. Trebonio cepisse
notissimum est: & ob eius consilij societatem, cum
interficeretur Caesar: tum te a Trebonio uidimus seuo-
cari. Ego autem, uide quam tecum agam non iniuncte:
quod bene cogitasti aliquando: laudo: quod non indica-
sti: gratias ago: quod non fecisti: ignosco. uirum res illa
quaerebat. quod si te in iudicium quis adducat: usurpetq;
illud Cassianum: cui bono fuerit: uide quaeso ne haere-
as. quanquam quidem illud fuit, ut tu dicebas, omnibus
bono, qui uni seruire nolebant: tibi tamen praecipue: qui
non modo non seruis: sed etiam regnas: qui maximo te
aere alieno ad aedem Opis liberaisti: qui per easdem ta-
bularum innumerabilem pecuniam dissipauisti: ad quam
domo Caesaris tam multa delata sunt: cuius domus quae
stuosissima est falsorum commentariorum, & chirogra-
phorum officina, agrorum, oppidorum, immunitatum,
uestigalium, flagitiosissimae nundinae. etenim quae res

PHILIPPICA

egestati, & aeri alieno tuo præter mortem Cæsaris sub-
uenire potuisset? nescio quid conturbatus mihi esse uide-
ris. nunquid subtimes, ne ad te hoc crimen pertinere ui-
deatur? liberabo te metu: nemo credet unquam: non
est tuum de Rep. bene mereri: habet istius pulcherrimi
facti clarissimos uiros Resp. autores: ego te dico tantum
gaudere: fecisse non arguo. Respondi maximis crimini-
bus. nunc etiam reliquis respondendum est. Castra
mihi Pōpei, atq; omne illud tempus obiecisti. quo quidē:
tempore si, ut dixi, meum consilium, auctoritasq; ua-
luisset: tu hodie egeres: nos liberi essemus: Resp. non tot
duces, & exercitus amisisset. fateor enim me, cum ea, quæ
aciderunt: prouiderem futura: tanta in mœsticia fuisse:
quanta cæteri optimi ciues, si idem prouidissent, fuissent.
dolebam, dolebam P. C. Remp. uestris quondam meisq;
consilijs conseruatam breui tempore esse perituram: neq;
uero eram tam indoctus, ignarusq; rerum: ut frange-
rer animo, propter uitæ cupiditatem: quæ me manens
conficeret angoribus: dimissa molestijs omnibus liberas-
set. illos ego præstantissimos uiros, lumina Recip. uiuere
uolebam: tot Consulares, tot Prætorios, tot honestissimos
Senatores, omnem præterea florem nobilitatis, ac iuuen-
tutis, tum optimorum ciuium exercitus: qui si uiuerent,
quamuis iniqua conditione pacis (mihi enim omnis pax
cum quibus bello ciuili utilior uidebatur) Remp. hodie
teneremus. quæ sententia si ualuisset: ac non ij maxime,
quorum ego uitæ consulebam: spe uictoriæ elati obstiti-
sent: ut alia omittam: tu nūquam in hoc ordine, uel po-
tius nunquam in hac urbe mansisses. At uero Cn.
Pompei uoluntatem a me abalienabat oratio mea. an il-
le quenquam plus dilexit? cum ullo aut sermones, aut

consilia contulit sepius. quod quidem erat magnum:
de summa re dissentientes: in eadem consuetudine ami-
ciæ permanere. sed & ego quid ille, è contra ille quid
& ego sentirem & spectarem uidebat. ego incolumita-
ti ciuium primum, & postea dignitati, ille præsentì di-
gnitati potius consulebat. quod autem habebat uterq;
quid sequeretur: ita eo tolerabilior erat nostra dissen-
sio. Quid uero ille consularis uir, ac penè diuinus de
me senserit, sciunt qui eum Pharsalica fuga Paphum
prosecuti sunt. Nunq̃ ab eo mentio de me, nisi honorifica,
nisi plena amicissimi desiderij: cū me uidisse plus fatere-
tur: se sperauisse meliora. & eius uiri nomine me inse-
ctari audes: cuius me amicum, te sectorem esse fatea-
re. sed omittatur bellum illud: in quo tu nimium foe-
lix fuisti. Ne iocis quidem respondebo: quibus me in
castris usum esse dixisti. erant quidem illa castra plena
curæ. ueruntamen homines, quamuis in turbidis re-
bus sint: tamen si modo homines sunt: interdum animis
relaxantur. quod autem idem mœsticiam meam repre-
hendit: idem iocum: magno argumento sit: me in utroq;
fuisse moderatum. Hæreditates mihi negasti uenire.
Vtinam hoc unum uerum crimen essent. plures amici
mei, et necessarij uiuerent. sed qui istuc tibi uenit in men-
tem? ego enim amplius HS ducenties acceptum hæredi-
tatibus retuli. quāquam in hoc genere fateor felicior
esse te. me nemo nisi amicus fecit hæredem: ut cum illo
commodo, si quod erat, animi quidam dolor iungeretur.
te is, quē nunquam uidisti: L. Rubrius Cassina fecit hæ-
redem. & quidem uide, quā te amarit is: qui albus
ater uē fueris ignorans, fratris filium præterijt. Q.
Furij honestissimi equitis Romani, suiq; amicissimi, quē

PHILIPPICA

palam heredem semper factitavit: ne nomen quidem
 perscripsit: quem nunquam uiderat: ac ne unquam salu-
 tauerat: fecit heredem. uelim mihi dicas, nisi molestum
 est: L. Tursenius qua facie fuerit? qua statura? quo muni-
 cipio? qua tribu? nihil scio inquires: nisi quæ prædia
 habuerit. igitur fratrem exheredans te faciebat hære-
 dem. In multas præterea pecunias alienissimorum ho-
 minum eiectis ueris heredibus, tanquã hæres esset, in-
 uasit. quanquam hoc maxime admiratus sum: mentionẽ
 te hereditatum ausum esse facere: cum ipse hereditatem
 patris non adisses. hæc ut colligeres homo amentissime,
 tot dies in aliena uilla declamasti? quanquam tu quidem
 (ut tui familiarissimi dictitant) uini exhalandi, non
 acuendi ingenij causa declamitas. Tũ uero adhibes io-
 ci causa magistrum suffragio tuo, & compotorum tuo-
 rum Rhetorem: cui concessisti, ut in te quæ uellet dice-
 ret: falsum omnino hominem: sed materia facilis in te
 & in tuos dicta dicere. Vide autem inter te & auum
 tuum quid intersit? ille sensim dicebat, quod causæ pro-
 deisset. tu cursim dicis aliena. at quanta merces Rhetori
 data est? audite: audite P. C. & cognoscite Reip. uulne-
 ra: duo millia iugerum Campi Leontini sex. Clodio
 Rhetori assignasti, & quidem immunia: ut pro tanta
 mercede nihil sapere disceres. num etiam hoc homo au-
 dacissime ex Cæsaris commentarijs? Sed dicam alio lo-
 co de Leontino agro, & de Campano: quos iste agros
 ereptos Reip. turpissimis possessoribus iniquauit. Iam
 enim quoniam criminibus eius satis respondi: de ipso
 emendatore & correctore nostro quædã dicenda sunt.
 nec enim omnia effundam. ut si sæpius decertandũ su:
 ut erit: semper nouus ueniam. quam facultatem mihi
 multitudo istius

multitudo istius uiciorū, peccatorumq; largitur. Vis ne igitur te inspiciamus à puero? sic opinor. à principio ordiamur. Tene ne memoria prætextatum te decoxisse? patris inquires ista culpa est. concedo. etenim est pietatis plena defensio. illud tamen audacie tuæ: quod sedisti in quatuordecim ordinibus: cum esset lege Roscia decoctoribus certus locus constitutus: quamuis qui fortunæ uicio non suo decoxisset. Sumpsisti uirilem togam: quam statim muliebrem stolam reddidisti. primo uulgare scortum: certa flagitij merces: nec ea parua. sed cito Curio interuenit: qui te à meretricio quæstu abduxit: & tanquā stolam dedisset, in matrimonio stabili, & certo locauit. nemo unquam puer emptus libidinis causa tam fuit in domini potestate: quā tu in Curionis. quotiens te pater eius domo sua eiecit? quotiens custodes posuit: ne limen intrares? cum tamen tu nocte socia, hortante libidine, cogente mercede, per tegulas dimitterere. quæ flagitia domus illa diutius ferre nō potuit. scis ne me de rebus mihi notissimis dicere? recordare tempus illud: cum pater Curio mœrens iacebat in lecto: filius se ad pedes meos prosternens lachrymās te mihi commendabat: orabat ut te contra suum patrem, si sestertium sexages peteret: defenderē. tantum enim pro te intercessisse dicebat. ipse autem amore ardens, confirmabat, quod desiderium tui dissidiū ferre nō posset: se in exilium esse iturum. quo ego tempore tanta mala florētissimæ familiæ sedauī: uel potius sustuli. patri persuasi, ut æs alienum filij dissolueret: redimeret adolescentem summa spe, & animi, & ingenij præditum rei familiaris facultatibus: eumq; à tua non modo familiaritate, sed etiam congressione patrio iure & potestate prohiberet. hæc tu,

yyy

PHILIPPICA

cum per me acta meminisses: nisi illis, quos uidemus, gladijs consideres: maledictis me prouocare ausus esses? sed iam supra & flagitia omittam. sunt quædam, quæ honeste non possum dicere. tu autem eo liberior: quod ea in te admisisti: quæ a uerecundo ininnuere audire non posses. Sed reliquum cursum uidete. quem quidem celeriter perstringam. ad hæc enim, quæ in civili bello, in maximis Reip. miserijs fecit: & ea, quæ quotidie facit, festinat animus. quæ peto, ut quâquam multo notiora uobis, quàm mihi sunt: tamen, ut facitis, attente audiatis. debet enim talibus in rebus excitare animos nõ cognitio solum rerum, sed etiam recordatio: tamen si incidamus oportet media: ne nimis sero ad extrema ueniamus. Intimus erat in tribunatu Clodius. qui sua erga me beneficia commemorat: eius omnium incendiorum fax. cuius etiam domi quiddam iam tum molitus est. quid dicam, ipse optime intelligit. Inde iter Alexandriam contra Senatus auctoritatem, contra religiones. sed habebat ducem Gabinium: qui cum quiduis rectissime facere posset. qui tum inde reditus? aut qualis? prius in ultimam Galliam, ex Aegypto, quàm domum. quæ autem erat domus? suam enim quisque domum tum obtinebat: neque erat usquam tua. donum dico? quid erat in terris: ubi in tuo pedem poneret? præter unum Misenum: quod cum socijs tanquam Sisaponem tenebas. Venisti in Gallia ad Quæsturam petendam. aude dicere prius ad patrem tuum uenisse, quàm ad me. acceperam enim iam ante Cæsaris literas: ut mihi satisfieri paterer a te. itaque ne loqui quidem sum te passus de gratia. postea custoditus sum a te: tu a me obseruatus in petitione Quæsturæ. quo quidẽ tempore P. Clodium ap-

probante populo romano in foro es conatus occidere.
 cumq; eam rem tua sponte conarere, non impulsu meo:
 tamen ita predicabas: te non existimare, nisi illum in-
 terfecisses: unquam mihi pro tuis in me iniurijs satis esse
 facturum. In quo demuror, cur Milonem impulsu meo
 rem illam egisse dicas: cum te uliro mihi idem illud de-
 ferentem nunquam sim adhortatus. quanquam, si in co-
 perseuerares: ad tuam gloriam rem illam referri ma-
 lebam: quam ad meam gratiam. Quæstor es factus.
 deinde continuo sine Senatus Consulto, sine sorte, sine le-
 ge ad Cæsarem cucurristi. id enim unum in terris ege-
 statis, æris alieni, nequiciæ, pditis uitæ rationibus per-
 fugum esse ducebas. ibi te cum & illius largitionibus,
 & tuis rapinis expleuisses (si hoc est explere: quod sta-
 tim effundas) aduolas egens ad Tribunatum: ut in eo
 magistratu, si posses, uitrici tui similis esses. accipite nunc
 quæso non ea, quæ ipse in se, atq; in domesticum dede-
 rit impure, atq; intemperanter, sed quæ in nos, fortu-
 nasq; nostras, idest uniuersam Remp. impie ac nefarie
 fecerit. ab huius enim scelere omnium malorum prin-
 cipium natum reperietis. Nam cum L. Lentulo, C.
 Marcello consulibus, Cal. Ian. labentem, & propè ad-
 dentem Remp. fulcire cuperetur: ipsiq; C. Cæsari, si sana
 mente esset: consulere uelletis: tum iste uēditum, atq; man-
 cipatum Tribunatum, consilijs uestris opposuit: cerui-
 cesq; suas ei subiecit securi: qua multi in minoribus pec-
 catis occiderunt. In te autem M. Antoni id decreuit Se-
 natus, & quidem incolumis, nondum tot luminaribus
 extinctis, quod in hostem togatum decerni est solitū more
 maiorū. et tu apud patres conscriptos cōtra me dicere aus-
 sus es: cum ab hoc ordine ego conseruator essem, tu hostis

PHILIPPICA

Reip. iudicatus. commemoratio illius tui sceleris inter-
missa est: non memoria deleta. dum genus hominum;
dum populi Ro. nomen extabit: quod quidem erit, si per
te licuerit, sempiternum: tua illa pestifera intercessio no-
minabitur. quid cupide a' Senatu, quid temere fiebat?
cum tu unus adolescens uniuersum ordinem decernere
de salute Reip. prohibuisti? neq; id semel: sed saepius. neq;
tu tecum de Senatus auctoritate agi passus es. quid au-
tem agebatur? nisi ne delere & euertere Remp. fundi-
tus uelles? cum te neq; Principes ciuitatis rogando, neq;
maiores natu monendo, neque frequens Senatus agen-
do, de uendita atque addicta sententia mouere po-
tuit? tum illud, multis ante tentatis, necessario tibi uul-
nus inflictum: quod paucis ante te: quorum incolumis
fuit nemo. tum contra te dedit arma hic ordo consuli-
bus, reliquisq; Imperijs, & potestatibus. quæ non effu-
gisses: nisi te ad arma Cæsaris contulisses. tu, tu inquam
M. Antoni princeps C. Cæsari perturbare omnia cupi-
enti, causam belli contra patriam inferendi dedisti. quid
enim aliud ille dicebat? quam causam dementissimæ sui
consilij, & facti afferebat? nisi quod intercessio negle-
cta, ius Tribunitium sublatum, circumscriptus esset An-
tonius? omitto quæ hæc falsa: quæ leuia: præsertim
cum omnino nulla causa iusta cuiquam esse possit, con-
tra patriam arma capiendi. sed nihil de Cæsare. tibi
certe confitendum est: causam perniciosissimæ belli in
persona tua constitisse. O' miserum te, si intelligis: mi-
seriorem, si non intelligis: hoc literis mandari: hoc
memoriæ prodi: huius rei ne posteritatem quidem o-
mnium sæculorum unquam immemorem fore: Con-
sules ex Italia expulsos: cumq; his Cn. Pompeium: qui

imperij populi Ro. decus, ac lumen fuit: omnes consulares, qui per ualitudinem exequi fugam illam, clademq; potuissent: Prætores, Prætorios, Tribunos plebis, magnam partem Senatus, omnem sobolem iuuentutis, unoq; uerbo rempublicam expulsam, atq; exterminatam suis sedibus. ut igitur in seminibus causa est arborum, & stirpium: sic huius luctuosissimi belli semetu fuisti. doletis tres exercitus populi Ro. interfectos. interfecti Antonius. desideratis clarissimos ciues. eos quoq; eripuit uobis Antonius. autoritas huius ordinis afficta est. affixit Antonius. omnia deniq; quæ postea uidimus: quid autem mali non uidimus? si recte ratiocinabimur: uni accepta referemus Antonio. ut Helena troianis, sic iste Reip. causa belli, causa pestis, atq; exitij fuit. Reliquæ partes Tribunatus principio similes. omnia perfecit: quæ Senatus, salua Rep. ne fieri possent, perfecerat. cuius tamen scelus in scelere cognoscite. Restituebat multos calamitosos. in his parui nulla mentio. si seuerus: cur non in omnes? si misericors: cur non in suos? sed omitto ceteros. Licinium Lenticulam de alea condemnatum collusorem suum restituit. quasi uero ludere cum condemnato non liceret. sed ut quod in alea perdidit: beneficio legis dissolueret. quam attulisti rationem populo romano, cur eum restitui oporteret? absentem credo in reos relatum: rem indicta causa iudicatam: nullum fuisse de alea lege iudicium: ui oppressum & armus: postremo quod de patruo dicebatur: pecunia iudicium esse corruptum. nihil horum. At uir bonus, et Rep. dignus. nihil id quidem ad rem. ego tamē, quoniam condemnatum esse pro nihilo uis: si ita esset: ignoscerem. hominem uero omnium nequissimum, qui non

yyy ij

PHILIPPICA

dubitaret uel in foro alea ludere: lege quæ est de alea
condemnatum, qui in integrum restituit: is non aper-
tissime studium suum ipse profitetur? in eodem uero Tri-
bunatu, cum Cæsar in Hispaniam proficiens, huic con-
culcandam Italiam tradidisset: quæ fuit eius peragra-
tio itinerum? lustratio municipiorum? scio me in rebus
celebratissimis sermone omnium uersari: eaq; quæ di-
co, dicturusq; sum, notiora omnibus esse, qui in Italia
tum fuere: q̃ mihi: qui nō fui. notabo tamē singulas res:
etsi nullo modo poterit oratio mea satisfacere uestre
scientiæ. etenim quod unquam in terris tantum flagitiū
extitisse auditum est? tantam turpitudinem? tantum de-
decus? Vhebatur in effedo Tribunus plebis: lictores lau-
reati antecedeabant: inter quos aperta lectica nuna por-
tabatur: quam ex oppidis municipales homines honesti
obuiam necessario prodeuntes, non uero illo, & mimi-
co nomine, sed uolūtiā salutabant. sequebatur rhe-
da cum lenonibus: comites nequissimi: reiecta mater a-
mucam impuri filij tanquam nurum sequebatur. O
misere mulieris fecunditatem calamitosam. horum
flagitiorum iste uestigys omnia Municipia, Præfectu-
ras, Colonias, totam deniq; Italiā impressit. Reliquo-
rum factorum eius P. C. difficilis est sane reprehensio:
et lubrice uersatus in bello est. saturauit se sanguine dis-
simulimorum sui ciuium: fuit felix: si potest ulla esse
in scelere felicitas. sed quoniam ueteranis cautum esse
uolumus: quanquam dissimilis est militum causa, et tua:
illi secuti sunt: tu quæsisti ducem: tamen, ne apud illos
me in inuidiam uoces: nihil de genere belli dicam. Vi-
ctor Thessalia Brundisium cum legionibus reuertisti.
ibi me non occidisti. magnum beneficium. potuisse enim

fateor. quanquam nemo erat eorum, qui tunc tecum fuerunt: qui mihi non censeret parci oportere. tanta enim est charitas patriæ: ut uestris etiam legionibus sanctus essem: quod eam à me seruatum esse meminissent. sed fac te dedisse mihi, quod non ademisti: meq; à te habere uitam: quia à te non sit erepta: liceat nunc mihi per tuas contumelias hoc beneficiū sic tueri: ut tuebar: præsertim cum te hæc auditurum uideres. Venisti Brundisium in sinum quidem & complexum tuæ mimulæ. quid est? num mentior? quam miserum est id negare non posse: quod sit turpissimum confiteri. si te municipiorum non pudebat: ne ueterani quidem exercitus? quis enim miles fuit? qui Brundisij illam non uiderit? quis, qui nescierit uenisse eam tot dierum tibi uiam gratulatum? quis qui non indoluerit tam sero se, quem hominem secutus esset, cognoscere? italiæ rursus percurratio eadem comite mima: in oppida, militum crudelis et misera deductio: in urbe auri & argenti maximeq; uini fœda direptio. accessit, ut Casare ignaro, cum esset ille Alexandria: beneficio amicorū eius magister equitum cōstitueretur. tum existimauit se suo iure cum Hippia uiuere: & equos uestigales Sergio mimo tradere. quid ego istius decreta? quid rapinas? quid hæreditatum possessiones datas? qd ereptas proferā? agebat egestas: quo se uerteret non habebat: nondum ei tanta à L. Rubrio, non à L. Tursicio hæreditas uenerat: nondum in Cn. Pōpei locum, multorūq; aliorū, qui aberāt: repentinus hæres successerat: erat ei uiuendū latronum ritu: ut tantum haberet: quantum rapere potuisset. sed hæc, quæ robustioris improbitatis sunt: omittamus: loquamur potius de iniquissimo genere leuitatis. Tu istis fau

yyy iij

PHILIPPICA

abibus, istis lateribus, ista gladiatoria totius corporis firmitate, tantum uini in Hippiae nuptiis exhauseras: ut tibi necesse esset in populi romani conspectu uomere postridie. O' rem non modo uisu foedam, sed etiam auditu. si inter coenam, in tuis immanibus illis poculis, hoc tibi accidisset: quis non turpe diceret? in coetu uero populi, negotium publicum gerens, magister equitum, cui ructare turpe esset: is uomens frustus esculentis uinum redolentibus, gremium suum, & totum tribunal impleuit. sed hoc ipse fatetur esse in suis sordibus. ueniamus ad splendida. Caesar Alexandriam se recepit felix, ut sibi quidem uidebatur: mea autem sententia, si quis Reip. sit infelix: felix esse non potest: hasta posita pro aede Iouis Statoris, bona (miserrum me, consumptis enim lachrymis, tamen infixus animo haeret dolor) bona inquam Cn. Pompei Magni uoci acerbissimae subiecta praconis. una in illa re seruitutis oblita ciuitas ingemuit: seruiantibusq; animis gemitus tamen populi Ro. liber fuit. expectantibus omnibus, quis nam esset tam impius: tam demens: tam dijs hominibusq; hostis: qui ad illud scelus sectionis auderet accedere: inuentus est nemo, praeter Antonium: praesertim cum tot essent circa hastam illam: qui alia omnia auderent. unus inuentus est: qui id auderet: quod omnium fugisset, & formidasset audacia. tantus igitur te stupor oppressit? uel, ut uerius dicam, tantus furor? ut primum, cum sector sis isto loco natus: deinde cum Pompei sector: non te execrandum populo romano, non detestabilem, non omnes tibi deos, omnes homines, & esse inimicos, & futuros scias? At quam insolenter statim helluo inuasit in eius uiri fortunas: cuius uirtute terribior erat

populus romanus exteris gentibus, iusticia carior. In
eius igitur copias cum se subito ingurgitauisset: exulta-
bat gaudio persona de nimo, modo egens, repete diues.
sed ut est apud poetam nescio quem: male parta, male
dilabuntur: incredibile ac simile portenti est: quonam
modo illa tam multa, quam paucas non dico mensibus,
sed diebus effuderit. maximus uini numerus fuit: per
magnum optimi pondus argenti: preciosa uestis: multa et
lauta suppellex, & magnifica multis locis, no illa qui-
dem luxuriosi hominis, sed tamen abundantis. horum
paucis diebus nihil erat. quæ Charybdis tam uorax?
Charybdin dico? quæ si fuit: fuit animal uiuum: ocea-
nus mediusfidius uix uidetur tot res, tam dissipatas, ita
distantibus in locis positas, tam cito absorbere potuisse.
nihil erat clausum: nihil obsignatum: nihil scriptum:
apotheca totæ nequissimis hominibus condonabantur:
alia nimirum rapiebant: alia numæ: domus erat aleatori-
bus referta: plena ebriorum: totos dies potabatur: atq; id
locis pluribus: suggererantur etiam sæpe, non enim sem-
per iste felix: damna aleatoria: conchiliatis Cn. Pompei
peristromatis seruorum in cellis lectos stratos uideres.
quamobrem desinite mirari hæc tam celeriter esse con-
sumpta. non modo unius patrimonium, quamuis amplum,
ut illud fuit: sed urbes, et regna tanta nequitia deuo-
rare potuisset. At eiusdem aedes etiam & hortos. O' au-
daciam immanem: tu ingredi illam domum ausus es?
tu illud sanctissimum limen intrare? tu illarum ædiu
dijs penatibus os importunissimum ostendere? quæ do-
mum aliquandiu nemo aspicere poterat: nemo sine la-
chrymis præterire: hac te in domo tamdiu diuersari
non pudet? in qua quamuis nihil sapias: tamen nihil ti

PHILIPPICA

bi potest esse iucundum. an tu illa uestibula, rostra, spo-
lia, cum aspexisti: domū tuam te inire putas? fieri nō
potest. quamuis enim sine mente, sine sensu sis, ut es: ta-
men & te, & tua, & tuos nosti. nec uero te unquam
neq; uigilantem, neq; in somnis credo mente posse consi-
stere. necesse est, quamuis sis, ut es, uiolentus, & furens:
cum tibi obiecta sit species singularis uiri: perterritum
de somno excitari: furere etiam saepe uigilantem. me
quidem miseret parietum ipsorum, atq; tectorum. quid
enim unquam domus illa uiderat, nisi pudicum, nisi ex
optimo more, & sanctissima disciplina? fuit enim ille
uir P. C. sicut scitis, cum foris clarus: tum domi admirā-
dus: neq; rebus exteris magis laudandus: quā institu-
tis domesticis. huius in sedibus pro cubiculis stabula,
pro tricliniis popinae sunt. & si iam negat. nolite, nolite
querere. frugi factus est. illam suā suas res sibi habere
iussit: ex duodecim tabulis causam addidit: exegit. q̄
porro? spectatus ciuis? quā probatus? cuius ex omni ui-
ta nihil est honestius: quā quod cum mima fecit diuor-
tium. At quā crebro usurpat, & Consul, & An-
tonius? hoc est dicere et Consul, et impudicissimus, et Cō-
sul, & homo nequissimus. qd enim est aliud Antonius?
nam si dignitas significaretur in noīe: dixisset aliquādo
credo auus tuus se et Cōsulē, et Antoniū. nunquā dixit.
dixisset ēt collega meus, patruus tuus. nisi solus esses An-
tonius. sed omitto ea peccata: quae nō sunt earū partium
propria: quibus tu Remp. uexauisti. ad ipsas tuas partes
redeo: id est ad ciuile bellum. quod natum, conflatum,
susceptum, opera tua est: cur ei bello tum propter timidita-
tem tuam, & propter libidines defuisti? gustaras ciui-
lem sanguinem: uel potius exorbueras: fueras in aere

pharsalica antesignanus: L. Domitium nobilissimum
 & clarissimum uirum occideras: multos, qui de praelio
 effugerant, quorum Cæsar nonnullos fortasse seruasset:
 crudelissime persecutus trucidaras. quibus rebus tantis,
 talibus, gestis, quid fuit causæ, cur in Africam Cæsarem
 non sequerere? cum præsertim belli pars tanta resta-
 ret? Itaq; quem locum apud ipsum Cæsarem post eius
 ex Africa reditum obtinuisti? quo numero fuisti? cu-
 ius tu imperatoris quæstor fueras: dictatoris magister
 equitum: belli princeps: crudelitatis author: prædæ so-
 cius: testamenti, ut ipse dicebat, filius: appellatus es de
 pecunia: quam pro domo, pro hortis, pro sectione debe-
 bas. primo respondisti plane ferociter: & ne omnia ui-
 dear contra te: propemodum æqua & iusta dicebas. d
 me C. Cæsar pecuniam? cur potius quàm ego ab illo?
 an ille sine me uicit? an ne potuit quidem? ego ad illius
 belli ciuilis causam attuli: ego leges perniciosas rogavi:
 ego arma contra consules, imperatoresq; populi romani,
 contra Senatum populumq; romanum, contra deos patri-
 os, arasq;, & focos, contra patriam tuli. num sibi so-
 li uicit? quorum facinus commune: cur non sit eo-
 rum præda communis? ius postulabas. sed quid ad
 rem? plus ille poterat. itaq; exclusis tuis uocibus, & ad
 te, & ad prædas tuas milites misit: cum repente à te
 præclara illa tabula prolata, qui risus hominum de te
 erat: tantam esse tabulam, tam uarias, tam multas posses-
 siones: ex quibus præter partem Miseni, nihil erat, quod is,
 q; auctionaretur: posset suum dicere. auctionis uero misera-
 bilis aspectus. uestis Pópei nò multa, eaq; maculosa: ciuis-
 de quedam argentea uasa collisa: sordidata mancipia: ne
 doleremus quicquid esse ex illis reliquijs: quod uidere pos-

PHILIPPICA

semus. hanc tamen auctorem heredes L. Rubrii decreto Caesaris prohibuerunt. hærebat nebulo: quo se uerte-
ret, non habebat. quippe in his ipsis temporibus domo
Caesaris percussor ab isto missus deprehensus dicebatur
esse cum sit. de quo Caesar in Senatu aperte in te inue-
hens, quæstus est. proficiscitur in Hispaniam Caesar, pau-
cis tibi ad soluendum propter inopiam tuam, prorogatis
diebus. ne tum quidem sequeris. tam bonus gladiator
rudem tam cito accepisti? hunc igitur quisquam, qui in
suis partibus, idest in suis fortunis tam timidus fuerit:
pertimescat? profectus est tamen aliquando in Hispaniam:
sed tuto, ut ait, peruenire non potuit. quo nam mo-
do igitur Dollobella peruenit? aut non suscipienda
fuit ista causa Antoni: aut, cum suscepisses: defendenda
usque ad extremum. ter depugnauit Caesar cum ciuibus,
in Thessalia, Africa, Hispania. omnibus affuit his pu-
gnis Dollobella. in Hispaniensi etiam uulnus accepit. si
de meo iudicio quæris: nollem: sed tamen consilium a
principio reprehendendum: laudanda constantia. tu ue-
ro quis es? Cn. Pompeij liberi primum patriam repete-
bant. esto, fuerit partium hæc causa communis. repete-
bant præterea deos penates patrios, aras, focos, larem
suum familiarem: in qua tu inuaseras. hæc cum pete-
rent armusque: quorum erant legibus: etsi in rebus ini-
quissimis quid potest esse æqui? tamen erat æquissimum
contra Cn. Pompeij liberos Cn. Pompei pugnare secto-
rem. An tu Narbonæ in mensas hospitium cum uome-
res: Dollobella pro te in Hispania dimicaret? qui uero
Narbona reditus? Et tamen quærebat, cur ego ex ipso
cursu tam subito reuertissem. exposui nuper P. C. causam
reditus mei. uolui etiam si possem ante Cal. Ian. prodes

se Reipublicæ. nam quod quærebas, quomodo redissem?
primum luce, non tenebris: deinde cum Calceis, & to-
ga, nullis nec caligis, nec lacerna. At etiam aspicias me,
& quidē, ut uideris, iratus. ne tu mecum iam in gra-
tiam redeas: si scias, quā me pudeat nequitie tuæ: cui-
us te ipsum non pudet. Ex omnium omnibus flagitijs
nullum turpius uidi: nullū audiui: quā quod qui magi-
ster equitum fuisse tibi uiderere: in proximū annum con-
sulatum peteres: uel potius rogares: is per municipia,
coloniasq; Gallie: a qua cum Consulatus noster pete-
batur, non rogabatur: petere Consulatum solebamus:
cum caligis & lacerna cucurristi. At uidete leuitatem.
Cum hora diei decima ferē ad saxa rubra uenisset:
delituit in quadam Cauponula: atque ibi se occultans
perpotauit ad uesperum. inde Cassia celeriter ad ur-
bem aduectus domum uenit capite inuoluto. ianitor,
quis tu? a Marco tabellarius. confestim ad eam, cuius
causa uenerat: deductur: eiq; epistolam tradidit. quam
cum illa legeret flens (erat enim amatorie scripta) caput
autem literarum, sibi cum illa mima posthac nihil futu-
rum: omnem se amorem abiecisse illinc: atq; in hanc
transfudisse. cum mulier fleret uberius: homo misericors
ferre non potuit: caput aperuit: in collum inuasit. O' ho-
minem nequam (quid enim aliud dicam? magis proprie
nihil possum dicere) ergo ut te catamutum, neque opi-
nato cum ostendisses, præter spem mulier aspiceret: ic-
circo urbem terrore nocturno, Italiam multorū dierū
metu perturbasti? Et domi quidem causam amoris ha-
buit: foris etiam turpiorem. ne L. Plancus prædes tuos
uenderet productus aut in concionē a Tribuno pl. cum
respondisses, te rei tuæ causa uenisse: populum in te dicat-

PHILIPPICA

cem etiam reddidisti. Sed nimis multa de nugis. ad maiora ueniamus. Cæsari ex Hispania redeunti obuiam longissime processisti. celeriter isti: et redisti: ut cognosceret te, si minus fortem, attamen strenuum. factus ei rursus nescio quomodo familiaris. habebat hoc omnino Cæsar: quem plane perditum ære alieno, egentemque, si eundem nequam hominem, audacemque cognouerat: hunc in familiaritatem libentissime recipiebat. His igitur rebus præclare commendatus iussus est renunciari. Consul, et quidem cum ipso: nihil queror de Dolobella: qui tum est impulsus, elusus, inductus. qua in re quanta fuerit utriusque uestrum perfidia in Dolobellam quis ignorat? ille induxit, ut peteret: promissum, et receptum interuertit: ad seque transtulit. tu eius perfidiæ uoluntatem tuam ascripsisti. Veniunt Cal. Ianuaria: cogimur in Senatum: inuectus est copiosius multo in istum, et paratius Dolobella: quam nunc ego. hic autem iratus, quæ dixit dij boni: cum primum Cæsar ostendisset, se prius quam proficisceretur, Dolobellam Consulem esse iussurum: quem negant regem, qui et faceret semper eiusmodi aliquid et diceret. sed cum Cæsar ita dixisset: tum hic bonus augur, eo se sacerdotio præditum esse dixit: ut comitia auspicijs uel impedire, uel uiciare posset. idque se facturum esse asseuerauit. In quo primum incredibilem stupiditatem hominis cognoscite. quid enim? istuc, quod te sacerdotij iure facere posse dixisti: si augur non esses: et Consul esses: minus facere potuisses? uide etiam ne facilius. nos enim nunciationem solum habemus: Consules, et reliqui magistratus etiam inspectionem. esto hoc imperite (nec enim ab homine nunquam sobrio postulanda prudentia) sed uidete impudentiam. multis ante

mensibus in Senatu dixit Dolobellæ comitia aut prohi-
biturum auspicijs: aut id facturum esse, quod fecit. quis=
quam ne diuinare potest, quid uicij in auspicijs futurum
sit: nisi qui de cœlo seruare constituit? quod neq; licet co-
mitijs per leges: Et si quis seruauit: non habitis comitijs,
sed prius quam habeatur, debet nunciare. uerum impli-
cata inscitia, impudentia est: si nescit quod augurem: nec
facit quod prudentem decet. Atq; illo die recordamini
eius usq; ad Idus Martias Consulatum. quis unquam
apparitor tam humilis? tam abiectus? nihil ipse pote-
rat: omnia rogabat: caput in aduersam læticiam infe-
rēs, beneficia, quæ uēderet, a Collega petebat. Ecce Do-
lobellæ comitorum dies: sortitio prærogatiuæ: quiescit.
renunciatur: tacet. prima classis uocatur: renunciatur: de
inde, ut assolet, suffragia. tum secunda classis uocatur:
quæ omnia citius sunt facta, quàm dixi. confecto negotio
bonus augur, Lelium diceret: alio die inquit. O' impu-
dentiam singularem: quid uideras? quid senseras?
quid audieras? nec enim te de cœlo seruasse dixisti:
neq; hodie dicis. id igitur obuenit uicium: quod tu iam
Calendis Ian. futurum esse præuideras: Et tanto ante
prædixeras. Ergo hercule magna, ut spero, tua potius,
quàm Reip. calamitate euentus es auspicia: obstrin-
xisti populum Ro. religione: augur auguri, Consul Con-
suli obnunciasti. nolo plura: ne acta Dolobellæ uideat
conuellere: quæ necesse est aliquando ad nostrum colle-
gium deferantur. sed arrogantiam hominis, insolentiamq;
cognoscite. quandiu tu uoles: uiciosus consul Do-
lobella: rursus, cum uoles: saluus auspicijs creatus. si ni-
hil est: cum augur his uerbis nunciat, quibus nunciasti:
confitere te, cum alio die dixeris: sobrium non fuisse.

PHILIPPICA

*sin est aliqua uis in istis uerbis: ea quæ sit Augur a' Col-
 lega requiro. Sed ne forte multis rebus gestis, M. Antoni
 re unam pulcherrimam transiliat oratio: ad Luperca-
 lia ueniamus. non dissimulat P. C. apparet esse com-
 motum: sudat: pallet. quidlibet, modo ne nausæ: fac-
 at: quod in porticu numitia fecit. quæ potest esse tur-
 pitudinis tanta defensio? cupio audire: ut uideam ubi
 rhetoris tanta merces, ubi campus leontinus appareat.
 sedebat in rostris Collega tuus, amictus toga purpurea,
 in sella aurea, coronatus: ascendis: accedis ad sellam:
 ita eras Lupercus: ut te esse consulem meminisse debe-
 res. diadema ostendis. gemutus toto foro. unde diade-
 ma? non enim abiectum sustuleras: sed attuleras do-
 mo meditatam, & cogitatum scelus. tu diadema impo-
 nebas cum plangore populi. ille cum plausu reiciebat.
 tu ergo unus scelerate inuentus es: qui cum auihor re-
 gni inuentus esses: eum, quem Collegam regni habe-
 bas: dominum habere uelles: & idem tentares, quid
 populus Ro. ferre, & pati posset. At etiam misericor-
 diam captabas: supplex te ad pedes abiiciebas: quid pe-
 tens? ut seruires? tibi uni peteres: qui ita a puero
 uixerat: ut omnia paterere: ut facile seruires. a' nobis
 populoq; Ro. mandatum id certe non habebas. O' præ-
 claram illam eloquentiam tuam: cum es nudus conuo-
 natus. quid hoc turpius? quid foedius? qd supplicij o-
 mnibus dignius? num expectas dū te stimulis fodiam?
 hæc te, si ullam partem habes sensus: lacerat, hæc cruen-
 tat oratio. Vereor ne immortuam uirorum summorum
 gloriam. dicam tamen dolore commotus. quid indigni-
 us? quàm uiuere eum? qui imposuerit diadema? cum o-
 mnes fateantur iure interfectum esse: qui abiecerit. At
 etiam inscribi*

etiam inscribi iussit in fastis, ad Lupercalia C. Cæsari Dictatori perpetuo M. Antonium Consulem populi iussit regnum detulisse: Cæsarem uti noluisse. Tam iam minime miror, te oñum perturbare: non modo urbem odisse, sed etiam lucem: cum perditissimis latronibus non solum de die, sed etiam in diem uiuere. ubi enim tu in pace cõsistes? q̃ locus tibi in legibus, et iudicijs esse potest? quæ tu, quantum in te fuit, dominatu regio sustulisti? ideo ne L. Tarquinius regno exactus? Sp. Cassius, Sp. Melius, M. Manlius necati? ut multis post seculis, a M. Antonio, quod fas non est, rex romæ constitueretur? sed ad auspicia redeamus. de quibus rebus idibus martijs fuit in senatu Cæsar acturus: quæro tum tu quid egisses? Audiebam quidem te paratum uenisse: quod me de eментitis auspicijs, quibus tamen parere necesse erat: putares esse dicturũ. sustulit illum diem fortuna populi romani: tum etiam tuum de auspicijs iudicium, interitus Cæsaris sustulit. Sed incidi in id tempus: quod ijs de rebus, in quas ingressa erat oratio: prætereundum non sit. quæ tua fuga? quæ formido illa die? quæ propter conscientiam scelerum desperatio uitæ? cum ex illa fuga beneficio eorum, qui te, si sanus esses: saluum esse uoluerunt: clam te domum recepisti? O mea semper frustra uerissima auguria rerum futurarum. dicebam illis in Capitolio liberatoribus nostris, cum me ad te ire uellent: ut ad defendendam Remp. te adhortarer: quoad metueres, omnia te promissurum: simulac timere desisses: similem te futurum tui. Itaq; cum cæteri Consulares irent, & redirent: in sententia mansi: neq; te illo die, neq; postero uidi: neq; ullam societatem optimis ciuibus cum importunissimo hoste fœdere ullo confirmari posse

PHILIPPICA

credidi. post diem tertium ueni in ædem Telluris, equi-
dem inuitus: cum omnes aditus armati obsiderent. qui
tibi ille dies M. Antoni fuit? quanquam mihi subito ini-
micus extitisti: tamen me tui miserer: quod tibi inuide-
ris. qui tu uir, dij immortales, & quantus fuisses? si illius
diei mentem seruare potuisses? pacem haberemus: quæ
erat facta per obsidem puerum nobilem M. Antony fi-
lium M. Bambalionis nepotem: quanquam te bonum ti-
mor faciebat, non diuturni magister officij: im probum
fecit ea, quæ, dum timor abest: a te non discessit, auda-
cia. eisi tum, cum optimum te putabant me qdem dissen-
tiente, funeri Tyranni illius sceleratissime præfuisse. tua
illa pulchra laudatio: tua miseratio: tua cohortatio: tu tu
illas faces incendiisti, & eas, quibus semivustum latus il-
lius est: & eas, quibus incensa L. Bellieni domus de-
flagrauit: tu illos impetus perditorum hominum, &
ex maxima parte seruorum, quos nos ui, manuq; re-
pulimus: in nostras domus immisisti. Idem tamen quasi
fuligine absterfa, reliquis diebus in Capitolio præclara
senatus cōsulta fecisti: ne qua post idus martias immuni-
tatis tabula, ne ue cuiusquam beneficij figeretur. memi-
nistis ipse, de exulibus, scis de immunitate quid dixeris.
optimum uero, quod dictaturæ nomen in perpetuum de
Rep. sustulisti. quo quidem facto tantum te cœpisse odi-
um regni uidebatur: ut eius omnem propter proxi-
mum dictatorem tolleres metum. constituta Respub.
uidebatur alijs: mihi uero nullo modo: qui omnia te gu-
bernante naufragia metuebam. num me igitur sefellit?
aut num diutius potuit sui esse dissimilis? inspectan-
tibus uobis toto Capitolio tabulæ figebantur: neque so-
lum singulis ueniebant immunitates: sed etiam populis

uniuersis: ciuitas non tum singillatim, sed prouincijs totis
 dabatur. itaq; si hæc manent: quæ stante Rep. manere
 non possunt: prouincias uniuersas P.C. perdidistis: neq;
 uectigalia solum, sed etiam imperium populi Ro. hu-
 ius domesticis mundinis diminutum est. ubi est septies
 millies Sestertium? quod in tabulis, quæ sunt ad Opis:
 patebat: finestæ illius quidem pecuniæ: sed tamen, si his
 quorum erat, non redderetur: quæ nos à tributis pos-
 set vindicare. tu autem Sestertiu quadringentes, quod
 Idibus Martijs debuisti: quonam modo ante Cal. Apri-
 lis debere desisti? quid ego de commentarijs infinitis,
 quid de innumerabilibus chirographis loquar? sunt
 ea quidem innumerabilia: quæ à diuersis emebantur
 non insciente te. sed unum egregium de Rege Deiotaro
 populo Ro. amicissimo decretum in Capitolio fixum.
 quo proposito, nemo erat, qui in ipso dolore risum pos-
 set continere. quis enim cuiquam iniunior? quàm De-
 iotaro Cæsar? æque atq; huic ordini: ut equestri: ut Mas-
 siliensibus: ut omnibus, quibus rempublicam populi Ro-
 manicaram esse sentiebat. is igitur, à quo uiuo nec præ-
 sens: nec absens quicquam æqui, boni impetrauit: apud
 mortuum factus est gratus. compellarat hospitem præ-
 sens: computarat: pecuniam imperarat: in eius tetrar-
 chiam ex Græcis comitibus suis collocarat: Armeniam
 abstulerat à Senatu datam. hæc uiuus eripuit. reddi-
 dit mortuus. At quibus uerbis? modo æquum sibi ui-
 deri: modo non iniquum: mira uerborum complexio.
 at ille nunquam, semper enim absenti affui Deiotaro:
 quicquam sibi, quod nos pro illo postularem, æquum
 dixit uideri. syngrapha Sesterij centies per legatos uiros
 bonos, sed timidos, et imperitos, sine reliquorum ho-

PHILIPPICA

spiritum regis sententia, facta in gynaeo. quo in loco plurimae res uenire: & ueneunt. qua ex syngrapha quid sis acturus meditare censeo. rex enim ipse sua sponte nullis commentarijs Caesaris, simulatq; audiuit eius interitum, suo Marte res suas recuperauit. sciebat homo sapiens ius semper hoc fuisse: ut quae Tyranni eripuis- sent: ea Tyrannis interfectis, ij, quibus erepta essent, re- cuperarent. nemo igitur iure consultus, ne iste quidem, qui tibi unicus iure consultus: per quem haec agis: ex ista syngrapha deberi dicit pro ijs rebus: quae erant ante syngrapham recuperatae. non enim a te emt: sed pri- us quam tu suum sibi uenderes: ipse possedit. Ille uir fuit. nos quidem contemnendi: qui authorem odimus: acta defendimus. Quid ego de commentarijs infinitis? quid de innumerabilibus chirographis loquar? quorum etiam imitatores sunt: qui ea, tanquam gladiatorum libellos, palam uendunt. Itaq; tanti acerui numerorum apud istum construuntur: ut iam appendantur, non numeren- tur pecuniae. At quam caeca auaricia est? nuper fixa ta- bula est: qua ciuitates locupletissimae Cretensium uecti- galibus liberantur: statuiturq; ne post M. Brutum Pro- consulem, sit Creta prouincia. tu mentis es compos? tu non constringendus? an Caesaris decreto creta post M. Bruti decessum potuit liberari? cum Creta nihil ad Brutum Caesare uiuo pertineret? At huius uenditione decreti (ne nihil actum putetis) prouinciam Cretam perdidisti. o- mnino ullius rei nemo fuit emptor: cui defuerit hic uen- ditor. Et de exulibus legem, quam fixisti: Caesar tulit? nullius infector calamitatem: tantum queror primum eorum reditus inquinatos: quorum causam dissimilem Caesar iudicauerit. deinde nescio cur reliquis idem non

tribuas. neque enim plus quam tres, aut quatuor reliqui
sunt: qui simili in calamitate fuerint. cur tua misericor
dia simili non fruuntur? cur eos habes in loco patrum?
de quo ferre, cum de reliquis ferres: noluisse. quem etiam
ad censuram petendam impulisti: eamque petitionem com
parasti: quæ et risus hominum, et querelas moueret.
cur autem ea comitia non habuisti? an quia Tribunus
Pl. fulmen sinistrum nuntiabat? tua quid interest? nulla
auspicia tuorum sunt: cum sis religiosus. quid? eundem
in septemuiratu non ne destituisti? interuenit enim. quid
metuisti? credo ne saluo capite negare non posses. omni
bus eum contumelijs onerasti: quem patris loco, si ulla
pietas in te esset: colere debebas. filiam eius, sororem tu
am eiecisti, alia conditione quaesita, et ante perspecta.
non est satis: probri insinulasti pudicissimam foemnam.
quid est quod addi possit? contentus eo non fuisti. frequen
tissimo Senatu Calendis Ian. sedente patruo, hanc tibi
esse cum Dolabella odij causam ausus es dicere: quod ab
eo sorori, et uxori tuae stuprum oblatum esse compe
risses. quis interpretari potest? impudentior ne? qui in Se
natu, an improbior? qui in Dolobellam, an impurior?
qui patre audiente, an crudelior? qui in illam miseram
tam spurce, tam impie dixeris. Sed ad chirographa re
deamus. quæ fuit tua cognitio? acta enim Cæsaris pa
cis causa confirmata sunt a Senatu: quæ quidem Cæsar
egisset: non ea, quæ Cæsarem egisse dixisset Antoni
us. unde ista erumpunt? quo authore proferuntur? si
sunt falsa: cur approbantur? si uera: cur ueneunt? at sic
placuerat ut ex Cal. Iunijs de Cæsaris actis cum con
silio cognosceretis: quod fuit consilium? quem unquam
aduocasti? quas Cal. Iunias expectasti? an eas? ad quas

ZZZ ij

PHILIPPICA

te peragratis ueteranorum coloniis stipatum armis re-
tulisti? O' præclaram illam percurstationem tuam men-
se Aprili atq; Maio: tum, cum etiam Capuam deduce-
re conatus es. quemadmodum illam adieris: uel poti-
us penè non adieris scimus. cui tu urbi munita-
ris. utinam conere: ut aliquando illud penè tollatur.
At quam nobilis est tua illa peregrinatio? quid pran-
diorum apparatus? quid furiosam uinolentiam tuam
proferam? tua ista detrimenta sunt. illa nostra. agrum
Campanum, qui cum de uectigalibus eximebatur: ut
militibus daretur: tamen infligi magnum Reip. uulnus
putabamus: hunc tu compransoribus tuis, & collusori-
bus diuidebas. nummos dico, et numas in agro P. C. Cam-
pano collocatos. Quid iam querar de agro Leontino?
quandoquidem hæ quondam arationes Campani, &
Leontini in populi Ro. patrimonio glandiferae, & fru-
ctuose ferebantur. medico tria millia iugerum, quasi te
sanum fecisset: Rhetori duo, quasi disertum facere po-
tuisset. Sed ad iter, Italiamq; redeamus. Deduxisti co-
loniam Casilinum: quo Cæsar ante deduxerat. consu-
luisti me per literas de Capua tu quidem: sed idem
de Casilino respondissem: posses ne ubi colonia esset:
eo coloniam nouam iure deducere? negaui in eam co-
loniam, quæ esset auspiciato deducta: dum esset incolu-
mus: coloniam nouam iure deduci: colonos nouos ascri-
bi posse rescripsi. tu autem insolentia elatus, omni au-
spiciorum iure turbato, Casilinum coloniam deduxi-
sti: quo erat paucis annis ante deducta: ut uexillum
uideres: & aratrum circunduceres: cuius quidem no-
mere portam Capuæ penè perstrinxisti: ut florentis
coloniæ territorium manueretur. Ab hac religionum

perturbatione aduolas in M. Varronis sanctissimū, atq;
 integerrimū uiri fundum Cassinatē. quo iure? quo
 ore? eodem inquires, quo in heredum L. Rubrij, quo
 in heredum L. Tursecij prædia: quo in reliquas in-
 numerabiles possessiones. Et si ab hasta. ualeant tabu-
 le, modo Cæsaris, non tuæ: quibus debuisti: non qui-
 bus tu te liberauisti. Varronis quidem Cassinatē fun-
 dum quis uenisse dicit? quis hastam istius uenditionis
 uidit? quis uocem præconis audiuit? misisse te dicis Ale-
 xandriam, qui emeret à Cæsare. ipsum enim expecta-
 re magnum fuit? quis uero audiuit unquam (nullius
 autem salus curæ pluribus fuit) de fortunis Varronis re-
 ullā esse detractam? quod, si etiam scripsit ad te Cæsar,
 ut redderes: quid satis potest dici de tanta impuden-
 tia? remoue gladios illos parumper, quos uidemus:
 iam intelliges aliam causam esse hastæ Cæsaris: aliam
 confidentiæ, et temeritatis tuæ. nō enim te dominus mo-
 do illis sedibus, sed quis amicus, uicinus, hospes, pro-
 curator arcebit. At quam multos dies in ea uilla tur-
 pissime es perbacchatus? ab hora tertia bibebatur: lu-
 debatur: uonebatur. O' tecta ipsa misera, quā dispā-
 ri domino, quanquam quomodo iste dominus? sed tamē
 quā à dispāri tenebantur. studiorum enim suorū M.
 Varro uoluit esse illud, non libidinum diuersorium.
 quæ in illa uilla ante dicebantur? quæ cogitabantur?
 quæ literis mandabantur? iura populi romani, monu-
 menta maiorum, omnis sapientiæ ratio, omnisq; doctri-
 na. At uero te inquilino (non enim domino) persona-
 bant omnia uocibus ebriorum: natabant pauimenta ui-
 no: mædebant parietes: ingenui pueri cum meritorijs,
 scorta inter matres familias uersabantur. Casilino salu-

ZZZ iiij

PHILIPPICA

tatum ueniebant, Aquino, Interamna: admissus est nemo. iure id quidem. in homine enim turpissimo obsolebant dignitatis insignia. cum inde Romam proficiscens ad Aquinum accederet: obuiam ei processit (ut est frequens municipium) magna sane multitudo. at iste operata lectica latus est per oppidum, ut mortuus. stulte Aquinates. sed tamen in uia habitabant. quid Anagnini? qui cum essent deui: obuiam ei descenderunt: ut istum, tanquam si esset Consul: salutarent. incredibile dictum. sed tum nimis inter omnes constabat: neminem esse resalutatum. praesertim cum duos secum anagninos haberet Mustellam, & Laconem: quorum alter gladiatorum est princeps: alter poculorum. Quid ego illas istius minas? contumeliasque commemorem? quibus inuectus est in Sidicanos? uexauit Puteolanos: quod C. Cassium, quod Brutos patronos adoptassent, magna quidem iudicio, studio, beniuolentia, charitate: non ut te, ut Basilum, ui & armis, & alios uestri similes: quos clientes nemo habere uelit: non modo esse illorum cliens. interea dum tu abes: qui dies ille Collegae tui? cum illud quod tu uenerari solebas, bustum in foro euerit? qua re tibi nuntiata, ut constabat inter eos, qui una fuerunt: concidisti. quid euenerit postea, nescio. metum credo ualuisse, & arma. collegam quidem de caelo detraxisti: effecistique non tu quidem etiam nunc, ut sit similis tui: sed certe ut dissimilis esset sui. qui uero reditus inde Romam? quae perturbatio totius urbis? memineramus Cinnam nimis potentem: Syllam postea dominantem: Caesarem regnantem uideramus. erant fortasse gladij, sed tamen absconditi, nec ita multi. ista uero quae, & quanta barbaria est? agmine quadrato cum gladijs sequuntur scutati mu-

lites: lectiats portari uideamus. Atq; his quidem iam in-
 ueteratis P. C. consuetudine obduruimus: Calēdis Iun-
 cum in Senatum, ut erat constitutum, uenire uellemus:
 metu perterriti repente diffuginus. at iste, qui Senatus
 non egeret: neq; desiderauit quenquam: & potius di-
 scessu nostro letatus est: statimq; illa mirabilia facino-
 ra effecit: qui chirographa Caesaris defendisset lucri sui
 causa: is leges Caesaris, easq; praeclaras, ut Remp. concie-
 tere posset: euerit. numerum annorum prouincijs pro-
 rogauit: idemq; cum actorum Caesaris defensor esse de-
 beret: & in publicas, & in priuatis rebus acta Caesaris
 rescidit. in publicis actis nihil est lege grauius: in pri-
 uatis firmissimum est testamentum. leges alias sine pro-
 mulgatione sustulit: alias ut tolleret promulgauit. testa-
 mentum irritum fecit. quod etiam infimus ciuibz sem-
 per obtentum est. signa, tabulas, quas populo Caesar una
 cum hortis legauit: eas hic partim in hortos Pompei de-
 portauit: partim in uillam Scipionis. Et tu in Caesaris me-
 moria diligens? tu illum, tu illū amas mortuum? quē is
 maiorem honorem consecutus erat? quā ut haberet pul-
 uinar, simulachrum, fastigium, flaminem? est ergo fla-
 mē ut Ioui, ut Marti, ut Quirino, sic diuo Iulio M. An-
 tonius. quid igitur cessas? cur non inaugurare? sume
 diem: uide qui te inauguret: collegae sumus: nemo nega-
 bit. O' detestabilem hominem: siue quod Tyranni sacer-
 dos es: siue quod mortui. quāro deinceps, nū hodiernus
 dies quis sit, ignores? nescis heri quartum in arco diē
 ludorum romanorum fuisse? te autem ipsum ad populū
 tulisse: ut quintus praeterea dies Caesari tribueretur? cur
 non sumus praetextati? cur honorem Caesaris tua le-
 ge datum deferi patimur? an supplicationes addēdo diē

PHILIPPICA

contaminari passus es? pulvinaria noluiſti? aut undiq;
religionem tolle: aut uſquequaq; conſerva. quæres pla-
ceat ne mihi pulvinar eſſe, faſtigium, flaminem? mihi ue-
ro nihil iſtorum placet. ſed tu, qui acta Cæſaris defen-
diſ: quid potes dicere? cur alia defendas? alia non cures?
niſi forte uiſi fateri, te omnia quæſtu tuo, non illius di-
gnitate metiri. quid ad hæc tandem? expecto eloquentiã
tuam. diſertiffimum cognoui Auum tuum. at te etiam
apertiore in dicendo. ille nunquam concionatus eſt nu-
dus. tuum hominis ſimplicis pectus uidimus. reſponde-
bis ne ad hæc? aut omnino hiſcere audebis? ecquid repe-
ries ex tam longa oratione? cui te reſpondere conſidas?
ſed præterita omittamus. hunc unum diem, hunc unũ
inquam hodiernum diem, hoc punctum temporis, quo
loquor: defende ſi potes. cur armatorum corona Senatus
ſeptus eſt? cur me tui ſatellites cum gladijs audiunt? cur
ualuæ Cõcordiæ non patent? cur homines omnium gen-
tium, maxime Barbaros Ithyreos cum ſagittis deducis
in forum? præſidij ſui cauſa ſe facere dicit. non'ne igitur
nullies perire eſt melius? quàm in ſua ciuitate ſine ar-
matorum præſidio non poſſe uiuere? ſed nullũ eſt iſtuc,
mihi crede, præſidium. charitate, & beniuolentia ciui-
um ſeptum oportet eſſe, non armis. eripiet, extorquebit
tibi iſta populus romanus, utinam ſaluus nobis: ſed quo
quomodo nobiſcum egeris: dum iſtis conſilijs uteris: nõ
potes eſſe, crede mihi, diuturnus. etenim iſta tua minime
auara coniũx, quam ego ſine contumelia deſcribo: nimĩũ
debet diu populo Ro. penſionem tertiam. habet populus
ro. ad quos gubernacula Reip. deferat: qui ubicunq; ter-
rarum ſunt: ibi eſt omne Reip. præſidiũ: uel potius ipſa
reſpublica: quæ ſe adhuc tantummodo ultia eſt: nondũ

recuperauit. habet quidem certe Resp. adolescentes nobilissimos, paratos defensores. quàm uolēt illi cedant oīo consulentes: tamen à Repub. reuocabuntur. Et nomen pacis dulce est: Et ipsa res salutaris. sed inter pacem Et seruitutem plurimum interest. pax est tranquilla libertas: seruitus postremum malorum omnium, non modo bello, sed morte etiam repellendum. quod si se ipsos illi nostri liberatores è conspectu nostro abstulerunt: at exēplum facti reliquerunt. illi, quod nemo fecerat, fecerunt. Tarquinium Brutus bello est persecutus: qui tamen rex fuit, cum esse romæ regem liceret. Sp. Cassius, Sp. Melius, M. Manlius propter suspicionem regni appetendū sunt necati. hi primi cum gladijs, non in regnum appetentem, sed in regnantem impetum fecerunt. quod cum ipsum factum per se præclarum, atque diuinum est: tum expositum ad imitandum: præsertim cum illi eā gloriam consecuti sunt: quæ uix cælo capi posse uideatur. Eisi enim satis in ipsa conscientia pulcherrimum facti fructus erat: tamē mortali immortalitatem nō arbitror contemnendam. recordare igitur illum M. Antoni diem: quo Dictaturam sustulisti: pone ante oculos læticiam Senatus, populiq; romani: confer cum nūmatione tua tuorumq;: tum intelliges quantum inter laudem Et lucrū intersit. sed nimirum, ut quidam morbo aliquo, Et sensus stupore suauitatem cibi non sentiunt: sic libidinosi, auari, fœdorosi, ueræ laudis gustum non habent. sed si te laus allicere ad recte faciendum non potest: ne metus quidem à fœdissimis factis potest auocare? iudicia non metus. si propter innocentiam: laudo: si propter uim: nō intelligis ei, qui isto modo iudicia non timeat: quid timendum sit. quod si non metus uiros fortes, egregiosq;

PHILIPPICA

omnes: quod a corpore tuo prohibentur armis: tui te, cre-
de mihi, diutius, non ferent. quid est autem multos dies,
et noctes timeri a suis? nisi uero maioribus habes be-
neficijs obligatos, quam ille quosdam habuit ex ijs, a
quibus est interfectus. an tu es ulla re cum eo comparan-
dus? fuit in illo ingenium, ratio, memoria, literatura, co-
gitatio, diligentia: res bello gesserat, quamuis Reip. cala-
mitosas, attamen magnas: non multos annos regnare
est meditatus: magno labore, magnis periculis quod co-
gitauerat effecerat: muneribus, monumentis, congrarijs
epulis, multitudinem imperitam lenierat: suos premijs,
aduersarios clementiae specie deuinxerat. qd multa? at-
tulerat iam liberae ciuitati partim metu, partim pacien-
tia, consuetudinem seruiendi. cum illo ego te dominandi
cupiditate conferre possum: ceteris uero rebus nullo mo-
do es comparandus. Sed ex plurimis malis, quae ab illo
Reip. sunt iniusta: hoc tantum boni est: quod didicit iam
populus Ro. quantum cuiq; crederet: quibus se commit-
teret: a quibus cauere. Haec igitur non cogitas? nec in-
telligis satis esse uiris fortibus didicisse, qd sit pulchrum
beneficio gratum, fama gloriosum Tyrannum occidere?
an cum illum homines non tulerint: te ferent? certatim
posthac, mihi crede, ad hoc opus curretur: nec occasio-
nis tarditas expectabitur. respice quae so aliquando Reip.
M. Antoni: quibus ortus sis, non quibus cum uiuas, con-
sidera: mecum ut uoles: cum Repub. redi in gratiam.
Sed de te tu ipse uideris. ego de me ipso profitebor. defen-
di Remp. adolescens: non deseram senex: contempsi Ca-
tilinae gladios: non pertimescam tuos. quinetiam corpus
libenter obtulerim: si representari morte mea libertas
ciuitatis potest. Vtinam aliquando dolor populi Ro. pa-

riat: quod iam diu parturit. etenim si ab hinc annos
propè uiginti hoc ipso in templo negavi posse mortem
immaturam esse Consulari: quanto uerius nunc negabo
seni? mihi uero P.C. iam etiam optanda mors est per-
functo rebus eis, quas adeptus sum: quasq; gessi. duo
modo hæc opto: unum, ut moriens populum Ro. liberū
relinquam. hoc mihi maius a' dijs immortalibus dari
nihil potest. alterum, ut ita cuiq; eueniat: ut de Repub.
quisq; mereatur.

IN M. ANTONIVM PHILIP-
PICA TERTIA. ORA-
TIO. XLVI.

Erius omnino P. C. quam tempus rei-
publicæ postulauit: aliquando tamen,
conuocati sumus. quod flagitabā equi-
dem quotidie: quippe cum bellum nefa-
rium contra aras, & focos, contra ui-
tam, fortunasq; nostras, ab homine profligato, ac per-
dito non comparari, sed geri iam uiderē. Expectantur
calendæ Ianuarij: quas nō expectat Antonius. q̄ in pro-
uinciam D. Bruti summi & singularis uiri, cum exerci-
tu impetum facere conatur. ex qua se instructum, & pa-
ratum ad urbem uenturum esse minitatur. quæ est igitur
expectatio? aut quæ uel minima dilatio temporis?
quāquam enim adsunt calendæ Ianuarij: tamen breue
tempus longum est imparatis. dies enim affert, & ho-
ra potius, nisi prouisum est: magnas sæpe clades. certus
autem dies non ut sacrificij, sic consilij expectari solet.
quod si aut calendæ Ian. fuissent eo die: quo primū ex ur-
be fugit Antonius: aut hæ, non essent expectatæ: bellum
iam nullum haberemus. auctoritate enim Senatus con-
sensuq; populi Ro. facile hominis amentis fregissemus
audaciam. quod confido equidem Consules designatos,
simulac magistratum inierint: esse facturos. sunt enim
optimo animo: summo consilio: singulari concordia. mea
autem festinatio non uictoriæ solum auida est: sed etiam
celeritatis. quousq; enim tantum bellum, tam crudele,
tam nefarium priuatis consilijs propulsabitur? cur non
quam primum publica accedit auctoritas? C. Cæsar

adolescens, pene potius puer, incredibili ac diuina qua
 dam mente, atq; uirtute tum, cum maxime furor arde-
 ret Antonij: cumq; eius à Brundusio crudelis & pesti-
 fer reditus timeretur: nec postulantibus, nec cogitantibus,
 nec opinantibus quidem nobis (quia fieri posse non ui-
 debatur) firmissimum exercitum inuicto genere uetera-
 riorum militum comparauit: patrimoniumq; suum effu-
 dit. quanquam non sumus usi eo uerbo: quo deuit. non
 enim effudit: sed in salutem Reip. collocauit. cui quan-
 quam gratia referri tanta non potest: quanta debetur
 habenda tamen est, quantam maximam animi nostri ca-
 pere possunt. quis enim est tam ignarus rerum? tam ni-
 hil de Repub. cogitans? qui hoc non intelligat: si M.
 Antonius à Brundusio cum ijs copijs, quas se habitu-
 rum putauerat: Romam, ut minabatur, uenire potuisset:
 nullum genus crudelitatis eum præteriturum fuisse?
 quippe qui in hospitis tectis Brūdusij fortissimos uiros ci-
 ues optimos iugulari iussit: quorum ante pedes eius mo-
 rientium sanguine os uxoris respersum esse constabat.
 Hac ille crudelitate imbutus, cum multo bonis omnibus
 ueniret iratior: q̄ illis fuerat, quos trucidarat: cui tan-
 dem uestrum, aut cui omnino bono perperasset? qua pe-
 ste Remp. priuato consilio (nec enim fieri potuit aliter)
 Cæsar liberauit. qui nisi in hac Remp. natus esset: Rēp.
 scelere Antonij nullam haberemus. sic enim perspicio:
 sic iudico: nisi unus adolescens illius furentis impetus
 crudelissimosq; conatus cohibuisset: Remp. funditus inte-
 rituram fuisse. cui quidem hodierno die P. C. nunc enī
 primum ita conuenimus: ut de illius beneficio possemus
 quæ sentiremus libere dicere: tribuenda est authoritas:
 ut Remp. non modo à se susceptam, sed etiam à nobis

PHILIPPICA

commendatam possit defendere. Nec uero de legione Martia (quoniam longo intervallo loqui nobis de Republica) sileri potest. quis enim unquam fortior? quis amicior unquam Reip. fuit? quam legio Martia uniuersa? quæ cum hostem populi romani M. Antonium iudicasset: comes eius esse amentiae noluit. reliquit consulem. quod profecto non fecisset: si eum Consulem iudicauisset, quem nihil aliud agere, nihil moliri, nisi cædem ciuium, atq; interitum ciuitatis uideret. atq; ea legio consedit Albæ. quam potuit urbem eligere, aut opportunior ad res gerendas? aut fidelior? aut fortiorum uirorum? aut amicorum populo ro. ciuium? huiusce legionis uirtutem imitati. Quarta legio duce L. Egnatuleio Quæstore aue optimo, & fortissimo, Cæsaris auctoritatem, atq; exercitum persecuta est. faciendum est igitur nobis P. C. ut ea, quæ sua sponte clarissimus adolescens, atq; omnium præstantissimus gessit: & gerit: hæc auctoritate nostra comprobentur: ueteranorumq; fortissimorum uirorum, tum legionis Martiæ, Quartæq; mirabilis consensus ad Remp. recuperandam laudetur: & testimonio nostro confirmetur: eorumq; commoda, honores, præmia, cum Consules designati magistratum inierint: curæ nobis fore hodierno die spōdecamus. Atq; ea quidem quæ dixi de Cæsare, deq; eius exercitu: iam diu nota sunt nobis. uirtute enim admirabili Cæsaris, constantiaq; militum ueteranorum, legionumq; earum optimo iudicio, quæ auctoritatem nostram, libertatemq; populi Romani, uirtutem C. Cæsaris secutæ sunt: à cerniciabus nostris est depulsus Antonius. sed ut dixi, hæc superiora. Hoc uero recens edictum D. Bruti, quod paulo ante propositum est, certe silentio non potest præteriri.

pollicetur

pollicetur enim se provinciam Galliam retenturum in
Senatus populiq; Ro. potestate. O' ciuem natum Reipu-
blicæ, memorem sui nominis, imitatoremq; maiorum.
neq; enim Tarquinio expulso, maioribus nostris tā-
fuit optata libertas: quā est repulso Antonio retinēda
nobis. illi regibus parere iam à condita urbe didicerāt.
nos post reges exactos seruitutis obliuio cæperat. atq;
ille Tarquinius, quem maiores nostri non tulerunt: nō
crudelis, non impius, sed superbus habitus est, & di-
ctus. quod nos uicium in priuatis sæpe tulimus: maiores
nostri ne in rege quidem ferre potuerunt. L. Brutus re-
gem superbum non tulit: D. Brutus sceleratum atq; im-
pium regnare patietur Antonium? quid Tarquinius
tale? qualia innumerabilia, et fecit, et facit, Antonius?
senatum etiam Reges habebant: nec tum, ut Antonio
Senatum habenti, in consilio regis uersabantur Barba-
ri armati. seruabant auspicia reges: quæ hic Consul Au-
gurusq; neglexit: neq; solum legibus contra auspicia fe-
rendis, sed etiam Collega una referente, quē ipse emen-
titis auspicijs uiciosum fecerat. Quis autem rex unquā
fuit tam insigniter impudens? ut haberet omnia com-
moda, beneficia, iura regni uenalia? quam hic immu-
nitatem, quam ciuitatem, quod præmium, non uel sin-
gulis hominibus, uel ciuitatibus, uel uniuersis prouin-
cijs uendidit? nihil humile de Tarquinio, nihil sordi-
dum accepimus. at uero huius domi inter ciues illius
appendebatur aurum: numerabatur pecunia: una in do-
mo omnes, quorum intererat, totum Imperiū Reipub.
mundinabantur. supplicia uero in ciues Ro. nulla Tar-
quinij accepimus. at hic & Suesæ iugulauit eos: quos
in custodiam dederat: & Brundisij tercentos fortissi-

AAA

PHILIPPICA

mos viros, ciuesq; optimos trucidauit. postremo Tarquinus pro populo Ro. bellum gerebat, tum cum expulsus est. Antonius contra populū romanum exercitum educabat, tum, cum à legionibus relictus nomen Caesaris exercitumq; pertinuit: neglectisq; sacrificijs solēnibus, ante lucem ea uota, quæ nunquam solueret: nuncupauit: et hoc tempore in prouinciam populi ro. conatur inuadere. maius igitur beneficiū à D. Bruto populus Ro. & habet: & expectat: quàm maiores nostri acceperūt à L. Bruto principe huius maxime conseruandi generis, & nominis. cum autem est omnis seruitus misera: tum uero intolerabile est seruire impuro, impudico, ef foeminato, nunquam, ne in metu quidem, sobrio. hunc igitur qui Gallia prohibet, priuato præsertim consilio: iudicat, uerissimeq; iudicat, non esse Consulem. Faciendum est igitur P. C. nobis: ut D. Bruti priuatum consilium auctoritate publica comprobemus. nec uero M. Antonium Consulem post Luperalia putare debuistis. quo enim ille die populo Ro. inspectante, nudus, unctus, ebrius, concionatus est: & id egit, ut collegæ diadema imponeret: eo die non modo Consulatu, sed etiam libertate se abdicauit. esset enim ipsi certe statim seruiendū: si Caesar ab eo regni insigne accipere uoluisset. hunc igitur ego Consulem, hunc ciuem romanum, hunc liberum, hunc deniq; hominem putem? qui foedo illo, & flagitioso die, & quid pati Cesare uiuo posset: & quid eo mortuo cōsequi ipse cuperet: ostēdit. Nec uero de uirtute, constantia, grauitate prouinciæ Galliæ taceri potest. est enim ille flos Italiæ: illud firmamentum imperij populi romani: illud ornamentum dignitatis. tantus autem est consensus municipiorū, coloniarumq; prouinciæ Gal

liæ: ut omnes ad authoritatem huius ordinis, maiesta-
temq; populi Ro. defendendam conspirasse uideantur.
Quamobrem Tribuni pl. quanquam uos nihil aliud,
nisi de præsidio, ut senatum tuto consules Cal. Ian. ha-
bere possent, retulistis: tamen mihi uidemini magno con-
silio, atq; optima mente potestatem nobis de tota Rep. fe-
cisse dicendi. cum enim tuto Senatum haberi sine præsi-
dio non posse iudicauistis: istud etiam statuistis: intra mu-
ros Antoni scelus audaciamq; uersari. Quamobrem
omnia mea sententia complectar, uobis ut intelligo nō
inuitis: & ut præstantissimis ducibus à nobis detur au-
thoritas: & fortissimis militibus spes ostendatur præ-
miorum: & iudicetur non uerbo, sed re, non modo nō
Consul, sed etiam hostis Antonius. nam si ille Consul:
fustuarium meruerunt legiones: quæ Cōsulem relique-
runt: scelcratus Cæsar: Brutus nefarius: qui contra Con-
sulem priuato consilio exercitus comparauerunt. sin au-
tem militibus exquirendi sunt honores. noui, propter
eorum diuinum, atq; immortale meritum: ducibus au-
tem ne referri quidem potest gratia: quis est, qui eum
non hostem existimet? quem, qui armis persequuntur,
conseruatores Reip. iudicantur? At quàm contumeliosus
in edictis? quam barbarus? quā rudis? primum in Cæ-
sarem maledicta congeffit deprompta ex recordatione
impuditiæ, & stuprorum suorum. quis enim hoc ado-
lescente castior? quis modestior? quod in iuuentute habe-
mus illustrius exemplum ueteris sanctitatis? quis autem
illo maledico impurior? ignobilitatem obijcit C. Cæsa-
ris filio. cuius etiam naturalis pater, si uita suppedita-
set: Consul factus esset. Aricina mater. Trallianam, aut
Ephesinā putes dicere? uidete quàm despiciamur omnes,

AAA ij

PHILIPPICA

qui sumus è municipijs: idest omnes plane: notus enim quisq; non est. quod autem municipium non contemnit is? qui Arrianum tantopere despiciat, uetustate antiquissimum, iure foederatum, propinquitate penè finitimū, splendore municipi honestissimum. hinc Voconiae, hinc Scatiniae leges: hinc multae Sellae curules, et patrum memoria & nostra: hinc Equites Ro. lautissimi plurimi, & honestissimi. sed si Arrianam uxorem non probas: cur probas Thusculanam? quanquam huius sanctissimae foeminae, atq; optima pater M. Atilius Balbus in primis honestus, Praetorius fuit. tuae coniugis bonae foeminae, locupletis quidem certe, Bambalio quidam pater, homo nullo numero. nihil illo contemptius: qui propter haesitantiam linguae, stuporemq; cordis, cognomē ex contumelia traxerit. At auus huius nobilis. Tuditanius nempe ille: qui cum palla, & coturnis nummos populo de rostris spargere solebat. uellem hanc contemtionem pecuniae suae reliquisset: haberetis nobilitatem generis gloriosam. qui autē euenit ut Iulianus natus, ignobilis uideatur? cum tu eodem materno genere soleas gloriari? quae porro amentiae sunt? eum dicere aliquid de uxorū ignobilitate: cuius pater Numitoriam Fregeggellanam proditoris filiam habuerit uxorem: ipse ex libertini filia suscepit liberos. Sed hoc clarissimi uiri uiderint, L. Philippus, qui habet Arrianam uxore: C. Marcellus, qui Arrianae filiam: quos certe scio dignitatis optimarum foeminarum non poenitere. Idem etiā Q. Ciceronem fratris mei filium compellat edicto: nec sentit amens commendationem esse, compellationem suam. quid enim accidere huic adolescenti potuit optatius? quam cognosci ab hominibus Caesaris consiliorum

esse socium: Antonij furoris inimicum? At etiam gladiator ausus est scribere: hunc de patris et patrui par-
ricidio cogitasse. O' admirabilem impudentiam, auda-
ciam, temeritatem. in eū adolescentem hæc scribere au-
dere? quem ego, et frater meus, propter eius suauissimos
atq; optimos mores præstantissimumq; ingeniū, certatim
amamus: omnibus horis, oculis, auribus, complexu te-
nemus. Nam in eisdem me edictis nescit lædat, an lau-
det. cum idem supplicium minatur optimis auibus: quod
ego de sceleratissimis sumpserim: laudare uidetur: quasi
imitari uelit. cum autem illam pulcherrimi facti memo-
riam refricat: tum à suis simulibus inuidiā aliquā in
me commoueri putat. Sed ipse quid fecit? cum tot edicta
proposuisset: edixit ut adesset Senatus frequens ad V I I I
Cal. Decembris. eo die ipse non affuit. At quomodo edi-
xit? hæc sunt ut opinor, uerba in extremo. Si quis non
affuerit: hunc omnes existimare poterunt, & interitus
mei & perditissimorum consiliorum authorem fuisse.
Quæ sunt perditia consilia? an ea? quæ pertinent ad li-
bertatem populi romani recuperandam? quorum con-
siliorum Cæsaris, me authorem & hortatorem, &
esse, & fuisse fateor: quanquam ille non eguit consilio ci-
uisquam. sed tamen, ut dicatur, currentem inataui. Nam
interitus quidem tui quis bonus non esset author? cum
in eo salus, & uita optimi cuiusq; & libertas popu-
li romani, dignitasq; consisteret. Sed cum tam atroci
edicto nos conatuisset: cur ipse non affuit? num puta-
tis aliqua re tristi & seuera? uino, & epulis retentus,
& alea est: si epulæ potius, quàm popinæ nominandæ
sunt. diem edicti obire neglexit: & ante diem quartam
calendarum decembris distulit. adesse in Capitolio ius-

AAA ij

PHILIPPICA

sit. quod in templum ipse nescio qua, per Gallorum ca-
 niculum ascendit. conuenerunt corrogati, & quidem
 ampli quidam homines, sed immemores dignitatis suae.
 is enim erat dies: ea fama: is impetus eius, qui senatum
 uocarat: ut turpe senatori esset, nihil timere. Ad eos ta-
 men ipsos, qui conuenerant, ne uerbum quidem ausus
 est facere de Caesare: cum de eo constitisset ad Senatum
 referre. scriptam attulerat Consularis quidam senten-
 tiam. quid est aliud de eo referre non audere, qui con-
 tra se Consulem exeratum duceret: nisi se ipsum hostem
 iudicare? necesse enim erat alterum esse hostem: nec po-
 terat aliter de aduersarijs ducibus iudicari. Si igitur C.
 Caesar hostis: cur Consul nihil refert ad Senatum? si ille
 à Senatu notandus non fuit: quid potest dicere? quin
 cum de illo tacerit: se hostem esse confessus sit? quem
 in edictis Spartacum appellat: hunc in Senatu ne im-
 probum quidem dicere audet. At in rebus tristissimis
 quantos excitat risus? sententioas edicti cuiusdam me-
 moriae mandauit: quas uidetur ille per acutas putare. Ego
 autem, qui intelligeret, quid dicere uellet, adhuc nemi-
 nem inueni. An ulla contumelia est, quam facit dignus?
 primum quid est dignus? nam etiam malo digni multi:
 sicut ipse. an quā facit is: qui cum dignitate est? quae au-
 tem potest esse maior? quid est porro facere contumeliā?
 quis sic loquitur? Deinde, nec timor quē denunciat ini-
 micus. quid est ergo? ab amico timor denunciari solet?
 horum similia deinceps. non ne satius est mutum esse?
 quā quod nemo intelligat, dicere? hem cur magister eius
 ex oratore, arator factus sit. ut possideat in agro publico
 populi romani, campi Leontini duo millia iugerum im-
 munia: ut hominem stultum magis etiam in fatuet mer-

cede publica. sed hæc leuiora fortasse. illud quæro, cur
tam subito mansuetus in Senatu fuerit: cum in edictis
tam fuisset ferus? quid autem attinuerit, L. Cassio tri-
buno pl. fortissimo, & constantissimo cui mortem de-
nunciare? si in Senatum uenisset? D. Carsulenum bene
de Rep. sentientem, à Senatu ui & minis mortis expelle-
re? Tyberinum Canutium, à quo erat honestissimus
contentionibus & sæpe, & iure uexatus: non templo so-
lum, uerum etiam aditu prohibere, Capitoli? cui sena-
tus consulto ne intercederent uerebatur? de supplicatione
credo M. Lepidi clarissimi uiri. atq; id erat periculum:
de cuius honore extraordinario quotidie aliquid cogi-
tabamus: ne eius usitatus honos impediretur. Ac ne si-
ne causa uideretur edixisse, ut Senatus adesset: cum de
Rep. relaturus fuisset: allato nūcio de legione Quarta,
mente concidit: effugere festinans senatus consultum de
supplicatione per discessionem fecit: cum id factum esset
antea nunquam. Quæ uero profectio postea? quod iter
paludati? quæ uitatio oculorum, lucas, urbis, fori? quàm
misera fuga? quàm fœda? quàm turpis? præclara tum
fuit senatus in illo ipso die uespertina prouinciarum re-
ligiosa sortitio: diuina uero opportunitas: ut quæ cuiq;
apta esset: ea cuiq; obueniret. præclare igitur factis Tri-
buni pl. qui de præsidio Consulum, Senatusq; referatis:
meritoq; uestro maximas gratias uobis omnes & age-
re, & habere debemus. qui enim carere metu, & peri-
culo possemus, in tanta hominum cupiditate, & auda-
cia? ille autem afflictus & perditus, quæ de se expe-
ctat iudicia grauiora, quàm amicorum suorum? famu-
liarissimus eius mihi homo coniunctus, L. Lentulus, &
P. Naso omni carens cupiditate, nullam se habere prouin-

AAA iiij

PHILIPPICA

ciam, nullam Antonij sortitionem fuisse iudicauerunt. quod idē fecit L. Philippus uir auo, patre, maioribusq; suis dignissimus. in eadem sententia fuit homo summa integritate, atq; innocentia M. Anturanius. idem fecit P. Appius. ipsi etiam qui amicitiam M. Antonij ueriti, plus ei tribuerunt, quā fortasse uellent: M. Piso, & meus necessarius, & uir, & ciuis egregius, pariq; innocentia M. Vehilius, senatus authoritati se obtemperaturos esse dixerunt. quid ego de L. Cinna loquar? cuius spectata multis magnisq; rebus singularis integritas minus admirabilem fecit huius honestissimi facti gloriam: qui omnino prouinciam neglexit. quā item magno animo & constanti C. Cessedius repudiauit. qui sunt igitur reliqui? quos fors diuina delectet? L. Antonius, & M. Antonius. O' felicem utrumque, nihil enim maluerunt. C. Antonius Macedoniam. hunc quoq; felicem. hanc enim semper habebat in ore prouinciam. C. Caluissius Africā. nihil felicius. modo enim ex Africa decesserat: & quasi diuinans se rediturum, duos legatos Vticae reliquerat. deinde M. Iacius Siciliam, Q. Cassius Hispaniam. non habeo quid suspicer. duarum credo prouinciarum sortes minus diuinas fuisse. O' C. Cæsar (adulescentem appello) quam tu salutem reipublicæ, attulisti? quā improvisam? quā repentinam? qui enim hæc fugiens fecerit: quid faceret insequens? etenim in concione dixerat: se custodem futurum urbis: usq; ad Cal. Maias ad urbem exercitum habiturum. O' præclarum custodem ouium (ut aiunt) lupum. custos ne urbis? an direptor, & uexator esset Antonius? Et quidem se introiturum in urbem dixit, exiturumq; cum uellet. quid istud? non'ne audiente populo se-

dens pro æde Castoris dixit? nisi qui uicisset uicturū
neminem? Hodierno die primum P.C. longo interval
lo in possessionem libertatis pedem ponimus: cuius qui
dem ego, quoad potui, non modo defensor, sed etiam con
seruator fui. cum autem id facere non possem: qui fui?
nec abiecte, nec sine aliqua dignitate, casum illum tem
porum, et dolorem tuli. hanc uero teterrimam belluam,
quis ferre posset? aut quomodo? quid est in Antonio, præ
ter libidinem, crudelitatem, petulantiam, audaciam? ex
his tot conglutinatus est. nihil apparet in eo ingenuū:
nihil moderatum: nihil pudens: nihil pudicum. Quapro
pter quoniam res in id discrimen adducta est: uirum
ille poenas Reip. luat: an nos seruiamus: aliquando per
deos immortales P.C. patrium animum, uirtutemq;
capiamus. aut libertatem propriam Romani generis, et
nominis recuperemus: aut mortem seruituti antepona
mus. Multa quæ in libera ciuitate ferenda non essent:
tulimus: et perpassi sumus: alij spe recuperandæ liber
tatis: alij uiuendi nimia cupiditate. sed si illa tulimus,
quæ necessitas ferre coegit, uisq; quædam pene fatalis:
quæ tamen ipsa non tulimus: etiam ne huius impuri
latronis feremus teterrimum, crudelissimumq; domina
tum? quid hic faciat, si potuerit, iratus? qui cum succe
dere nemini posset: omnibus bonis fuerit inimicus? quid
hic uictor non audebit? qui nullam adeptus uictoriam
tanta scelera post Cæsaris interitum fecerit: refer
tam eius domum exhausserit: hortos compilarit: ad se o
mnia ex his ornamenta transtulerit: credis et incendio
rum causam quæsierit ex funere: duobus aut tribus Se
natus consultis è Rep. benefactis, reliquas res ad lu
crum prædamq; reuocauerit: uendiderit: immunitate

PHILIPPICA

ciuitates liberauerit: prouincias uniuersas ex imperij
populi Ro. iure sustulerit: exules reduxerit: falsas leges
C. Cæsaris nomine, & falsa decreta in aes incidenda,
& in Capitolio figenda curauerit: earumq; rerum o-
mnium domesticum mercatum instituerit: populo Ro. le-
ges imposuerit: armis & præsidys populum romanū,
& magistratus foro exclusit: Senatum stipauerit ar-
matis: armatos in cella Concordiæ, cum Senatum habe-
ret, inclusit: ad legiones Brundisium cucurrerit: ex
his optime sentientes Cēturiones iugulauerit: cum exer-
citu Romam sit ad interitum nostrum, & ad disperdi-
tionem urbis uenire conatus. atq; is ab hoc impetu ab-
stractus consilio et copijs Cæsaris, consensu ueteranorū,
uirtute legionum, ne fortuna quidem fractus minuit
audaciam: nec ruere demens, nec furere desinit: in Gal-
liam mutilatum ducit exercitum: cum una legione, &
ea uacillante L. fratrem expectat: quo neminem repe-
rire potest sui similiore. ille autem ex Myrmillone dux,
ex gladiatore Imperator, quas fecit strages, ubi cunq; po-
suit uestigia? cedit greges armentorum, reliquiq; pecoris
quodcunq; nactus est: epulantur milites: ipse autem se,
ut fratrem imitetur, obruit uino: uastantur agri: diri-
piuntur uillæ: matres familias, uirgines, pueri ingenui
arripiuntur: militibus traduntur. Hæc eadem quacunq;
exercitum duxit, fecit M. Antonius. His uos teterrimis
fratribus portas aperietis? hos inquā in urbē recipietis?
non tempore oblato, ducibus paratis, animus militū in-
citatis, populo Ro. conspirante, Italia tota ad libertatem
recuperandam excitata, deorum immortalium bene-
ficio utemini? nullum erit tempus hoc amisso. à ter-
go, à fronte, à lateribus tenetur. si in Galliam uenerit:

nō ille armis solū, sed etiā nostris decretis urgendus est. magna uis est, magnum numen unum & idem sentientis Senatus. uidetis ne refertum forum? populum Ro. ad spem recuperandæ libertatis erectum? qui longo intervallo cum frequentes hic uidet nos, tum sperat etiam liberos conuenisse. hūc ego diem expectans, M. Antoni scelerata arma uitavi: tum cum ille in me absentem inuehens, non intelligebat ad quod tempus me, & meas uires reseruarem. si enim illi tum cedis initium a me querenti respondere uoluissē: nunc Reip. consulere nō possem. hanc uero nactus facultatem, nullum tempus P. C. dimittam, neq; diurnum, neq; nocturnum: quin de populi romani libertate, de dignitate uestra quod cogitandum sit, cogitem: quod agendum, atq; faciendum, id non modo non recusem: sed appetam etiam: atq; deponam. Hoc feci semper dum licuit: intermisi quoad non licuit: iam non solum licet: sed necesse est etiam: nisi seruire malumus, quā ne seruiamus, animis armisq; discernere. Dū immortales nobis hæc præsidia dederunt: urbi Cæsarem, Brutum Galliæ. si enim ille urbem opprimere potuisset statim: si Galliam tenere paulo post: optimo cuiq; pereundum, reliquis esset seruiendum. Hanc igitur occasionem oblatam tenete per deos immortales P. C. & amplissimū orbis terræ consiliū Principes uos esse aliquando recordamini. signum date populo Ro. consilium uestrum non deesse Reipublicæ: quoniam ille uirtutem suam non defuturam esse proficitur. nihil est quod moneam. nemo est tam stultus: qui non intelligat, si dormierimus hoc tempore, non modo crudelem superbamq; dominationem nobis, sed ignominiosam etiam & flagitiosam esse ferendam. nostis in

PHILIPPICA

solentiam Antonij: nostis amicos: nostis totam domum.
libidinosi, petulantibus, impuris, impudicis, aleatori-
bus, ebrijs seruire: ea summa miseria est summo dede-
core coniuncta. quod si iam (quod dij omen auertant) fa-
tum extremum Reip. uenit: quod gladiatores nobiles
faciunt: ut honeste decumbant: faciamus nos principes
orbis terrarum gentiumque omnium: ut cum dignitate potius
cadamus: quam cum ignominia seruiamus. nihil est detesta-
bilius dedecore: nihil foedius seruitute. ad decus, et li-
bertatem nati sumus. aut hæc teneamus, aut cum digni-
tate moriamur. nimium diu teximus, quid sentiremus.
nunc iam apertum est: omnes iam patefecerunt, in
utramque partem quid sentiant: quid uelint. sunt impij ci-
ues, pro charitate Reip. nimium multi, pro multitudine
bene sentientium, admodum pauci. quorum opprimen-
dorum dij immortales incredibilem populo Ro. potesta-
tem, et fortunam dederunt. ad ea enim præsidia, quæ
habemus: iam accedunt Consules summa prudentia,
uirtute, concordia, multos menses de populi Ro. libertate
commentati atque meditati. His authoribus, et duabus,
dijs iuuantibus, nobis uigilantibus, et multum in po-
sterum providentibus, populo Ro. consentiente, erimus
profecto liberi breui tempore. iucundio rem autem faci-
et libertatem seruitutis recordatio. Quas ob res quod
Tribuni pl. uerba fecerunt: ut Senatus Calen. Ianu. tu-
to haberi, sententiæque de summa Reip. libere dici possint:
de ea re ita censeo: ut C. Pansa, A. Hircaus Consules de
signati, dent operam, ut Senatus Cal. Ianu. tuto habe-
ri possit: quodque edictum D. Bruti imperatoris Consul-
is designati, optime de Repub. meriti propositum sit: Sena-
tum existimare D. Brutum imperatorem Consulem de-

signatū, optime de Rep. promereri: cum Senatus auctoritatem, populiq; romani libertatem, Imperiumq; defendat: quodq; Galliam prouinciam atteriore optimorum & fortissimorum uirorum, amicissimorum populo Ro. auium exercitum in Senatus potestate retineat: id eum, exercitumq; eius, municipia, colonias prouinciæ Galliae, recte, atq; ordine, exq; Rep. fecisse: & facere: Senatum ad summam Reip. pertinere arbitrari: a D. Bruto & ab L. Planco Imperatoribus Cons. designatis, itemq; a cæteris, qui prouincias obtinent: obtineri ex lege Iulia quoad ex senatus consulto cuiq; eorum successum sit: eosq; dare operam, ut hæ prouinciæ, Galliaeq; exercitus, in Senatus populiq; Ro. potestate, præsidioq; Reip. sint: cumq; opera, uirtute, consilio C. Cæsaris, summoq; consensu militum ueteranorū, qui eius auctoritatem secuti Reip. præsidio sunt: & fuerunt: & a grauissimis periculis populus Ro. defensu sit: et hoc tempore defendatur: cumq; legio Martia Albæ constitit, in municipio fidelissimo, & fortissimo: seq; ad Senatus auctoritatem populiq; Ro. libertatem contulerit: quod pari consilio eademq; uirtute legio Quarta uisa L. Egnatuleio duce ciue egregio Senatus auctoritatem Populiq; Ro. libertatem defendat: ac defenderit: Senatui magnæ curæ esse, ac fore: & ut pro tantis eorum in rempublicam meritis honores eis habeantur: gratiæq; referantur: Senatui placere: utq; C. Pansa, A. Hircaus Consules designati, cum magistratum inierint: si eis uidebitur: primo quoq; tempore de his rebus ad hunc ordinem referant: ita uti de Rep. fideq; sua censuerint.

IN M. ANTONIVM AD QVIRITES

PHILIPPICA QVARTA.

ORATIO. XLVII.

Requentia uestrum incredibilis, con-
ciōq; Quirites tanta, quantam meminis-
se non uideor: & alacritatem mihi
summam affert Reip. defendendæ, &
spem recuperandæ libertatis. quan-
quam animus mihi nunquam defuit: tempora defuerūt.
quæ simulac primum aliquid lucis ostendere uisa sunt:
princeps uestre libertatis defendendæ semper fui.
quod si ante facere conatus essem. nunc facere non pos-
sem. hodierno enim die Quir. ne mediocrem rem a-
ctam arbitremini: fundamenta sunt iacta reliquarū a-
ctionum. nam est hostis à senatu nondū uerbo appella-
tus, sed re iam iudicatus Antonius. Nunc uero multo
sum erectior: quod uos quoq; hostem illum esse tanto con-
sensu, tantoq; clamore approbauistis. nec enim fieri po-
test: ut non aut i sint impij: qui contra Consulem exer-
citum comparauerunt: aut ille hostis, contra quem iu-
re arma sumpta sunt. Hanc igitur dubitationem, quan-
quā nulla erat: tamen nequa posset esse: Senatus hodie-
no die sustulit. C. Cæsar, qui Rempublicam, liberta-
temq; uestram suo studio, consilio, patrimonio denique
tutatus est: & tutatur: maximus Senatus laudibus orna-
tus est. Laudo, laudo uos Quirites: cum gratissimis ani-
mis prosequimur nomē clarissimi adolescentis, uel pueri
potius. sunt enim facta eius immortalitatis, nō ætatis. mul-
ta memini: multa audiui: multa legi: nihil ex omnium
seculorū memoria tale cognoui: qui cum seruitute præ-

meremur: & in dies malum cresceret: praesidij nihil haberemus: capitalem, & pestiferum Brundisio M. Antonij reditum timeremus: hoc insperatum omnibus consilium, incognitum certe coepit, ut exercitum inuictum ex Hispanis militibus conduceret: Antonijq; furorem crudelissimus consilijs inatatum a perniciæ Reip. auerteret. quis est enim, qui hoc non intelligat? nisi Caesar exercitum parauisset: non sine exitio nostro futurum Antonij reditum fuisse? Ita enim se recipiebat ardēs odio uestri, cruentus sanguine ciuiū romanorū, quos Sueßæ, quos Brūdusij occiderat: ut nihil nisi de Reip. perniciæ cogitaret. Quod autem erat praesidium salutis, libertatisq; uestræ? si C. Caesaris fortissimorum suiq; patris militum exercitus non fuisset? cuius de laudibus & honoribus, qui ei pro diuinis, & immortalibus meritis diuini immortalesq; debentur: mihi Senatus assensus paulo ante decreuit, ut primo quoq; tempore referretur. quo decreto quis non prospicit Antonium hostem esse indicatum? quem enim appellare possumus eum: contra quem qui exercitus ducunt: ijs Senatus arbitratur singulares exquirendos honores? quid lego Martia? quæ mihi uidetur diuinitus ab eo deo traxisse nomen: a quo populum Ro. generatum accepimus: non ne ipsa suis decretis prius, quàm Senatus, hostem iudicauit Antonium? nam ille si non hostis: qui Consulem reliquerunt, hostes necesse est iudicemus. præclara & luculenta reclamatione uestra factum pulcherrimum Martialium comprobauistis: qui se ad Senatus auctoritatem, ad libertatem uestram, ad uniuersam Remp. contulerunt: hostem illum, & latronem, et parricidam patriæ reliquerunt. nec solum id animose, & fortiter, sed considerate etiam,

PHILIPPICA

sapienterq; fecerunt. Albæ constiterunt in urbe opportuna, munita, propinqua, fortissimorum uirorum, fidelissimorum ciuium, atq; optimorum. Huius Martiæ legionis legio Quarta imitata uirtutem, duce L. Egnatuleio, quem Senatus merito paulo ante laudauit: C. Cæsaris exercitum prosecuta est. quæ expectas M. Antoni iudicia grauiora? Cæsar fertur in cælum: qui contra te exercitum comparauit: laudantur exquisitissimis uerbis legiones: quæ te reliquerunt: quæ a te accersitæ sunt: quæ tuæ essent: si te consulem, quàm hostem maluisses: quarum legionum fortissimum, uerissimumq; iudicium confirmat Senatus: comprobat uniuersus populus romanus: nisi forte uos Quirites consulem, non hostem iudicatis Antonium? sic arbitrabar uos iudicare ut ostenditis. municipia, colonias, præfecturas, num aliter iudicare censeatis? omnes mortales una mente consentiunt: omnia arma eorum, qui hæc salua uelint: contra illam pestem esse capienda. quid D. Bruti iudiciū Quir. quod ex hominibus eius edicto perspicere potuistis: num cui tandem contemnendum uidetur? recte & uere negastis Quirites: est enim quasi deorum immortalium beneficio & munere datum Reip. Brutorum genus, & nomen ad libertatem populi Ro. uel constituendam, uel recuperandam. quid igitur D. Brutus de M. Antonio iudicauit? exclusit. prouincia: exercitu obstitit: Galliam totam hortatur ad bellum, ipsam sua sponte, suoq; iudicio exartatam. Si Consul Antonius: Brutus hostis. si conseruator Reip. Brutus: hostis Antonius. num igitur utrum horum sit, dubitare possumus? At qui ut uos una mente unaq; uoce dubitare uos negatis: sic modo decreuit Senatus, D. Brutum optime de Rep. mereri, cum Senatus auctoritatem populi

tatem, populiq; Ro. libertatem, imperiumq; defenderit.
 à quo defenderit: nempe ab hoste. quæ est enim alia lau-
 danda defensio? deinceps laudatur provincia Gallia:
 meritoq; ornatur uerbis amplissimis à Senatu: quod re-
 sistat Antonio. quem si Consulem illa provincia putaret:
 neq; eum reciperet: magno scelere se astringeret. omnes
 enim sub Consulis iure, & imperio debent esse provin-
 ciæ. negat hoc D. Brutus imperator Consul designatus
 natus Reip. ciuis: negat Gallia: negat cuncta Italia: ne-
 gat Senatus: negatis uos. quis igitur illum consulem nisi
 latrones putant? quanquam ne ij quidem ipsi quod lo-
 quuntur, id sentiunt: nec à iudicio omnium mortalium,
 quamuis impij, nefarij; sint: sicut sunt: dissentire pos-
 sunt. sed spes rapiendi, atq; prædandi cecat animos eo-
 rum: quos non bonorum donatio, non agrorum assi-
 gnatio, non illa infinita Pompei hasta faciauit: qui sibi
 urbem, qui bona, & fortunas ciuium ad prædam pro-
 posuerunt: qui dum sit quod rapiant: quod auferant:
 nihil sibi defuturum arbitrantur. quibus M. Antonius (o'
 dij immortales auertite, et detestamini quæso hoc omen)
 urbem se diuisurum esse promisit. ita uero Quir. ut præ-
 camini ueniat: quo huius amentiae pœna, in ipsum, fa-
 miliamq; eius recadat. quod ita futurum esse confido.
 iam enim non solum homines, sed etiam deos immor-
 tales ad Remp. conseruandam arbitror consensisse. si
 enim prodigijs, atq; portentis dij immortales nobis futu-
 ra prædicunt: ita sunt aperte denūciata: ut et illi pœna,
 & libertas nobis appropinquet. si enim tantus consensus
 omnium, sine impulsu deorum esse non potuit: quid est,
 quod de uoluntate cœlestium dubitare possimus? Reli-
 quum est Quirites: ut uos in ista sententia, quam præ-

PHILIPPICA

uobis fertis: perseueretis. Faciam igitur ut Imperatores instructa acie solent: quanquam paratissimos milites ad praeliandum uideant: ut eos tamen adhortentur. sic ego uos ardentis, & erectos ad libertatem recuperandam adhortabor. Non est, non est uobis Quir. cum eo hoste certamen: quo cum aliqua pacis conditio esse possit. neq; enim ille seruitutem uestram, ut antea, sed iam iratus sanguinem concupiscit. nullus ei ludus uidetur esse iucundior, quam cruor, quam cædes, quam ante oculos trucidatio ciuium. non est uobis Quir. res cum scelerato homine, atq; nefario, sed cum immani terraq; belua. quæ quoniam in foveam incidit: obruatur. si enim illinc emerferit: nullius supplicij crudelitas erit recusanda. sed tenetur, premitur, urgetur, nunc ijs copijs, quas iam habemus: mox ijs, quas paucis diebus noui Consules comparabunt. incumbite in causam Quir. ut facitis. nunquam inter Senatum & uos consensus maior in ulla causa fuit: nunquam tam uehementer cum Senatu sociati fuistis. nec mirum. agitur enim non qua conditio-
ne uicturi: sed uicturi ne simus: an cum supplicio ignominiaq; perituri. quanquam mortem quidem omnibus natura proposuit. crudelitatem mortis, & dedecus, uirtus propulsare solet. quæ propria est Romani generis, & seminis. hanc retinete quæso Quirites: quam uobis tanquam hæreditatem maiores uestri reliquerunt. quam quæ omnia alia falsa, incerta sunt, caduca, mobilia. uirtus est una altissimis defixa radicibus: quæ nunquam ulli labefactari potest: nunquam dimoueri loco. hac maiores nostri primum uniuersam Italiam, deuicerunt: deinde Charthaginem exciderunt: numantiam euertērunt: potentissimos Reges, bellicosissimas gentes, in dedi-

tionem huius Imperij redegerunt. Ac maioribus quidē
uestris Quir. cū eo hoste res erat: q̄ haberet Rēpublicā,
curiam, aerarium, consensum, & concordiam ciuium,
rationem aliquam, si res ita tulisset: pacis & fœderis.
hic uester hostis uestram Remp. oppugnat: ipse habet
nullam: Senatum idest orbis terræ consilium delere ge-
stit: ipse consilium publicum nullum habet: aerarium ue-
strum exhausit: suum non habet. nam concordiam ciuiū
qui habere potest? nullam qui habeat ciuitatem? pacis ue-
ro quæ potest cum eo esse ratio? in quo est incredibilis
crudelitas? fides nulla? Est igitur Quirites populo Ro-
uictori omnium gentiū, omne certamen cum excursio-
re, cum latrone, cum Spartaco. nam quod se similē Ca-
tilinæ esse gloriari solet: scelere par est: belli industria
inferior. ille cum exercitum nullum haberet: repente con-
flauit. hic eum ipsum exercitum, quem accepit: amisit.
ut igitur Catilinam diligentia mea, Senatus auctoritate,
uestro studio, & uirtute fregistis: sic Antonij nefarium
latrocinium uestra cum Senatu concordia tanta, quanta
nunquam fuit: felicitate, et uirtute exercituum, ducumq;
uestrorum, breui tempore oppressum audietis. Equidem
quantum cura, labore, uigilijs, auctoritate, consilio, eniti
atq; efficere potero: nihil prætermittam quod ad liberta-
tem uestram pertinere arbitror. neq; enim id pro ue-
stris in me amplissimus beneficijs sine scelere facere pos-
sum. hodierno autem die primum referente uiro for-
tissimo, uobisq; amantissimo M. hoc Seruilio, Collegisq;
eius ornatissimis uiris, optimis ciuibus, longo interval-
lo me authore, & principe ad spem libertatis exag-
simus.

IN M. ANTONIVM PHILIPPI-
CA QVINTA. ORATIO.

XLVIII.

*n*ihil unquam longius Calēdis Ian. m̃
hi uisum est patres conscripti: quod idē
intelligebam p̃ hos dies unicuiq; uestrū
uideri. qui enim bellum cum Rep. ge-
runt: hunc diem non expectant. nos
autem tum, cum maxime consilio uestro subuenire com-
muni saluti oporteret: in Senatum conuocabamur. sed
querelam præteritorum dierum sustulit oratio Con-
sulum: qui ita locuti sunt: ut magis exoptatæ Cal. Ian.
quàm seræ esse uideantur. Atq; ut oratio Consulū ani-
mum meum crexit: spemq; attulit non modo salutis con-
seruandæ, uerum etiam dignitatis pristinæ recuperan-
dæ: sic me perturbasset eius sententia: qui primus roga-
tus est: nisi uestre uirtuti, constantiæq; considerem. hic
enim uobis P. C. dies illuxit: hæc potestas data est: ut
quantum uirtutis, quantum constantiæ, quantum graui-
tatis, in huius ordinis consilio esset: populo Ro. decla-
rare possētis. recordamini qui dies nudius tertius deci-
mus fuerit: quantus consensus uestrum: quanta uirtus:
quanta constantia: quantam sitis à populo romano lau-
dem, quantam gloriam consecuti. Atq; illo die P. C. ea
constituistis: ut uobis nihil iam sit integrum: nisi aut ho-
nesta pax: aut bellum necessarium. Pacem uult M. An-
tonius. arma ponat: roget: deprecetur. neminem æquiorē
me reperiet: cui dum se ciuibus impijs commendat: ini-
micus esse, quàm amicus maluit. nihil est profecto quod

dari possit bellum gerēti: erit fortasse aliquid: quod concedi possit roganti. legatos uero ad eum mittere, de quo grauissimum iudicium nudius tertius decimus fecistis: nō iam leuitatis est: sed, ut quod sentio dicam, dementiæ. primum enim eos duces laudauistis: qui contra illum priuato consilio bellum suscepissent. deinde milites ueteranos: qui cum ab Antonio in Colonias essent deducti: illius beneficio libertatem populi Ro. anteposuerunt. quid legio Martia? quid Quarta? cur laudantur? si enim consulem suum reliquerunt: uituperandæ sunt. si inimicum Populi Romani: iure laudantur. Atqui cum Consules nondum haberetis: decreuistis, ut & de præmijs militum, & de honoribus imperatorum, primo quoque tempore referretur. placet eodem tempore præmia constituere ijs, qui contra Antonium arma cepērunt: & legatos ad Antonium mittere? ut iam pudendum sit: honestiora esse legionum decreta: quàm Senatus. siquidem legiones decreuerunt Senatum defendere contra M. Antonium. senatus decreuit Legatos ad Antonium. uirum hoc est confirmare militum animos? an debilitare uirtutem? hoc dies duodecim profecerunt? ut quem nemo præter Cotylam inuentus sit, qui defenderet: is habeat iam patronos, etiam Consulares. qui utinam omnes ante me sententiam rogarentur. quāquam suspicor quid dicturi sunt quidam eorum, qui post me rogabuntur. facilius contradicerem, si quid uideretur. est enim opinio, decreturum aliquem M. Antonio illam ultimam Galliam: quā Plancus obtinet. Quid hoc aliud est? quàm ab bellum civile hosti arma largiri? primum neruos belli pecuniam infinitam, qua nunc eger: deinde equitatum, quantum uelit: equitatum dico?

PHILIPPICA

dubitabit credo gentes Barbaras secum adducere? hoc qui non uidet, excors: qui cum uidet, decernit: impius. tu ciuem sceleratum, & perditum, Gallorum, & germanorum exercitu, pecunia, peditatu, equitatu, copijs, instrues? nullæ istæ excusationes sunt: meus amicus est. sit patriæ prius. meus cognatus: an potest cognatio ulla propior esse? quàm patriæ? in qua etiam parentes continentur? mihi pecuniam attribuit. cupio uidere qui id audeat dicere. quid autem agatur, cum aperuero: facile erit statuere, quam sententiam dicatis, aut sequamini. Agitur utrum M. Antonio facultas detur opprimendæ Reipublicæ, cædis faciendæ, bonorum diripiendorum, urbis, agrorum, suis latronibus condonandi, populum romanum seruitute opprimendi: an horum nihil facere ei liceat. dubitate quid agatis. an non cadunt hæc in Antonium? hoc ne Cotta quidem dicere auderet. quid enim in eum non cadit? qui cum Cæsaris acta se defendere dicit: eius leges peruertit: quas maxime laudare poteramus. ille paludes siccare uoluit. hic omnem Italiam moderato homini L. Antonio diuidendam dedit. quid? hanc legem populus Ro. accepit? quid? per auspicia ferre potuit? sed augur uerecundus sine Collegis de auspicijs non interpretaretur. quanquam illa auspicia non egent interpretatione augurum. Ioue enim tonante cum populo Ro. agi non esse fas qui ignorat? Tribuni Pl. tulerunt de prouincijs contra acta Cæsaris ille biennij, iste sexennij. num etiam hanc legem populus Ro. accepit? quid? promulgata fuit? quid? non ne ante lata, quàm scripta? non ne ante factam uidimus: quàm futuram quisquam est suspicatus? ubi lex Cælia? & Didia? ubi promulgatio trimundinum? ubi pœnæ recentis

lege Iunia, & Licinia? possunt ne hæ leges ratæ esse, si-
ne interitu legum reliquarum? & cui potestas in forū
introeundi fuit? quæ porro illa tonitrua? quæ tempe-
stas? aut si auspicia M. Antonium non mouerent: susti-
nere eum, aut ferre non posse tantam uim tempestatis,
hymbris, ac turbinum mirum uideretur? quam legem
igitur se augur dicit tulisse, non modo tonante Ioue, sed
prope cælesti clamore prohibente: hanc dubitabit con-
tra auspicia latam confiteri? quid? quod cum eo collega
tulit, quem ipse fecit sua nunciatione uiciosum: nihil ne
ad auspicia bonus Augur arbitratus est pertinere? sed
auspiciorum nos fortasse erimus interpretes: qui sumus
eius Collegæ. num ergo etiā armorū interpretes quæri-
mus? primū omnes fori aditus ita septi: ut etiā si nemo
obstaret armatus: tamen nisi septis reuulsis introiri in-
forum nullo modo posset. sic uero erant disposita præsi-
dia: ut quomodo aditus hostium prohibetur Castellis, et
aggeribus: ita ab ingressione fori populum tribunosq;
pl. propulsari uideres. Quibus de causis eas leges, quas
M. Antonius tulisse dicatur: omnes censeo per uim, &
contra auspicia latas: hisq; legibus populum Ro. non te-
neri. Si quam legem de actis Cæsaris confirmandis,
de uē Dictatura in perpetuum tollenda, de uē Colonys
in agros deducendis tulisse M. Antonius dicatur: easdē
leges de integro, ut populum teneant, saluis auspicijs fer-
re placet. Quamuis ergo bonas leges uiciose, per uimq;
tulerit: tamen hæ leges non sunt habendæ: omnisq; au-
dacia gladiatoris amentis, auctoritate nostra repudian-
da est. illa uero dissipatio pecuniæ publicæ, ferēda nul-
lo modo est: per quam septies milles falsis perscriptio-
nibus, donationibusq; uertit: ut portenti simile uidea-

PHILIPPICA

tur: tantam pecuniam populi Ro. tam breui tempore perire potuisse? quid illi immanes quæstus? ferendi ne? quos M. Antony tota exhausit domus? decreta falsa uendebat: regna, ciuitates, immunitates, in æs accepta pecunia iubebat incidi. hæc se ex commentarijs Cæsaris, quorum ipse author erat: agere dicebat. in interiore ædiũ parte totius Reip. mundinæ: mulier sibi felicior, quàm uir, auctionem prouinciarum, regnorumq; faciebat: restituebantur exules, quasi lege, sine lege: quæ nisi auctoritate Senatus rescindantur: quoniam ingressi in spem Reip. recuperandæ sumus: imago nulla liberæ ciuitatis relinquetur. Neq; solum commentarijs commenticijs, chirographisq; uenalibus innumerabilis pecunia congesta in illam domum est: cum quæ uendebat Antonius: ea se ex actis Cæsaris agere diceret: sed Senatus etiam Consulta pecunia accepta falsa referebat: syngraphæ obsignabantur: senatus consulta tanquam facta ad ærarium referebantur. Huius turpitudinis testes erant etiã exteræ nationes. fœdera interea facta: regna data: populi prouinciæq; liberatæ. earum rerum falsæ tabule gemente populo Ro. toto Capitolio figebantur. Quibus rebus tanta pecunia una in domo coacernata est: ut, si hoc genus in unum redigatur: non sit pecunia populo romano defutura. Is etiam legem iudiciariam tulit: homo castus, atq; integer, iudiciorum & iuris author. in quo uos fefellit. antesignanos, & manipulares, & alaudas iudices se constituisse dicebat. at ille legit aleatores: legit exules: legit grecos. O' confessum iudicium præclarum: O' dignitatem consilij admirandam. pauet animus apud consilium illud pro reo dicere. Cydam cretensem, portentum insulæ, hominem audacissimum, & perditissimum.

simum. sed fac ita non esse. num latine scit? num ex iudicum genere & forma? num leges nostras moresue nouit? num deniq; homines? est enim uobis Creta notior: quam Roma Cydæ. delectus autem & notatio iudicum etiam in nostris ciuibus haberi solet, Cortynium uero iudicem quis nouit? aut quis nosse potuit? Nam Lysidem Atheniensem pleriq; nouimus: est enim Phe dri Philosophi nobilis filius: homo præterea festiuus: ut ei cum M. Curio confessor eodem, & collusore facillime possit conuenire. quæro igitur, si Lysides citatus iudex non responderit: excuseturq; Arcopagites esse: nec debere eodem tempore Romæ, & Athenis res iudicare: accipiet ne excusationē is, qui quæstioni præerit, græci li iudias, modo palliati, modo togati? an Atheniensium antiquissimas leges negliget? qui porro ille confessus dii boni? cretensis iudex, isq; negissimus. quæadmodū ad hunc reus alleget? quomodo accedat? dura natio est. at Athenienses misericordes. puto ne Curium quidem esse crudelem: qui quotidie periculum fortunæ faciat. sunt item lecti Iudices: qui fortasse excusabuntur: habent enim legitimam excusationem: exiliij causa solum uertisse: nec esse postea restitutos. hos ille demens iudices legisset? horum nomina ad ærarium detulisset? his magnam partem Reip. credidisset? si ullam speciem Reip. cogitauisset? Atq; ego de notis iudicibus dixi. quos minus nostis, nolui nominare. saltatores, citharistas, totum deniq; comesationis Antonianæ chorum in tertiam decuriam iudicum scitote esse collectum. hæc causa, cur lex tam egregia, tamq; præclara, maximo hymbri, tempestate, uentis, procellis, turbinibus, inter fulmina, & tonitrua ferretur: ut eos Iu-

PHILIPPICA

dices haberemus: quos socios ad epulas habere hospites
 nemo uelit. scelerum magnitudo, conscientia maleficio-
 rum, direptio eius pecuniae, cuius ratio in aede Opis
 confecta est: hanc tertiam decuriam excogitauit: nec
 ante turpes iudices quaesiti: quam honestis iudicibus no-
 centium salus desperata est. Sed illud os, illam impuri-
 tatem * fecissent: ut hos iudices legere auderet: quo-
 rum lectione duplex imprimeretur ei. dedecus: unum,
 quod tam turpes iudices essent: alterum, quod patefa-
 ctum, cognitumque esset, quam multos in ciuitate turpes
 haberemus. Hanc ego et reliquas eiusmodi leges, eti-
 am si sine ui, salus auspicijs essent rogatae: cense-
 rem tamen abrogandas. nunc uero abrogandas censeam,
 quas iudico non rogatas? An illa non grauissimis igno-
 minijs, monumentisque huius ordinis ad posteritatis me-
 moriam sunt notanda? quod unus M. Antonius in hac
 urbe post conditam urbem palam secum habuit arma-
 tos? quod neque reges fecerunt: neque ij, qui Regibus exactis
 regnum occupare uoluerunt. Cinna memini: uidi Syl-
 lam: modo Caesarem: hi enim tres post ciuitatem a L.
 Bruto liberatam, plus poterunt: quam uniuersa Respu-
 blica. non possum affirmare nullis telis eos stipatos fuisse.
 hoc dico: nec multis, et occultis. at hanc pestem ag-
 men armatorum sequebatur: Classitius, Mustella, Tyro
 gladios ostentantes sui similes greges ducebant per fo-
 rum: certum agminis locum tenebant Barbari sagitta-
 rij. cum autem erat uentum ad aedem Concordiae: gra-
 dus complebantur: lecticae collocabantur: non quod il-
 le scuta uellet occulta esse: sed ne familiares, si scuta ipsi
 ferrent, laborarent. illud uero teterrimum auditu non
 modo aspectu. In cella Concordiae collocari armatos la-

erones, sicutios: è templo carcerem fieri: apertis ualuis
Concordiæ, cum inter subsellia Senatus uersarentur la-
trones: patres conscriptos sententias dicere. huc etiam nisi
uenire cal. Septembris, fabros se missurum, & domum
meam disturbaturum esse dixit. magna res credo age-
batur: de supplicatione referebatur. ueni postridie: ipse
non uenit. locutus sum de Rep. minus equidem libe-
re, quam mea consuetudo, liberius tamen, quam pericu-
la, minæq; postulabant. At ille homo uemens, & ui-
olentus, qui hanc consuetudinem libere dicendi exclude-
ret: fecerat enim hoc idem maxima cum laude L. Piso.
XXX diebus ante me: inimicitias mihi denunciauit:
adesse in Senatu iussit ad XIII. cal. Octobris. ipse in-
terea decem & septem dies: ut digestio potius quam de-
clamatio uideretur: de me in Tyburtino Scipionis de-
clamatuit, situm quærens. hæc enim ei causa esse so-
let declamandi. cum is dies, quo me adesse iusserat: ue-
nisset: tum uero agmine quadrato in ædem Concordiæ
uenit: atq; in me absentem orationem ore impurissimo
euomuit. quo die, si per amicos mihi cupienti in Sena-
tum uenire licuisset: cædis initium fecisset a me: sic enim
statuerat. cum autem semel gladium scelere imbuisset:
nulla res ei finem cædendi, nisi defatigatio, & sacietas,
attulisset. etenim aderat L. frater gladiator Asiaticus,
qui myrmillo Milasis depugnarat: sanguinem nostrum
sitiebat: suum in illa gladiatoria pugna multum pro-
funderat. hic pecunias nostras æstimabat: possessiones no-
tabat, & urbanas, & rusticas: huius mendicitas auidi-
tati coniuncta in fortunas nostras imminebat: diuidebat
a gros quibus, & quos uolebat: nullus aditus erat prina-
to: nulla æquitatis deprecatio: tantum quisq; habebat pos-

PHILIPPICA

fessor: quantum reliquerat diuisor Antonius. quæ quã-
 quam, si leges irritas feceritis: rata esse non possunt: tamen
 separatim suo nomine notanda censeo: iudicandumq;
 nullos Septemuiros fuisse: nihil placere ratum esse, quod
 egissent: aut quod ab ijs actum diceretur. M. uero Anto-
 nium, quis est qui ciuem possit iudicare potius, quàm te-
 terrimum, & crudelissimum hostem? qui pro æde Casto-
 ris sedens, audiente Populo Ro. dixerit, nisi uictorem ui-
 cturum neminem? num putatis P. C. dixisse eum mi-
 naci, quàm facturum fuisse? quid uero? quod in cõ-
 cione dicere ausus est? se cum magistratu abisset: ad
 urbem uenturum cum exercitu: inuoluiturum quotiens-
 cunq; uellet? quid erat aliud, nisi denunciare populo
 Ro. seruitutem? quod autem eius iter Brundisium? quæ
 festinatio? quæ spes? nisi ut ad urbem potius exercitum
 maximum adduceret? qui autem delectus Centurio-
 num? quæ effrenatio impotentis animi? cum eius pro-
 missis legiones fortissimæ reclamassent: domum ad se
 uenire iussit Centuriones: quos bene de Rep. sentire co-
 gnouerat: eosq; ante pedes suos, uxorisq; suæ, quam se-
 cum grauis imperator ad exercitum duxerat: iugulari
 coegit. quo animo hunc censetis futurum in nos: quos
 oderat? cum in eos, quos nunquam uiderat: tam cru-
 delis fuisset? & quàm auidum in pecunijs locupletum:
 qui pauperum sanguinem concupisset? quorum ipsorū
 bona, quantacunq; erant: statim suis comitibus, com-
 potoribusq; descripsit. Atq; ille furens infesta iam pa-
 triæ signa Brundisio inferebat. cum Cæsar deorum
 immortalium beneficio diuini animi, ingenij, consilij ma-
 gnitudine, cum sua sponte eximiaq; uirtute, tum appro-
 batione auctoritatis meæ Colonias patris adiit: uetera

nos milites conuocauit: paucis diebus exercitum fecit: in
citatos latronis impetus retardauit. postea uero quàm le
gio Martia ducem præstantissimum uidit: nihil egit
aliud: nisi ut aliquando liberi essemus. quam est imi
tata quarta legio. quo ille nuncio audito, cum Senatum
uocasset: adhibuissetq; Consularem: qui sua sententia
C. Cæsarem hostem iudicaret: repente concidit. Post au
tem neq; sacrificijs solemnibus factis, neq; uotis nun
cupatis, profectus est: & profugit paludatus. At quo?
in prouinciā firmissimorum, & fortissimorum ci
uium: qui illum, ne si ita quidem uenisset: ut nullum
bellum inferret: ferre potuissent, impotentem, iracun
dum, contumeliosum, superbum, semper poscentem, sem
per rapientem, semper ebrium. At ille, cuius ne pacatam
quidem nequitiam quisquam ferre posset: bellum intu
lit prouinciæ Galliæ: circumfedit Mutinam firmissimā
et splendidissimā populi Ro. coloniam: oppugnat D.
Brutum imperatorem, consulem designatum, cui em nō
sibi sed nobis & Reip. natum. Ergo Annibal hostis? ci
uis Antonius? quid ille fecit hostiliter? quod hic aut nō
fecerit: aut non faciat: aut non moliatur: & cogitet?
totum iter Antonij quid habuit? nisi depopulationes? ua
stationes? cædes? rapinas? quæ non faciebat Annibal:
quia multa ad usum reseruabat: hæc ij, qui in horam
uiuant: non modo de fortunis, & de bonis ciuium, sed
ne quidem de utilitate sua cogitauerunt. ad hunc (dij
boni) legatos mitti placet? norunt isti homines formam
Reipublicæ, iura belli, exempla maiorum? cogitant qd
populi Ro. maiestas, quid Senatus seueritas postulet? Le
gatos decernitis. si ut deprecantur: contemnet: si ut im
peretis: non audiet. denique quamuis seuera legatis

PHILIPPICA

mandata dederimus: nomen ipsum Legatorum hunc,
 quē uidimus, restinguet ardorem municipiorum: atq;
 Italiae frangat animos. ut omittā hęc, quę magna sunt:
 ista legatio moram, & tarditatem afferet bello. quam-
 uis dicant, & quosdam audiam dicturos: legati profici-
 ſcantur bellū nihilominus paretur: tamen legatorū nomē
 ipsum, & animos molliet: & belli celeritatem mora-
 bitur. Minimis momentis P. C. maximę inclinationes
 temporum fiunt, cum in omni casu reipublicę, tum in
 bello, & maxime ciuili: quod opinione plerunq; & fa-
 ma gubernatur. nemo quæret quibus cum mandatis le-
 gatos miserimus: nomen ipsum legationis ultero nūc-
 moris esse signum uidebitur. recedat a Mutina: desinat
 oppugnare Brutum: decedat ex Gallia: nō est uerbis ro-
 gandus: cogendus est armis. nō enim ad Annibalem mit-
 timus: ut a Sagunto recedat: ad quem miserat olim Se-
 natus P. Valerium Flacum, & Q. Fabium Pamphi-
 lum: qui, si Annibal nō pareret: Carthaginem ire iussi
 sunt. nostros Legatos quo iubebimus ire: si non parue-
 rit Antonius? ad nostrum ciuem mittimus, ne impe-
 ratorem, ne Coloniam populi Ro. oppugnet. Ita ne uero?
 hoc per legatos rogandus est? quid interest per deos im-
 mortales: utrum hanc urbem oppugnet? an huius ur-
 bis propugnaculum, coloniamq; populi Ro. præsidij cau-
 sa collocatam? belli punia secundi, quod contra maio-
 res nostros Annibal gessit: causa fuit Sagunti oppugna-
 tio. recte ad eum Legati missi. mittebantur ad pœnum:
 * mittebātur pro Annibale hostibus nostris et socijs. qd si-
 mile tandē? nos ad ciuem mittimus: ne Imperatorem po-
 puli romani, ne exercitum ne coloniam circūse deat: ne
 oppugnet: ne agros depopuletur: ne sit hostis. Age, si pa-

tuerit: hoc ciue uti aut uolumus? aut possimus? ante diem
XIIII cal. Ian. decretis uestris eum concidistis: consti-
tulistis ut hæc ad uos cal. Ian. referrentur: quæ referri uñ
detis: de honoribus, & præmijs bene de Repub. merito-
rũ, et merentium: quorum Principem iudicauistis eum,
qui fuit: C. Cæsarem: qui M. Antonij impetus nefarios
ab urbe in Galliam uertit. deinde milites ueteranos:
qui primi Cæsarem secuti sunt. tum illas cælestes, diui-
nasq; legiones, Martiam, & Quartam: quibus, cum
Consulem suum non modo reliquissent: sed bello etiam
persequerentur: honores et præmia spondidistis: eodẽq;
die D. Bruti præstantissimi ciuis edicto allato, atq; pro-
posito, factum eius collaudauistis: quodq; ille bellum
prinato cõsilio suscepit: id uos auctoritate publica com-
probauistis. quid igitur illo die aliud egistis? nisi ut re
hostem iudicaretis Antonium? his uestris decretis aut
ille uos æquo animo aspicere poterit? aut uos illum sine
dolore summo uidebitis? exclusit illum à Repub. distra-
xit, se gregauit, non solum scelus illius, sed etiam, ut mi-
hi uidetur, fortuna quædam Reipublicæ. qui si Legatis
parauerit: Romamq; redierit: num quando perditis ci-
uibus uexillum, quo concurrant, defuturum putatis?
sed hoc minus uereor. sunt alia, ob quæ magis nun-
quam parebit ille legatis. noui hominis insaniam, ar-
rogantiam: noui perditæ consilia amicorum: quibus
ille est deditus. Lucius quidem frater eius ut pote qui
peregre depugnauit: familiam ducit. si per se ipse sa-
nus, quod nunquam erit: per hos esse ei tamen non
licebit. teretur interea tempus: belli apparatus refrige-
scent. unde est adhuc bellum, nisi retardatione, &
mora? ut primum post discessum latronis, uel potius

PHILIPPICA

desperatam fugam libere Senatus haberi potuit: semper flagitavi: ut conuocaremur: quo die primum conuocati sumus: cum designati Consules non adessent: ieci sententia mea maximo uestro consensu fundamenta Reipub. serius omnino, quam decuit: nec enim ante potui. sed tamen si ex eo tempore dies nullus intermissus esset: bellum profecto nullum haberemus. omne malum nascens facile opprimitur: inueteratum fit plerumque robustius. Sed tum expectabantur Calen. Ianu. fortasse non recte. uerum praeterita omittamus. etiam ne hanc moram afferemus: dum proficiantur Legati? dum reuertantur? quorum expectatio dubitationem belli afferet. bello autem dubio quod potest studiū esse delectus? Quamobrem P.C. Legatorum mentionem nullam censeo faciendam: rem administrandam arbitror sine ulla mora: et confestim gerendam censeo: tumultum decerni, iusticiam indici, sagi sumi dico oportere: delectum haberi sublati uacationibus in urbe, et in Italia praeter Galliam totam. Quae si erunt facta: opinio ipsa et fama uestrae seueritatis obruet scelerati gladiatoris amentiam. sentiet sibi bellum cum Rep. esse susceptum: experietur consentientis Senatus neruos, atque uires. nam nunc quidem partium contentionem esse dicitur. quarum partium? alteri uicti sunt: alteri sunt e medijs C. Caesaris partibus. Nisi forte Caesaris partes a Pansa, et Hircio consulibus et a filio C. Caesaris oppugnari putamus. Hoc uero bellum non ex dissensione partium, sed ex nefaria spe perditissimorum ciuium excitatum: quibus bona, fortunaque nostrae nota sunt: et iam ad cuiusque opinionem distributa. Legi epistolam Antonij: quam ad quendam Septemuirum capitalem hominem Collegam suum

gam suum miserat. Quid concupiscas tu uideris: quod concupiueris certe habebis. Hem ad quem Legatos mutamus? cui bellum moremur inferre? qui ne sorti quidē fortunas nostras destituit: sed libidini cuiusq; nos ita addixit: ut ne sibi quidem quicquam integrum, quod nō alicui promissum iam sit: reliquerit. cum hoc P. C. bello, bello inquam certandū est: idq; confestim. legatorū tarditas repudianda est. Quapropter ne multa nobis quotidianie decernenda sint: Consulibus totam Remp. committendam censeo: hisq; permittendum, ut Remp. defendāt: provideantq; ne quid Resp. detrimenti accipiat. censeoq; ut is, qui in exercitu Antonij sunt: ne sit ea res fraudi: si ante cal. Feb. ab eo discesserint. hēc si censueritis patres cōscripti: breui tpe libertatem Reip. auctoritatemq; uestrā recuperabitis. si autē lenius agetis: tamē eadem, sed fortasse serius decernetis. de Rep. quoad retulistis: satis decreuisse uideor. Altera res est de honoribus. de quibus deinceps intelligo esse dicendum. Sed qui ordo in sententijs rogandis seruari solet: eundē tenebo in uiris fortibus honorandis. à Bruto igitur Consule designato more maiorum capiamus exordium: cuius, ut superiora omittam: quæ sunt maxima illa quidem: sed adhuc hominum magis iudicij, quàm publice laudata: quibus nam uerbis eius laudes huius ipsius temporis consequi possumus? neq; enim ullam mercedem tanta uirtus, præter hanc laudis, gloriæq; desyderat. qua, etiam si careat: tamen sit se ipsa contenta. quanquā in memoria gratorum ciuium, tanquam in luce posita lætetur. laus igitur iudicij, testimonijq; uestri tribuenda Bruto est. quamobrem his uerbis P. C. Senatus consultum faciendum censeo. Cum D. Brutus Imp. Cons. de-

PHILIPPICA

signatus, provinciā Galliam in Senatus populiq; Ro. potestate teneat: cumq; exercitum tantum, tam breui tempore summo studio municipiorum, coloniarumq; provinciae Galliae Optime de Rep. merita, merentisq; conscripserit: compararit: id eum recte, & ordine, exq; Rep. fecisse: idq; D. Bruti praestantissimum meritum in Rep. Senatui populoq; Ro. gratum esse: & fore. Itaq; senatum populumq; Ro. existimare D. Bruti imperatoris Cons. desig. opera, consilio, uirtute, incredibiliq; studio, & consensu provinciae Galliae, Reip. difficillimo tempore esse subuentum. huic tanto merito Bruti P. C. tantoq; in rempublicam beneficio, quis est tantus honor? qui non debeatur? nam si M. Antonio patuisset Gallia: si oppressis municipijs, & colonijs imparatis, in illam ultimam Galliam penetrare potuisset: quantus Reip. terror impenderet? dubitaret credo homo amentissimus, atq; omnibus consilijs praecipuus, & deuius, non solum cum exercitu suo, sed etiam cum omni immanitate Barbariae bellum inferre nobis: ut eius furorem ne alpium quidem muro cohibere possemus. Haec igitur habenda gratia est D. Bruto: qui illum nondum interposita auctoritate uestra, suo consilio, atq; iudicio, non ut consulē recepit: sed ut hostem arcuit: Galliā, seq; obsideri, quam hanc urbē maluit. Habeat ergo huius tanti facti, tamq; praecleari decreto uestro testimonium sempiternum: Galliaq; quae semper praesidet, atq; praesedit huic Imperio, libertatiq; communi: merito uereq; laudetur: quod se, suasq; uires non tradidit: sed opposuit. Atq; etiam M. Lepido pro eius egregijs in Remp. meritis decernendos honores quam amplissimos censeo. semper ille populum Ro. liberum esse uoluit: maximumq; signum

illo die dedit uoluntatis, et iudicij sui: cum Antonio diademata Caesaris imponente, se auertit: gemituq; & moestitia declarauit quantum haberet odiū seruitutis: q̄ populum Ro. liberum cuperet: quā illa, quae tulerat, temporū magis necessitate, quā iudicio tulisset. Quanta uero is moderatione usus sit, in illo tempore ciuitatis: quod post mortem Caesaris consecutum est: quis nostrū obliuisci potest? Magna haec: sed ad maiora properat oratio. quid enim, o' dī immortales, admirabilius omnibus gentibus? quid optatius populo Ro. accidere potuit? quā cum bellum ciuile maximum esset: cuius belli exitum omnes timeremus: sapientia etiam id potius extinguī, quā armis & ferro rem in discrimen adducere? Quod si eadem ratio Caesaris fuisset, in illo terro miseroq; bello: ut omittam patrem: duos Cn. Pompei summi & singularis uiri filios incolumes haberemus. quibus certe pietas fraudi esse non debet. utinam omnes M. Lepidus seruare potuisset: facturum fuisse declarauit, in eo, quod potuit: cum Sex. Pompeium restituit ciuitati, maximum ornamentum Reipublicae, clarissimū monumentum clementiae suae. grauis illa fortuna populi Ro. graue fatum. Pompeio enim patre, quod Imperij populi Ro. lumen fuit: extincto, interfectus est patris simillimus filius. sed omnia mihi facta uidentur deorum immortalium iudicio, & pietate, Sex. Pompeio Reip. conseruato. Quam ob causam iustam, atq; magnam, et quod periculosissimum ciuile bellum, maximumq; humanitate & sapientia sua M. Lepidus ad pacem concordiamq; conuertit: Senatus consultum his uerbis censeo perscribendum. Cum a M. Lepido Imp. Pontificae Max. saepenumero Resp. & bene, & feliciter gesta

PHILIPPICA

sit: populusq; Ro. intellexerit ei dominatum regū ma-
 xime displicere: cumq; eius opera, uirtute, consilio, singu-
 lariq; clementia, & mansuetudine bellum acerbissimū
 ciuile sit restinctum: Sex. q; Pompeius, Cn. F. Magnus
 huius ordinis auctoritate ab armis discesserit: & a M.
 Lepido Imp. Pont. Max. summa senatus populiq; Ro. uo-
 lūtate ciuitati restitutus sit: Senatum populumq; Ro. pro
 maximis plurimisq; in Remp. M. Lepidi meritis, ma-
 gnam spem in eius uirtute, auctoritate, felicitate, repo-
 nere, oculi, pacis, concordiae, libertatis: eiusq; in Rempub.
 meritorum senatum populumq; Ro. memorem fore: eiq;
 statuam equestrem inauratam in rostris, aut quo alio
 loco in foro uellet, ex huius ordinis sententia statui pla-
 cere. Qui honos P. C. mihi maximus uidetur. primum,
 quia iustus est. non enim solū datur propter spem tem-
 porum reliquorum: sed pro amplissimis meritis reddi-
 tur. nec uero cuiquam possumus commemorare hunc
 honorem a Senatu tributum iudicio Senatus soluto, &
 libero. Venio ad C. Caesarem P. C. qui nisi fuisset:
 quis nostrum esse potuisset? aduolabat ad urbē a Brun-
 dusio homo impotentissimus, ardens odio, animo hostili
 in omnis bonos cum exercitu Antonius. quid huius au-
 daciae, & sceleri poterat opponi? nondum ullos duces
 habebamus: non copias: nullum erat consilium publi-
 cum: nulla libertas: dandae ceruices erant crudelitati
 nefariae: fugam querebamus omnes: quae ipsa exitum
 non habebat. quis tum nobis, quis populo Ro. obtulit
 hunc diuinum adolescentem deus? qui, cum omnia ad
 perniciē nostram pestifero illi ciui paterent: subito prae-
 ter spem omnium exortus, prius confecit exercitum: quē
 furori M. Antonij opponeret: quā quisquam hoc eum

cogitare suspicaretur. magni honores habiti Cn. Pompeio: cum esset adolescens: et quidem iure: subuenit enim reipublicæ: sed ætate multo robustior: & militum du-
cem quærentium studio paratior: & in alio genere belli. non enim omnibus Syllæ causa grata. declaræ multitudo proscriptorum: tot municipiorum maximæ calamitates. Cæsar autem annis multis minor ueteranos cupientes iam requiescere armauit: eam complexus est causam: quæ esset Senatui: quæ populo, quæ cunctæ Italiæ, quæ dijs omnibus gratissima. & Pompeius ad L. Syllæ maximum imperium, uictoremq; exercitum accessit. Cæsar se ad neminem adiūxit: ipse Princeps exercitus faciendi, & præsidij comparandi fuit. ille in aduersariorum partibus agrum picenum habuit munitum. hic ex Antoni j amicis, sed amicioribus libertati, contra Antonium confecit exercitum. illius opibus Sylla regnauit. huius præsidio Antoni j dominatus oppressus est. de-
mus igitur imperium Cæsari: sine quo res militaris ad ministrari, teneri exercitus, bellum geri non potest: & pro populo Ro. eo iure, quo qui optimo. qui honos, quamquam est magnus, illi ætati: tamen ad necessitatem rerum gerendarum, non solū ad dignitatem ualet. itaq; illa quæramus, quæ uix hodierno die consequemur. sed sæpe spero fore, huius adolescentis hortandi honorandiq; & nobis & populo Ro. potestatem. Hoc autem tempore ita censeo decernendum. Quod C. Cæsar C. F. Pontifex, Proprætor, summo Reip. tempore milites & ueteranos ad libertatem populi Ro. cohortatus sit: eosq; conscripserit: quodq; legio Martia, Quartaq; summo studio, optimoq; in Remp. consensu, C. Cæsare duce & auctore rempublicam, libertatem populi Ro.

PHILIPPICA

defendant: defenderint: & quod C. Caesar Proprator,
Galliae prouinae cum exercitu subsidio profectus sit:
equites, sagittarios, elephantos in suam populiq; Ro. po-
testatem redegerit: difficillimoq; Reip. tempore saluti, di-
gnitatiq; populi Ro. subuenerit: ob eas causas Senatui pla-
cere C. Caesarem C. F. Pontificem, Propratorem, Sena-
torem esse: sententiamq; loco pratorio dicere: eiusq; ra-
tionem quaecunq; appetet, ita haberi: prout haberi le-
ge liceret: si anno superiore Quaestor fuisset. qd est enim
P. C. cur eum non quamprimum amplissimos honores
capere cupiamus? Legibus enim annalibus cum gran-
diorem aetatem ad Cōsulatum constituebant: adolescen-
tia temeritatem uerebantur. C. Caesar ineunte aetate do-
cuit ab excellenti eximiaq; uirtute, progressum aetatis
expectari non oportere. itaq; maiores nostri ueteres il-
li admodum antiqui leges annales non habebant:
quas multis post annis attulit ambitio: ut gradus essent
petitionis inter aequales. Ita saepe magna indoles uirtu-
tis prius q̄ Reip. prodesse potuisset: extincta fuit. At ue-
ro apud antiquos Rulli, Decij, Coruini, multiq; alij, re-
cētore aut memoria superior Africani, T. Flaminius,
admodū adolescentes Cōsules facti tantas res gesserunt:
ut populi Ro. imperiū auxerint: nomē ornarint. Quid
Macedo Alexander? cū ab ineunte aetate res maximas
gerere coepisset: non ne tertio & trigesimo anno mor-
tem obiit? quae est aetas nostris legibus decem annis mi-
nor: quā Consularis. ex quo iudicari potest: uirtutis
esse quā aetatis cursum celeriore. nam quod ij, qui
Caesari inuident, simulant se timere. ne uerēdum qui-
dem est: ut tenere se possit: ut moderari: ne honoribus
nostris elatus intemperātus suis opibus utatur. Ea na-

tura rerum est P. C. ut qui sensum ueræ gloriæ cœperit: quiq; se ab Senatu, ab Equitibus romanis, populoq; Ro. uniuerso senferit ciuem clarum haberi, salutaremq; Reipublicæ: nihil cum hac gloria comparandum putet. Utinam C. Cæsari, patri dico, contigisset adolescenti: ut esset Senatui, atq; optimo cuiq; charissimus. quod cum consequi neglexisset: omnem uim ingenij, quæ summa fuit in illo: in populari leuitate consumpsit. Itaq; cum respectum ad Senatum, & ad bonos non haberet: eam sibi uiam ipse patefecit ad opes suas amplificandas: quam uirtus liberi populi ferre non posset. Eius autem filij longissime diuersa ratio: qui cum omnibus est, tum optimo cuiq; charissimus. in hoc spes libertatis posita est: ab hoc accepta iam salus: huic summi honores & exquiruntur: & parati sunt. cuius igitur singularem prudentiam admiramur: eius stultitiam timemus. quid enim stultius? quàm inutilem potentiam, inuidiosas opes, cupiditatem dominandi præcipitem, & lubricam anteferre ueræ, graui, solidæ gloriæ? an hoc uidit puer? si ætate processerit, non uidebit. At est quibusdam inimicus clarissimus atq; optimis ciuibus. nullus iste timor eẽ debet. omnis Cæsar inimicitias Reip. condonauit. hanc sibi iudicem constituit: hanc moderatricem omnium factorũ. ita enim ad Remp. accessit: ut eam confirmaret: non ut euerteret. omnis habeo cognitos sensus adolescentis: nihil est illi Rep. charius: nihil uestra autoritate grauius: nihil bonorum uirorum iudicio optatius: nihil uera gloria dulcius. Quamobrem ab eo non modo nihil timere, sed maiora & meliora expectare debetis: neq; in eo, qui ad D. Brutum obsidione liberandum profectus sit: timere ne memoria maneat domestica doloris.

PHILIPPICA

quæ plus apud eum possit, quàm salus ciuitatis. Audebo etiam obligare fidem meam P. C. uobis, populoq; romano: quod profecto, cum me nulla uis cogeret: facere non auderẽ: ptimeſceremq; in re maxima periculosa opinionẽ teneritatis. promitto, recipio, spõdeo patres conscripti, C. Cæsare talem semper fore ciuem: qualis hodie sit: qualemq; eum maximũ uelle & optare debemus. Quæ cum ita sint: de Cæsare satis hoc tempore dictum habeo. Nec uero de L. Egnatuleio fortissimo, & constantissimo ciue, amantissimo Reip. silendum arbitror: sed tribuendum testimonium uirtutis egregiæ: quod is legionem Quartam ad Cæsarem adduxerit: quæ præsidio Consulibus senatui populoq; ro. rei q; pub. esset. ob eam causam placere, uti L. Egnatuleio triennium ante legitimum tempus magistratus petere, capere, gerere liceat. In quo P. C. non tantum commodum tribuitur L. Egnatuleio: quantum honos. in tali enim re satis est nonnari. De exercitu autem C. Cæsaris ita censeo decernendum. Senatui placere, militibus ueteranis, qui Cæsaris Pontificis, authoritatemq; huius ordinis defenderint: atq; defendant: his liberisq; eorum militiæ uacationem esse: utiq; C. Pansa, A. Hircius Consules alter, ambo uel cognoscerent: qui ager colonus esset, quo milites ueterani deducti essent: qui contra legem Iuliam possideretur: ut is militibus ueteranis diuideretur. de agro Campano separatim cognoscerent: inirentq; rationem de commodis militum ueteranorum augendis, legioniq; Martiæ, & legioni Quartæ, & ijs militibus q de legione Secunda, trigesima quinta, ad C. Pansam, A. Hircium consules uenissent: suaq; nomina dedissent: quod his Senatus, populiq; Ro. libertas charissima sit: & fue-

rit: uacationem militiæ ipsis, liberisq; eorum, esse place-
re, extra tumultum Gallicum, Italicumq; easq; legio-
nes bello confecto missas fieri placere: quantamq; pecu-
niam militibus earum legionum in singulos C. Cæsar
Pontifex Proprætor pollicitus sit: tantam dari placere:
utiq; C. Pansa, A. Hircaus Consules alter, ambo ue ra-
tionem agri habeant: qui sine iniuria privatorum di-
uidi possit: hisq; militibus legionis Martiæ, & legionis
quartæ ita darent: assignarent: ut quibus militibus am-
plissime dati, assignati essent. Dixi ad ea omnia Con-
sules: de quibus retulistis: quæ sine mora, matureq; decre-
ta, facilius apparabitis ea, quæ tempus & necessitas fla-
gitat. celeritate autem opus est: quæ si essemus usi: bellū,
ut sæpe dixi, nullum haberemus.

IN M. ANTONIVM AD QVIRITES
PHILIPPICA SEXTA.
ORATIO XLIX.

V dita uobis esse arbitror Quir. quæ
sint acta in Senatu: quæ fuerit cuiusq;
sententia. res enim ex Cal. Ian. agitata,
paulo ante confecta est, minus quidem
illa seuerè quàm decuit: non tamen o-
mnino dissolute. mora est allata bello: non causa suble-
ta. Quamobrem quod quæsiuit me P. Apuleius homo.
& multis officijs mihi, & summa familiaritate coniun-
ctus, & uobis amicissimus: ita respondebo: ut ea, quibus
non interfuistis, nosse possitis. Causa fortissimis opti-
misq; Cōsulibus calendis Ian. de Rep. primum referē-
di fuit, ex eo, quod XIII Cal. Ian. Senatus me autho-
re decreuit. Eo die primum Quir. fundamenta iacta
sunt Reipublicæ. fuit enim longo intervallo ita liber
Senatus: ut uos aliquando liberi essetis. quo quidem tem-
pore, etiam si ille dies uitæ finem mihi allaturus esset:
satis magnum coeperā fructum: cum uos uniuersi una
mente atq; uoce iterum à me conseruatam esse Remp.
conclamastis. Hoc uestro iudicio tanto tãq; præclaro ex-
citatus, ita calendis Ian. ueni in Senatum: ut meminissem
quam personam impositam à uobis sustinerem. Itaq;
bellum nefarium illatum Reip. cum uiderem: nullam
moram interponendam insequendi M. Antonium puta-
ui: hominemq; audacissimum, qui multis nefarijs rebus
ante commissis, hoc tempore Imperatorem populi Ro.
oppugnaret: coloniam uestram fidissimam, fortissimãq;
obsideret: bello censi persequendum. tumultum esse de-

cerni, iustitiam edici, sagi summi dixi placere: quo omnes
acrius, grauiusq; incumberent ad ulciscendas Reip. in-
iurias: si omnia grauiissimi belli insignia suscepta a Se-
nato uiderent. Itaq; hæc sententia sic per triduum ua-
luit: ut, quanquam discessio facta non esset: tamen præter
paucos, omnes mihi assensuri uideretur. hodierno autem
die nescio qua obiecta re remissior Senatus fuit. nam
plures eam sententiam secuti sunt: ut quantum Senatus
auctoritas, uesterq; consensus apud Antonium ualitu-
rus esset: p. Legatos experiremur. Intelligo Quir. à uobis
hanc sententiam repudiari: neq; iniuria. ad quem enim
legatos? ad eum ne? qui pecunia publica dissipata, atq;
effusa, per uim, & contra auspicia impositis Reip. legi-
bus, fugata concione, obfisso Senatu, ad opprimendam
Remp. Brundisio legiones acersierit: ab his relictus,
cum latronum manu in Galliam irruerit: Brutum op-
pugnet: Mutinam arcu sedeat. quæ uobis potest cum hoc
gladiatore conditionis, æquitatis, legationis, esse commu-
nitas? quanquam Quir. non est illa legatio: sed denun-
ciatio belli, nisi paruerit. Ita enim est decretum: ut si le-
gati ad Annibalem mitterentur. mittuntur enim quæ
nuncient ne oppugnet Consulem designatum: ne Muti-
nam obsideat: ne provinciam depopuletur: ne delectus
habeat: sit in Senatus populiq; Ro. potestate. facile uero
huic denunciationi parebit: ut in Patrum conscriptorum,
atq; in uestra potestate sit: qui in sua nunquam fuerit?
quid enim ille unquam arbitrio suo fecit? semper co tra-
ctus: quo libido rapuit, quo leuitas, quo furor, quo uino
lentia. semper eum duo dissimillima genera lenonum,
& latronum ita domesticis stupris, forensibus parrici-
dijs delectarunt: ut mulieri citius auarissimæ parue-

PHILIPPICA

rit: quàm Senatui, populoq; romano. itaq; quod paulo
ante feci in Senatu, faciam apud uos. testificor: denuncio:
ante prædico: nihil M. Antonium eorum, quæ sunt lega-
tis mandata: facturum: uastaturum agros: Mutinam
obseſſurum: delectus, qua possit, habiturum. is est enim
ille: qui semper Senatus iudicium, & authoritatem, sem-
per uoluntatem uestram, potestatemq; contempserit. an
ille id faciat, quod paulo ante decretum est? ut exercitum
atru flumen Rubiconem, qui finis est Galliæ: educeret?
dum ne propius urbem Romam CC mil. admoueret?
huic denunciationi ille pareat? ille se flumini Rubicone
CC mil. circumscripsum esse patiat? non is est Anto-
nius. nam si esset: non commisisset ut ei Senatus tanquam
Annibali initio belli Punica denuncaret, ne oppugna-
ret Saguntum. Quod uero ita auocatur à Mutina: ut ab
urbe tanquam pestifera flamma arceatur: quam habet
ignominiam? quod iudicium Senatus? quid? quod à Se-
natu dantur mandata legatis? ut D. Brutum, militesq;
eius adeant: hisq; demonstrant sua in Rempublica, be-
neficiaq; eorum grata esse Senatui populoq; romano:
hisq; eam rem magnæ laudi, magnæq; honori fore?
passurum ne censetis Antonium introire Mutinam le-
gatos? exire inde tuto? nunquam patietur: mihi credite.
noui uiolentiam: noui impudentiam: noui audaciam.
Nec uero de illo sicut de homine aliquo debemus, sed ut
de importunissima bellua cogitare. Quæ cum ita sint:
non omnino dissolutum est: quod decreuit Senatus. ha-
bet atrocitatis aliquid legatio. utinam nihil haberet mo-
ræ. nam cum plerisq; in rebus gerendis tarditas, & pro-
crastinatio odiosa est: tum hoc bellum indiget celeritatis.
suaturrendum est D. Bruto: omnes undiq; copię colligen

de: horam exhibere nullam in tali aue liberando sine scelere non possumus. an ille non potuit, si Antonium consulem, si Galliam Antoy provinciam indicasset: legiones Antonio & provinciam tradere? domum redire? triumphare? primus in hoc ordine esse: quoad magistratum iniret? quid negocij fuit? sed cum se Brutum esse meminisset: uestraeq; libertati natum: quid egit aliud? nisi ut penè corpore suo Gallia prohiberet Antonium? Ad hunc utrum legatos? an legiones ire oportebat? Sed praeterita omittamus. properent: quod uideo esse facturos. uos saga parate. est enim ita decretum: ut, si ille auctoritati senatus non paruisset: ad saga iretur. ibitur: non parebit. nos amissos tot dies rei gerendae queremur. Non metuo Quir. ne cum audierit Antonius, me hoc in Senatu, & in concione confirmasse, nunquam illum futurum in Senatus potestate: refellendi mei causa, ut ego nihil uidisse uidear: uertat se: Senatus pareat. nunquam faciet: non inuidebit huic meae gloriae: malet me sapientem a' uobis, quam se modestum existimari. quid? ipse si uelit: num etiam L. fratrem passurum arbitramur? nuper quidem dicitur ad Tybur, ut opinor, cum ei labare M. Antonius uideretur: mortem fratri esse munitus. Etiam ne ab hoc Myrmillone Asiatico Senatus mandata, legatorum uerba audientur? nec enim secerni a' fratre poterit, tanta praesertim auctoritate. nam hic inter illos Africanus est: pluris habetur quam L. Trebellius: pluris quam T. Plancius adolescens nobilis: qui omnibus sententijs maximo uestro plausu condemnatus, nescio quomodo se coniecit in turbam: atq; ita maestus redijt: ut retractus, non reuersus uideretur. sic contemnit: tanquam si illi aqua et igni interdictum sit. aliquando negat

PHILIPPICA

ei locū eē oportere ī curia: q̄ incēderit curiā. Nā Trebelliū ualde iam diligit: oderat tum, cum ille tabulis nouis aduersabatur. iam fert in oculis: postquam ipsum Trebellium uidit sine tabulis nouis saluum esse non posse. audisse enim uos arbitror Quir. quod etiam uidere potuistis: quotidie sponsores, & creditores L. Trebellij cōuenire. O' fides (hinc enim puto Trebelliū sumpsisse cōgnomē) quæ potest eē maior fides? q̄ fraudare creditores? domo profugere? propter æs alienum uenire ad arma? ubi plausus ille in triumpho est spe ludi? ubi ædilitas delata summo studio bonorum? quis est? qui hunc non casu existimet recte fecisse? nequitia est: scelus est. Sed redeo ad amores, deliciasq; nostras L. Antonium: qui uos omnes in fidem suam recepit. negatis? num quisnam est uestrum: qui tribum non habeat? certe nemo. atqui illum quinq; & triginta tribus patronum adoptarunt. rursus reclamatis. aspiciate a sinistra illam equestre statuā inauratam. in qua qd̄ inscriptum est? quinq; & triginta tribus patrono populi romani. igitur est patronus L. Antonius. malam quidem illi pestem. clamori enim uestro assentior. non modo hic latro, quem clientem habere nemo uelit: sed quis unquam tantis, opibus, tantis rebus gestis fuit? qui se populi Ro. uictoris, dominiq; omnium gentium tutorem dicere auderet? In foro L. Antonij statuam uidemus: sicut illam Q. Trebellij qui Hernicos deuicit, ante Castoris. O' impudentiam incredibilem. tantum ne sibi sumpsit? quia Milassis Myrmullonem Thracem iugulauit familiarem suum? quonam modo istum ferre possemus? si in hoc foro spectantibus uobis depugnasset? Sed hæc una statua. altera Equitibus Ro. equo publico: qui item ascri-

bunt, patrono. quem unquam iste ordo patronum adoptauit? si quenquam: debuit me. sed me omitto: quem censorem? quem imperatorem? agrum his diuisu. O' sordidos, qui acceperunt: improbum, qui dederit. statuerunt etiam Tribuni militares, qui in exercitu Caesaris duobus fuerunt? Quis est iste ordo? multi fuerunt multis in legionibus per tot annos: his quoque diuisit Semurium. campus Martius restabat: nisi prius cum fratre fugisset. Sed hæc agrorum assignatio paulo ante Quir. L. Caesaris clarissimi uiri & præstantissimi Senatoris sententia dissoluta est. huic enim assensi, septemuirum acta sustulimus. Iacēt beneficia Nuculæ: friget patronus Antonius. nam possessores animo æquiore discedent: nullā impensam fecerant: nondum instruxerant: partim quia non confidebant: partim quia non habebant. Sed illa statua palmaris: de qua, si meliora tempora essent: non possem sine risu dicere. L. Antonio Iano medio patrono. ita ne? Ianus medius in L. Antonij clientela sit? quis unquam in illo Iano inuentus est? qui L. Antonio mille nummum ferret expensum? sed nimis multa de nugis. ad causam bellumq; redeamus. quanquam non alienum fuit personas quasdam à uobis recognosci: ut quibus cum bellum gereretur possitis tacti cogitare. Ego autem uos hortor Quir. ut, etiam si melius aliud fuit: tamen legatorum reditum expectetis animo æquo. celeritas detracta de causa est: boni tamen aliquid accessit ad causam. cum enim legati renunciarint, quod certe renuntiabunt: non in uestra potestate, non in Senatus esse Antonium: quis erit tam improbus ciuis? qui illum ciuem habendum putet? nunc enim sunt pauci illi quidem: sed tamen plures quàm Rep. dignum est: qui ita

PHILIPPICA

loquantur: ne legatos quidem expectabimus? istam certe uocem, simulationemq; clemētiae, extorquebit his res ipsa publica. quo etiam, ut confitear uobis Quir. minus hodierno die contendi: minus laboraui: ut mihi Senatus assentiens tumultum decerneret: sagi summi iuberet. malui uiginti diebus post, sententiam meam laudari ab omnibus: quā a paucis hodie uituperari. Quapropter Quir. expectate legatorum reditum: et paucorum dierum molestiam deuorate. qui cum redierint: si pacem afferent: cupidum me, si bellum: prouidum iudicatote. An ego non prouideam uicis ciuibus? nō dies noctesq; de uestra libertate, de Reip. salute cogitem? quid enim non debeo uobis Quirites? quem uos a se ortum, hominibus nobilissimus omnibus honoribus praetulistis? an ingratus sum? quis minus? qui partis honoribus, eosdē gessi in foro labores: quos in petendis. rudis in Republica? quis exercitator? qui uiginti iam annos bellum geram cum improbis ciuibus? quamobrem Quirites consilio quantum potero, labore plus penē, quā potero excubabo: uigilaboq; pro uobis. etenim quis est ciuis, praesertim hoc gradu, quo me uos esse uoluistis: tam oblitus beneficij uestri? tam immemor patriae? tam inimicus dignitati suae? quem non excitet, non inflammet tantus uester iste consensus? multas, magnasq; habui consul conuociones: multis interfui. nullam unquā uidi tantam: quanta nunc uestra est. unum sentitis omnes: unum studetis: M. Antony conatus auertere a Republica: furorem extinguere: opprimere audaciam. idem uolunt omnes ordines: eodem incumbunt municipia, Coloniae, cuncta Italia. Itaq; Senatum sua sponte bene firmum, firmiorē uestra auctoritate fecistis. uenit tempus Quirites serius omnino, quā

omnino, quàm dignum populo romano fuit: sed tamē
ita maturum: ut differri iam hora non possit. fuit ali-
quis fatalis casus: ut ita dicam: quem tulimus: quoquo
modo ferendus fuit. nunc si quis erit: erit uoluntarius.
populum ro. seruire fas non est: quem dii immortales
omnibus gentibus imperare uoluerunt. res in extre-
mum est adducta discrimen: de libertate decernitur: aut
uincatis oportet Quirites: quod profecto et pietate uestra,
et tanta concordia consequimini: aut quiduis potius:
quàm seruiatis. aliæ nationes seruitutem pati possunt:
populi romani est propria libertas.

IN M. ANTONIVM PHILIPPI-

CA SEPTIMA. ORA-

TIO. L.

P Aruis de rebus, sed fortasse necessarijs,
 consulimur Patres conscripti: de Appia
 uia & de Moneta Consul, de Luperas
 Tribuni pl. referunt. quarum reru eisi
 facilis explicatio uidetur: tamen ani-
 mus aberrat a sententia, suspensus curis maioribus. ad-
 ducta est enim P.C. res in maximum periculum, &
 extremum pene discrimin. non sine causa legatorum
 istam missionem semper timui: nunquam probavi: quo-
 rum reditus quid sit allaturus, ignoro. expectatio qui-
 dem quantum afferat langoris animus, quis non uidet?
 non enim se tenent ij, qui Senatum dolent ad autho-
 ritatis pristinae spem reuiuiscere: coniunctum huic or-
 dini populum romanum: conspirantem Italiam: para-
 tos exercitus: expeditos duces. iam non fingunt Antoni
 responsa: eademq; defendunt. alij postulare illum: ut
 omnes exercitus dimittantur. scilicet Legatos ad eum mi-
 sinus? no ut pareret: et dicto audiens esset huic ordini:
 sed ut conditiones ferret: leges imponeret: reserare nos
 exteris gentibus Italiam iuberet: se praesertim incolumi:
 a quo maius periculum, quam ab ullis nationibus ex-
 timescendum est. alij remittere eum nobis Galliam ci-
 teriorem: illam ultimam postulare. praclare: ex qua
 non legiones solum, sed etiam nationes ad urbem con-
 tur adducere. alij nihil eum iam nisi modesti postula-
 re. Macedoniam suam uocat omnino: quoniam C. fra-

ter est inde reuocatus. sed quæ prouincia est? ex qua illa
fax excitare non posset incendium? Itaq; ydem quasi
prouidi ciues, & Senatores diligentes, bellicum me cecidi-
nisse dicunt. suscipiunt partis patrocinium, qui sic di-
sputant. irritari Antonium non oportuit. nequam est
homo ille, atq; confidens. multi præterea improbi. quos
quidem à se primū numerare possunt; qui hæc loquun-
tur. eos esse cauendos denunciant. utrum igitur in nefa-
rijs ciuibus ulciscendis, cum possis, an pertimescendis di-
ligentior causa est? atq; hæc illi loquuntur: qui quon-
dam propter leuitatem populares habebantur. Ex quo
intelligi potest: animo illos abhorruisse semper ab optimo
ciuitatis statu: non uoluntate fuisse populares. qui enim
conuenit? ut qui in rebus improbis populares fuerint:
ydem in re una maxime populari, quod eadem saluta-
ris populo Ro. sit. improbos se, quam populares esse ma-
lint? me quidem semper (ut scitis) aduersatum multi-
tudinis temeritati, hæc fecit præclarissima causa popu-
larem. & quidem dicuntur, uel potius ydem ipsi se di-
cunt Consulares. quo nomine dignus est nemo: nisi qui
tanti honoris nomen potest sustinere. faueas tu hosti? li-
teras tibi ille mittat de sua spe rerum secundarū sua-
rum? eas tu lætus proferas? rectes? describendas etiam
des improbis ciuibus? eorum augeas animos? bonorum
spem, uirtutemq; debilites? & te Consularem, aut Sena-
torem, aut deniq; ciuem putes? accipiet in optimam par-
tem C. Pansa fortissimus Consul, atq; optimus: etenim
dicam animo amantissimo: hunc ipsum mihi hominem
familiarissimum, nisi talis Consul esset: ut omnes uigili-
as, curas, cogitationes, in Reip. salute configeret: Consu-
lem non putarem. quanquam nos ab ineunte ætate il-

PHILIPPICA

lius usus, consuetudo, studiorum etiam honestissimorum
societas, similitudoq; coniunxerit: eius deniq; curam in
credibile in asperissimis belli civilis periculis perspexi
non modo salutis, sed etiam dignitatis meae: tamen eun-
dem, ut dixi: nisi talis Consul esset: negare esse Consule
auderem. idem non modo Consulem esse dico: sed etiam
memoria mea praestantissimum, atq; optimum Consule.
non quia non pari uirtute, et uoluntate alij fuerint:
sed tantam causam non habuerunt: in qua et uirtu-
tem, et uoluntatem suam declararent. Huius magni-
tudini animi, grauitati, sapientiae tempestas est oblata
formidolosissimi temporis. tum autem illustratur Consu-
latus: cum gubernat Rempublicam si non optabili, at necessa-
rio tempore. magis autem necessarium P. C. nullum tem-
pus unquam fuit. Itaq; ego ille, qui semper author pa-
cis fui: cuiq; pax, praesertim civilis, quanquam omnibus
bonis, mihi tamen in primis fuit optabilis: omne enim
curriculum industriae nostrae in foro, in curia, in ami-
corum periculis propulsandis elaboratum est: hinc hono-
res amplissimos, hinc mediocres opes, hinc dignitatem,
si quam habemus, consecuti sumus: ego itaq; pacis, ut ita
dicam, alumnus, qui quantuscumq; sum (nihil enim mi-
hi arrogo) sine pace civili certe non fuisset: periculose
dico: quemadmodum accepturi P. C. sitis horreo: sed pro
mea perpetua cupiditate uestrae dignitatis retinendae, et
augendae, quaeso oroq; uos, P. C. ut primo si erit uel acer-
bum auditu: uel incredibile a M. Cicerone esse dictum:
accipiat sine offensione, quod dixerò: ne ue id prius,
quam quale sit explicauero: repudietis. ego ille (dicam
saepius) pacis semper laudator, semper author, pacem
cum M. Antonio esse nolo. magna spe ingredior in reli-

quam orationem P. C. quoniam periculosissimum locum
silentio sum præteruectus. cur igitur pacem nolo? quia
turpis est: quia periculosa: quia esse non potest. quæ iri-
dum explico: peto à uobis P. C. ut eadem benignitate,
qua soletis, uerba mea audiat. Quid est inconstan-
tia, mobilitate, leuitate, cum singulis hominibus, tum
uero uniuerso Senatui, turpius? quid porro inconstan-
tius? quàm quem modo hostem non uerbo, sed re mul-
tis decretis iudicauistis: cum hoc pace uelle subito con-
iungi? quasi uero, cum C. Cæsari, meritos quidem illi
honores, & debitos, sed tamen immortales, & singula-
res decreuistis, unā ob causam, quod contra M. Antoniū
exercitum comparauisset: non hostem Antonium iudica-
ueritis? nec tum hostis est à uobis iudicatus Antonius:
cum laudati auihoritate uestra ueterani milites: q. Cæ-
sarem secuti essent? nec tum hostem Antonium iudica-
uistis: cum fortissimis legionibus, quod illum, qui Con-
sul appellabatur, cum esset hostis: reliquissent: uacatio-
nes, pecunias, agros spopondistis? quid? cum Brutum
hominem quondam illius generis, & nominis, natum
ad Remp. liberandam, exercitumq; eius pro libertate
populi Ro. bellum gerentem cum Antonio, prouinciamq;
fidelissimam, atq; optimam Galliam laudibus amplissi-
mus affectistis: tum non hostem iudicastis Antonium? qd?
cum decreuistis ut Consul alter, ambo ue ad bellum pro-
fiscerentur: quod erat bellum? si hostis Antonius non
erat? quo igitur profectus est uir fortissimus meus Col-
lega, & familiaris A. Hircius? at qua imbecillitate?
qua macie? sed animi uires corporis infirmitas non
retardauit. æquum credo putauit, uitam, quam populi
Ro. uotis retinuisset: pro libertate populi Ro. in disci-

DDD ij

PHILIPPICA

men adducere. quid? cum delectus haberi tota Italia ius-
sistis: cum uacationes omnes sustulistis: tum ille hostis
non est iudicatus? armorum officinas in urbe uidetis:
milites cum gladijs sequuntur: Consuli praesidio sunt:
specie Consuli, re & ueritate nobis: omnes sine ulla
recusatione, summo etiam cum studio nomina dant:
parent auctoritati uestrae: non est iudicatus Antonius
hostis? At Legatos misimus. heu me miserum. cur Sena-
tum cogor, quem laudaui semper: reprehendere? quid?
uos censetis P. C. Legatorum missionem populum Ro-
probauisse? non intelligitis, non auditis, meam senten-
tiam flagitari? cui. cum pridie frequentes essetis assen-
si: prostridie ad spem estis inanem pacis deuoluti. quam
turpe porro est legiones ad Senatum Legatos mittere: Se-
natum ad Antonium? quanquam illa Legatio non est:
denunciato est, paratum illi exitium, nisi paruerit huic
ordini. quid refert? tamen opinio est grauior. missos eni
Legatos omnes uident: decreti uestri non omnes uerba
nouerunt. retinenda est igitur uobis constantia, grauitas,
perseuerantia: repetenda est uetus illa seueritas: siqui-
dem auctoritas Senatus, decus, honestatem, laudem, di-
gnitatem desiderat: quibus hic ordo nimium caruit diu.
sed erat tunc excusatio oppressis, misera illa quidem, sed
tamen iusta. nunc nulla est. liberati tum regio domina-
tum uidebamus. armis domesticis ea ipsa depulimus.
nunc quidem ui extorquenda sunt. quod si non possu-
mus facere (dicam quod dignum est senatore & roma-
no homine) moriamur. quanta illa erit Reip. turpitu-
do, quantum dedecus, quanta labes? dicere in hoc ordi-
ne sententiam M. Antonium Consulari loco? cuius ut o-
mittam innumerabilia scelera urbani Consulatus: in

quo pecuniam publicam maximam dissipauit: exules sine lege restituit: uectigalia uendidit: provincias de populi romani imperio sustulit: regna addixit pecunia: leges ciuitati per uim imposuit: armus obsedit, aut exclusit Senatum: ut hæc inquam omittam: ne hoc quidem cogitatis: eum, qui Mutinam Coloniam populi romani, et Consulem designatum obsederit: depopulatus a gros sit: hunc in eum ordinem recipi: a quo totiens ob has ipsas causas hostis iudicatus sit. quam fœdum, flagitiosumq; sit, uidetis. Satis multa de turpitudine. Dicam deinceps, quod proposui, de periculo: quod si minus est fugendum, quam turpitudine: tamen offendit animos maioris partis hominum magis. Poteritis igitur exploratam habere pacem: cum in ciuitate Antonium uideatis? uel potius Antonios? nisi forte contemnitis Lucium. ego ne Caium quidem. sed ut uideo dominabitur Lucius. est enim patronus XXXV tribuum: quarum sua Lege, qua cum C. Cæsare magistratum sortitus est: suffragium sustulit. patronus Centuriarum equitum: quas idem sine suffragio esse uoluit. patronus fori: qui Tribuni militares fuerunt. patronus Iani medi. O' di quis huius potentiam poterit sustinere? præsertim cum eosdē, in a gros etiā deduxerit. q's unquā omnes tribus? quis Equites romanos? q's tribunos militares? Gracchorū potentiam maiorem fuisse arbitramini? quam huius gladiatoris futura sit? quem gladiatorem non ita appellauit: ut interdum etiam M. Antonius gladiator appellari solet: sed ut appellant ij: qui plane, & latine loquuntur. Myrmillo in Asia depugnauit: cum ornasset Thæciditis comitem & familiarem suum: illum miserum fugientem iugulauit. luculentam tamen ipse plagā

DDD iiij

PHILIPPICA

accepit: ut declarat cicatrix. qui familiarem iugularat: quid hic occasione data faciet inimico? Et qui illud animi causa fecerit: hunc praeda causa quid facturum putatis? non rursus improbos decuriabit? non sollicitabit rursus agrarios? non quaeret expulsos? M. uero Antonius non is erit? ad quem omni motu concursus fiat ciuium perditorum? ut nemo sit alius, nisi ij, qui una sunt: Et ij, qui hic ei nunc aperte fauent: parum ne erunt multi? praesertim cum bonorum praesidia cesserint: illi parati sint ad nutum futuri. ego uero metuo, si hoc tempore consilio lapsi erimus: ne illi breui tempore nimis multi nobis esse uideantur. Nec ego pacem nolo. sed pacis nomine bellum inuolutum reformido. quare si pace frui uolumus: bellum gerendum est. si bellum omitemus: pace nunquam fruemur. est autem nostri consilij P. C. in posterum quam longissime providere. ideo in hac custodia tanquam in specula collocati sumus: ut uacuum metu populum Ro. nostra uigilia, Et providentia redderemus. turpe est summo consilio orbis terrae, praesertim in re tam perspicua, consilium intelligendi defuisse. Eos Consules habemus: eam populi Ro. alacritatem: eum consensum Italiae: eos duces: eos exercitus: ut nullam calamitatem Respub. accipere possit, sine culpa Senatus. Equidem non deero: monebo: praedicabo: denunciabo: Et testabor semper deos, hominesque, quid sentiam: nec solum fidem meam, quod fortasse uideatur satis esse: sed in principe ciue non satis est: curam, consilium, uigilantiamque praestabo. Dixi de periculo. docebo ne coagmentari quidem posse pacem. de tribus enim quae proposui, hoc extremum est. Quae potest esse pax M. Antonio primum cum Senatu? quo ore ille uos pote-

rit? quibus illum uicissim uos oculis intueri? qui uestrum illum? quem ille uestrum non oderit? age, uos ille solum, et uos illum. quid uero, qui Mutinam circumsedent? qui in Gallia delectus habent? qui in nostras fortunas imminuent? amici nobis unquam erunt? aut nos illis? an Equites Ro. amplectetur? occulta enim fuit eorum uoluntas: iudiciumque de, M. Antonio? qui frequentissimum in gradibus Concordiae steterunt: qui uos ad libertatem recuperandam incitauerunt: arma, saga, bellum flagitauerunt: me una cum populo Ro. in concionem uocauerunt. hi Antonium diligunt? cum his pacem seruabit Antonius? Nam quid ego de uniuerso populo Ro. dicam? qui pleno, ac referto foro, bis me una mente atque uoce in concionem uocauit: declarauitque maximam libertatis recuperandae cupiditatem. Itaque quod erat optabile antea, ut populum Ro. comitem haberemus: nunc habemus ducem. quae est igitur spes, qui Mutinam circumsedent imperatorem populi Ro. exercitumque oppugnantes, pacem cum populo Ro. habere posse? An cum Municipis pax erit? quorum tanta studia cognoscuntur in decretis faciendis, militibus dandis, pecuniis pollicendis: ut in singulis oppidis curiam populi Ro. non desideretis. Laudandi sunt ex huius ordinis sententia Firmani: qui Principes pecuniae pollicendae fuerunt, respondendum honorifice est Marrucanis: qui ignominia notandos censuerunt eos: qui militiam subterfugissent. haec iam tota Italia fiunt. magna pax Antonio cum eisdem? his cum illo? quae potest maior esse discordia? in discordia autem pax ciuilis esse ullo pacto potest? ut omittam multitudinem: L. Nasidius Equiti Ro. homini in primis ornato, atque honesto, ciuique semper egregio, cui

PHILIPPICA

ius ego excubias, & custodias mei capitis cognoui in cō-
sulatu meo: qui uicinos suos non cohortatus est solum,
ut milites fierent: sed etiam facultatibus suis subleua-
uit: huic inquam tali uiro, quem nos Senatus consulto
collaudarimus: poterit ne esse pacatus Antonius? quid
Cæsari? qui illum urbe, quid D. Bruto? qui Gallia
prohibuit? Iam uero ipse se placabit, & leniet provin-
ciæ Galliae: a qua exclusus & repudiatus est: omnia
uidebitis P. C. nisi prospiciatis, plena odiorum: plena
discordiarum: ex quibus oriuntur bella civilia. nolite
igitur uelle, quod fieri non potest: & cauete per deos
immortales P. C. ne spe præsentis pacis, perpetuam pa-
cem amittatis. Quorsum hæc omnis spectat oratio?
quid enim Legati egerint nondum scimus. at uero ere-
cti, citati, parati, armati animus iam esse debemus: ne
blanda, aut supplici oratione, aut æquitatis simulatione
fallamur. omnia fecerit oportet, quæ interdicta, & de-
nunciata sunt prius, quàm aliquid postulet: Brutum
exercitumq; eius oppugnare, urbes & agros provinciae
Galliae populari desisterit: ad Brutum adeundi Legati-
tis potestatem fecerit: exercitum citra flumen Rubiconem
eduxerit: nec propius urbem millia passuum ducenta ad-
mouerit: fuerit in Senatus populiq; Ro. potestate. hæc si
fecerit: erit integra potestas nobis deliberandi. si Sena-
tui non paruerit: non illi Senatus, sed ille populo Ro. bel-
lū indixerit. Sed uos moneo P. C. libertas agitur populi
Ro. quæ est commendata uobis: uita & fortuna optimi
cuiusq;: quo cupiditatem infinitam cum immuni crude-
litate iam pridem intendit Antonius: autoritas uestra:
quam nullam habebitis: nisi nunc retinueritis. tetram
& pestiferam belluam, ne inclusam, & constrictam di-

mittatis caute. te ipsum moneo Pansa(quanquam non
eges consilio: quo uales plurimum: tamen & summi
gubernatores in magnis tempestatibus a' uectoribus ad=
moneri solent) hunc tuum tantum apparatus, tamq;
præclarum, ne ad nihilum recidere patiare. tempus ha
bes tale: quale nemo habuit unquam: hac grauitate se
natus, hoc studio equestri ordinis, hoc ardore populi Ro.
potes in perpetuum metu & periculo Remp. liberare.

IN M. ANTONIVM PHILIPPI-
CA OCTAVA. ORA-
TIO. LI.

*Confusus hesterno die est acta res C. P. a
sa: quam postulabat institutum Cōsula-
tus tui. parum mihi uisus es eos, quibus
cedere non soles: sustinere. nam cum
Senatus ea uirtus fuisset: quæ solet: et
cum re uiderent omnes esse bellum: quidamq; id uer-
bum remouendum arbitrarentur: tua uoluntas in di-
scessione fuit ad lenitatem propensior. uicta igitur est pro-
pter asperitatem te authore nostra sententia. uicit L. Cæ-
saris amplissimi uiri: qui uerbi atrocitate dempta, ora-
tione fuit, quam sententia lenior. quāquā is qdem, ante-
quam sententiam diceret: propinquitatem excusauit. idē
fecerat me Consule in sororis uiro: quod hoc tempore in
sororis filio: ut & luctu sororis moueretur: & saluti
Reip. prouideret. Atq; ipse tamen Cæsar præcepit uobis
quodammodo P. C. ne sibi assentiremini: cum ita di-
xit: aliam sententiam se dicturum fuisse: eamq; se, ac
Rep. dignam: nisi propinquitate impediretur. Ergo ille
auunculus. num etiam uos auunculi? qui illi assensi estis?
At in quo fuit controuersia? belli nomen ponendum in
sententia quidam non putabant: tumultum appellare
malebant, ignari non modo rerum, sed etiam uerborū.
potest enim esse bellum sine tumultu. tumultus esse sine
bello non potest. quid est enim tumultus? nisi perturbatio
tanta: ut maior timor oriatur? unde etiam nomen du-
ctum est tumultus. Itaq; maiores nostri, tumultum Itali-*

cum, quod erat domesticus : tumultum Gallicum, quod erat Italiae finitimus: praeterea nullum tumultum nominabant. grauius autem esse tumultum, quam bellum, hinc intelligi licet: quod bello Gallico uacationes ualent: tumultu non ualent. ita fit: quemadmodum dixi: ut bellum sine tumultu possit, tumultus sine bello esse non possit. etenim cum inter bellum & pacem medium nihil sit: necesse est tumultum si belli non sit: pacis esse. quo quid absurdius dici aut existimari potest? Sed nimis multa de uerbo. rem potius uideamus Patres conscripti: quā quidem intelligo uerbo fieri interdum deteriore sole re. nolumus hoc bellum uideri. quam igitur municipijs, & colonijs ad excludendum Antonium auctoritatem damus? quam ut milites fiant sine ui? sine tumultu? studio & uoluntate? quam, ut pecunias in Remp. polliceantur? si enim belli nomen tollitur: municipiorum studia tolluntur: consensus populi romani, qui iam descendit in causam: si nos languescimus: debilitetur necesse est. Sed quid plura? D. Brutus oppugnatur: non est bellum? Mutina obsidetur: ne hoc quidem bellum est? Gallia uastatur: quæ potest pax esse certior? illud uero quis potest bellum non esse dicere? quo fortissimum uirū cum exercitu misimus: qui cum esset infirmus ex graui diuturnoq; morbo: nullā putauit sibi excusationem esse oportere: cum ad Reip. praesidium uocaretur. C. quidem Caesar non expectauit nostra decreta: praesertim cum esset illius ætatis: bellum contra Antonium sua sponte suscepit. decernendi enim tempus nondum nouerat: belli autem gerendi tempus si prætermisisset: uidebat Rep. oppressa nihil decerni posse. Ergo illi nunc, & eorum exercatus in pace uersantur: nō est hostis is: cuius præsi-

PHILIPPICA

diurn Claterna deiecit Hircius: non est hostis: qui armatus Consulem designatum oppugnat: nec illa hostilia uerba, nec bellica: quæ paulo ante ex Collegæ literis Pansa recitauit: deieci præsidium: Claterna potitus sum: fugati equites: prælium commissum: occisi aliquot. quæ pax potest esse maior? delectus tota Italia decreti sublati uacationibus: sagæ cras sumentur: consul se cum præsidio descensurum dixit. uirum hoc bellum non est? an etiam tantum bellum? quantum nunquam fuit? Cæteris enim bellis, maximeq; ciuilibus, contentione Reipub. causa faciebat. Sylla cū Sulpitio de iure legum, quas per uim latas Sylla dicebat: Cinna cum Octauio, de nouorum ciuium suffragiis: rursus cum Mario et Carbone Sylla: ne dominarentur indigni: et clarissimorum hominum crudelissimam ulcisceretur necem. horum omnium bellorum causæ ex Reip. contentione natæ sunt. de proximo bello ciuili non libet dicere. ignoro causam: detestor exitum. hoc bellum quintum ciuile geritur, atq; omnia in nostram ætatem inciderunt: primum non modo in dissensione, et discordia ciuium, sed in maxima consensione, incredibiliq; concordia. omnes idem uolunt: idem defendunt: idem sentiunt. cum omnes dico: eos excipio: quos nemo ciuitate dignos putat. quæ est igitur in medio belli causa posita? nos deorum immortalium templa, nos muros, nos domalia, sedesq; populi romani, penates, aras, focos, sepulchra maiorum, nos leges, iura, libertatem, coniuges, liberos, patriam defendimus. contra M. Antonius id molitur: id pugnat: ut hæc omnia perturbet: euertat: prædam Reipub. causam belli putet: fortunas nostras partim dissipet: partim dissipat parricidis. In hac tam dispari ratione belli mi-

ferrimum illud est: quod ille latronibus suis pollicetur
primum domos: urbem enim se diuisurum confirmat:
deinde omnibus portis, quo uelint, deducturum. omnes
Caphones, omnes Saxæ, cæteræq; pestes, quæ sequun-
tur Antonium: ædes sibi optimas, hortos, Tusculana,
Albana definiunt. atq; etiam homines a grestes, si homi-
nes sunt illi potius, quàm pecudes: inani spe ad aquas
usq; Puteolanas prouehuntur. Ergo habet Antonius
quod suis polliceatur. Quid nos? nunquid tale habe-
mus? dñ meliora. id enim ipsum agimus: ne quis post-
hac eiusmodi quicquam possit polliceri. inuitus dico: sed
dicendum est. hasta Cæsaris P. C. multis improbis &
spem affert, & audaciam. uiderunt enim ex mendiciis
fieri repente diuites. Itaq; hastam semper uidere cupi-
unt ij: qui nostris bonis imminet: quibus omnia polli-
cetur Antonius. quid nos nostris exeratibus? quid polli-
cemur? multo meliora, atq; maiora. scelerum enim pro-
missio, & ijs qui expectant: perniciosa est: & ijs qui
promittunt. nos libertatem nostris militibus, iura, le-
ges, iudicia, imperium orbis terræ, dignitatem, pacem,
ocium pollicemur. Antonij igitur promissa cruenta, te-
tra, scelerata, dñs hominibusq; inuisa, nec diuturna, neq;
salutaria. nostra contra, honesta, integra, gloriosa, ple-
na lætitiæ, plena pietatis. Hic mihi etiam Q. Fufius uir
fortis, ac strenuus, amicus meus pacis commoda comme-
morat. quasi uero, si laudanda pax esset: ego idem face-
re commode non possem? semel enim pacem defendi?
non semper ocio studui? quod cum omnibus bonis uti-
le est: tum præcipue mihi. quem enim cursum industria
mea tenere potuisset? sine forensibus causis, sine legibus,
sine Iudicijs? quæ esse non possunt civili pace sublata.

PHILIPPICA

Sed quæso Calene, quid? tu seruitutem pacem uocas? maiores quidem nostri non modo ut liberi essent: sed etiã ut imperarent: arma capiebant. at tu arma abijcienda censes: ut seruiamus. quæ causa iustior est belli gerendi? quàm seruitutis depulsio? in qua etiã si non sit molestus dominus: tamen est miserrimũ posse, si uelit. immo alia causa iusta, ac necessaria est. nisi forte ad te hoc non putas pertinere: quod te socium fore speras dominationis Antonij. in quo bis falleris: primum, quod tuas rationes communibus anteponis: deinde, quod quicquam stabile in regno, aut iucundum putas. non, si tibi antea profuit: semper proderit. quin etiã de illo homine queri solebas. quid te facturum de bellua putas? at qui es, qui semper pacem optaris: semper omnes ciues saluos uolueris. honesta ratio: sed ita, si bonos, & utiles Reip. ciues: sin eos, qui natura ciues sunt, uoluntate hostes saluos uelis: quid tandem interest inter te, et illos? Pater tuus, quo utebar sene auctore adolescens: homo seuerus, et prudens, primas omnium ciuium P. Nasicae, q. Tyberium Gracchum interfecit: dare solebat. eius uirtute, consilio, magnitudine animi, liberatam Remp. arbitrabatur. quid? nos à patribus num aliter accepimus? ergo is tibi ciuis, si temporibus illis fuisset: non probaretur: quia nõ omnes saluos esse uoluisset? quod L. Opimius Cõsul uerba fecit de Republica: de ea re ita censuerunt: uti Opimius Consul Remp. defenderet. Senatus hæc uerbis: Opimius armus. num igitur eum, si tum esses: temerarium ciuem, aut crudelem putares? aut Q. Metellum, cuius quatuor filij Consulares? P. Lentulum principem Senatorem? quid complures alios summos uiros? qui cum L. Opimio Consule armati Gracchum in

Auentinum

Auentinum persecuti sunt? quo in praelio Lentulus graue uulnus accepit: interfectus est Gracchus, & M. Fuluius Consulares, eiusq; duo adolescentuli filij. illi igitur uiri uituperandi? non enim ciues omnes saluos esse uoluerunt. Ad propiora ueniamus. C. Mario, L. Valerio Consulibus Senatus Remp. defendēdā dedit: L. Saturninus Tribunus plebis, Glaucia Prætor est interfectus. omnes illo die Scauri, Metelli, Claudij, Catuli, Scauola, Crassi arma sumpserunt. num aut Consules illos, aut clarissimos uiros uituperandos putas? Ego Catilinam perire uolui. num tu, qui omnes saluos uis: Catilinam saluum esse uoluisti? hoc interest Calene inter meam sententiam & tuam. ego nolo quenquam ciuem committere: ut morte nultandus sit. tu, etiam si commiserit: conseruandū putas. in corpore si quid eiusmodi est: quod reliquo corpori noceat: uri, ac secari quod noceat patimur: ut membrorum aliquod potius, quā totum corpus intereat. sic in Reip. corpore, ut totum saluum sit: quicquid est pestiferum amputetur. dura uox. multo illa durior. salui sint improbi, scelerati, impij: deleantur innocentes, honesti, boni, tota respublica. uno in homine Q. Fusi fateor te uidisse plusquam me. ego P. Clodium arbitrabar perniciosum ciuem, sceleratum, libidinosum, impium, audacem, facinorosum. tu contra sanctum, temperatum, innocentem, modestum, retinendum ciuem, & optandum. in hoc uno te plurimum uidisse, multum me errasse concedo. Nam me tecum iracunde agere dixisti solere. non est ita. uehementer me agere fateor: iracunde nego. omnino irasci amicis non temere solco: ne si merentur quidem. itaq; sine uerborum contumelia à te dissentire possum: sine animi summo dolore non possum.

EEE

PHILIPPICA

parua est enim mihi tecum, aut parua de re dissensio? ego huic uidelicet faueo? tu illi? immo uero ego D. Bruto faueo: tu M. Antonio. ego conseruare coloniam. populi ro. cupio: tu expugnare studes. an hoc negare potes? qui omnes moras interponis: quibus infirmatur Brutus: melior fiat Antonius? quousq; enim pacem dicas uelle te? res geritur: conductæ uineæ sunt: pugnatur acerrime: qui intercurrerent, nusinus tres principes ciuitatis: hos contempsit, reiecit, repudiauit Antonius: tu tamen perma- nes constantissimus defensor Antony. Et quidem quo me- lior Senator uideatur: negat se illi amicum esse debere: cum suo magno beneficio uenisse eum contra se. ui- de quanta charitas sit patriæ. cum homini sit iratus: tamen Reip. causa defendit Antonium. Ergo te, cum in Massilienses tam sis acerbus Fusi: non animo æquo au- dio. quousq; enim Massiliam expugnabis? ne triumphus quidem finem fecit belli? per quem sublata est urbs ea: sine qua nunquam ex Transalpinis gentibus maiores nostri triumpharunt. quo quidem tempore populus Ro. ingenuit. quanquam proprios dolores suarum rerum omnes habebant: tamen huius ciuitatis fidelissimæ mise- rias nemo erat ciuis, qui à se alienas arbitraretur. Cæ- sar ipse, qui illis fuerat iratissimus: tamen propter singu- larem eius ciuitatis grauitatem, et fidem, quotidie ali- quid iracundiæ remittebat. te nulla sua calamitate ci- uitas satiare tam fidelis potest? rursus me iam irasci for- tasse dices. ego autem sine iracundia dico, ut omnia: nec tamen sine dolore. neminem illi ciuitati inimicum esse ar- bitror: qui amicus sit huic ciuitati. Excogitare quæ tua ratio sit Calene nō possum. antea detertere te, ne popula- ris esses, nō poteramus: ut nunc sis popularis exorare nō

possumus. Satis multa cum Fusio: ac sine odio omnia: nihil sine dolore. credo autem qui generi querelam moderate ferat: æquo animo laturum amici. Venio nunc ad reliquos Consulares: quorum est nemo, iure meo hoc dico: qui non mecum habeat aliquam coniunctionem gratiæ: alij maximam, alij mediocrem: nemo nullam. quàm hesternus dies nobis, Consularibus dico, turpis illuxit. iterum Legatos? quid? ille faceret inducias? ante Consules, oculosq; Legatorum tormentis Mutinam uerberauit: opus ostendebat, munitionemq; Legatis: ne punctum quidem temporis, cum Legati adessent, oppugnatione respirauit. adhuc Legatos? cur? an ut in eorum reditu uehementius pertimescatis? Equidem cum antea Legatos decerni non censuissem: hoc me tamen consolabar: quod, cum illi ab Antonio contempti, et reiecti reuertissent: dixissentq; Senatui non modo illum è Gallia non discessisse, ut censuimus: sed ne à Mutina quidem recessisse: potestatem sibi D. Bruti conueniendi non fuisse: putabam fore ut oēs inflammati odio, exatati dolore, armis, equis, uiribus D. Bruto subueniremus. nos etiam languidiores facti sumus: postquam Antoni non solum audaciam, et scelus, sed etiam insolentiam, superbiamq; perspeximus. Utinam L. Cæsar ualeret: Seruius Sulpitius uiueret: multo melius hæc tunc agerentur à tribus: quàm nunc aguntur ab omnibus. dolenter hoc dicam potius, quàm contumeliose. deserti, deserti inquam sumus P. C. à Principibus. sed, ut iam sæpe dixi, omnes in tanto periculo, qui recte et fortiter sentient: erunt Consulares. animi nobis afferre Legati debuerunt: timorem attulerunt. quanquam mihi quidem nullum unquam timorem: quamuis illi de illo ad quē missi sunt, bene existiment:

EEE y

PHILIPPICA

a quo etiam mandata acceperunt. Pro di immortales, ubi est ille mos, uirtusque maiorum? C. Pompilius apud maiores nostros, cum ad Antiochum Regem legatus missus esset: et uerbis Senatus nunciasset: ut ab Alexandria discederet: quam obsidebat: cum tempus ille differret: uirgula stantem circumscripsit: dixitque, se non antea renuntiaturum Senatui: nisi prius sibi respondisset, quid facturum esset: quam ex illa circumscriptione excederet. præclare. senatus enim faciem secum attulerat, auctoritatem reipublicæ. cui qui non parer: non ab eo mandata accipienda sunt: sed ipse est potius repudiandus. An ego ab eo mandata acciperem? qui Senatus mandata contemneret? aut ei cum Senatu quicquam commune iudicaret? qui imperatorem populi Romani. Senatu prohibente obsideret? At quæ mandata? qua arrogantia? quo stupore? quo spiritu? cur autem ea legatus nostris dabat? cum ad nos Cotylam mitteret ornamentum, atque arcem amicorum suorum, hominem ædilitium: si uere tum fuit Aedilis: cum eum iussu Antonij in conuiuio serui publici loris ceciderunt. At quàm modesta mandata fert? ij sumus P. C. qui quicquam huic negemus? Vtranque provinciam inquit remitto: exercitum depono: priuatus esse non recusor: hæc sunt enim uerba. redire ad se uidetur. omnia obliuiscor: in gratiam redeo. sed quid adiungit? si legionibus meis, et si equitibus, et si cohorti prætorie prædā, agrumque dederitis. His etiam præmia postulet? quibus ut ignoscatur si postulet: impudentissimus iudicetur. Addit præterea quos ipse cum Dolabella dederit agros, teneant ij, quibus dati sunt. Hic est Campanus ager et Leontinus: quæ duo maiores nostri annonæ perfugia ducebant. cauet mimis,

aleatoribus, lenonibus: Caspionem etiam, et Saxæ ca-
 uet: quos Centuriones pugnaces, et lacertosos inter mi-
 morum, et mumarum greges collocauit. postulat
 præterea ut Chirographorum, et commentariorum,
 sua, Collegæque sui decreta maneant. quid laborat?
 ut habeat quod quisque mercatus est. si quid accepit:
 habeat qui uendidit. et ne tangantur rationes ad Opes:
 id est, ne sestertium septies millicies recuperetur: ne frau-
 di sit septemuiris, quod egissent. Nucula hoc credo ad-
 monuit. uerebatur fortasse ne amitteret tantas cliētelas.
 caueri etiam uult ijs, qui secum sunt: quicquid contra
 legem commiserunt. Mustella, et Tyroni prospicit: de se
 nihil laborat. quid enim commisit unquam? num aut
 pecuniam publicam attigit? aut hominem occidit? aut
 secum habuit armatos? Sed quid est, quod de ijs labo-
 ret? postulat enim ne sua iudiciaria lex abrogetur. quo i-
 petrato, quid est quod metuat? an, ne suorum aliquis a-
 Cyda, Lisiade, Curio condemnetur? neque tamen nos ur-
 get mandatis pluribus. remittit aliquantum: et rela-
 xat. Galliam inquit remitto: comatam postulo. ociosus
 uidelicet esse malo. cum sex legionibus inquit, hisque sup-
 pletis ex D. Bruti exercitu, non modo ex delectu suo:
 tandiuque ut obtineat: quamdiu D. Brutus, C. Cas-
 sius Consules prouide consules prouincias obtinebunt:
 huius comitibus C. frater est enim iam annus: ut re-
 pulsam tulit. ipse autem ut quinquennium inquit ob-
 tineam. At istud uetat lex Caesaris, et tua. Hæc
 tu mandata L. Piso, et tu, L. Philippe Principes ci-
 uitatis non dico animo ferre, uerum auribus accipere
 potuisti? Sed ut suspicor, terror erat quidam: nec uos
 ut Legati apud illum fuissetis: nec ut Consulares: nec uos

PHILIPPICA

uestram nec Reip. dignitatem tenere potuistis. Et tamen
nescio quo pacto, sapientia quadam credo, quod ego nō
possum, nō nimis irati reuertistis. uobisq; M. Antonius
nihil tribuit, clarissimus uiris, legatis populi romani:
nos quid non Legato Antonij Cotype concessimus? cui
portas huius urbis patere ius non fuit: huic hoc templū
patuit: huic aditus in Senatum fuit: hic hesternio die
sententias nostras in codicillos, Et omnia uerba refere-
bat: huic se etiam summi honoribus hi, contra digni-
tatem suam uenditabant. O di immortales, quā ma-
gnū est personam in Repub. tueri principis. quae non
animus solum debet, sed oculis seruire ciuium. donum
recipere Legatum hostium, in cubiculum admittere,
Et reducere, hominis est nihil de dignitate, nimum de
periculo cogitantis. Quod autem est periculum? nam si
maximum in discrimen uenietur: aut libertas parata est
uictori: aut mors exposita uicto. quorum alterum opta-
bile est: alterum effugere nemo potest. turpis autem fra-
ga mortis omni est morte peior. Nam illud quidem
non adducor ut credam: esse quosdam: qui inuideant
alicuius constantiae: qui laboribus: qui eius perpetuam
in Rep. adiuuanda uoluntatem, Et a Senatu Et a po-
pulo Ro. probari moleste ferant. omnes id quidē facere
debeamus: cāq; erat non modo apud maiores nostros,
sed etiam nuper summa laus Consularium: uigilare: co-
gitare: adesse animo: semper aliquid pro Rep. aut fa-
cere: aut dicere. Ego Q. Scaeuolam Augurem memoria
teneo bello Marsico, cum esset summa senectute, Et per-
dita ualitudine: quotidie, simulatq; luceret: facere o-
mnibus conueniendi sui potestatem. neq; eum quisquam
illo bello uidit in lecto. senexq; et debilis primus uenie

bat in Curiam. huius industriam maxime equidem
 uellem ut imitarentur ij: quos oportebat. secundo autem
 loco, ne alterius labori inuiderent. Et enim P. C. cum
 in spem libertatis sexennio sinus ingressi: diutiusq; ser-
 uitutem perpeffi, quàm captiui frugi, et diligetes solēt:
 quas uigilias, quas sollicitudines, quos labores liberan-
 di populi Ro. causa recusare debemus? Equidem P. C.
 quanquam hoc honore usi, togati esse solent: cum est in
 sagis ciuitas: statui tamen à uobis, ceterisq; ciuibus
 in tanta atrocitate temporis, tantaq; perturbatione po-
 puli Ro. non differre uestitu. non enim ita gerimus nos
 hoc bello Consulares: ut æquo animo populus Ro. ui-
 surus sit nostri honoris insignia. cum partim è nobis
 ita timidi sint: ut omnem ij populi Ro. beneficiorum
 memoriam abiecerint: partim ita à Rep. auersi, ut
 huic se hosti fauere pre se ferant: Legatos nostros ab
 Antonio despectos esse et irrisos facile patiantur: Lega-
 tum Antoni subleuatum uelint. huic enim reditum ad
 Antonium prohiberi negabant oportere: et in eodem
 excipiendo sententiam meam corripiebant. quibus gerā
 morem. redeat ad Imperatorem suum Varius: sed ea
 lege, ne unquam Romam reuertatur. Ceteris autem, si
 errorem suum deposuerint: et in Reip. gratiam redie-
 rint: ueniam, et impunitatem dandam puto. Quas
 ob res ita censeo: eorum, qui cum M. Antonio sunt: q. ab
 armis discesserint: et aut ad Pansa, aut ad Hirciū con-
 sules, aut ad Decimū Brutū Imperatorē, Cons. designa-
 tum, aut ad C. Cæsarem propretorē, ante idus martias
 adierint: eis fraudi ne sit, quod cū M. Antonio fuerint.
 si quis eorū, q. cum M. Antonio sunt: fecerit: quo honore,
 præmio ne quis dignus esse uideatur: ut C. Pansa A. Hir-

EEE iiij

PHILIPPICA OCTAVA

cuius cons. alter,ambo'ue, si eis uideatur: de eius hono-
re, premio'ue, primo quoq; die ad Senatum referant. si
quis post hæc ad Antonium profectus fuerit, præter
L. Varium: Senatum existimaturum eum contra
Remp. fecisse.

IN M. ANTONIVM PHILIPPI-
CA NONA. ORATIO.

L I I.

Ellem di immortales fecissent P. C. ut
uiuo potius Ser. Sulpitio gratias agere
mus : q̄ mortuo honores quæreremus.
nec uero dubito, quin si ille uir renun-
ciare legationem potuisset: reditus eius et
nobis gratus fuerit, & Reip. salutaris futurus. non
quod L. Philippo, & L. Pisoni aut studium, aut cura
defuerit i tāto officio, tantoq; munere: sed cū Seruius Sul-
pitiuſ aetate illis anteiret, sapiētia omnibus: subito creptus
totam legationem orbam, & debilitatam reliquit. quod
si cuiquam iustus honos habitus est in morte Legato: in
nullo iustior quā in Ser. Sulpitio reperietur. ceteri, qui
in legatione mortem obierunt: ad incertum uitæ pericu-
lum, sine ullo mortis metu profecti sunt. Ser. Sulpitius
cum aliqua perueniendi ad M. Antonium spe profe-
ctus est, nulla reuertendi. qui cum ita affectus esset: ut si
ad grauē ualitudinē labor accessisset: sibi ipsi diffideret:
non recusauit, quominus uel in extremo spiritu, si quā
opem Reip. afferre posset: experiretur. itaq; non illum
uis hyemis, non niues, non longitudo itineris, non aspe-
ritas uiarum, nō morbus ingrauescens retardauit: cūq;
iam ad congressum, colloquiumq; eius peruenisset: ad
quem erat missus: in ipsa cura, & meditatione obeun-
di sui muneris excessit ē uita. Vt igitur alia, sic hoc Pan-
sa præclare: quod nos ad ornandum Ser. Sulpitium co-
hortatus es: & ipse multa copiose de illius laude dixisti.
quibus à te dictis nihil præter sententiam dicerem: nisi

PHILIPPICA

P. Servilio respondendum putarem: qui hunc honorem
statuæ nemini tribuendū censuit: nisi qui ferro esset in le-
gatione interfectus. Ego autem P. C. sic interpretor sensis-
se maiores nostros: ut causam mortis censuerint, non ge-
nus esse quærendum. etenim cui legatio ipsa mortis causa
fuisset: eius monumentum extare uoluerunt: ut in bellis
periculosus obirent homines legationis munus audacius.
non igitur exempla maiorum quærenda: sed consilium
est eorum, a quo ipsa exempla nata sunt, explicandū.
Lartēs Tolumnius Rex Veientum quatuor Legatos po-
puli Ro. Fidenis interemur: quorum statuæ in rostris ste-
terunt usq; ad nostram memoriam. iustus honos. his
enim maiores nostri, qui ob Remp. mortem obierant:
pro breui uita diuturnam memoriam reddiderunt.
Cn. Octauij clari & magni uiri, qui primus in eam fa-
miliam, quæ postea uiris fortissimus floruit: attulit Con-
sulatum: statuam uidemus in rostris. nemo enim tum no-
uitati inuidebat: nemo uirtutē nō honorabat. at ea fuit
legatio Octauij: in qua periculi suspicio nō subesset. nam
cum esset missus a Senatu ad animos Regum perspicien-
dos, liberorumq; populorū: maximeq; ut nepotem An-
tiochi Regis, qui cum maioribus nostris bellū gesserat:
classes habere, elephantos alere prohiberet: Laodiceæ in
gymnasio a quodam Leptine est interfectus. reddita
est ei tum a maioribus statua pro uita: quæ multos per
annos progeniem eius honestaret: nunc ad tantæ
familiæ memoriam sola restaret. atq; & huic, & Tul-
lo Cluio, & L. Roscio, & Sp. Antio, & C. Fulanio,
qui a Veientum Rege cæsi sunt: non sanguis, qui profu-
sus est in morte: sed ipsa mors ob Remp. habita, honorū
fuit. itaq; P. C. si Ser. Sulpitio casus mortem attulisset: do-

lerem equidem tanto Reip. uulnere: mortem uero eius non monumentis, sed luctu publico esse honorandam putarem. nunc autem quis dubitat: quin ei uitam abstulerit ipsa legatio? secum enim ille mortem extulit: quā, si nobiscum remansisset: sua cura, optimi filij, fidelissimæq; coniugis diligentia uitare potuisset. At ille, cum uideret siuestræ auctoritati non paruisset: dissimilem se futurum sui: si paruisset: munus sibi illud pro Republicæ susceptum uitæ finem allaturum: maluit in maximo populi ro. discrimine mori: quā minus quam potuisset, uideri Reip. profuisse. multis illi in urbibus, qua iter faciebat: reficiendi se, et curandi potestas fuit: aderat et hospitum inuitatio liberalis, pro dignitate summi uiri: et eorum hortatio, qui una erant missi, ad requiescendum, et uitæ suæ consulendum. at ille properans, festinansq; mandata nostra conficere cupiens, in hac constantia morbo aduersante perseuerauit. cuius cum aduentu maxime perturbatus esset Antonius: quod ea, quæ sibi iussu nostro denunciarentur: auctoritate erant et sententia Ser. Sulpitij constituta: declarauit quā odisset Senatum: cum authorem Senatus extinctum, læte, atq; insolenter tulit. non igitur magis Octauium Lepidum, nec Vercientium Rex eos, quos modo nominaui: quam Ser. Sulpitium occidit Antonius. is enim profecto mortem attulit: qui causa mortis fuit. quo circa ad posteritatis etiam memoriam pertinere arbitror, extare quod fuerit de hoc bello iudicium Senatus. erit enim statua ipsa testis, bellum tam graue fuisse: ut legati interitus honoris memoriam consecutus sit. Quod si excusationem Ser. Sulpitij P. C. legationis obeundæ recordari uolueritis: nulla dubitatio relinquitur: quin honorem

PHILIPPICA

mortuo, cui iniuriam uiuofecimus : faciamus . uos enim
P . C . (graue dictu est : sed dicendum tamen) uos in
quam Ser . Sulpitium uita priuastis . quem cum uideretis
se magis morbo , quàm oratione excusantem : non uos q-
dem crudeles fuistis : quid enim minus in hunc ordinem
conuenit ? sed cum speraretis nihil esse , quod non illius
authoritate , & sapientia effica posset : uehementius exca-
sationi obstistis : atq; eum , qui semper uestrum consen-
sum grauissimum iudicauisset : de sententia deiecastis . ut
uero Pansa consulis accessit cohortatio grauior , quàm
aures Ser . Sulpitij ferre didicissent : tum filium meq;
seduxit : atq; ita locutus est : ut auctoritatem uestram ui-
tæ se diceret anteferre . cuius nos uirtutem admirati ,
non ausi sumus aduersari eius uoluntati . mouebatur
singulari pietate filius : non multum perturbationi eius
meus dolor concedebat . sed uterq; nostru cedere coge-
batur magnitudini animi , orationisq; grauitati : cum qui
dem ille maxima laude , & gratulatione omnium ue-
stru pollicitus est , se quod uelletis esse facturum : neq; eius
sententiæ periculum uitaturum : cuius ipse auctor fuisset .
quem exequi mandata uestra properantem mane
postridie prosecuti sumus . qui quidem discedens mecum
ita locutus est : ut eius oratio omen fati uideretur . red-
dite igitur P . C . ei uitam : cui ademistis . uita enim mor-
tuorum in memoria uiuorum est posita . perficite ut is ,
quem uos ad mortem inscuj nussistis : immortalitatem ha-
beat a uobis . cui si statuam in rostris decreto uestro sta-
tueritis : nulla eius legationis posteritatem inobscura-
bit obliuio . Nam reliqua Ser . Sulpitij uita multis erit
præclarisq; monumentis ad omnem memoriã commen-
data . semper illius grauitatem , constantiam , fidem , præ

stantiam, in Repub. tuenda curam, atq; prudentiam,
omnium mortalium fama celebrabit. nec uero filebitur
admirabilis quædam, & incredibilis, & pene diuina
eius in legibus interpretandis, æquitate explicandis,
scientia. omnes qui ex omni ætate hac in ciuitate intel
ligentiam iuris habuerunt: si unum in locum conferan
tur: cum Ser. Sulpitio non sunt comparandi. neq; enim
ille magis iuris consultus quàm iustitiæ fuit. Itaq; quæ
proficiæbantur à legibus, & à iure civili, semper ad
facilitatem, æquitatemq; referebat. neq; constituere litiū
actiones malebat: quàm controuersias tollere. Ergo hoc
statuæ monumento non eget: habet alia maiora. hæc
enim statua mortis honestæ testis erit: illa memoria uitæ
gloriosæ. ut hoc magis monumentum gratiæ Senatus,
quàm clari uiri futurum sit. Multum etiam ualuisse ad
patris honorem pietas filij uidebitur: qui quanquam
afflictus luctu non adest: tamen sic animati esse debetis:
ut ille si adesset. est enim ita affectus: ut nemo unquam
unici filij mortem magis doluerit: quàm ille mœret pa
tris. equidem etiā ad famam Ser. Sulpitij filij arbitror
attinere: ut uideatur honorem debitum patri præstisse.
quanquam nullum monumentum clarius Ser. Sulpiti
us relinquere potuerit: quam effigiem morum suorum,
uirtutis, constantiæ, pietatis, ingenij filium. cuius luctus
aut hoc honore uestro, aut nullo solatio leuari potest.
Mihi autem recordāti Ser. Sulpitij multos in familiari
tate nostra sermones: gravior illi uidetur, si quis est sen
sus in morte: ænea statua futura: & ea pedestris magis,
quàm inaurata equestris: qualis L. Syllæ prima statua
est. magnifice enim Seruius Sulpitius maiorum conti
nentiam diligebat: huius sæculi insolentiam uitupera-

PHILIPPICA

bat. ut igitur si ipsum consulam quid uelit: sic pedestrem ex ære statuam, tanquam ex eius auctoritate, & uoluntate decerno. quæ quidem magnum animi dolorem, & desiderium honore monumenti minuet: & leniet. atque hanc meam sententiam P. C. P. Seruili sententia probari necesse est: qui sepulchrum publicè decernendum Seruio Sulpitio censuit: statuam non censuit. Nam si mors legati sine cæde, atque ferro nullum honorem desiderat: cur decernit honorem sepulturæ, qui maximus haberi potest mortuo? Sin id tribuit Ser. Sulpitio quod non est datum Cn. Octauio: cur quod illi datum est: huic dandum esse non censet? maiores quidem nostri statuas multis decreuerunt: sepulchra paucis. sed statuæ intereunt tempestate, uel uetustate: sepulchrorum autem sanctitas in ipso solo est: quod nulla ui moueri, neque deleri potest. atque ut cætera extinguuntur: sic sepulchra fiunt sanctiora uetustate. augeatur igitur isto etiam honore uir: cui nullus honor tribui non debitus potest: grati sumus in eius morte decoranda: cui nullam aliam gratiam referre iam possumus: notetur etiam Antonij nefarium bellum gerentis scelerata audacia. his enim honoribus habitis Ser. Sulpitio repudiatæ, reiectæque legationis ab Antonio manebit testificatio sempiterna. Quas ob res ita censeo. cum Ser. Sulpitius Quinti filius, Lemonia Rufus difficillimo Reip. tempore, graui, periculosoque morbo affectus, auctoritatem Senatus, salutemque populi Reip. suæ præposuerit: contraque uim, grauitatemque morbi, contenderit: ut ad castra Antonij, quo Senatus eum miserat: perueniret: isque cum iam propè castra uenisset: uim morbi oppressus uitam amiserit in maximo Reip. munere: eiusque mors consentanea uitæ fuerit, sanctissime,

honestūmque actae: in qua saepe magno usui Reip. Ser. Sulpitius, & priuatus, & in magistratibus fuerit: cum talis uir, ob Remp. in legatione mortem obierit: senatui placere, Ser. Sulpitio statuam pedestrem aeneam in rostris, ex huius ordinis sententia statui: circumque eam statuam locum gladiatoribus, ludisque, liberos, posterosque eius, quaque uersus pedes quinque habere: quod hic ob Reipub. mortem obierit: eamque causam in basi inscribi: utique C. Pansa, A. Hircaus Consules alter, ambo uel, si eis uidebitur: quaestoribus urbis imperent: ut eam Basim, statuamque faciendam, & in rostris statuendam locent: quantique locarint, tantam pecuniam redemptori soluendam, auribuendamque curent: cumque antea Senatus auctoritatem in uirorum fortium funeribus ornamentisque ostenderit: placere eum quam amplissime supremo die suo offerri: & cum Ser. Sulpitius Q. F. Lemonia Rufus ita de Rep. meritis sit: ut his ornamentis decorari debeat: Senatum censere, atque Reip. existimare, Aediles curules edictum, quod de funeribus habeant: Ser. Sulpitij Q. F. Lemoniae Rufi funeri mittere: utique locum sepulchro in Campo Esquilino C. Pansa Consul, seu quo in loco uidetur, pedes triginta quaque uersus designet: quo Seruius Sulpitius inferatur. quod sepulchrum ipsius, liberorum, posterorumque eius sit: uti quod optimo iure sepulchrum publice datum est.

IN M. ANTONIVM PHILIP-
PICA DECIMA. ORA-
TIO LIII.

*Maximas tibi Panfa gratias omnes &
habere, & agere debemus: q̄ cū hodie-
no die Senatū te non habiturū ar-
bitrāremur: ut M. Bruti praeſtantiffimū
cuius literas accepiſti: ne minimam qui-
dem moram interpoſuiſti: quin quamprimum maximo
gaudio & gratulatione fruēremur. cum factum gra-
tum omnibus debet eſſe: tum uero oratio: qua recitatis
literis uſus es. declarāſti enim uerum eſſe id, quod ego
ſemper ſenſi. neminem alterius, q̄ ſuae conſideret, uirtu-
ti inuidere. Itaq; mihi, qui plurimis officijs ſum cum
Bruto, et maxima familiaritate coniunctus: minus mul-
ta de illo dicenda ſunt. quas enim partes ipſe mihi ſum-
pſeram: eas praecipuauit oratio tua. Sed mihi P. C. ne-
ceſſitatem attulit paulo plura dicendi, ſententia eius: q̄
rogatus eſt ante me: à quo ita ſaepe diſſentio: ut iam ue-
reor: ne id quod minime fieri debet: minuire amicitiam
noſtram uideatur perpetua diſſenſio. Quae eſt enim iſta
tua oratio Calene? quae mens? qui nunquam poſt Cal.
Iam. idem ſenſeris: quod is, qui te ſententiam prius ro-
gat? cur nunquam tam frequens Senatus fuit? quod unus
aliquis tuam ſententiam ſecutus ſit? cur ſemper tui diſ-
ſimiles defendis? cur cum te & uita, & fortuna tua
ad ocium & ad dignitatem inuiter: ea probas: ea decer-
nis: ea ſentis: quae ſunt inimica & ocio communis, &
dignitati tuae? nam ut ſuperiora omittam: hoc certe
quod mihi maximam admirationem mouet, non tace-
bo. quod*

bo. quod enim tibi cum Brutis bellum? cur eos, quos omnes uenerari debemus: solus oppugnas? alterum circumsederi non moleste fers: alterum tua sententia spoliis his copijs: quas ipse suo labore, et periculo ad Reip. non ad suum praesidium, per se nullo adiuvante conficit. quis est iste tuus sensus? quae cogitatio? Brutos ut non probes? Antonios probes? quos omnes charissimos habent: tu oderis? quos acerbissime omnes oderunt: tu constantissime diligas? amplissime tibi fortunae sunt: summus honoris gradus: filius, ut et audio, et spero, natus ad laudem: cui cum Reip. causa faueo: tum etiam tua. quero igitur eum Bruti similem malis, an Antonij? ac permitto ut de tribus Antoniis eligas, quem uelis. D. Brutus melior est inquires. cur igitur non his faues? eos laudas: quorum similem filium tuum esse uis? simul enim Reip. consulis: et proponis illi exempla ad imitandum. Hoc uero Q. Fusi copiosius sine offensione nostrae amicitiae, sic tecum, ut a te dissentiens, Senator quero: ita enim dixisti: et quidem de scripto: nam te inopia uerbi lapsum putare: nisi tuam in dicendo facultatem nosses: literas Bruti recte et ordine scriptas uideri. quod quid est aliud: quam librarium Bruti laudare, non Brutum? usum in Rep. Calene magnum iam habere et debes et potes. quando ita decerni uidisti? aut quo S. C. huius generis, sunt enim innumerabilia: bene scriptas literas decretum a Senatu? quod uerbum tibi non exadit, ut saepe fit: fortuito scriptum, meditatatum, cogitatum, attulisti. hanc tibi consuetudinem plerisque in rebus bonos obrectandi si quis detraxerit: qui tibi uelit obrectare: non relinquetur. quare obrem collige te: placetque animum aliquando: et mi.

FFF

PHILIPPICA

tiga: audi uiros bonos: quibus uteris multum: loquere
cum sapientissimo homine genero tuo sapius, quam tu
ipse tecum. tum deniq; amplissimi honoris nomen obti-
nebis. An uero hoc pro nihilo putas? in quo equidem
pro amicitia tua iure dolere soleo: offerri hæc foras? et
ad populi Ro. aures peruenire? ei qui primus senten-
tiam dixerit: neminem assensum. quod etiam hodie fu-
turum arbitror. Legiones abducis a Bruto. quas? nem-
pe illas, quas ille ab Antonij scelere auertit: et ad Remp-
sua autoritate traduxit. rursus igitur uis nudatum
illum, atq; solum ab Rep. relegatum uideri. uos autem
P. C. si M. Brutum deserueritis: et prodideritis: quem
tandem ciuem habebitis, quem ornetis? cui fauebitis? ni-
si forte eos qui diadema posuerunt, conseruandos, eos,
qui nomen Regis sustulerunt, deserendos putatis. Ac de
hac quidem diuina atque immortali laude Bruti sile-
bo: quæ gratissima memoria omniū cuius in clusa, nōdū
autoritate publica testata est. tantam ne patientiam dii
boni, tantam moderationem, tantam in iniuria tran-
quillitatem, et modestiam? qui cum Prætor urbanus es-
set: urbe aruit: ius non dixit: cum omne ius populi
Ro. recuperasset: cumq; concursu quotidiano bono-
rum omnium, qui admirabilis ad eum fieri solebat,
præsidioq; Italiæ cunctæ septus posset esse: absens iudi-
cio bonorum defensus esse maluit, q̄ præsens manu:
qui ne apollinares quidem ludos, pro sua populiq; Ro.
dignitate apparatus præsens fecit: ne quā uia pateface-
ret sceleratorum hominum audaciæ: quanquam qui
unquam aut ludi, aut dies lætiores fuerunt? quā cum
i singulis uersibus populus Ro. maximo clamore et plau-
su Bruti memoriā prosequeretur? corpus aberat libera-

toris: libertatis memoria aderat: in qua Bruti imago cer-
 ni uidebatur. At hunc his ipsis ludorum diebus uide-
 bam in insula clarissimi adolescentis Luculli propin-
 qui sui nihil nisi de pace & concordia ciuium cogitan-
 tem. eundem uidi postea Velie cædentem Italia: nequa
 oriretur belli ciuilis causa propter se. O' spectaculum
 illud non modo hominibus, sed undis ipsis, & littori-
 bus luctuosum: cedere è patria seruatore[m] eius: ma-
 nere in patria proditores. Cassius lapsis paucis post die-
 bus conseq[ue]batur: ut me p[ude]ret P. C. in eam urbem
 redire: ex qua illi abirent. Sed quo consilio redie-
 rim, initio audistis: post estis experti. Expectatum igitur
 tempus à bruto est. nam quoad uos omnia pati
 uidit: usus est ipse incredibili patientia: posteaquam uos
 ad libertatem sensit erectos: præsidia uestre libertati pa-
 rauit. at cui pesti, quantæq[ue] restitui: si enim C. Antonius
 quod animo intenderat, perficere potuisset (potuisset au-
 tem, nisi eius scel[er]i uirtus M. Bruti obstuisset) Macedoni-
 am, Illyricum, Græciam pdidissimus. esset uel recepta-
 culum pulso Antonio, uel agger oppugnandæ Italiæ
 Græcia: quæ quidem nunc M. bruti imperio, authorita-
 te, copijs non instructa solum, sed etiam ornata tendit
 dextrā Italiæ: summ[us]q[ue] ei præsidium pollicetur. Quod
 qui ab illo abducit: exercitum pulcherrimum, & præ-
 sidium firmissimum adimat Reipublicæ. Equidem cupio
 hæc quamprimum Antonium audire: ut intelligat nō
 D. Brutum, quem uallo circumseder: sed seipsum obsideri.
 tria tenet oppida toto in orbe terrarum: habet inim-
 icissimam Galliam: eos etiam, quibus confidebat, alienis-
 simos Transpadanos: Italia omnis infesta est: exteræ na-
 tiones à prima ora Græciæ usq[ue] ad Aegyptum optimo

PHILIPPICA

rum & fortissimorum civium imperijs, & praesidijs
tenentur. Erat ei spes una in C. Antonio : qui duorum
fratrum aetatibus medius interiectus: utriusque cum utroque
certabat. qui tanquam extruderetur a Senatu in Mac-
cedoniam: & non contra prohiberetur proficisci : ita cu-
rrit. Quae tempestas dii immortales, quae flamma-
quae vastitas, quae pestis graeciae fuisset? nisi incredibili-
us vis ac diuina uirtus Caesaris furentis hominis co-
natum atque audaciam compressisset? quae celeritas illa
bruti? quae cura? quae uirtus? etsi ne illa quidem An-
tonij celeritas contemnenda est. quem nisi in uia cadu-
cae hereditates retardassent: uolasse eum, non iter fecis-
se diceres. alios ad negotium publicum ire cum cupi-
mus: ui solemus extrudere. hunc retinentes exclusimus.
At quid ei cum Apollonia? quid cum Dyrrhachio? quid
cum Illyrico? quid cum P. Vatinij Imperatoris exer-
citu? succedebat, ut ipse dicebat, Hortensio. certi fines Ma-
cedoniae: certa conditio: certissimo modo erat etiam il-
lius exercitus: cum Illyrico uero, & cum Vatinij le-
gionibus quid erat Antonio? at ne bruto quidem. id
enim fortasse quispiam improbus dixerit. omnes le-
giones, omnes copiae, quae ubique sunt: populi Romani sunt. neque
enim legiones quae Antonium reliquerunt: Antonij po-
tius quam Reipublicae fuisse dicuntur. omne enim exercitus,
& imperij ius amittit is: qui eo imperio & exercitu
Rempublicam oppugnat. quod si ipsa Respublica iudicaret: aut si
omne ius decretis eius statueretur: Antonio ne an Bru-
to legiones populi Romani adiudicaret? alter aduolaret su-
bito ad direptionem pestemque sociorum: et quacumque iret,
omnia vastaret: diriperet: auferret: exercitu populi Romani
contra ipsum populum Romani uteretur. alter uero eam si-

bi legem statueret: ut quocunq; uenisset, lux uenisse quædam et spes salutis uideretur. deniq; alter ad euertendam Remp. præsidia quærebat: alter ad conseruandã. Nec uero nos hoc magis uidebamus, quàm ipsi milites: à quibus tanta in iudicando prudentia non erat postulanda. cum VII cohortibus isse Appolloniam scribit Antonium. qui iam aut captus est: quod dij dent: aut certe homo uerecundus in Macedoniam non accedit: ne contra Senatum fecisse uideatur. Delectus habitus in Macedonia est summo Hortensij studio & industria. cuius animum egregium, dignumq; & ipso, & maiori- bus suis ex bruti literis perspicere potuistis. Legio, quam L. Piso ducebat, legatus Antonij, Ciceroni se filio meo tradidit. Equitatus qui in Syriam ducebatur bipartito, alter eum à quo ducebatur reliquit in Thessalia: se seq; ad brutum contulit: alterum in Macedonia Cn. Domitius adolescens summa uirtute, & constantia ab legato Syriaco abduxit. P. autem Vatinius, qui decimo anno iure laudatus à nobis, & hoc tempore merito laudandus est: aperuit Dyrrhachij portas Bruto: & exercitum tradidit. Tenet igitur populus Ro. Macedoniam: tenet Illyricum: tuetur Græciã: nostræ sunt legiones: nostra leuis armatura: nostri equitatus: maximeq; noster est Brutus: semperq; noster, cum sua excellentissima uirtute Reip. natus, tum fido quodam paterni materniq; generis, & nominis. Ab hoc igitur quisquam bellum timet? qui ante quam nos id coacti suscepimus: in pace iacere, quàm in bello uigere maluit. quanquam ille quidem nunquam iacuit: nec hoc cadere uerbum in tantam uirtutis præstantiam potest. erat enim in desiderio ciuitatis: in ore, in sermone omnium. tantum autem aberat à bello: ut

FFF ij

PHILIPPICA

cum cupiditate libertatis Italia arderet: defuerit ciuiū
 studijs potius: quā cos in armorum discrimen adduce
 ret. Itaq; illi ipsi, si qui sunt: qui tarditatem Bruti re-
 prehendant: tamen eiusdem moderationem, patienti-
 amq; mirentur. Sed iam uideo quid loquantur. neq; enī
 id occulte faciunt. timere se dicunt quomodo ferant Ve-
 terani, exercitum Brutum habere. quasi uero quicquam
 intersit inter A. Hircij, C. Pansæ, D. Bruti, C. Cæsaris,
 & hunc exercitum M. Bruti. Nam si quatuor exer-
 citus ij, de quibus dixi, propterea laudantur: quod pro
 populi Ro. libertate arma coeperunt: quid est cur M.
 Bruti exercitus non in eadem causa reponatur? At enim
 Veteranis suspectum est nomen M. Bruti, magis quam
 Decimi. Equidem non arbitror. & si est enim Brutorū
 cōmune factum, et laudis societas: æquus D. tamē Bruto
 irati sunt omnes ij: qui id factum dolebant: quominus
 ab illo rem illam dicebant fieri, decessisse. Quid ergo nūc
 agunt tot exercitus? nisi ut obsidione Brutus liberetur?
 qui autem hos exercitus ducunt? hi credo: qui Cæsaris
 res actas euerti, qui causam ueteranorū prodi uolunt?
 si ipse uiueret Cæsar: acrius credo acta sua defenderet:
 quā uir fortissimus defendit Hircius? aut amior
 causæ potest inueniri: quā filius? At eorum alter non
 dum ex longinquitate grauissimū morbi recreatus
 quicquid habuit uirium, id in eorum libertatem contra-
 lit: quorum uotis indicauit se à morte reuocatum. alter
 uirtutis robore firmior, quā ætatis, cum istis ipsis uete-
 ranis ad D. Brutum liberandum profectus est. Igitur
 illi certissimi, ijdemq; acerrimi Cæsaris actorum pa-
 troni pro D. Bruti salute bellū gerunt. quos ueterani
 sequuntur. de libertate enim populi Ro. non de suis cona

modis armis decernendum uident. quid est igitur cur
ijs, qui D. Brutum omnibus copijs conseruatum uelint:
M. Bruti sit suspectus exercitus? An uero si quid esset,
quod à M. Bruto timendum uideretur: Pansa id non ui-
deret? aut si uideret: non laboraret? quis aut sapientior
ad coniecturam rerum futurarum? aut ad propulsan-
dum metum diligentior? Atqui huius animum erga M.
Brutum studiumq; uidistis. præcepit oratione sua qd de-
cernere nos de Bruto, quid sentire oporteret: tantumq;
absuit ut periculosum Reip. M. Bruti putaret exercitum
ut in eo firmissimum reipublicæ præsidium & grauissi-
mum poneret. Salicet hæc Pansa aut non uidet (he-
beti enim ingenio est) aut negligit? quæ enim Cæsar egit,
ea rata esse non curat. de quibus confirmandis & san-
ciendis legem comitijs Centuriatis ex autoritate no-
stra laturus est. Desinant igitur aut ij, qui nō timent, si-
mulare se timere: sed prospicere Reipublicæ. aut ij qui
omnia uerentur: nimium esse timidi. ne illorum simula-
tio, horum sit ignauia. Quæ (malum) est ista ratio?
semper optimis causis ueteranorum nomen opponere?
quorum etiam si amplecterer uirtutes: ut facio: tamen si
essent arrogantes: non possem ferre fastidium. An nos
conantes seruitutis uincula rumpere, impediet si quis
ueteranos id nolle dixerit? non sunt enim credo in-
numerabiles, qui pro communi libertate arma capiant?
nemo est præter ueteranos milites uir, qui ad seruitutē
propulsandam ingenuo dolore exciteatur? potest igitur
stare Resp. freta ueteranis sine magno subsidio inuenta-
tis? quos quidem libertatis adiutores complecti debetis.
seruitutis auctores sequi non debetis. Postremo erumpat
enim aliquando uera & me digna uox. Si ueteranorū

PHILIPPICA

nutu mentes huius ordinis gubernantur : omniaq; ad
 eorum uoluntatem dicta factaq; nostra referuntur:
 optanda mors est: quæ ciuibus ro. semper fuit seruitute
 potior. omnis est misera seruitus : sed fuerit quædama
 necessaria : ecquod nam principium putatis libertatis
 capeſſendæ? an cum illum neceſſarium, & fatalem pe
 ne caſum non tulerimus: hunc feremus uoluntarium? to
 ta Italia deſiderio libertatis exarſit: ſeruire diutius non
 poteſt ciuitas: ſerius populo Ro. hunc ueſtitum atq; ar
 ma dedimus: quam ab eo ſlagitati ſumus: magna nos qui
 dē ſpe, et propē explorata, libertatis cauſam ſuſcepimus.
 ſed ut concedam incertos exitus eſſe belli, martemq; com
 munem: tamen pro libertate, uitæ periculo decernē
 dum eſt. non enim in ſpiritu uita eſt: ſed ea nulla eſt
 omnino ſeruienti. omnes enim nationes ſeruitutem fer
 re poſſunt: noſtra ciuitas non poteſt. nec ullam aliam
 ob cauſam: niſi quod illæ laborem doloremq; fugiunt:
 quibus ut careant, omnia perpeti poſſunt. nos ita
 a maioribus inſtituti, atq; imbuti ſumus: ut omnia con
 ſilia atq; facta ad uirtutem atq; dignitatem referamus.
 ita præclara eſt recuperatio libertatis: ut ne mors qui
 dem ſit in repetenda libertate fugienda. Quod ſi im
 mortalitas conſequeretur præſentis periculi fuga: ta
 men eo magis ea fugienda eſſe uideretur: quo diuturnior
 eſſe ſeruitus. Cum uero dies, & noctes omnia nos un
 diq; fata circumſtent: non eſt ueſtri, nominisq; Romani
 dubitare, eum ſpiritum, quem naturæ quis debeat, pa
 triæ reddere. concurritur undiq; ad commune incendiū
 reſtinguendum: ueteraniq; primi Cæſaris authorita
 tem ſecuti conatum Antonij repulerunt: poſt eiſdem
 furorem martia legio fregit: quarta afflixit. ſic à ſuis le

gionibus condemnatus irrupit in Galliam: quam sibi armis animusq; infestam inimicamq; cognouit. hunc A. Hircij, C. Caesaris exercitus insecuti sunt: post Pansæ delectus urbem totamq; Italiam crexit. unus est omnium hostis: quanquam habet secum L. fratrem charissimum Reip. auem: cuius desiderium ciuitas ferre diutius non potest. quid illa tetrius belua? quid immanius? qui ob eam causam natus uidetur: ne omnium mortaliū turpissimus esset Antonius. est una trebellius: qui iam cum tabulis nouis redit in gratiā. T. Plancus: ceteri pares: qui id pugnant: id agunt: ut contra Remp. restituti eē uideātur: sollicitant homines imperitos Saxas, et Capphones: ipsi rustici, atq; agrestes: qui hāc Remp. nec uiderunt unquam: nec uidere constitutam uolunt: qui nō Caesaris, sed Antony acta defendunt: quos auertit agri Campani infinita possessio: cuius eos non pudere miror: cum uideant mimos, & mimas habere uicinos. Ad has pestes opprimendas quid est, cur moleste feramus quod M. Bruti accessit exercitus? immoderati credo hominis, & turbulenti. uide ne nimium penē patientis: & si in illius uiri consilijs, atq; factis, nec nimium, nec parum unquam fuit. omnis uoluntas M. Bruti P. C. omnis cogitatio, tota mens, auctoritatem Senatus, libertatem populū Ro. intuetur: hāc habet proposita: hāc tueri uult: tentauit quid patientia proficere posset: nihil cum proficeret: contra uim experiendum putauit. cui quidem P. C. uos idem tribuere hoc tempore debetis: quod ad XIIII Cal. D. Bruto, & C. Caesari me auctore tribuistis. quorum priuatum de Rep. consilium & factum auctoritate uestra est comprobatum, atq; laudatum. quod idem in M. Bruto facere debetis: a quo insperatum, & repenti-

PHILIPPICA

num Reip. praesidium legionum, equitatus, auxiliorum
 magnae & firmae copiae comparatae sunt: adiungen-
 dusq; est Q. Hortensius: qui cum Macedonia obtineat:
 adiutorem se Bruto ad comparandum exercitum fide-
 lissimum & constantissimum praebuit. nam de Apuleio
 seperatim censeo referendum: cui testis est per literas Bru-
 tus: eum principem fuisse ad conatum exercitus compa-
 randi. Quae cum ita sint: quod Pansa consul uerba fe-
 cit de literis: quae a Q. Cepione Bruto Procons. allatae,
 & huic ordini recitatae sunt: de ea re ita censeo. Cum
 Q. Cepionis Bruti Proconsulis opera, consilio, indu-
 stria, & uirtute, difficillimo Reip. tempore prouinciam
 Macedoniam, Illyricum, cunctam Graeciam, legiones,
 exercitus, equitatus in consulum, Senatus, populiq; Ro-
 potestate sint: id Q. Cepionem Brutum Procons. bene,
 & e Rep. & sua maiorumq; suorum dignitate, consue-
 tudineq; Reip. bene gerenda fecisse: eamq; rem Senatui
 populoq; Ro. gratam esse, & fore: utiq; Q. Cepio Bru-
 tus Procons. prouinciam Macedonia, Illyricum, totamq;
 Graeciam, tueatur: defendat: custodiat: incolumemq; ser-
 uet: eiq; exercitui, quem ipse constituit: comparauit: prae-
 sit: pecuniaq; ad rem militarem, si qua opus sit, quae pu-
 blica sit: & exigi possit: utatur: exigat: pecuniasq; a qui-
 bus uidetur ad rem militarem mutuas sumat: frumentum
 imperet: operamq; det, ut cum suis copiis quam proxi-
 me Italia sit. Cumq; literis Q. Cepionis Bruti Procons.
 intellectum sit, Q. Hortensii Proconsulis opera & uir-
 tute uehementer Remp. adiutam: omniaq; eius con-
 silia cum consiliis Q. Cepionis Bruti Proconsulis coniun-
 cta fuisse: eamq; rem magno usui Reip. fuisse: Q. Hor-
 tensium Procons. recte & ordine exq; Rep. fecisse: Sena-

tuiq; placere Q. Hortensium Procons. cum Q. Cepio-
ne Procons. et legatis suis Macedoniam prouinciam ob-
tinere quoad ex S.C. successum sit.

IN M. ANTONIVM PHILIPPI

CA VNDECIMA ORA

TIO. LIIII.

Agno in dolore sum P. C. uel mœrore
 potius: quem ex crudeli, & miserabili
 morte C. Trebonij optimi ciuis, mode-
 ratissimūq; hominis accepi-
 mus. inest ta-
 men aliquid: quod Reip. profuturum pi-
 tem. perspeximus enim quāta in his, qui contra patriā
 scelerata arma cœperunt: inesset immanitas. nam duo
 hæc capita nata sunt post homines natos teterrima, &
 spurcissima, Dolobella, & Antonius: quorum alter effe-
 cit, quod optabat: de altero patefactum est, quid cogita-
 ret. L. Cinna crudelis: C. Marius in iracundia perseue-
 rans: L. Sylla uehemens: neq; ullius horum in ulciscen-
 do acerbitas progressa ultra mortem est. quæ tamen poe-
 na in ciues nimis crudelis putabatur. Ecce tergeminum
 in scelere par, inusitatum, inauditum, ferum, barbarū.
 Itaq; quorum summum quondam inter ipsos odium,
 bellumq; meminists: eosdem postea singulari inter se con-
 sensu, & amore deuinxit impurissimæ naturæ, & tur-
 pissimæ uitæ similitudo. ergo id, quod fecit Dolobella, in
 quo potuit: multis idem minatur Antonius. sed ille cum
 procul abesset à consulibus, exercitibusq; nostris: nec diū
 Senatum cum populo Ro. conspirasse sensisset: fretus An-
 tonij copijs ea scelera suscepit: quæ iam Romæ suscepta
 arbitrabatur à socio furoris. quid ergo hunc aliud mo-
 liri? quid optare censes? aut quam omnino causam esse
 belli? omnes qui libere de Rep. sensimus: qui dignas no-

his sententias diximus: qui populum Ro. liberum esse, uolumus: statuit ille quidē nō inimicos, sed hostes. maiora in nos quā in hostem supplicia meditatur. mortem naturæ pœnam putat esse: iracundiæ tormentum atq; cruciatum. qualis igitur hostis habendus est is: à quo uictore si cruciatus absit: mors in beneficij partem numeretur? quamobrem P. C. quanquam hortatore non egetis: ipsi enim uestra sponte exarsistis ad libertatis recuperandæ cupiditatem: tamen eo maiore studio libertatem defendite: quo maiora proposita uictis supplicia seruitutis uidetis. In Galliam inuasit Antonius: in Asiam Dolabella. in alienam uterq; prouinciam. alteri se Brutus obiecit: impetumq; furentis, atq; omnia diuexare, & diripere cupientis uitæ suæ periculo colligauit: à progressu arcuit: à reditu refrenauit: obsideri se passus ex utraq; parte constrinxit Antonium. alter in Asiam irrupit cursim: ut in Syriam patebat uia certa, neq; longa. quid opus fuit cum legione, præmisso Marso nescio quo Octauio scelerato latrone atq; egente? qui popularetur agros: uexaret urbes, non ad spem constituendæ rei familiaris, quam tenere eum posse negant qui norunt (mihī enim hic Senator ignotus est) sed ad præsentem pastum mendicitatis suæ. consecutus est Dolabella in nulla suspitione belli. quis enim id putaret? secutæ colloctiones familiarissimæ cum Trebonio, complexusq; summæ beniuolentiæ falsi indices extiterunt in amore simulato: dextræ quæ fidei testes esse solebant: perfidia sunt & scelere uiolatæ. qui nocturnus introitus in Smyrnæ? quasi in hostium urbem? quæ est fidelissimorum antiquissimorumq; sociorū. oppressus Trebonius, si ut ab eo, qui aperte hostis esset: incautus: si ut ab eo, qui

PHILIPPICA

cuius etiam tum speciem haberet: miser. ex quo nimis
 rû documentū nos capere fortuna uoluit: qd esset uictis ex
 timeſcendum. conſulare hominem cōſulari imperio pro
 uinciam Aſiam obtinētem Samario exuli tradidit: in-
 terficere ſtatim captum noluit: ne nimis credo in uicto-
 rīs liberalis uideretur: cum uerborum contumelijs opti-
 mum uirum in ceſto ore laceraffet: tum uerberibus ac
 tormentis quæſtionem habuit pecuniæ publicæ: idq; per-
 biduum: poſt autem ceruicibus caput abſcidit: idq; fi-
 xum geſtari iuſſit in pilo: reliquum corpus tractum,
 atq; laceratum abiecit in mare. cum hoſte hoc bellan-
 dum eſt: cuius teterrima crudelitate omnis barbaria ſu-
 perata eſt. Quid loquar de cæde ciuium romanorum?
 de direptione ſanorum? quis eſt qui pro rerum atroci-
 tate deplorare tantas calamitates queat? & nunc tota
 Aſia uagatur: uolitat ut rex: nos alio bello detineri pu-
 tat. quaſi uero non unum idemq; bellum ſit contra hoc
 iugum impiorum neſarium. Imaginem Antoniꝝ crude-
 litatis in Dolobella cernitis. ex hoc illa efficta eſt: ab
 hoc illa Dolobellæ ſclerum præcepta ſunt tradita. nunc
 leniorem quàm in Aſia Dolobella fuit: in Italia, ſi li-
 ceat, fore putatis Antonium? mihi quidem & ille per-
 ueniſſe uidetur: quoad progredi potuerit feri hominis
 amentia. neq; Antonius ullius ſupplicij adhibendi, ſi po-
 teſtatem habeat: ullam partem eſt relicturus. Ponite
 igitur ante oculos P. C. miſeram quidem illam, & fle-
 bilem ſpeciem, ſed ad incitandos animos ueſtros neceſſa-
 riam: nocturnum impetum in urbem Aſiæ clariſſi-
 mam: irruptionem armatorum in Trebonij domum: cū
 ille miſer prius latronum gladios uideret: quàm quæ-
 res eſſet audiſſet: furentis introitum Dollobellæ: uocem im-

puram, atq; os illud infame: uincula, uerbera, eculeum, carnificem, tortoremq; Samarium. quæ tulisse illum fortiter & patienter ferunt. magna laus, meoq; iudicio omnium maxima. est enim sapientis, quicquid hominī accidere possit, id præmeditari ferēdū modice si adueniret esse. maioris est omnino consilij, providere, ne quid tale accidat: sed animi non minoris, fortiter ferre si uenerit. At Dolobella qdē tam fuit immemor humanitatis: quanquam eius nunquam particeps fuerit: ut suam insatiabilem crudelitatem exercuerit non solum in uiuo, sed etiam in mortuo. at in eius corpore lacerando atq; uexando cum animum faciare non posset, oculos pauit suos. O' multo miserior Dolobella, quā ille, quē tu miserimum esse uoluisti. dolores Trebonius pertulit magnos. multi, ex morbi grauitate maiores: quos tamen non miseros, sed laboriosos solemus dicere. longus fuit dolor bidui. at compluribus hominibus annorum sæpe multorum. nec grauiora uere sunt carnificum tormenta: quā interdum cruciamenta morborum. Alia sunt, alia inquam, o' perditissimi homines, & amentissimi, multo miseriora. Nam quo maior uis est animi, quā corporis: hoc sunt grauiora ea, quæ concipiuntur animo: quā illa, quæ corpore. miserior igitur, qui suscipit in se scelus: quā is, qui alterius facinus subire cogitur. cruciatus est à Dolobella Trebonius. & quidem à Carthaginiensibus Regulus. in qua re cum crudelissimi Poeni iudicati sint in hoste: quid in aue de Dolobella iudicandum est? An uero hoc conferendum est? an dubitandum uter miserior? is ne, cuius mortem Senatus populusq; ro. ulasceatur: an is, qui cuncti Senatus sententia hostis est iudicatus? nam cæteris quidem uitæ parti-

PHILIPPICA

bus, quis est, qui possit sine Trebonij maxima contumelia conferre uitam Trebonij cum Dolobella? alterius consilium, ingenium, humanitatem, innocentiam, magnitudinem animi in patria liberanda, quis ignorat? alteri à puero pro delicijs crudelitas fuit. deinde ea libidinum turpitudine: ut in hoc sit semper lætatus: quod ea faceret: quæ sibi obijci ne ab inimico quidẽ possent uerecundo. Et hic (dij immortales) aliquando fuit meus amicus. occulta enim erant uicia non inquirenti. neque nunc fortasse alienus ab eo essem: nisi ille uobis, nisi moribus patriæ, nisi huic urbi, nisi dijs penetibus, nisi aris, & focis omnium nostrum, nisi deniq; naturæ, & humanitati inuentus esset inimicus. à quo admoniti diligentius et uigilantius caueamus Antonium. Etenim Dolobella non ita multos secum habuit notos, ac insignes latrones. At uidetis quot, & quàm multos habeat Antonius. Primum L. fratrem, quàm faciem dij immortales? quod facinus? quod scelus? quem gurgitem? quàm uoraginem? quid eum non sorbere animo, quid non hausire cogitatione, cuius sanguinem non bibere censetis? in cuius possessiones atq; fortunas non impudētissimos oculos spe & mente defigere? quid Censorinum? qui se uerbo Prætorem esse urbanum cupere dicebat: recte noluit. quid Bestiam? qui se Consulatum in Bruti locum petere profitetur. atq; hoc quidem detestabile omen auertat iupiter. quàm absurdum autem qui prætor fieri non potuerit: petere eum consulatum? nisi forte dānationem pro Prætura putat. alter Cæsar Vopiscus, ille homo summo ingenio, summa potentia: qui ex ædilitate Consulatum peti: soluatur legibus: quanquam leges eum non tenent. credo dignitate. at hic me defendente quinquies

quinq̄ies absolutus est. sexta palma urbana etiam in
gladiatore difficilis. sed hæc iudicium culpa, non mea
est. ego defendi fide optima. illi debuerunt clarissimum,
et præstantissimum Senatorem in ciuitate retinere. quẽ
tamen nunc nihil aliud agere uidetur: nisi ut intelliga-
mus illos iudices, quorum res iudicatas irritas fecimus:
bene, et e Rep. iudicauisse. Neq; hoc in hoc uno est.
sunt alij in eisdem castris honeste condemnati: turpiter
resoluti. quod horum consilium, qui omnibus bonis ho-
stes sunt: nisi crudelissimum putatis fore? Accedit Sa-
xa nescio quis: quem nobis Cæsar ex ultima Celtibe-
ria tribunum pl. dedit: castrorum antea metator, nunc,
ut sperat urbis: à qua, cum sit alienissimus: captis alijs *
nobis dominetur. Cum hoc ueteranus Capho: quo ne-
minem ueterani peius oderunt. His, quasi præter dotem,
quam in ciuilibus malis acceperant: agrum Campanũ
est largitus Antonius: ut haberent aliquorũ nutricu-
las prædiorum. quibus utinam cõtenti essent. ferremus:
et si tolerabile non erat. sed quiduis patiendum fuit:
ut hoc teterrimum bellum non haberemus. Quid illa
castrorum M. Antonij lumina, non'ne ante oculos pro-
ponitis? primum duos collegas Antoniorum, et Dolo-
bellæ, Nuculam, et Lentonem, Italiae diuifores lege ea,
quam Senatus per uim latam iudicauit. quorum alter
commentatus est mimos: alter egit Tragœdiam. Quid
dicam de Apulo Domitio? cuius bona modo proscripta
uidimus. tanta procuratorũ est negligẽtia. at hic nuper
sororis filio infudit uenenum: non dedit. sed non pos-
sunt non prodige uiuere: qui nostra bona sperant cum
effundunt sua. Videte etiam P. Decij auctionem claris-
simi uiri: qui maiorum suorum exempla persequens,

GGG

PHILIPPICA

pro alieno se ære deuouit. emptor tamen in ea auctio-
ne inuentus est nemo. O' hominem ridiculum: qui se
exire ære alieno putaret posse: cum uenderet alie-
na. Nam quid ego de Trebellio dicam? quam multæ ui-
dentur furia debitorum? uindices enim tabularum no-
uarum nouam tabulam uidimus. quid de Planco? qui
præstantissimos ciues Aquila, Pollentia expulit: & q-
dem crure fracto. quod utinam ante illi accidisset. ne huc
redire potuisset. Lumen & decus illius exercitus pene
præterij, Caninium cimbrum Lysidia filium, Lysidi-
cum ipsum in græco uerbo: qui omnia iura dissoluit:
nisi forte iure germanum amber occidit. cum hanc, et
huius generis copiam tantam habeat Antonius: quod sæ-
lus omittet? cum Dolobella tantis se obstrinxerit parri-
cidij nequaquam pari latronum manu et copia? Qua-
propter ut inuitus sæpe dissensi à Q. Fusio: ita sum eius
sententiæ libenter assensus. ex quo iudicare debetis, me
non cum homine solere, sed cum causa dissidere. Itaq;
non assentior solum, sed etiam gratias ago Q. Fusio.
dixit enim seueram, grauem, Rep. dignam sententiam:
iudicauit hostem Dolobellam: bona eius censuit publice
possidenda. quo cum addi nihil posset: quid enim atro-
cius potuit, quid seuerius decernere? dixit tamen, si quis
eorum, qui post se rogati essent, grauiorem sententiam
dixisset: in eam se iturum. quam seueritatem quis potest
non laudare? Nunc quoniam iudicatus est hostis Dolo-
bella: bello est persequendus. neq; enim quiescet. habet
legionem: habet fugitiuos: habet sceleratam impiorum
manum: est ipse confidens, impotens, gladiatorio gene-
ri mortis addictus. quamebrem quoniam cum Dolo-
bella hesterno die hoste decreto bellum gerendum est.

Imperator est deligendus. Duæ dictæ sunt sententiæ: quarum neutram probo. Alteram, quia semper, nisi cū est necesse, periculosam arbitror. alteram, quia alienam his temporibus existimo. Nam extraordinarium semper Imperium populare atq; uentosum est: minime uestræ grauitatis: minime huius ordinis. Bello Antiochi magno, & graui, cum L. Scipioni Publij fratri obuenisset Asia: parumq; in eo putaretur esse animi, parum roboris: senatusq; ad Collegam eius C. Lelium huius sapientis patrem negotium deferret: surrexit P. Africanus frater maior L. Scipionis: & illam ignominiam familiæ deprecatus est: dixitq; et in fratre suo summā uirtutem esse, summumq; consiliū: neq; se ei legatum id ætatis, hisq; rebus gestis defuturū. quod cum ab eo esset dictum: nihil est de Scipionis prouincia commutatum. nec plus extraordinarium Imperium ad id bellum quæsitum: quàm duobus antea maximis punicis bellis, quæ à consulibus, aut à Dictatoribus gesta & consummata sunt: aut quàm Pyrrhi, quàm Philippi, q̄ post Achæi co bello, q̄ Punico tertio: ad quod populus Ro. ita ipse sibi delegit idoneum ducem P. Scipionem: ut eum tamen bellum gerere Cōsulem uellet. Cum Aristonico bellum gerendum fuit L. Valerio, P. Liciano consulibus. rogatus populus quem id bellum gerere placeret: Crassus consul, Pontifex maximus Flacco collegæ Flamini Martiali mulctam dixit: si à sacris discessisset. quam mulctam populus Ro. remisit: pontifici tamen flaminem parere iussit. sed ne tum quidem populus Ro. ad priuatum detulit bellum. quanquam erat Africanus: qui antea de Numantinus triumphauerat. qui cum longe omnes belli gloria & uirtute superaret: duas tantum

GGG ij

PHILIPPICA

tribus tulit. Itaq; populus Ro. consuli potius Crasso, q̄
 privato Africano bellum gerendum dedit. De Gn. Pom
 peij imperijs summus uiri, atq; omniū principis, tribuni
 pl. turbulēti tulerunt. nam Sertorianum bellū à Senatu
 privato datum est: quia Consules recusabant: cum L.
 Philippus pro Consulibus se eum nuttere dixit, nō pro
 Consule. Quæ igitur hæc comitia? aut quam ambitio-
 nem constantissimus & grauissimus ciuis L. Cæsar in
 Senatum inroduxit? clarissimo uiro atq; innocentissi-
 mo decreuit Imperium. privato tamen. in quo maxi-
 mum nobis onus imposuit. assensero. ambitionem in-
 duxero in Curiam. negaui. suffragio meo, tanquam co-
 mitijs, homini honorem amicissimo denegaui. Quod
 si comitia placet in Senatu habere: petamus: ambiamus:
 tabula modo noua detur nobis: sicut populo data est.
 cur comitijs Cæsar? ita, ut aut præstantissimus uir, si
 tibi nō sit assensum: repulsam tulisse uideatur: aut unus-
 quisq; nostrum præteritus: si, cum pari dignitate simus:
 eodem honore digni non putemur. At enim (nam id
 ex audio) Cæsari adolescentulo imperium extraordina-
 rium mea sententia dedi. Ille enim mihi præsidium ex-
 traordinarium dederat. cum dico mihi: Senatui dico, po-
 puloq; romano. à quo Respub. præsidium ne cogitatum
 quidem tantum haberet: ut sine eo salua esse non pos-
 set: huic extraordinarium Imperium non darem? aut
 exercitus adimendus: aut imperium dandum fuit. quæ
 est enim ratio? aut qui potest fieri? ut sine Imperio te-
 neatur exercitus? non igitur quod ereptum non est: est id
 existimandū esse datum. eripuissetis C. Cæsari P. C.
 imperium: nisi dedissetis. milites ueterani, qui illius au-
 thoritatem, imperium, nomen secuti pro Repub. arma

coeperant: uolebant sibi ab illo imperari: Legio Martia, & Quarta, ita se contulerat ad auctoritatem Senatus, populiq; ro. dignitatem: ut eum deposceret Imperatorem, & ducem. Imperium Cæsari belli necessitas, fasces Senatus dedit. ocioso uero, nihil agenti, priuato, obsecro te L. Cæsar (cum peritissimo homine mihi res est) quando Imperium Senatus dedit? Sed de hoc quidem haecenus: ne refragari homini amucissimo, ac de me optime merito uidear. & si quis potest refragari non modo non petenti, uerum etiam recusanti?

Illa uero P. C. aliena consulum dignitate, aliena temporum grauitate sententia est: ut Consules Dolorbellæ persequendi causa Asiam & Syriam sortiantur. Dicam cur inutile Reipublicæ. sed prius quam turpe Consulibus sit uidete. Cū consul designatus obsideatur: in eoq; liberando salus sit posita Reipublicæ: cūq; à Rep. pestiferi ciues, parricidæq; desciuerint: cūq; id bellum geramus: quo bello de dignitate, de libertate, de uita decernamus: & si in potestatem quis Antonij uenerit: proposita sint tormenta atq; cruciatus: cūq; harū rerum omnium decertatio consulibus optimis et fortissimis commissa & commendata sit: Asiæ & Syriæ mentio fiet? ut, aut suspicioni crimen, aut inuidiæ materiam dedisse uideamur. At uero ita decernunt: ut liberato Bruto. id enim restabat, ut relicto, deserto, prodito. Ego uero mentionem prouinciarum factam dico alienissimo tempore: quamuis enim intentus animus tuus sit C. Pansa, sicut est, ad fortissimum uirū, et omnium clarissimum liberandum: tamen rerū natura cogit te necessario referre animum aliquando ad Dolorbellam persequendum: & partem aliquam in Asiā,

PHILIPPICA

Et Syriam deriuare curæ, et cogitationis tuæ. Si au-
 tem fieri posset: uel plures te animos habere uellem: quos
 omnes ad Mutinam intenderes. quod quoniam fieri non
 potest: istoc animo, quem habes præstantissimum, atque
 optimum: nihil uolumus nisi de Bruto cogitare. facis tu
 id quidem: et eo maxime incumbis: duas tamen res,
 magnas præsertim, non modo agere uno tempore, sed
 ne cogitando quidem explicare quisquam potest. incita-
 re et inflammare istud tuum præstantissimum stu-
 dium, non ad aliam ulla ex parte curam transferre
 debemus. adde istuc sermones hominum: adde suspicio-
 nes: adde inuidiam. imitare me: quem tu semper lauda-
 sti: qui instructam, ornatamq; a Senatu prouinciã de-
 posui: ut incendium patriæ omiſsa omni cogitatione
 restingerem. nemo erit, præter unum me, qui cum pro-
 fecto, si quid interesse putasses tua: pro summa familia-
 ritate nostra communicauisses: qui credat te inuito pro-
 uinciam tibi esse decretam. hanc quæso pro tua singula-
 ri sapientia reprime famam: atq; effice, ne id, quod non
 curas, cupere uideare. quod quidem uehementius eo ti-
 bi laborandum est: quia in eandem cadere suspicionem
 Collega uir clarissimus non potest. nihil horum sciri: ni-
 hil suspicatur: bellum gerit: in acie stat: de sanguine, et
 de spiritu decertat: ante prouinciã sibi decretam au-
 diet: quàm potuerit tempus ei rei datum suspicari. Ve-
 reor ne exercitus quoq; nostri, qui non delectus necessi-
 tate, sed uoluntarijs studijs se ad Remp. contulerunt: tar-
 dentur animis: si quicquam aliud nobis, nisi de in-
 stanti bello cogitatum putabunt. Quod si prouinciæ con-
 sulibus expetendæ uidetur: sicut sæpe multis clarissimis
 uiris expetitæ sunt: reddite prius nobis Brutum, lumen, et

decus Ciuitatis: qui ita conseruandus est: ut id signum,
quod caelo delapsum uestæ custodis continetur: quo sal-
uo, salui sumus futuri. hunc uel in cælum, si fieri pote-
rit, nostris humeris tollemus: provincias certe dignissi-
mas uobis deligemus. nunc quod agitur, agamus. agi-
tur autem liberi ne uiuamus: an mortem obeamus. quæ
certe seruituti anteponenda est. Quid si etiam affere
tarditatem ista sententia ad Dollobellam persequen-
dum? quando enim ueniet Consul? an id expecta-
mus, quo ne uestigium quidem Asiæ ciuitatum, atq; ur-
bium relinquatur? At mittent aliquem de suo nu-
mero. ualde mihi probari potest, qui paulo ante claris-
simo uiro priuato Imperium extra ordinem non dedi-
t. At hominem dignum mittent. num P. Seruilio digno-
rem? at eum quidem Ciuitas non habet. quod ergo
ipse nemini putat dandum, ne a' Senatu quidem: id ego
unius iudicio delatum comprobem? Expedito nobis ho-
mine, & parato P. C. opus est: & eo, qui imperium le-
gitimum habeat: qui præterea auctoritatem, nomen,
exercitum, perspectum animum in Rep. liberanda.
Quis igitur is est? aut M. Brutus, aut C. Cassius, aut
uterq;. Decernerem plane, sicut multa, consulem alte-
rum, ambos uel: ni Brutum colligassemus in Græciam:
& eius auxilium ad Italiam uergere, quàm ad Asiã
maluissimus: non ut ex ea acie auxilium haberemus:
sed ut ipsa acies subsidium haberet etiam transmari-
num. Præterea P. C. M. Brutum retinet etiam nunc
C. Antonius: qui tenet Apolloniam magnam urbem, &
grauem: tenet opinor Hellidem: tenet Amantiam: instat
Epiro: urget Oricum: habet aliquot cohortes: habet equi-
tatum. hinc si Brutus erit traductus ad aliud bellum:

PHILIPPICA

Græciam certe amiserimus. Est autem etiam de Brūdis
sto, atq; illa ora Italiæ providendum. quanquam miror
tamdiu morari Antonium. solet enim accipere ipse ma-
nitas: nec diutius obsidionis metum sustinere. quod si con-
fecerit Brutus: & intellexerit plus se Reip. profuturum,
si Dolobellam persequatur: quàm si in græcia maneat:
aget ipse per se se: ut adhuc quoq; fecit: neq; in tot in-
cendijs, cum confestim suarendum est: expectabit Se-
natum. nam & Brutus & Cassius multis iam in rebus
ipse sibi Senatus fuit. necesse est enim in tanta concursu-
tione perturbationum, rerum temporibus potius pare-
re, q̃ moribus. nec enim nunc primum aut Brutus, aut
Cassius salutē libertatemq; patriæ legē sanctissimā, et
morē optimū iudicauit. Itaq; si ad nos nihil referretur
de Dolobella persequendo: tamen ego pro decreto puta-
rem: cum essent tales uirtute, authoritate, nobilitate sum-
mū uiri: quorum alterius iam notus nobis est exercitus:
alterius auditus. Non igitur Brutus expectauit decreta
nostra: cum studia nossēt. neq; enim est in prouinciam
suam Cretam profectus: in Macedoniam alienam aduo-
lauit: omnia sua putauit: quæ uos uestra esse uelletis: le-
giones conscripsit nouas: excoepit ueteres: equitatum ad
se abduxit Dolobellæ: atq; eum nōdū tanto parriadio ob-
litum, hostem sua sententia iudicauit. nā ni ita esset: quo
iure equitatum à Consule abduceret? Quid C. Cassius
pari magnitudine animi et consilij præditus, non ne eo
ex Italia consilio profectus est: ut prohiberet Syria Do-
lobellam? qua lege? quo iure? eo, quod Iupiter ipse san-
xit: ut omnia quæ Reip. salutaria essent: legitima & ius-
ta haberentur. Est enim lex nihil aliud: nisi recta, &
à numine deorum tracta ratio, imperans honesta, pro

hibens contraria. Huic igitur legi paruit Cassius: cum est in Syriam profectus, alienam prouinciam, si homines legibus scriptis uterentur: his uero oppressis, suam lege naturæ. Sed ut ex uestra quoq; autoritate firmetur: censeo: Cum P. Dolobella, quiq; eius crudelissimi, & teterrimi facinoris ministri, socij, adiutores fuerunt: hostes populi Ro. à Senatu iudicati sint: cumq; Senatus P. Dolobellam bello persequendum censuerit: ut is, qui omnia deorum, hominumq; iura nouo, inaudito, in-expiabili scelere polluerit: nefarioq; patriæ se paricidio obstrinxerit: pœnas dijs, hominibusq; meritas, debitasq; persoluat: Senatui placere C. Cassium Proconsulem prouinciam Syriam obtinere: ut qui eam optimo iure prouinciam obtinuerit: eumq; à Q. Martio Crispo Proconsule, L. Scauro Proconsule, A. prolektio Legato exeratus accipere: eosq; ei tradere: cumq; his copijs, & si quas præterea parauerit, bello P. Dolobellâ terra mariq; psequi. eius belli gerendi causa, quibus ei uideatur, naues, nautas, pecunias, cæteraq; quæ ad bellum gerendum pertineant: ut imperandi in Syria, Asia, Bithynia, Ponto, ius potestatemq; habeat: utq; quancunq; in prouinciam eius belli gerendi causa aduenerit: ibi maius imperium C. Cassij Procons. sit: quàm eius erit: qui eam prouinciam obtinebit. Cum C. Cassius Procons. in eam prouinciam uenerit: regem Deiotarum patrem, & regem Deiotarum filium, si ut multis bellis sæpenumero imperium populi Ro. iuuerint: item C. Cassium proconsulem copijs suis opibusq; iunissent: Senatui populoq; rogratum esse facturos. Item si cæteri Reges, Tetrarchæ, Dynastæq; fecissent: S. P. q; R. eorum officij non immemorem futurum. utq; C. Pansa, A. Hirrus Consules, al

PHILIPPICA

ter, ambo'ue, si eis uideretur: Rep. recuperata, de pro-
uincys Consularibus, Prætorijs, ad hunc ordinē primo
quoq; tempore referant. interea provinciæ ab his, qui-
bus obtinentur, obtineantur: quoad cuiq; ex S. C. succeſ-
ſum ſit. Hoc ſenatus conſulto ardentem inſtāmabitis, et
armatum armabitis Caſſium. nec enim animum eius
potestis ignorare, nec copias. animus ipſe quem uidetis:
copiæ, quas audistis. fortes et constantes uiri: qui ne uiuo
qdē Trebonio Dolobellæ latrocinium in Syria penetrare
ſuiſſent. Halienus familiaris & neceſſarius meus poſt
interitum Trebonij profectus, ne dici quidem ſe Lega-
tum Dolobellæ uolet. Eſt Q. Cæſarij Baſſi priuati illius
quidem, ſed fortis, & præclari uiri robustus & uictor
exercitus. Deiotari Regis & patris & filij & magnus
et noſtro more inſtructus exercitus. ſumma in filio ſpes:
ſumma ingenij in dolens: ſummaq; uirtus. quid dicam de
patre? cuius beniuolentia in populū Ro. eſt ipſius æqualis
ætati: qui nō ſolū ſocius imperatorum noſtrorum fuit
in bellis: ſed etiam dux copiarum ſuarum. quæ de illo
uiro Sylla? quæ Murena? quæ Seruilius? quæ Lucul-
lus? quàm honorate? quàm honorifice? quàm grauiter
ſæpe in Senatu prædicauerunt? quid de Cn. Pompeio lo-
quar? qui unum Deiotarum in toto orbe terrarum ex
animo amicum uerèq; beniuolum, unum fidelem popu-
lo Ro. iudicauit. Fuimus nuper ego & M. Bibulus in
propinquis finitimisq; provincijs. ab eodem Rege adiu-
ti ſumus & equitatu, & pedestribus copijs. ſecutum eſt
hoc acerbiffimum & calamitoſiſſimum ciuile bellum.
in quo quid faciendum Deiotaro? quid omnino rectius
fuerit, dicere non eſt neceſſe: præſertim, cum contra ac
Deiotarus ſenſit, uictoria belli iudicauerit. quo in bello

si fuit error: communis ei fuit cum Senatu. sin recta sen-
 tentia: ne uicta quidem causa uituperanda est. Ad has
 copias accedent alij reges. etiam delectus accedent. neq;
 uero classes deerunt. tanti Tyrij Cassium faciunt: tanti
 eius in Syria nomen, atq; Phoenicia est. Paratum habet
 Imperatorem C. Cassium P. C. Resp. contra Dolobellā:
 nec paratum solum: sed peritum atq; fortem. magnas ille
 res gessit ante Bibuli summi uiri aduentum: cum Par-
 thorum nobilissimos duces, magnas copias fudit: Syri-
 amq; immani parthorum impetu liberauit. maximam
 eius & singularem laudem praetermitto. cuius enim
 praedicatio nondum omnibus grata est: hanc memoriae
 potius, quam uocis testimonio conseruemus. Animaduer-
 ti P. C. exornari etiam nimum a me Brutum: nimum
 Cassium ornari. Cassio uero sententia mea dominatum
 & principatum dari. Quos ego orno? nempe eos: qui
 ipsi sunt ornamenta Rei publicae. quid D. Brutum? nō ne
 omnibus sententijs semper ornaui? num igitur repre-
 henditis? an Antonios potius ornarem, non modo suarū
 familiarum, sed populi Ro. nomini probra, atq; dede-
 cora? an Censorinum ornem in bello hostem? in pace se-
 ctorem? an caetera ex eodem latrocinio naufragia collē-
 gam? Ego uero istos ocij, concordiae, legum, iudiciorum,
 libertatis inimicos tantum abest ut ornem: ut effic non
 possit, quin eos tam oderim: quam Remp. diligo. Vide
 inquit ne ueteranos offendas. hoc enim uel maxime ex-
 audio. Ego autem ueteranos tueri debeo: sed hos, quibus
 sanitas est, certe timere non debeo. eos uero ueteranos,
 qui pro Rep. arma caeperunt: secutiq; sunt C. Caesarem
 auctoritate beneficiorum paternorum: hodieq; Remp.
 defendunt cum magno periculo: non tueri solum, sed

PHILIPPICA

etiam augere commodis debeo. qui autem quiescunt: ut
VII, & VIII legio: in magna gloria & laude
ponendos puto. comites uero Antonij, qui postquam bene-
ficia Caesaris comederunt: Consulem designatum obse-
derunt: huic urbi ferro, igniq; minitantur: Saxæ se &
Caphoni tradiderunt ad facinus prædamq; natis: num
quis est qui tuendos putet? Ergo aut boni sunt: quos etiã
ornare, aut quieti: quos conseruare debemus: aut im-
pij: quorum contra furorem & bellum & iusta ar-
ma capimus. quorum igitur ueteranorum animos ne
offendamus, ueremur? eorum ne qui Brutum obsidione
cupiunt liberare? quibus cum Bruti salus chara sit:
qui possunt Cassij nomen odisse? an eorum, qui utrisq;
armis uacant? non uereor ne acerbis ciuis quis-
quam istorum sit: qui ocio delectantur. tertio ue-
ro generi non militum ueteranorum, sed importunis-
simorum hostium cupio quã acerbissimum dolorem
inurere. quanquam P. C. quousq; dicemus sententias ue-
teranorum arbitrati? quod eorum tantum fastidiũ est?
quæ tanta arrogantia? ut ad arbitrium eorum Impe-
ratorem etiam deligamus? Ego autem (dicendum est
enim P. C. quod sentio) non tam ueteranos intuendos
nobis arbitror: quã quid tyrones milites, flos Italiae,
quid nouæ legiones ad liberandum patriam paratissi-
mæ, quid cuncta Italia de uestra grauitate sentiat. nihil
enim semper floret: ætas succedit ætati: diu legiones Cæ-
saris uiguerunt: nunc uigent Pansæ: uigent Hircij: ui-
gent Cæsaris filij: uigent Planci. uincunt numero: uin-
cunt ætatibus: nimirum etiam auctoritate uincunt. id
enim bellum gerunt: quod ab omnibus gentibus proba-
tur. Itaq; his præmia promissa sunt. illis persoluta. fru-

antur illis: uel persoluantur his, quæ spondimus. id
enim deos immortales spero æquissimū indicare. Quæ
cum ita sint: eam, quam dixi sententiam, uobis P. C.
censeo comprobendam.

IN M. ANTONIVM PHILIP-
PICA DVODECIMA.
ORATIO LV.

*T*si minime decere uidetur P. C. falli,
decipi, errare eum: cui uos maximus
sæpe de rebus assentiimini: consolor me
tamen: quoniam uobiscum pariter et
una cum sapientissimo consule erraui.
nam cum duo Consulares spem honestæ pacis nobis at-
tulissent: quod erant familiares M. Antonij: quod do-
mestici: nosse aliquod eius uulnus, quod nobis ignotum
esset: uidebantur. apud alterum uxor, liberi: alter quo-
tidie literas mittere: accipere: aperte fauere Antonio.
hi subito hortari ad pacem, quod iã diu non fecissent:
non sine causa uidebantur. accessit Consul hortator. at
quis consul? si prudentiam quærimus: qui minime falli
posset: si uirtutem: qui nullâ pacem probaret, nisi Anto-
nio cederet, atq; uicto: si magnitudinem animi: qui præ-
ferret mortem seruituti. Vos autem P. C. non tam im-
memores uestrorum grauissimorum decretorum uide-
bimini: quàm spe allata deditionis, quam amica pacem
appellarent: C. Calieni de imponendis, nõ de accipiendis
legibus cogitare. auxerat autem meam quidem spem: cre-
do item uestram: quod domum Antonij afflictam mœ-
sticia audiebam: lamentari uxorem. hic etiam fauto-
res Antonij, quorum in uultu habitant oculi mei: tristho-
res uidebam. Quod si non ita est: cur a Pisone, et a
Caleno potissimum? cur hoc tempore? cur tam impro-
uiso? cur tam repente pacis est facta mentio? negat Piso
se scire: negat audisse quicquam: negat Calenus rem

nullam nouam allatam esse. atq; id nunc negant: postea
 quam nos pacificatoria legatione implicatos putat. quid
 ergo opus est nouo cōsilio? si in re nihil omnino noui est?
 decepti, decepti inquā sumus patres cōscripti: Antonij est
 acta causa ab amicis eius, non publica. quod uidebam
 equidem: sed quasi per caliginem perstrinxerat aciem
 animi Bruti salus. Quod si in bello dari uicarij sole-
 rent: libenter me, ut D. Brutus emitteretur: pro illo in-
 cludi paterer. atq; hac uoce Q. Fusij capti sumus. ne se
 a' Mutina quidem recesserit: audiemus Antonium? ne si
 in Senatus potestate futurum se dixerit? durum uideba-
 tur. itaq; fracti sumus. cessimus. recedit igitur a' Mutina?
 nescio. paret Senatui? credo inquit Calenus: sed ita ut
 teneat dignitatem. ualde uobis Hercule laborandum ē
 P. C. ut uestram dignitatem amittatis: quæ maxima
 est: Antonij, quæ neq; est ulla: neq; esse potest: retinea-
 tis: ut eā per nos recuperet: quā per se pdidit. si iacens id
 nobiscum ageret: audire fortasse. quāquā (sed hoc malo
 dicere) audire. instanti resistendū est: aut concedēda unā
 cum dignitate libertas. At non est integrum: constituta
 legatio est. Quid autem integrum non est sapienti, quod
 restitui potest? cuiusuis est hominis errare: nullius, nisi
 insipientis, perseverare in errore. posteriores enim cogi-
 tationes (ut aiunt) sapientiores solent esse. discussa est
 illa caligo, quam paulo ante dixi: diluxit: patet: uide-
 mus omnia: neq; per nos solum: sed admonemur a' no-
 stris. attendistis paulo ante præstantissimi uiri, quæ esset
 oratio. mæstam inquit domum offendi, coniugem, libe-
 ros. admirabantur boni uiri: accusabant amici: quod
 spe pacis legationem suscepissem. nec mirum P. Seruili-
 tuis enim uerissimis, grauissimisque sententijs omni est nō

PHILIPPICA

dico dignitate, sed etiam spe salutis spoliatus Antonius.
 ad eum ire te legatum quis non miraretur? de me expe-
 rior: cuius idem consilium, quod tuum, sentio quàm re-
 prehendatur. nos reprehendimur soli? quid? uir fortis-
 simus Pansa sine causa tam accurate paulo ante locu-
 tus est tamdiu? quid egit? nisi uti falsam a se su-
 spicionem depelleret? unde autem est ista suspicio? ex
 pacis patrocínio repentino: quod subito suscepit eo-
 dem captus errore, quo nos. Quod si est erratum P.
 C. spe falsa, atq; fallaci: redeamus in uiam. optimus est
 portus poenitenti mutatio consilij. quid enim per deos im-
 mortales potest Reip. prodesse nostra legatio? prodesse di-
 co? quid si etiam obfutura est? obfutura? quid si etiam
 nocuit? an uos acerrimã illã, et fortissimã populi Ro.
 libertatis recuperandæ cupiditatem, non immutatam
 ac debilitatam putatis legatione pacis audita? quid mu-
 nicipia cæsetis? quid colonias? qd cunctam Italiam? futu-
 ram eodem studio quo contra commune incendium ex-
 arserat? an non putamus fore: ut eos poeniteat profes-
 sos esse & præ se tulisse odium in Antonium: qui pecu-
 nias polliciti sunt: qui arma, qui se totos, & animis, &
 corporibus in salutem Reip. contulerunt? quemadmo-
 dum uestrum consilium hoc Capua probabit? quæ tem-
 poribus his Roma altera est. Illa impios ciues indicauit:
 eiecit: exclusit. illi, illi inquam urbi fortissimæ conanti,
 è manibus est ereptus Antonius. quid? legionum nostra-
 rum nervos non ne his consilijs incidimus? quis est eni,
 qui ad bellum inflammato animo sit futurus spe pacis
 oblata? ipsa illa Martia, cælestis, & diuina legio, hoc
 nuncio languescet: & mollietur: atq; illud pulcherri-
 mum nomen Martium amittet: exident gladij: finet
 arma de

arma de manibus. Senatum enim secuta non arbitra-
bitur se grauiore odio debere esse in Antonium, quam
Senatum. pudet huius legionis: pudet Quartæ: quæ
pari uirtute nostram auctoritatem probans, non ut Cō-
sulem, et imperatorem suū, sed ut hostem, et oppugnatorem
patriæ reliquit Antonium: pudet optimi exeratus: qui
coniunctus est ex duobus: qui iam lustratus, qui pro-
fectus ad Mutinam est: qui si pacis, id est timoris no-
stri nomen audiuerit: ut non referat pedem: insistet
certe. quis enim reuocante, et receptui canente Senatu
properet dimicare? Quid autem hoc iniustus? quàm
nos, inscientibus his, qui bellum gerunt, de pace decer-
nere? nec solum inscientibus, sed etiam inuitis? An
uos A. Hirum præclarissimum consulem, C. Cæsar-
em deorum beneficio natum ad hæc tempora, quorum
epistolas spem uictoriæ declarantes in manu teneo: pa-
cem uelle censetis? uincere illi expetunt: pacisq; dulcis-
simum et pulcherrimum nomen, non pactione, sed ui-
ctoria concupierunt. quid? Galliam quo tandem animo
hanc rem audituram putatis? illa enim huius belli pro-
pulsandi, administrandi, sustinendi, principatum tenet.
Gallia D. Bruti nutum ipsum, ne dicam imperium se-
cuta, armis, uiris, pecunia belli principia firmavit: ea-
dem crudelitati M. Antoni suum totum corpus obiecit:
exhauritur: uastatur: uritur omnis: æquo animo belli
patitur iniuriam: dummodo repellat periculum serui-
tutis. Et ut omittam reliquas partes Galliæ: nam sunt
omnes pares: P. tauini alios excluderunt: alios eiece-
runt missos ab Antonio: pecunia, militibus, et quod
maxime deerat: armis nostros duces adiungerunt. fece-
runt idem reliqui: qui quondam in eadē causa erāt:

HHH

Et propter multorum annorum iniurias alienati a
 Senatu putabantur. quos minime mirum est communi-
 cata cum his Rep. fideles esse: qui etiam expertes eius,
 fidem suam semper praestiterunt. His igitur omnibus ui-
 ctoriam sperantibus pacis nomen afferemus? id est de-
 sperationem uictoriae? Quid? si ne potest quidem ulla
 esse pax? quae enim est conditio pacis? in qua ei, cum
 quo pacem facias, nihil concedi potest? multis rebus a no-
 bis est inuitatus ad pacem Antonius. bellum tamen ma-
 luit. missi legati repugnante me: sed tamen missi: delata
 mandata non paruit. denunciatum est ne Brutum obsi-
 deret: a Mutina discederet. oppugnauit etiam uehemen-
 tius. Et ad eum legatos de pace mittimus? qui pacis nun-
 cios repudiavit? uerecundiores ne coram putamus in-
 postulando fore: quam fuerit tum cum misit mandata ad
 Senatum? Atqui cum ea petebat: quae uidebantur im-
 proba omnino, sed tamen aliquo modo posse concedi:
 nondum erat uestris tam grauius, tamq; multis
 iudicijs, ignominijsq; conatus. nunc ea petit: quae dare
 nullo modo possumus: nisi prius uolumus nos bello ui-
 ctos confiteri. Senatus consulta falsa delata ab eo iudi-
 cauimus. num ea uera possumus iudicare? leges statui-
 mus per uim, et contra auspicia latas: hisq; nec popu-
 lum, nec plebem teneri. num eas restitui posse censetis?
 Sestertium septies millies auertisse Antonium pecuniae
 publicae iudicauistis. num fraude poterit carere pecu-
 latus? immunitates ab eo, ciuitates, sacerdotia, regna ue-
 nierunt. num figentur rursus haec tabulae? quas uos decre-
 tis uestris refixistis? Quod si ea, quae decreuimus, ob-
 ruere uolumus: num etiam memoriam rerum delere
 possumus? quando eius obliuiscetur ulla posteritas? cuius

scelere in hac uestitus foeditate fuerimus? ut Centurio
 nū legionis Martiae Brundusij profusus sanguis eluatur:
 num elui praedicatio crudelitatis poterit? ut media prae-
 teream: quae uetustas tollet operum circa Mutinam te-
 rra monumenta? sceleris indicia? latrocinijq; uestigia?
 Huic igitur importuno atq; impuro parricide, quid
 habemus per deos immortales quod remittamus? An
 Galliam ultimam, & exercitum? quid est aliud quam
 non pacem facere: sed differre bellum? nec solum pro-
 rogare bellum: sed concedere etiam uictoriam? An ille
 non uicerit, quacunq; conditione in hanc urbem cum
 suis armis uenerit? Nunc omnia tenemus: auctoritate
 ualemus plurimum: absunt tot perdit ciues nefarium
 secuti ducem: tamen eorum ora, sermones, qui ex eo nu-
 mero in urbe relictī sunt, ferre non possumus. quid cen-
 setis, cum tot uno tempore irruperint? nos arma posueri-
 mus: illi non deposuerint? non ne uos uestris consilijs ui-
 ctos in perpetuum fore? Ponite ante oculos M. Antonium
 Consularem: sperantem Consulatū Lucium adiūgte:
 supplete ceteros, neq; nostri ordinis solum, honores &
 imperia meditantes: nolite ne Tyrones quidē Nummi-
 sios, et Mustellas, Saxas ue cōtemnere. cum his facta pax,
 nō erit pax, sed pactio seruitutis. L. Pisonis amplissimi
 uiri praeclara uox a te non solum in hoc ordine Pan-
 sa, sed etiam in concione iure laudata est. excessurum
 se ex Italia dixit: deos peneates & sedes patrias reli-
 cturum: si (quod dii omen auerterent) Rempub. oppres-
 sisset Antonius. Quaero igitur a te Piso: non ne oppres-
 sam Remp. putes: si tot, tam impij ciues, tam audaces,
 tam facinorosi recepti sint? quos nondum tantis par-
 ricidijs contaminatos uix ferebanus: hos nunc omni sce-

HHH ij

PHILIPPICA

lere coopertos tolerabiles censes Ciuitati fore? Aut isto tuo mihi crede consilio erit utendum: ut cædamus, abeamus: uitam inopem & uagam prosequamur: aut ceruices latronibus dandæ, atq; in patria cadendum est. ubi sunt C. Pansa illæ cohortationes pulcherrimæ tuæ? quibus à te excitatus Senatus, inflammatus populus Ro. non solum audiuit, sed etiam didicit, nihil esse homini Romano fœdius seruitute. iacirco ne saga sumpsimus? arma cœpinus? iuuentutem omnem ex tota Italia exciuiimus? ut de exercitu florentissimo, & maximo legati ad pacem mitterentur: si postulandam: quid timeamus? si accipiendam: cur non rogamur? in hac ego legatione sim? aut ad id consilium admiscear? in quo, ne si dissenserò quidem à cæteris, sciturus Populus Rosit. ita fiet, ut si quid remissum, aut concessum sit: meo semper periculo peccet Antonius: cum ei peccandi potestas à me concessa uideatur. Quod si habenda cum Antoni latrocinio, pacis ratio fuit: mea tamen persona ad istam pacem conciliandam minime fuit deligenda. ego nunquam legatos mittendos censui: ego ante legatorum reditum ausus sum dicere: pacem ipsam si afferrent: quoniam sub nomine pacis bellum lateret: repudiandam: ego princeps sagorum: ego semper illum hostem appellaui: cum alij aduersarium: semper hoc bellum: cum alij tumultum. nec hæc in Senatu solū. eadem ad populum semper egi. nec solum in ipsum, sed in eius socios, facinororum ministros, & præsentēs, & eos, qui una sunt, in totam deniq; M. Antoni domū sum semper inuectus. Itaq; ut alacres, & læti spe pacis oblata inter se impij ciues, quasi uicissent, gratulabantur: sic me iniquum eiurabant: de me querebantur. diffidebant etiam Serui=

lio: meminerant eius sententijs confixum Antonium. L. Cæsarem fortem quidem illum, & constantem Senatorem: auunculum tamen: Calenum procuratorem: Pisonem familiarem: te ipsum Pansa uchementissimum, & fortissimum Consulem, factum iam putant leniorem: nō quo ita sit: aut esse possit: sed mentio facta a te pacis suspicionem multis attulit immutatae uoluntatis. Inter has personas me interiectum amici Antonij moleste ferunt. quibus gerendus mos est: quoniam semel liberales esse coepimus. proficiantur legati optimis omnibus: sed hī proficiantur: in quibus non offendatur Antonius. Quod si de Antonio non laboratis: mihi certe P. C. consulere debetis. parate oculis saltem meis: & aliquam ueniam iusto dolori date. quo enim aspectu uidere poterō, mitto hostem patriæ, ex quo mihi odium in illum commune uobiscum est: quomodo aspiciam mihi uni crudelissimum hostem? ut declarant de me eius acerbissimæ conciones. adeo ne me ferreum putatis? ut cum eo congregi, aut illum aspicere possim? qui nuper cum in concione donaret eos: qui ei de parricidis audacissimi uidebantur: mea bona donare se dixit Petissio Vrbinati: qui ex naufragio luculenti patrimonij ad hæc Antoniana saxa proiectus est. An L. Antonium aspicere poterō? cuius ego crudelitatem effugere non potuissem: nisi me moenibus, & portis, & studio municipij mei defendissem. Atq; idem hic Myrmillo Asiaticus, latro Italiae, collega Lentonis, & Nuculae, cum Aquilæ primipilī nummos aureos daret: de meis bonis se dare dixit. si enim de suis dixisset: nec aquilam quidem ipsam credituram putauit. non ferent inquam oculi Saxam, Caphonem, non duos prætores, nō Tribunum plebis, non duos

HHH ij

PHILIPPICA

designatos Tribunos, non Bestiam, non Trebellium,
non Plancum. non possum animo æquo uidere tot, tam
importunos, tam sceleratos, hostes. nec id fit fastidio meo:
sed caritate Reipublicæ. Sed uincam animum: mihiq;
imperabo: dolorem iustissimum, si non potuero frange-
re: occultabo. quid? uitæ censetis ne P. C. habendam mihi
aliquam rationem esse? quæ mihi quidem minime ca-
ra est: præsertim cum Dolobella fecerit, ut optanda mors
esset: modo sine cruciatu atq; tormentis. uobis tamen, &
populo uilis esse spiritus meus non debet. is enim sum:
nisi forte me fallo: qui uigilijs, curis, sententijs, periculis
etiam, quæ plurima adij propter acerbissimum omni-
um in me odium impiorum: perfecim: ut non obsta-
rent Reipublicæ: ne quid arrogantius uidear dicere.
quod cum ita sit: nihil ne mihi de periculo meo cogitan-
dum putatis? hic cum in urbe essem, ac domi: tamen
multa sæpe tentata sunt: ubi me non solum amicorum
fidelitas, sed etiam uniuersæ ciuitatis oculi custodiunt.
quid censetis, cum iter ingressus ero, longum præsertim:
nullas ne insidias pertimescendas? Tres uiae sunt ad
Mutinam: quo festinat animus: ut quàm primum il-
lud pignus libertatis populi Ro. D. Brutum aspicere pos-
sim: cuius in complexu libenter extremum uitæ spiri-
tum ediderim: cum omnes actiones horum mensium,
omnes sententiæ meæ peruenerint ad eum exitum: qui
mihi fuit propositus. tres ergo ut dixi uiae: à supero
mari, Flaminia: ab infero, Aurelia: media, Cassia. Nunc
quæso attendite, num aberret a' coniectura suspicio
periculi mei. Hetruriam discriminat Cassia. scimus ne
igitur Pansa quibus nunc in locis sit Lentonis Cæsennij
septemuiralis auctoritas? nobiscum nec animo arte

est, nec corpore. si autem aut domi est: aut non longe a domo: certe in *Hetruria* est: id est in *uia*. quis igitur mihi praestat, *Lentonem* uno capite esse contentum? Dic mihi praeterca *Pansa* *Ventidius* ubi sit? cui sui semper amicus: ante quam ille *Reip.* bonisq; omnibus tam aperte est factus inimicus. Possum *Cassiam* vitare: tenere *Flaminiam*. Quid si *Anconam*, ut dicitur, *Ventidius* uenerit? potero ne *Ariminum* tuto accedere? restat *Aurelia*. hic quidem etiam praesidia habeo. possessiones enim sunt *P. Clodij*: tota familia occurret: hospitio inuitabit propter familiaritatem notissimam. Hisce ego me uis committam? qui *Terminalibus* nuper in suburbium, ut eodem die reuerterer: ire non ausus sum. domesticis me parietibus uix tucor, sine amicorum custodijs. Itaq; in urbe, si sic licebit: manebo. haec mea sedes est: haec uigilia: haec custodia: hoc praesidium statuum. teneant alij castra, regna, res bellicas: oderint hostem: nos ut dicimus, semperq; fecimus: urbem & res urbanas uobiscum pariter tuebimur. neq; uero recusato munus hoc. quanquam populum *ro.* uideo pro me recusare. nemo minus timidus: nemo cautior. res declarat. uigessimus annus est: cum omnes scelerati me unum petunt. itaq; ipsi, ne dicam mihi, *Populo Ro.* poenas dederunt: me saluum adhuc *Resp.* conseruauit sibi. Timide hoc dicam: scio enim quiduis homini accidere posse. ueruntamen semel circumfessus lectis ualentissimorum hominum uiribus cecidi scies: ut honestissime surgere possem. possum ne igitur satis uideri cautus, satis prouidus: si me huic itineri tam infesto, tamq; periculoso commiserim? gloriam in morte debent hi, qui in Republica uersantur, non culpa reprehensionem, & stulticiae uituperationem re-

HHH iij

PHILIPPICA

linquere. quis bonus non luget mortem Trebonij?
 quis non dolet interitum talis & cuius & uiri? At sunt
 qui dicant (dure illi quidem: sed tamen dicunt) minus
 dolendum: quod ab homine impuro, nefarioq; non ca-
 uerit. etenim qui multorum custodē se profiteatur: cum
 sapientes sui primum capitis aiunt custodem esse oportere.
 Cum septus sis legibus, & iudiciorum metu: non
 sunt omnia timenda: neq; ad omnes insidias praesidia
 quaerenda. quis enim audeat luci? quis in militari uia?
 quis bene comitatum? quis illustrem aggredi? haec neq;
 hoc tempore, neq; in me ualent: non modo enim poenam
 non extimescet: qui mihi uim attulerit: sed etiam glo-
 riam sperabit à latronum gregibus & praemia. haec
 ego in urbe praeuideo: facilis est circūspectus, unde exeā:
 quo progrediar: quid ad dextram, quid ad sinistram
 sit. num idem in Appēnini tramitibus potero facere?
 in quibus, etiam si non erunt insidiae: quae facillime esse
 poterunt: animus tamen erit sollicitus: ut nihil possit de
 officijs legationis attendere. sed effugi insidias: perrupi
 Appenninum. nempe in Antonij congressum, colloqui-
 umq; ueniendum est. qui nam locus capiatur? si extra ca-
 stra: ceteri uiderint: ego mortem actutum futuram puto.
 noui hominis furorem: noui effrenatam uiolētiam. cuius
 acerbitas morum, immanitasq; naturae, ne uino
 quidem permixta temperari solet: hic ira, dementiaq;
 inflammatus, adhibito fratre Lucio teterrima belua,
 nunquam profecto à me sacrilegas manus atq; impias
 abstinebit. memini colloquia, et cum acerrimis hostibus,
 & cum grauissime dissentientibus ciuibus. Cn. Pompe-
 ius Sexti filius consul me praesente, cum essem Tyro in
 eius exercitu: cum P. Vellio Scatone duce Marsorum in

ter bina castra collocatus est. quo quidem memini Sex.
Pompeium Fratrem Consulis ad colloquium ipsum
Roma uenire, doctum uirum atq; sapientem. quem Sa-
to cum salutasset: quem te appellem inquit? at ille, uo-
luntate hospitem, necessitate hostem. Erat in illo colloquio
æquitas: nullus timor, nulla suberat suspicio: mediocre
etiam odium. non enim ut eriperent nobis socij ciui-
tatem: sed ut in eam reciperentur, petebant. Sylla cum
Sapione inter Cales, & Teanum: cum alter nobilitatis
flore, alter belli socios adhibuisset: de auctoritate Sena-
tus, de suffragijs populi, & de iure ciuitatis, legis inter
se conditiones contulerunt. non tenuit omnino colloqui-
um illud fidem. a' ui tamen periculoq; absuit. Possumus
ne igitur in Antony latrocinio æque esse, ut hi? non
possumus. aut si cæteri possunt: me posse diffido. Quod
si non extra castra congregiemur: quæ ad colloquium
castra fumentur? in nostra ille nunquam ueniet. multo
minus nos in illius. reliquum est: ut & accipiant, & re-
mittantur postulata per literas. ergo erimus in castris.
mea ad omnia postulata una sententia. quam cum hic
uobis audientibus dixerò: isse & redisse me putatote. Le-
gationem conféro. omnia ad Senatum mea sententia reij-
ciam, quæcunq; postulabit Antonius. neq; enim licet ali-
ter: neque permissum est nobis ab hoc ordine, ut bellis
confectis decem legatis permitti solet more maiorum:
neq; ulla omnino a' Senatu mandata accepimus. quæ
cum agam in consilio nonnullis, ut arbitror repugnan-
tibus: non ne metuendū est: ne imperita militum mul-
titude per me pacem distineri putei? Facite hoc meum
consilium legiones novas non improbare: nam Mar-
tiam, & Quartam nihil præter dignitatem, & decus

PHILIPPICA

probaturas esse, certe scio. quid? Veteranos nō ueremur?
nam timeri se ne ipsi quidem uolunt. sed quonam modo
accipient seueritatem meam? multa enim falsa de me au-
dierunt: multa ad eos improbi detulerūt. quorū commo-
da, ut uos optimi testes estis: semper sententia, auctoritate,
oratione firmaui. sed credunt improbis: credūt turbulē-
tis: credunt suis. Sunt autem fortes illi quidem: sed pro-
pter memoriam rerum quas gesserunt pro populi Ro. li-
bertate, & dignitate: Reip. nimis feroces: et ad suā uim
omnia nostra consilia reuocantes. horum ego cogitatio-
nes non uereor: impetum pertimesco. Hæc quoq; pericu-
la tanta si effugero: satis ne tutum reditum putatis fore?
cum enim & uestra auctoritate, & meo me more de-
fendero: & meam fidem Reip. constantiamq; præste-
ro: tum erunt mihi non hi solum, qui me oderunt: sed
illi etiam, qui inuident: extimescendi. Custodiatur igitur
mea uita Reipublicæ: eaq; quoad uel dignitas, uel
natura patietur: patriæ reseruetur. mors autem necessita-
tem habeat fati: aut si ante oppetenda est: oppetatur cum
gloria. Hæc cum ita sint: & si hanc legationem Resp.
ut leuissime dicam, non desiderat: tamen si tuto licebit
ire: proficiam omnino P. cōscripti: totum huiusce rei cōsi-
lium non periculo meo, sed utilitate Reip. metiar. de qua
mihi quoniam liberū est spaciū: multum etiam, atq; etiā
considerandum puto: idq; potissimum faciendum: quod
maxime interesse Reip. iudicauero.

IN M. ANTONIVM PHILIP-

PICA DECIMATERTIA.

ORATIO. LVI.

N principio huius belli P.C. quod cum
 impijs ciuibus, sceleratisq; suscepimus:
 timui, ne conditio insidiosa pacis, liber-
 tatis recuperandæ studia restingeret.
 dulce enim nomen est pacis: res uero ip-
 sa, cum iucunda: tum salutaris. nam nec priuatos focos,
 nec publicas leges, nec libertatis iura cura habere po-
 test: quem discordiæ, quem cædes ciuium, quem bellum
 ciuile delectat: eumq; ex numero hominum eiiciendum,
 ex finibus humanæ naturæ exterminandum puto. Itaq;
 siue Sylla, siue Marius, siue uterq;, siue Octavius, siue
 Cinna, siue iterum Sylla, siue alter Marius, & Carbo,
 siue quis alius ciuile bellum optauit: eum detestabilem
 quem Reip. natum iudico. nam quid ego de proximo dē-
 cam? cuius acti defendimus: cum authorem ipsum iu-
 re cæsum fateamur? Nihil igitur hoc ciue, nihil hoc ho-
 mine tetrius: si aut ciuis, aut homo habendus est: q; ciuile
 bellum concupiscit. Sed hoc primum uidendum est P.C.
 cum omnibus ne pax esse possit: an sit aliquod bellum
 expiabile, in quo pactio pacis, lex sit seruitutis. Pacem
 cum Scipione Sylla faciebat. non erat desperandum, si
 conuenissent: fore aliquem tolerabilem statum ciuitatis.
 Cinna si concordiam cum Octauio confirmare uoluisset:
 hominum in Rep. sanitas remanere potuisset. Proxi-
 mo bello si aliquid de summa grauitate Pompeius, mul-
 tum de cupiditate Cæsar dimisisset: & pacem stabilem,

PHILIPPICA

Et aliquam Remp. nobis habere licuisset. Hoc uero
 quod est? cum Antonijs pax potest esse? cum Censorino,
 Ventidio, Trebellio, Bestia, Nucula, Numatio, Lentone,
 Saxa? exempli causa paucos nominaui: genus infinitum,
 immanitatemque ipsi cernitis reliquorum. addite illa nau-
 fragia Caesaris amicorum, Barbas, Cassios, Barbatios,
 Polliones: addite Antoni collusores, et sodales, Eutra-
 pelum, Melam, Celium, Pontium, Crasium, Tyrone,
 Mustelam, Petissium, comitatum relinquo: duces nomi-
 no. huc accedunt Alaudæ, ceterique ueterani, seminariū
 iudicum tertiæ decuriæ: qui suis rebus exhaustis, benefi-
 cijs Caesaris deuoratis, fortunas nostras concupierunt.
 O' fidam dexteram Antoni: qua ille plurimos ciues
 trucidauit. O' ratum religiosumque foedus: quod cum his
 fecerimus. hoc si Antonius uiolare conabitur: Lucij
 eum sanctitas a scelere reuocabit. Illis locus si in hac
 urbe fuerit: urbi ipsi locus non erit. Ora uobis eorum
 ponite P. C. ante oculos: et maxime Antoniorum: incessum,
 aspectum, uultum, spiritum, latera tegentes alios, sequentes
 alios, alios prægredientes amicos. quæ uim anhelitus? quas
 contumelias fore censeatis, nunasque uerborum? nisi forte
 eos pax ipsa leniet: maximeque, cum in hunc ordinem ue-
 nerint: salutabunt benigne, comiter appellabunt unum-
 quenque uestrum. non recordamini per deos immorta-
 les quas in eos sententias dixeritis? acta Antoni rescin-
 distis: leges refixistis: per uim, et contra auspicia latas
 decreuistis: totius Italiae delectum excitastis: collegam,
 et socium scelerum omnium, hostem iudicauistis. cum
 hoc quæ pax esse potest? Si esset externus hostis: tamen
 id ipsum uix talibus factis posset aliquo modo. sed si ma-
 ria, montes, regionum magnitudines interessent: odisses

eum: quem non uideres. hi in oculis hærebunt: & cum
licebit in fauibus. quibus enim septis tam immanes bel-
luas cõtinebimus? At incertus exitus belli est. Est omnino
fortium uirorum, quales uos esse debetis: uirtute præ-
stare tantum, ut possint fortune culpam non extimesce-
re. sed quoniam ab hoc ordine non fortitudo solum, ue-
rum etiam sapientia postulatur: quanquam uidentur
hæc non posse seiungi: seiungamus tamen. fortitudo di-
micare iubet: iustum odium incendit: ad confligendum
impellit: uocat ad periculum. quid sapientia? cautiore
bus utitur consilijs: in posterum prouidet: est omni ratio-
ne protectior. quid igitur censet? parendum est enim:
atq; id optimum iudicandum: quod sit sapientissime con-
stitutum. si hoc præcipit: ne quid uita existimẽ antiquius:
ne decernã capitis periculo: fugiã omne discrimen: quæ-
ram ex ea, etiam ne fuerit, cum id fecero: seruiendũ. si
annuerit: nã ego istam sapientiam, quãuis sit erudita,
non audiam. sin responderit, tu uero ita uitam, corpusq;
seruato: ita fortunas, ita rem familiare: ut hæc postero-
ra libertate ducas: atq; his uti uelis, si liberare Remp.
possis: nec pro his libertatem, sed pro libertate hæc pro-
icias, tanquam pignora iniuriæ: tum sapientiæ uocem
audire uidear: siq; ut deo paream. Itaq; si receptis illis,
possumus esse liberi: uincamus odium: paceq; potiamur.
sin liber uiuis his, incolumibusq; esse nullus potest: læte-
mur decertandi oblatam esse fortunam. aut enim illis in-
terfectis fruemur uictrice Republica: aut oppressa, quod
omen auertat Iupiter: si nõ spiritu, at uirtutis laude uiue-
mus. At enim nos M. Lepidus imperator, Pontifex Ma-
ximus optime proximo civili bello de Rep. meritis ad pa-
cem adhortatur. Nullius apud me P. C. auctoritas ma-

PHILIPPICA

tor est, quam M. Lepidi: uel propter ipsius uirtutem, uel propter familie dignitatem. accedunt eodem multa priuata, magna eius in me merita: ac mea quaedam officia in illum. maximum uero eius beneficium numero: quod hoc animo in Remp. est: quæ mihi uita mea semper fuit carior. Nam, cum Magnum Pompeium clarissimum adolescentem præstantissimæ uiri filium auctoritate adduxit ad pacem: remq; publicam sine armis maximo ciuili belli periculo liberauit: tum me eius beneficio plusquam pro uirili parte obligatum puto. Itaq; ei & honores decreui, quos potui amplissimos: in quibus uos mihi estis assensi: nec unquam de illo & sperare optime, & loqui desisti. magnus & multis pignoribus M. Lepidum Resp. obligatum tenet. summa nobilitas est hominis: honores, amplissimum sacerdotium, plurima urbis ornamenta, ipsius, fratris, maiorumq; monumenta, probatissima uxor, optatissimi liberi, res familiaris cum ampla, tum casta à cruore ciuili. nemo ab eo ciuis uiolatus: multi beneficio & misericordia liberati. talis igitur uir & ciuis opinione labi potest: uoluntate à Rep. dissidere nullo pacto potest. pacem uult M. Lepidus. præclare: si talem potest efficere: qualem nuper effecit. qua pace, Cn. Pompeij filium Respub. aspiciet: suoq; sinu complexuq; recipiet: neque solum illum, sed cum illo se ipsam sibi restitutam putabit. Hæc causa fuit, cur decerneretis statuam in Rostris cum inscriptione præclara: cur absenti triumphum. quanquam enim magnas res bellicas gesserat, & triumpho dignas: non erat tamen ei tribuendum: quod nec L. Emilio, nec Emyliano Scipioni, nec superiori Africano, nec Mario, nec Pompeio, qui maiora bella gesserunt.

sed quod silentio civile bellum confecerat: primum ut
licuit, honores in eum maximos contulisti. existimas
ne igitur M. Lepide qualem Pompeium Resp. habitura
sit quem, tales futuros Antonios? in altero pudor, gra-
uitas, moderatio, integritas. in illis (et cum hos compel-
lo, prætercoillius ex grege latrocinij neminem) libidi-
nes, scelera, ad omne facinus immanis audacia. Deinde
obsecro uos P. C. quis hoc uestrum non uidet: quod for-
tuna ipsa, quæ dicitur cæca, uidit? saluis enim actis Cæ-
saris, quæ concordie causa defendimus: Pompeio sua do-
mus patebit: eamque, non minoris, quam eruit Antoni-
us, redimet. redimet inquam Cn. Pompeij domum fi-
lius. O' rem acerbam. sed hæc satis diu multumque de-
flecta sunt. decreuisti tantam pecuniam Pompeio: quan-
tam ex bonis patris in prædæ dissipatione inimicus
uictor redegressus. sed hanc mihi dissipationem pro pa-
terna necessitudine et coniunctione depono. redimet hor-
tor, ædes, urbana quedam, quæ possidet Antonius. nam
argentum, uestem, supellectilem uniuersam amittet
æquo animo: quæ ille helluo dissipauit. Albanum,
Firmanum, a' Dolobella recuperabit. etiam ab Anto-
nio Thusculanum. hi quoque, qui nunc Mutinam oppugnât:
D. Brutum obsident: de Falerno Anseres depellantur.
sunt alij plures fortasse. sed mea memoria dilabuntur.
ego etiam eos dico, qui hostium numero non sunt: Pom-
peianas possessiones, quanti emerint, filio reddituros.
satis inconsiderati fuit, ne dicam audacis, rem ul-
lam ex illis attingere. retinere uero quis poterit, cla-
rissimo domino restituto? An is non reddet? qui domini
patrimonium circumplexus, quasi thesaurum draco,
Pompeij seruus, libertus Cæsaris, agri Lucani pos-

PHILIPPICA

sessiones occupauit? Atque illud septies millies quod adolescenti P. C. spondidistis: ita describite: ut uideatur a uobis Cn. Pompeij filius in patrimonio suo collocatus. Hac Senatus. reliqua populus Ro. in ea familia, quam uidit amplissimam: prosequetur. in primis paternum Auguratus locum: in quo ego eum, ut quod a patre accepti filio reddam: mea nominatione cooptabo. uirum igitur augurem iouis optimi maximi, cuius interpretes internuncijque constituti sumus: utrum populus Ro. libentius sanciet? Pompeium, an Antonium? mihi quidem nunc deorum immortalium uidetur hoc fortuna uoluisse: ut actis Caesaris firmis, ac ratis, Cn. Pompeij filius posset et dignitatem et fortunas patrias recuperare. ac ne illud quidem silentio P. C. praetermittendum puto: quod clarissimi uiri legati L. Paulus, Q. Thermus, C. Fannius, quorum habetis cognitam uoluntatem in rempublicam, eamque perpetuam, atque constantem, nuntiant: se Pompeij conueniendi causa diuertisse Massiliam: eumque cognouisse paratissimo animo: ut cum suis copiis iret ad Mutinam: ne ueretur ueteranorum animos offendere. Est uero eius patris filius: qui sapienter faciebat non minus multa, quam fortiter. Itaque intelligitis et animum ei praesto fuisse: nec consilium defuisse. Atque etiam hoc M. Lepido providendum est: ne quid arrogantius, quam mores eius ferunt, facere uideatur. Si enim nos exercitu terret: non meminit illum exercitum Senatus populi que romani, atque uniuersae Reip. esse: non suum. At uti potest pro suo. quid tum? omnia ne uiris bonis, quae facere possunt: facienda sunt? etiam si turpia, si perniciosa erunt: si facere omnino non licebit? Quid autem turpius, aut foedius? aut quod minus deceat? quam contra Senatum, contra

natum, contra Cives, contra patriam exercitum ducere?
quid uero magis uituperandum? quam id facere, quod
non liceat? licet autem nemini contra patriam ducere
exercitum. siquidem licere id dicimus: quod legibus,
quod more maiorum, institutisq; conceditur. Neq; enim
quod quisq; potest: id ei licet: nec, si non obstat: propte-
rea etiam permittitur. tibi enim exercitum Lepide, tan-
quam maioribus tuis patria pro se dedit. hoc tu arcebis
hostem: fines Imperij propagabis: Senatui populoq; Ro-
parebis: si quam ad aliam rem te forte iraduxerit.
hæc si cogitas M. Lepide: M. Lepidi Pontificis Maxi-
mi fueris pronepos. sin hominibus tantum licere indi-
cas: quantum possunt: uide ne alienis exemplis, hisq; re-
centibus uti, quam antiquis & domesticis malle uidea-
re. Quod si auctoritatem interponis, sine armis: magis
quidem laudo. sed uide ne hoc ipsum non sit necesse.
quanquam enim est tanta in te auctoritas: quanta de-
bet in homine nobilissimo: tamen Senatus se ipse non
contemnit. nec uero fuit unquam grauior, constantior,
fortior. incensi omnes rapimur ad libertatem recupe-
randam: non potest ullius auctoritate tantus Sena-
tus populiq; Ro. ardor extinguere: odimus: irati pugna-
mus: extorqueri de manibus arma non possunt: receptui
signum, aut reuocationem a bello audire non possu-
mus: speramus optima: pati uel difficillima malumus,
quam seruire. Caesar confecit inuictum exercitum: duo
fortissimi Cōsules adsunt cum copijs: L. Planci Cons. de-
signati uaria, & magna auxilia non desunt: de D.
Bruti salute certatur. unus furiosus gladiator cum teter-
rimorum latronum manu, contra patriam, contra de-
os penates, contra aras, & focos, contra quatuor Consu-

PHILIPPICA

les gerit bellum. huic cædamus? huius conditiones audiamus? cum hoc pacem fieri posse credamus? At periculum est ne opprimamur. non metuo, ne is qui suis amplissimis fortunis, nisi nobis salus, frui non potest: prodat salutem suam. bonos ciues primum natura effiat: adiuvat deinde fortuna. omnibus enim bonis expedit saluam esse Rempublicam. sed in his, qui fortunati sunt, magis id apparet. quis fortunatior Lepido, ut ante dixi? quis eodem sanior? uidit eius mœsticiam, atq; lachrymas populus Ro. Lupercalibus: uidit quàm abiectus esset, quàm confectus: cum Cæsari diadema imponens Antonius, seruum se illius, quàm Collegam esse malebat. qui si reliquis flagitijs, & sceleribus abstinere potuisset: tamen unum ob hoc factum dignum illum omni pœna putarem. nam si ipse seruire poterat: nobis dominum cur imponebat? & si eius puericia pertulerat libidines eorum: qui erant in eum Tyrrani: etiam ne in nostros liberos dominum, & Tyrannum comparabat? itaq; illo interfecto, qualem eum in nos esse uoluit: talis ipse in cæteros extitit. qua enim in barbaria quisquam tam teter, tam crudelis Tyrannus? quàm in hac urbe armis barbarorum stipatus Antonius? Cæsare dominante ueniebamus in Senatum, si non libere, at tamen tuto. hoc archipirata, quid enim dicam Tyranno? hæc subsellia ab Ithyreis occupabatur. prorupit subito Brundisium: ut inde agmine quadrato ad urbem accederet: lautissimum oppidum, nunc municipium, honestissimorum quondam colonorum Succam, fortissimorum militum sanguine impleuit: Brundisij in sinu non modo auarissimæ, sed etiam crudelissimæ uxoris delectos Martiæ legionis Centuriones trucidauit. inde se

quo furore, quo ardore, ad urbem, idest ad cædem opti-
mæ cuiusq; rapiebat? quo tempore dî ipsi immortales
præsidium improuisum, nec opinantibus nobis obtule-
runt. Cæsaris enim incredibilis ac diuina uirtus latro-
nis impetus crudeles ac furibundos retardauit. quē ta-
men ille demens lædere se putabat edictis: ignorās quæ
cunq; falso diceret in sanctissimum adolescentem, ea ue-
re recidere in memoriam pueritiæ suæ. ingressus urbē
est, quo comitatu, uel potius agmine? cum dextra, sini-
stra, gemente populo Ro-minaretur domunis: notaret do-
mos: diuisurum se urbem palàm suis polliceretur. redijt
ad milites: ibi pestifera illa Tyburi concio. inde ad ur-
bem cursus: Senatus in Capitolium: parata de circumscri-
bendo adolescente sententia Consularis: cum repente
(nam Martiam legionem Albæ confedissee sciebat) af-
fertur ei de Quarta nuncius. quo percussus abiecit con-
siliū referendi ad Senatum de Cæsare: egressus est
non uis, sed tramitibus paludatus: eodemq; die ipso
innumerabilia S. C. fecit. quæ quidem omnia citius
lecta, quàm scripta sunt. Ex eo non iter, sed cursus, &
fuga in Galliam. Cæsarem seq; arbitrabatur cū legione
Martia, cum Quarta, cum ueteranis: quorum ille no-
men præ metu ferre non poterat. eiq; in Galliam pe-
netranti, D. se Brutus obiecit. qui se totius belli flucti-
bus circumiri: quàm illum aut egredi, aut progredi
maluit: Mutinamq; illi exultanti, tanquam frenos fu-
roris inicat. quam cum operibus munitionibusq; sepsis-
set: nec eum florentissimæ Colonæ dignitas, neq; Cons.
designati maiestas a parricidio deterreret: tum me, te-
stor & uos, & populū romanū, & omnes deos, q; huic
urbi præsident: inuito, & repugnante, Legati missi

PHILIPPICA

tres Consulares ad latronem M. Antonium gladiatorum
ducem. Quis tam barbarus unquam? tam immanis?
tam ferus? non audiuit: non respondit: neque eos solum
praesentes, sed multo magis nos, a quibus illi erant mis-
si, spreuit: et pro nihilo putavit. postea quod scelus, quod
facinus parricida non edidit? circumfedit colonos uestros,
exercitum populi romani, Imperatorem, Cons. designa-
tum: a gros diuexat Ciuium optimorum: hostis teterri-
mus omnibus bonis cruces ac tormenta minitatur. Cum
hoc M. Lepide pax esse quae potest? cuius ne supplicio quod
dem ullo faciri uidetur posse populus romanus. Quod
si quis adhuc dubitare potuit: quin nulla societas huic or-
dini populoque Ro. cum illa importunissima bellua possit
esse: desinat profecto dubitare, his cognitis literis: quas mi-
hi missas ab Hircio Cons. modo accepi. Eas dum reci-
to: dumque de singulis sententijs breuiter disputo P. C. ut
adhuc fecistis, me attente audiatis. ANTONIUS
HIRCIO ET CAESARI. neque se Impe-
ratorem, neque Hircium consulem, nec propr. Caesarem.
satis quidem haec scite. deponere alienum nomen ipse ma-
luit: quam illis suum reddere. COGNITA MOR-
TE C. TREBONII, NON PLUS GA-
VISVS SVM: QUAM DOLVI. Videte
quid se gauisum, quid se doluisse dicat: facilius de pace de-
liberabitis. DEDISSE POENAS SCELERA-
TVM CINERI ATQVAE OSSIBVS CLA-
RISSIMI VIRI: ET APPARVISSE NV-
MEN DEORVM INTRA FINEM ANNI
VERTENTIS, AVT IAM SOLVTO SV-
PLICIO PARRICIDAE, AVT IMPEN-
DENTE, LAETANDVM EST. O' spartace,

quem enim te potius appellem? cuius propter nefanda scelera tolerabilis fuisse uidetur Catilina: letandum esse ausus es scribere Trebonium dedisse poenas? sceleratum Trebonium? quo scelere? nisi quod te Idibus Mar. a debita tibi peste seduxit? age hoc letaris. uideamus, qd moleste feras. HOSTEM IUDICATVM HOC TEMPORE DOLOBELLAM, EO QVOD SICARIVM OCCIDERIT: ET VIDERI CARIOREM POPVLO RO. FILIVM SCVRRAE, QVAM C. CAESAREM PATRIAE PARENTEM: INGEMISCENDVM EST. Quid ingemiscis hostem Dolobellam iudicatum? quid? te non intelligis delectu tota Italia habito, Consulibus missis, Caesare ornato, sagis deniq; sumptis, hostem iudicatum? quid est autem scelerate quod gemas hostem Dolobellam iudicatum a Senatu? quem tu ordinem omnino esse nullum putas. sed eam tibi causam belli gerendi proponis: ut Senatum funditus deleas: reliqui boni, & locupletes omnes summum ordinem subsequantur. at scurræ filium appellat: quasi uero ignotus nobis fuerit splendidus Eques Ro. Trebonij pater. Is autem humilitatem despiciere audet cuiusquam? qui ex eadem sustulerit liberos ACERBISSIMUM VERO EST, TE A. HIRCI ORNATVM ESSE BENEFICIIS CAESARIS: ET TALEM AB EO RELICTVM: QVALEM IPSE MIRARIS. Equidem negare non possum a Caesare Hircum ornatum. sed illa ornamenta in uirtute, & industria posita lucent. tu uero qui te ab eodem Caesare ornatum negare non potes: qd esses? si tibi ille non tam multa tribuisset? ecquo te tua

PHILIPPICA

uirtus prouexisset? ecquo genus? in lustris, popinis, alea,
uino, tempus ætatis omne consumpsisses: ut faciebas:
cum in gremijs mumarū, mentē mentumq; deponeres.
ET TE O' PVER, puerum appellat, quē non mo-
do uirum, sed etiam fortissimum uirum sentit: &
sentiet. est istud quidem nomen ætatis: sed ab eo mini-
me usurpandum: qui suam amentiam huic præbet ad
gloriam. QUI OMNIA EIVS NOMINI
DEBES: debet uero: soluitq; præclare. si enim ille
patriæ pater est: ut tu appellas: ego quid sentiam, uide-
ro: cur non hic parens uerior? a quo certe uitam ha-
bemus è tuis facinorissimis manibus ereptam? ID
AGERE: VT IVRE DAMNATVS SIT
DOLOBELLA? Turpem uero actionem: qua de-
fenditur amplissimi auctoritas ordinis contra crude-
lissimi gladiatoris amentiam. ET VT VENE-
FICVS HAC LIBERETVR OBSIDIO-
NE: ueneficum audes appellare eum uirum: qui tuis
ueneficis remedia inuenit? quem ita obsides noue An-
nibal, aut si quis acutior imperator fuit: ut te ipse ob-
sideas: neq; istinc, si cupias, possis explicare. recesseris.
undiq; omnes insequentur. manseris. hærebis. nimirum
recte ueneficum appellas: a quo tibi præsentem pestem
uides comparatam. VT QUAM POTENTIS-
SIMVS SIT CASSIVS, ATQVE BRVTVS.
putes Censorinum dicere, aut Vētidium, aut etiam ipsos
Antonios. cur autem nolim potentes esse non modo opti-
mos, & nobilissimos uiros, sed secum etiam in Reip.
defensione coniunctos? NIMIRVM EODEM MO-
DO HAEC ASPICITIS: VT PRIORA.
QV AE TANDEM CASTRA POMPEII

SENATVM APPELLATIS? An uero tua
 castra potius Senatum appellaremus? in quibus tu es
 uidelicet Consularis: cuius totus Consulatus est ex omni
 monumentorum memoria reuulsus: duo praetores si-
 ne causa diffisi se aliquid habituros: nos enim Caesaris
 beneficia defendimus: Praetorij Philadelphus Annius, et
 innocens Caius: Aedilitij Coricius laterum, et uocis
 meae Bestia, et fidei patronus, fraudator creditorum
 Trebellius, et homo diruptus dirutusq; Q. Celi-
 us, columenq; amicorum Antonij, Cotula Varius: quos
 Antonius deliciarum causa loris in conuiuio caedi iube-
 bat, a suis publice: Septemuirales Lento, Nucula, tum
 deliciae atq; amores populi romani L. Antonius: tribuni-
 rij primum duo designati, T. Hostilius, qui suo iure in
 porta nomen inscripsit: qui cum prodere Imperatorem
 suum non potuisset: reliquit. alter est designatus, Vi-
 sei-
 seius nescio quis, fortis ut aiunt latro: quem tamen tem-
 perantem fuisse ferunt Isauri balneatorem. sequuntur
 alij tribunitij, C. Plancus imprimis: qui si Senatum di-
 lexisset: nunquam Curiam incendisset. quo scelere da-
 mnatus, in eam urbem redijt armis, a qua excesserat le-
 gibus. sed hoc ei commune cum plurimis dissimilli-
 mus. illud tamen uerum, quod in hoc Planco prouer-
 bii loco dici solet, perire eum non posse: nisi ei cura
 fracta essent. fracta sunt: et uiuit. hoc tamen, ut alia
 multa, Aquilae fertur acceptum. est etiam ibi Decius ab
 illis ut opinor maioribus Decijs. itaq; Caesaris mune-
 re Deciorum quidem multo intervallo per hunc prae-
 clarum uirum memoria renouata est. Saxam uero De-
 cadium praeterire qui possum, hominem deductum ex
 ultimis gentibus? ut eum tribunum Pl. uideremus: quē

PHILIPPICA

* ciuem nunquam uideramus. Est quidem alter Soteranus. omnes tamen tantam habent similitudinem inter se: ut in eorum prænominibus errem. Nec uero Exitius Philadelphi frater Quæstor prætermittendus est: ne si de clarissimo adolescente siluero: inuidisse uidear Antonio. Est etiam Asinius quidam Senator uoluntarius, lectus ipse à se. apertam curiam uidit post Cæsaris mortem. mutauit calceos: pater conscriptus repente factus est. Non noui Sex. Albedium: sed tamen neminem tam maledicum offendi: qui illum negaret dignum Antonij Senatu. Arbitror me aliquos præterisse. de his tamen qui occurrebant: tacere non potui. Hoc igitur fretus Senatu, Pompeianum Senatum despiciat: in quo decem fuimus Consulares: qui si omnes uiuerent: bellum omnino hoc non fuisset: authoritati cessisset audacia. sed quantum præsidij fuerit in cæteris, hinc intelligi potest: quod ego unus relictus è multis, contudi, & fregi adiuuantibus uobis, exultantis prædonis audaciâ. Quod si fortuna nobis modo non eripuisset Ser. Sulpitium, eiusq; Collegam A. Marcellum, quos ciues? quos uiros? si duos Consules amicissimos patriæ simul ex Italia eiectiones, si L. Afranium summum ducem, si P. Lentulum ciuem cum in cæteris rebus, tum in salute mea singularem, si Bibulum, cuius est in Remp. merito semper laudata constantia: si L. Domitium præstantissimum ciuem, si Appium Claudium pari nobilitate, & uoluntate præditum, si P. Scipionem clarissimum uirum, maiorumq; suorum simillimum Respub. tenere potuisset: certe his consularibus non esset Pompeianus despiciendus Senatus. utrum igitur æquius, utrum melius Reip. fuit? Cn. Pompeium, an sectorem Cn. Pompeij uiuere

Antonium? qui uero Prætorij? quorum princeps M. Cato: idemq; omnium gentium uirtute princeps. quid reliquos præclarissimos uiros commemorem? nostis omnes. magis uereor ne longum me in enumerando, quàm ne ingratum in prætereundo putetis. qui Aedilitij? qui Tribunitij? qui Quæstorij? quid multa? talis senatorum & dignitas & multitudo fuit: ut magna excusatione opus his sit: qui illa in castra non uenerunt. Nunc reliqua attendite. VICTVM CICERO NEM DVCEM HABVISTIS. Eo libentius ducem audio: quod certe ille dicit inuitus. nam de uicto nihil laboro. fatum enim meum est sine Rep. nec uinci posse: nec uincere. MACEDONIAM MVNITIS EXERCITIBVS: & quidem fratri tuo, q̃ à uobis nihil degenerat: extorsimus. AFRICAM COMMISISTIS VARO BIS CAPTO: hic cum C. fratre putat se litigare. IN SYRIAM CASSIVM MISISTIS: Non igitur sentis huic causæ orbem terre parere? te extra munitiones tuas, uestigium ubi imprimas, non habere? CASCAM TRIBVNATVM GERERE PASSI ESTIS? quid ergo? ut M. Arullum, ut Cæsarem etiam, à Rep. remoueremus eum: per quem ut neq; idē hoc post hac, neq; multa huiusmodi accidere possent: consecuti sumus? VECTIGALIA IVLIANA LUPERCIS ADEMISTIS: Luperconum mentionem facere audet? neq; illius dici memoriam perhorrescit: quo ausus est obrutus uino, unguētis oblitus, nudus, gementem populum Ro. ad seruitutem cohortari? VETERANORVM COLONIAS DEDVCTAS LEGE, SENATVS

PHILIPPICA

CONSULTO SVSTVLISTIS: Nos sustulimus? an contra legem comitijs Centuriatis latam sanximus? uide ne tu veteranos, tamen eos, qui erant perdit, perdideris: in eumq; locum deduxeris: ex quo iam ipsi sentiunt se unquam exituros. MASSILIENSIBVS IVRA BELLI ADEMPTRA REDDITVROS VOS POLLICEMINI: Nihil disputo de iure belli. magis facilis disputatio est, quam necessaria. illud tamen aduertite P. C. quam sit huic Reip. natus hostis Antonius: qui tantopere eam ciuitatem oderit: quam scit huic Reipub. semper fuisse amicissimam. NEMINEM POMPEIANVM, QVI VIVAT: TENERE LEGE HIRCIA DIGNITATES: Qui quasi iam legis Hirciae mentionem facit? cuius non minus arbitror latorem ipsum, quam eos, de quibus lata est: poenitere. omnino quidem mea sententia legem illam appellare fas non est: & ut sit lex: non debemus illam Hircij legem putare. APVLEIANA PECVNIA BRVTVM SVBORNASTIS: Quid si omnibus suis copijs excellentem uirum Resp. armasset? quem tandem bonum poeniteret? nec enim sine pecunia exercitum alere, nec sine exercitu fratrem tuum capere potuisset. SECVRI PERCVSSOS PETVM ET MENEDEMVM CIVITATE DONATOS ET HOSPITES CAESARIS LAUDASTIS: Non laudamus, quod ne audiuimus quidem. ualde enim nobis in tanta perturbatione Reipub. de duobus nequissimis graculis cogitandum fuit? THEOPOMPVM NVDVM EXPVLSVM A TREBONIO

CONFUGERE ALEXANDRIAM NE-
GLEXISTIS: *Magnum crimen Senatus. de Theo-
pompo summo homine negleximus: qui ubi terrarum
sit: quid agat: uiuat deniq; an mortuus sit: quis aut scit?
aut curat?* SER. GALBAM EODEM PV-
GIONE SVCCINCTVM IN CA-
STRIS VIDETIS: Nihil tibi de Galba respon-
debo fortissimo & constantissimo Ciue: coram aderit:
presens tibi ipse, & ille quem insimulas, Pugio respon-
debit. MILITES AVT MEOS, AVT
VETERANOS CONTRAXISTIS,
TANQVAM AD EXITIVM EO-
RVN, QVI CAESAREM OCCIDE-
RANT: ET EOSDEM NEC OPI-
NANTES AD QVAESTORIS SVI,
AVT IMPERATORIS, AVT COM-
MILITONVM SVORVM PERI-
CVLA IMPVLISTIS: scilicet uerba dedi-
mus: decepimus: ignorabat legio Martia, Quar-
ta: nesciebant ueterani quid ageretur. non illi Senatus
authoritatem, an libertatem populi Ro. sequantur? Cæ-
saris ulasci mortem uolebant? quam omnes fatalem
fuisse arbitrabantur. te uidelicet saluum, beatum, flo-
rentem esse cupiebant? O' miser cum re, tum hoc ipso
quod non sentis quàm miser sis. Sed maximum cri-
men audite. DENIQUE QUID NON AVT
PROBAVISTIS? AVT FECISTIS?
QVID FACIAT? SI REVIVISCAT,
quis? credo enim asferet aliquod scelerati homi-
nis exemplum CN. POMPEIUS IPSE:
homo turpis, siquidem imitaturi sumus. AVT.

PHILIPPICA

FILIVS EIVS, SI DOMI POSSIT,
poterit, mihi crede. nam paucis diebus & in domum,
& in hortos paternos immigrabit. POSTREMO
 NEGATIS PACEM POSSE FIERI:
 NISI AVT EMISERO BRVTVM:
 AVT FRVMENTO IVVERO. Alij istuc,
negant. ego uero, ne si ista quidē feceris: unquam tecum
pacem huic civitati futuram puto. QVID? HOC
 PLACET NE VETERANIS ISTIS?
 QVIBVS ADHVC OMNIA INTEGRA
 SVNT. *nihil uidi tam integrum: quā ut oppu-*
gnare Imperatorem incipiant: quem tanto studio con-
sensuq; defenderint. QVONIAM VOS AS=
 SENTATIONIBVS, ET VENENATIS
 MVNERIBVS VENISTIS: *deprauati aut*
corrupti sunt: quibus persuasum sit foedissimum hostem
iustissimo bello persequi. AT MILITIBVS IN=
 CLVSIS OPEM FERTIS. NIHIL MO=
 ROR EOS SALVOS ESSE: ET IRE QVO=
 LVBET: SI TAMEN PATIVNTVR
 PERIRE EVM: QVI MERVIT. *quā be-*
nigne denique usi liberalitate Antonij milites Impera-
torem reliquerunt: & se ad hostem metu perterriti con-
tulerunt: per quos si non stetisset: non Dolobella prius
Imperatori suo, quā Antonius etiam Collegae paren-
tasset. CONCORDIAE FACTAM ESSE
 MENTIONEM SCRIBITIS IN SENA=
 TV: ET LEGATOS ESSE CONSV=
 LARES QVINQVE. DIFFICILE EST
 CREDERE, EOS, QVI ME PRAECI=
 PITEM EGERINT, AEQVISSIMAS

CONDITIONES FERENTEM, ET TAMEN EX HIS ALIQUID REMITTE
 RE COGITANTEM: PVTARE ALI-
 QUID MODERATE AVT HVMA-
 NĒ ESSE FACTVROS. VIX ETIAM
 VERISIMILE EST: QVI IVDICAVE
 RINT DOLOBELLAM HOSTEM OB
 RECTISSIMVM FACINVS: EOSDEM
 NOBIS PARCERE POSSE IDEM
 SENTIENTIBVS. *Parum ne uidetur omniū
 facinorum sibi cum Dolobella societatem initam confi-
 teri: nonne cernitis ex uno fonte omnia scelera ma-
 nare: ipse denique fatetur, hoc quidem satis acute, non
 posse eos, qui hostem Dolobellam iudicauerint ob re-
 ctissimum facinus: ita enim uidetur Antonio: sibi par-
 cere idem sentiēti. quid huic facias? qui hæc literis me-
 moriæq; mandarit: ita sibi conuenisse cum Dolobella:
 ut ille Trebonium, & si posset etiam Brutum, Cassiū,
 discruciatos necaret: eademq; inhiheret supplicia nobis.
 conseruandus Ciuis cum tam pio, iustoq; fœdere. Is
 etiam queritur conditiones suas repudiatas, æquas qui-
 dem et uerecundas: ut haberet Galliā ultimam aptis-
 simam ad bellum renouandum, instruendumq; pro-
 uinciam: ut Alaudæ in tertia Decuria iudicaret: idest
 ut perfugium scelerum essent cum turpissimis Reip-
 sordibus: ut acta sua rata essent: cuius nullum rema-
 net Consulatus uestigium. cauebat etiam L. Antonio:
 qui fuerat æquissimus agri privati & publica decem-
 pedator Nucula, & Lentone Collega. QV AMOB-
 REM VOS POTIVS ANIMADVERTI-
 TE, VTRVM SIT ELEGANTIVS, ET*

PHILIPPICA

PARTIBVS VTILIVS: TREBONII
 MORTEM PERSEQUI, AN CAESA
 RIS: ET VTRVM SIT AEQVIVS,
 CONCVRRERE NOS: QVO FACILI-
 VS REVIVISCAT POMPEIANORVM
 CAVSA, TOTIENS IUGVLATA:
 AN CONSENTIRE: NE LVDIBRIO
 SIMVS INIMICIS. Si esset iugulata: nun-
 quam exurgeret: quod tibi, tuisq; contingat. utrum in-
 quit elegantius. atq; hoc bello de elegantiā quæritur.
 Et partibus utilius. partes furiose dicuntur in foro, in
 curia. bellum contra patriam nefarium suscepisti: op-
 pugnas Mutinam: circumsedes Cons. designatum: bellū
 contra te duo Cons. gerunt: cumq; his propr. Caesar:
 cuncta contra te Italia armata est. istas tu partes po-
 tiusquam populi Ro. defensionem uocas? Potius ne Tre-
 bonij mortem: quā Caesaris persequamur? Trebonij
 satis persecuti sumus: hoste iudicato Dolobella. Caesaris
 mors facillime defenditur obliuione et silentio. sed ui-
 dete quid moliat. cum mortem Caesaris ulascentiam
 putat: mortem proponit non his solum, qui illam rem
 gesserunt: sed his etiam, si qui non moleste tulerunt.
 QVIBVS VTRI NOSTRVM CECIDE-
 RINT: LVCRO FUTVRVM EST.
 QVOD SPECTACVLVM ADHVC
 IPSA FORTVNA VITAVIT: NE
 VIDERET VNIVS CORPORIS DVAS
 ACIES LANISTA CICERONE DI-
 MICANTES: QVI VSQVE EO FELIX
 EST: VTE ISDEM ORNAMENTIS
 DECEPERIT VOS: QVIBVS DE-

CEPTUM CAESAREM GLORIA-
TV SEST. pergit in mea maledicta. quasi uero
ei pulcherrime priora processerint: quem ego iniustum
uerissimis maledictorum notis tradam hominum me-
morie sempiternae. Ego Lanista? equidem non insipi-
ens. deteriores enim iugulare cupio: meliores uincere.
Viri ceciderint scribit lucro nobis futurum. o' prae-
clarum lucrum: quo te uictore, quod diu omen auer-
tant: beata mors eorum futura sit: qui e uita excesserint
sine tormentis. A' me deceptos ait, eisdem ornamenti
Hircium, & Caesarem. quod quaeso adhuc a' me est tri-
butum Hircio ornamentum? nam Caesari plurima, &
maiora debentur. deceptum autem patrem a' me Caesa-
rem dicere audes? tu inquam illum occidisti Luperca-
libus: cuius homo in gratissime flamina cur reliquisti?
Sed iam uidete magni & clari uiri admirabilem
grauitatem atq; constantiam. MIHI QUIDEM
CONSTAT: NEC MEAM QUIDEM
CONTVMELIAM, NEC MEORVM
FERRE: NEC DESERERE PARTES
QVAS POMPEIVS ODIT: NEC VE-
TERANOS SEDIBVS SVIS MOVE-
RI PATI: NEC SINGVLOS AD
CRVCIATVM TRAHI: NEC FALLE-
RE FIDEM, QVAM DEDI DOLOBEL-
LAE: omitto alia: fidem Dolobellae sanctissimi uiri de-
serere homo pius non potest. quam fidem? an optimae
cuiusq; sedes, urbis, & Italiae partitiones, sententias da-
darum diripiendarumq; prouinciarum? nam qd erat
aliud: quod inter Antoniũ et Dolobellã impurissimos
parricidas foedere, ac fide sanciretur? NEC LEPI-

PHILIPPICA

DI SOCIETATEM VIOLARE PIIS-
SIMI HOMINIS: Tibi cum Lepido societas? aut
cum ullo, non dicam bono Ciue, sicut ille est: sed homi-
ne sano. Id agis: ut lepidum aut impium, aut insanum
existimari uelis. Nihil agis. quanquam affirmare de ali
quo difficile est: de Lepido praesertim: quem ego metu-
am nunquam: bene sperabo dum licebit. reuocare te a
furore Lepidus uoluit: non adiutor esse dementiae. tu por-
ro ne pios quidem, sed pessimos quaeris: et quod uer-
bum omnino nullum in lingua latina est: id propter
tuam diuinam pietatem nouum inducis. NEC PLAN-
CVM PRODERE PARTICIPEM CON-
SILIORVM. Plancum participem? cuius memorabi-
lis ac diuina uirtus lucem affert Reipublicae. nisi forte
subsidio tibi uenire arbitraris cum fortissimis legioni-
bus, magno equitatu, peditatuq; Gallorum? quiq; nisi
ante aduentum eius Reip. poenas dederis: ille huius belli
feret principatum. quanquam enim prima praesidia uti-
liora Reip. sint: tamen extrema sunt gratiora. Sed iam
se colligit: et ad extremum incipit philosophari. SI
ME RECTIS SENSIBVS EVNTEM DII
IMMORTALES, VT SPERO, ADIVVE-
RINT, VIVAM LIBENTER. SIN AV-
TEM ALIVD ME FATVM MANET:
PRAECIPIO GAUDIA SVPPPLICIO-
RV M VESTRORVM. NAM SI VICTI
POMPEIANI TAM INSOLENTES:
VICTORES QVALES FVTVRI SINT,
VOS POTIVS EXPERIEMINI. Praeci-
pias licet gaudia: non enim tibi cum Pompeianis sed
cum uniuerſa Rep. bellum est. omnes te dii, homines, sum-
mi, medij,

eni, mediū, infimū, ciues, peregrinū, uiri, mulieres, liberi, serui oderunt. sensimus hoc nuper falso nuncio: uero propediē sentiēmus. quæ si tecum ipse recolis: æquiore animo et maiore consolatione moriere. DENIQUE SUMMA IUDICII MEI SPECTAT HVC: VT MEORVM INIURIAS FERRE POSSIM: SI AVT OBLIVISCI VELINT IPSI FECISSE: AVT VLCISCI PARATI SVNT VNA NOBISCVM CAESARIS MORTEM. Hac Antoniū sententia cognita, dubitaturos ne A. Hircaum, C. Pansa con- sules putatis: quin ad Antonium transcant. Brutum obsideant. Mutinam expugnare cupiant. Quid de Pansa & Hircaio loquar. Caesar singulari pietate adolescens, poterit ne se tenere? quin D. Bruti sanguine pœnas patrias persequatur? Itaq; fecerunt uti his literis lectis ad munitiones propius accederent. Quo maior adolescens Caesar maiore deorum immortalium beneficio Reip. natus est: qui nulla specie paterni nominis, nec pietate, unquam abductus est. intelligit maximam pietatem conseruatione patriæ contineri. quod si partiū certamen esset: quarum omnino nomen extinctum est: Antonius ne potius, & Ventidius partes Caesaris defenderent? quàm Caesar adolescens summa pietate, & memoria parentis sui? deinde Pansa, et Hircius? qui quasi cornua duo tenuerūt Caesaris: tum cum illæ uere partes uocabantur. hæ uero quæ sunt partes? cum alteris Senatus authoritas, populi Ro. libertas, Reip. salus proposita sit: alteris cædes bonorum, Urbis, Italiæq; partitio. Venianus aliquando ad clausulam. LEGATOS VENIRE NON CREDO. bene me nouit.

KKK

PHILIPPICA

BELLVM QVO VENIAT . proposito præ-
 fertim exemplo Dolobellæ, sanctiores erunt credo iure
 Legati: quàm duo consules: contra quos arma feri: quã
 Cæsar: cuius patris Flamen est: quàm Cons. designatus:
 quem oppugnat: quàm Mutina: quam obsidet: q̃ patria:
 cui igni ferroq; minuitur. CVM VENERINT:
 QV AE POSTVLANT, COGNOSCAM.
 Quin tu abis in malam pestem, malumq; cruciatum.
 ad te quisquam ueniat nisi ventidij similis? oriens incen-
 dium qui restinguerent: summos uiros nisi minus repu-
 diasti. nunc in tantam flammam tamq; inueteratam
 mittamus? cum locum tibi relictum non modo ad pa-
 cem, sed ne ad deditiōem q̃dem feceris. Hanc ego epi-
 stolam P. C. non quo illum dignum putarem: recitavi:
 sed ut confessionibus ipsius omnia patefacta eius parri-
 dia uideretis. Cum hoc pacem M. Lepidus uir ornatiss-
 simus omnibus & fortunæ, & uirtutis bonis, si hæc ui-
 deret: deniq; aut uellet: aut fieri posse arbitraretur? pri-
 us undas flammamq; ut ait Poeta nescio quis: prius de-
 niq; omnia: quàm aut cum Antonijs Resp. aut cum Re-
 pub. Antoni redeant in gratiam. Monstra quædam
 sunt ista, & portenta, & prodigia Reipublicæ. moueri
 sedibus huic urbi melius est: atq; in alias, si fieri possit:
 terras demigrare: unde Antoniorum nec facta, nec no-
 men audiat: quàm illos Cæsaris uirtute eiectos, Bruti re-
 tentos, intra hæc mœnia uidere. Optatissimum est uince-
 re. secundum est nullum casum pro dignitate, & liber-
 tate patriæ non ferendum putare. quod reliquum est,
 non est tertium, sed postremum omnium. maximam tur-
 pitudinem si scîpere uitæ cupiditate. Quæ cum ita sint:
 de mandatis literisq; M. Lepidi uiri clarissimi, Scruiilio

assentior: & hoc amplius censeo: Magnum Pompeium
 Cn. F. pro patris, maiorumq; suorum animo, studioq;
 in Remp. suaq; pristina uirtute, industria, uoluntate, fe-
 cisse: quod suam eorumq;, quos secum haberet: operam
 Senatus populoq; ro. pollicatus esset: eamq; rem, S. P. q;
 R. gratam acceptamq; esse: eiq; honori dignitatiq; eam
 rem fore. Hoc uel coniungi cum hoc senatus consulto li-
 cet: uel seiuungi potest: separatimq; perscribi: ut proprio
 Senatus consulto Pompeius collaudatus esse uideatur.

IN M. ANTONIVM PHILIP-
PICA DECIMAQVARTA.

ORATIO LVII.

I, ut ex literis, quæ recitatae sunt P.C.
sceleratorum hostium exercitum cæsum
fissumq; cognoui: sic id, quod et omnes
maxime optamus: et ex ea uictoria,
quæ parta est: consecutum arbitramur:

D. Brutum egressum iam Mutina esse si cognovissem:
propter cuius periculum ad sagam issemus: propter eiusdē
salutem redeundum ad pristinum uestitum sine ulla du-
bitatione censerem. ante uero quā ea res, quam au-
dissime ciuitas expectat: allata sit: leticiæ risus satis est
maximæ præclarissimæq; pugnae: reditum ad uestitum
confectæ uictoriæ reservate. confectio autem huius belli
est D. Bruti salus. Quæ autem est ista sententia? ut in
hodiernum diem uestitus mutetur? deinde cras sagati
prodeamus? nos uero cum semel ad eum, quē cupimus,
optamusq; uestitum redierimus: id agamus, ut eum in
perpetuum retineamus. nam hoc quidem cum turpe
est: tum ne dijs quidem immortalibus gratum: ab eo-
rundem aris, ad quas togati adierimus: ad sagam sumen-
da discedere. Atq; animaduerto P.C. quosdam huic fa-
uere sententiæ: quorum ea mens, idq; consilium est: ut
cum uideant illum gloriosissimum D. Bruto futurum
diem: quo die propter eius salutem redierimus ad ue-
stitum: hūc tantum ei fructum eripere cupiant: ne memo-
riæ posteritatiq; prodatur, propter unius cuius periculū
populum Ro. ad sagam iuisse: propter eiusdem salutem re-

disse ad togas. tollite hanc: nullam tam prauæ sententiæ causam reperiatis. Vos uero P. C. conseruate authoritatem uestram: manete in sententiâ: tenete uestra memoria quod sepe ostendistis: huius totius belli in unius uiri fortissimi & maximi uita positum esse discrimen. ad D. Brutum liberandum Legati missi principes ciuitatis: qui illi hosti ac parricidæ denunciarent, ut à Mutina discederet: eiusdem D. Bruti conseruandi gratia cōsules sortiti: ad bellū profectus A. Hircius: cuius imbecillitatem ualitudinis animi uirtus & spes uictoriæ confirmauit: Cæsar, cum exercitu comparato à primis pestibus Remp. liberasset: nequid postea sceleris oriretur, profectus est ad eundem Brutum liberandum: uiciq; dolorem aliquem domesticum patriæ caritate. quid C. Pansa egit aliud delectibus habendis, pecunijs comparandis, senatus consultis faciendis grauissimis in Antonium, nobis cohortandis, populo Ro. ad causam libertatis uocando, nisi ut D. Brutum liberaret? à quo populus Ro. frequens ita salutem D. Bruti una uoce depoposcit: ut eam non solum commodis suis, sed etiam necessitati uictus anteferreret. quod sperare nos quidem debemus P. C. aut mihi esse: aut iam esse confectum: & spei fructum rei conuenit, & euentui reseruari: ne aut deorum immortalium beneficium festinatione præripuisse, aut uim fortunæ stulticia contempsisse uideamur. Sed quoniam significatio uestra satis declarat, quid de hac re sentiatis: ad literas ueniam: quæ sunt à Consule & à propretore missæ: si pauca ante, quæ ad ipsas literas pertineāt, dixero. Imbuti sanguine gladij P. C. legionum, exercituumq; nostrorum, uel madefacti potius duorum consulum, tertio Cæsaris præsidio. si hostiū

PHILIPPICA

fuit ille sanguis: summa militum pietas. nefarium scelus
 si cuium. quousq; igitur is, qui omnes hostes scelere si pe-
 ravit: nomine hostis carebit? nisi mucrones etiam no-
 strorum militum tremere uultis: & dubitare utrum
 in aue, an in hoste figantur. Supplicationem decernitis:
 hostem non appellatis. gratæ uero nostræ dijs immor-
 talibus gratulationes erunt: gratæ uictimæ: cum inter-
 fecta sit cuium multitudo? de improbis inquit & au-
 dacibus. nam sic eos appellat clarissimus uir. quæ sunt
 urbanarum maledicta litium non iniusta. euelli, inter-
 * nekti nota. testamenta credo subiiciunt: aut eijciunt ui-
 cinos: aut adolescentulos circumscribunt. his enim uicijs
 affectos, & talibus, malos & audaces appellare con-
 suetudo solet. bellum inexpressibile inferi quatuor consu-
 libus unus omnium latronum teterrimus: gerit idem
 bellum cum Senatu populoq; romano: omnibus, quan-
 quam ruit ipse suis cladibus: pestem, uastitatem, crucia-
 tum, tormenta denunciat: Dolobellæ ferum et immane
 facinus, quod nulla barbaries posset ignoscere: id deo-
 rum consilio factum esse testatur: quæq; esset facturus
 in hac urbe, nisi eum hinc ipse Iupiter ab his mœni-
 bus repulisset: declarauit in Parmensiū calamitate, quos
 optimos uiros, honestissimosq; homines maxime cum au-
 thoritate huius ordinis, populiq; Ro. dignitate coniun-
 ctos, crudelissime interfecit: præludium illud, & por-
 tentum L. Antonius, insigne odium omnium homi-
 num, uel, si etiam dij oderint, quos oportet: omnium
 deorū. refugit animus P. C. eaq; formidat dicere: quæ
 L. Antonius in Parmensium liberis, et coniugibus effe-
 rit. quas enim turpitudines Antoni libenter cum dede-
 core subierunt: easdem per uim lætantur alijs se inta-

lisse. Sed uis calamitosa est: quam illis intulerunt: libi-
do flagitiosa: qua Antoniorum oblita est uita. Est igitur
quisquam qui hostes appellare non audeat: quorum sce-
lere crudelitatem constat Carthaginensium uictam esse?
qua enim in urbe tam immanis Annibal capta? q̄ in
parma surrepta Antonius? nisi forte huius Coloniae, &
cæterarum, in quas eodem est animo: non est hostis pu-
tandus. Si uero coloniarū et municipiorū sine ulla dubi-
tatione hostis est: qd tandem huius censetis urbis? quam
ille ad expiandas egestates latrocinij sui concupiuit: q̄
iam peritus metator & callidus decempeda sua Saxa
diuiserat. Recordamini per deos immortales P.C. quid
hoc biduo timuerimus, a domesticis hostibus, idest qui in
tra mœnia hostes sunt, rumoribus improbissimis dissi-
patis. quis liberos, quis coniugem aspicere poterat sine
fletu? quis domum? quis tecta? quis larem familiarem?
Iam aut fœdissimam mortem omnes, aut miserabilem
fugam cogitabant. hæc a quibus timebantur: eos hostes
appellare dubitamus? grauius si quis attulerit nomen:
libenter assentiar: hoc uulgari contentus uix sum: leuior
re non utar. Itaq; cum supplicationes iustissimas ex his
literis, quæ recitatae sunt: discernere debeamus: serui-
liusq; decreuerit: augebo omnino numerū dierum. præ-
sertim cum non uni, sed tribus ducibus sint discernen-
de. Sed hoc primum faciam: ut imperatores appellem
eos: quorum uirtute, & consilij felicitate maximis peri-
culis seruitutis, atq; interitus liberati sumus. Etenim cui
uiginti his annis supplicatio decreta est: ut non Impera-
tor appellaretur: aut minimis rebus gestis, aut plerunq;
nullis? Quamobrem aut supplicatio ab eo, qui ante di-
xit, discernenda non fuit; aut usitatus honos, per uulgat-

PHILIPPICA

tusq; tribuendus his, quibus etiam noui & singulares debentur. At si quis Hispanorum, aut Gallorum, aut Thracum mille, aut duo milia occidisset: nō eum hac cōsuetudine, quæ increbuit: imperatorem appellaret senatus. tot legionibus cæsis, tanta multitudine hostium interfecta (dico inquam hostium: quamuis hoc isti hostes domesticæ nolint) clarissimus ducibus supplicationis honorem tribuimus? Imperatorum nomen adimemus? quanto enim honore, læticia, gratulatione in hoc templum ingredi debent illi ipsi huius urbis liberatores: cum hesternō die propter eorum res gestas me ouantem & propè triumphantem populus Ro. in Capitolium domo tulerit? domum inde reduxerit? Is demum est mea quidem sententia iustus triūphus, ac uerus: cum bene de Rep. meritis testimonium à consensu ciuitatis datur. nam siue in communi gaudio populi romani uni gratulabantur: magnum iudicium: siue gratias agebant: eo maius: siue utrunq; nihil magnificentius excogitari potest. tu igitur de te, dixerit quispiam. & quidem inuitus. sed iniuriæ dolore aio me præter consuetudinem gloriosum. non ne satis est ab hominibus uirtutis ignarus gratiam bene merentibus non referri? etiā ne eos, qui omnes suas curas in Reip. salute desigunt? Scitis enim per hos dies creberrinum fuisse sermonem: me per Idus quintiles, qui dies hodie est: cum fascibus descensurum. aliquem ne
 * Imperatorem habituri erimus? crimen inuidia quaeretur? Credo hoc in gladiatorem, aut latronem, aut Catilinam esse consultum: non in eum, qui ne quid tale in Rep. fieri possit: effecerit. an ut ego qui Catilinam hæc molientem sustulerim: euerterim: afflixi: ipse extiterim repente Catilina? quibus auspicijs istos fascēs

augur acciperem? quatenus haberem? cui traderem?
 quanquam opinor nec fuisse tam sceleratum: qui hoc
 fingeret: nec tam furiosum qui crederet. unde igitur ista
 suspicio? uel potius iste sermo? cum, ut scitis, hoc triduo
 uel quatrinduo tristes à Mutina fama manaret: inflati læ-
 ticia atq; insolentia impij ciues unum se in locum, ad
 illam Curiam uiribus potius suis, quàm Reip. infeli-
 cem, congregabant. ibi cum consilium inirent de cæde
 nostra: partirenturq; inter se, qui Capitolium, qui ho-
 stia, qui Urbis portas occuparent: ad me concursum fie-
 turum Ciuitatis putabant. quod, ut inuidia mea fie-
 ret, & cum uitæ etiam periculo: famam istam fasciũ
 dissipauerunt: fascēs ipsi ad me delaturi fuerunt. quod
 cum esset quasi mea uoluntate factum: tum impetus con-
 ductorum hominum, quasi in Tyrannum parabatur.
 ex quo cædes esset uestrum omnium consecuta. Quo-
 res patefeat P. conscripti: quod suo tempore totiusq; hu-
 ius sceleris fons aperietur. Itaq; P. Apuleius Tribunus
 pl. meorum omnium consiliorum periculorumq; iam
 inde à consulatu meo testis, conscius, & adiutor, do-
 lorem ferre non potuit. doloris mei concionem habuit
 maximam populo Ro. unum atq; idem sentiente. In qua
 concione cum me pro summa, nostra coniunctione & fa-
 miliaritate liberare suspicione fascium uellet: una uoce
 cuncta concio declarauit: nihil esse à me unquam de
 Rep. nisi optime cogitatum. Post hanc habitam concio-
 nem duabus tribusue horis optatissim nuncij & lit-
 teræ uenerunt: ut idem dies non modo me iniquissima
 inuidia liberaret: sed etiam celeberrima populi Ro. gra-
 tulatione auxerit. Hæc interposui P. C. non tam ut
 pro me dixim (male enim mecum ageretur: si parum

PHILIPPICA

uobis essem sine defensione purgatus) quam ut quosdam
nimis ieiuno animo, & angusto monerem: id quod ego
semper fecissem: uti excellentium Cuium uirtutem imita-
tione dignam, non inuidia putarent. Magnus est in
Rep. campus: ut sapienter dicere solebat Crassus: mul-
tis apertus cursus ad laudem. utinam quidem illi prin-
cipes uiuerent: qui me post meum consulatum, cum his ip-
se cederem: principem non inuiti uidebant. hoc uero
tempore in tanta inopia constantium, & fortium con-
sularium, quo me dolore affici creditis? cum alios male
sentire, alios nihil omnino curare uideam: alios parum
constanter in suscepta causa permanere: sententiamq;
suam non semper utilitate Reip. sed cum spe, tum timo-
re moderari. Quod si quis de contentione principatus
laborat: quæ nulla esse debet: stultissime facit, si uicij
cum uirtute contendit. ut enim cursu cursus, sic in uiris
fortibus uirtus uirtute superatur. tu si ego de Repub. op-
time sentiam: ut me uincas: ipse pessime senties? aut se
ad me bonorum concursus fieri uidebis: ad te impro-
bos inuitabis? nollem, primum Reip. causa: deinde etiã
dignitatis tuæ. sed si principatus ageretur: quem nunquã
expetui: quid tandem mihi esset optatius? ego enim malus
sententijs uinci non possum: bonis forsitan possum, & li-
beter. Hæc populum Ro. uidere: animaduvertere: iudica-
re: quidam moleste ferunt. poterat ne fieri, ut non perim-
de homines quoq; ut quisq; mereretur iudicarent? ut
enim de uniuerso Senatu populus Ro. uerissime iudicauit
nullis Reip. temporibus hunc ordinem firmiorem, atq;
fortiorem fuisse: sic de unoquoq; nostrum, & maxima
qui hoc loco sententias dicimus: sciscitantur omnes: auent
audire quid quisq; senserit: ita de unoquoq; ut quencq;

meritum arbitrantur: existimant. memoria tenent, me ante diem XIII Cal. Ian. principem reuocandæ libertatis fuisse: me ex Cal. Ian. ad hanc horam uigilasse Reipublicæ: meam domum, measq; aures dies et noctes omnium præceptis monitisq; patuisse: meis literis, meis nuncijs, meisq; cohortationibus omnes, qui ubiq; essent: ad patriæ præsidium excitatos: meis sententijs a Cal. Ian. nunquam legatos ad Antonium: semper illum hostem: semper hoc bellum: ut ego, qui omni tempore ueræ pacis author fuisssem: huic essem nomini pestiferæ pacis inimicus. Idem Vetidum, cum alij tribuni Pl. uoluissent: num ego semper hostem? In has sententias meas si consules designati discessionem facere uoluissent: omnibus istis laironibus auctoritate ipsa Senatus iam pridem de manibus arma cecidissent. Sed quod tum non licuit P. conscripti: id hoc tempore non solum licet: uerum etiam necesse est: eos, qui re sunt hostes: uerbis notari: sententijs nostris hostes iudicari. antea cum hostem aut bellum nominaissem: semel, et sepius, sententiam meam de numero sententiarum sustulerunt. quod in hac causa iam fieri non potest. ex literis enim C. Pansa, A. Hirij consulũ, C. Cæsaris propratoris, de honore dijs immortalibus habendo sententias diximus. supplicationem modo qui decreuit: idem imprudens hostes iudicauit. nunquam enim in Ciuili bello supplicatio decreta est. decretam dico: ne uictoris quidem literis postulata est. Ciuile bellum Consul Sylla gessit: legionibus in urbem adductis quos uoluit expulit: quos potuit, occidit: supplicationis mentio nulla. graue bellum Octauij infectum est: supplicatio Cinnae nulla uictoris. Cinnae uictoriæ Imperator ultus est Sylla. nulla supplicatio de-

PHILIPPICA

ereta a' Senatu. ad te ipsum P. Seruiliū misit ullas Col-
lega literas de illa calamitosa pugna pharsaliæ? num
te de supplicatione uoluit referre? profecto noluit. at mi-
sit postea de Alexandria, de Pharnace: Pharsalica uero
pugnæ ne triumphū quidem egit. eos enim ciues pugna
illa sustulerat: quibus non modo uictoribus, sed etiam ui-
uis, & incolumis, & florens Ciuitas esse posset. quod
idē contigerat superioribus bellis Ciuilibus. nam mihi
Consuli supplicatio nullis armis sumptis, non ob cædem
hostium, sed ob conseruationem ciuium, nouo, & inau-
dito genere decreta est. Quamobrem aut supplicatio ob
rempub. pulcherrime gestam postulantibus uestris Im-
peratoribus publice deneganda est: quod præter Gabi-
nium contigit nemini: aut supplicatione decreta, hostes
eos, de quibus decernitis, iudicetis necesse est. quod ergo il-
li re, ego etiam uerbo: cum imperatores eos appello. hoc
ipso nomine qui etiam deuicti sunt, & eos qui super-
sunt, hostes iudico: cum uictores appello Imperatores.
Quomodo enim potius Pansa appellem? & si habet
honoris nomen amplissimū? quo Hircum? est ille qui-
dem consul: sed alterū nomen beneficij est populi roma-
ni: alterū uirtutis atq; uictoriæ. quid Cæsarem deorum
beneficio Reip. procreatum: dubitem ne appellare Impe-
ratorē? qui primus Antonij immanem & fœdam cru-
delitatem non solum a' iugulis nostris, sed etiā a' mem-
bris, & uisceribus auertit. Vnius autem diei quot &
quantæ uirtutes dij immortales fuerunt? Princeps enim
omnium Pansa prælij faciendi, & cum Antonio confli-
gendi fuit: dignus Imperator legione Martia: digna le-
gio Imperatore. cuius si acerrimum impetum cohibere
Pansa potuisset: uno prælio confecta res esset. Sed cum li-

bertatis auida legio effrenatus in aciem hostium irru-
pisset: ipseq; in primis p̄sa pugnaret: duobus periculo-
sis vulneribus acceptis sublatus è praelio Reip. uitam re-
seruauit. Ego uero hunc non solum Imperatorem, sed
etiam clarissimum Imperatorem iudico: qui cum aus
morte, aut uictoria se satis facturum Reip. spondif-
set: alterum fecit: alterius dij immortales omen auer-
tant. Quid dicam de Hircio? qui re audita è castris du-
as legiones eduxit incredibili studio atq; uirtute, quar-
tam illā, quæ relicto Antonio se olim cum Martia legio-
ne coniunxit: Et septimam, quæ constituta ex ueteranis
docuit hoc praelio militibus, his qui Cæsaris beneficia
seruassent, Senatus Populiq; Ro. carum nomen esse. his
uiginti cohortibus nullo equitatu Hircius ipse aquilam
quartæ legionis cum inferret: quam ullius puchriorem
speciem Imperatoris accepimus? cum tribus Antonij le-
gionibus equitatuq; conflixit: hostesq; nefarios, huic Ioui
Maximo, cæterisq; deorum immortalium templis, ur-
bis tectis, libertati populi romani, nostræ uitæ, sanguiniq;
imminentes prostrauit: fudit: occidit: ut cum admodum
paucis nocte tectus metu perterritus princeps latronum,
duxq; fugerit. O' solem ipsum beatissimum: qui anteq̃
se abderet, stratis cadaueribus parricidarum, cum pau-
cis fugientem uidit Antonium. An uero quisquam du-
bitabit appellare Cæsarem Imperatorem? ætas eius
certe ab hac sententia neminem deterrebit: quandoqui-
dem uirtute superauit ætatem. Ac mihi semper eo ma-
iora beneficia Cæsaris uisa sunt: quo minus erant ab
ætate illa postulanda. cui cum Imperium dabamus:
eodem tempore et spem eius nominis deferebamus: quod
cum est sectus auctoritatem nostri decreti, rebus gestis

PHILIPPICA

suis comprobauit. Hic ergo adolescens maximū animū, uē
 uerissime scribit Hircus, castra multarum legionū paucis
 cohortibus tutatus est: secundumq; praeliū fecit. Ita triū
 Imperatorum populi Ro. uirtute, consilio, felicitate,
 uno die locis pluribus Resp. est conseruata. de cerno igitur
 eorum trium nomine L. dierū supplicationes. quas
 ut honorificentissimis uerbis ipse consequi potero: com-
 plectar ipsa sententia. Est autem fidei pietatisq; no-
 strae, declarare fortissimis militibus, q̄ memores simus:
 quanq; grati. quamobrem promissa nostra, atq; ea, quae
 legionibus bello confecto tributuros nos spopondimus:
 hodierno Senatus consulto renouanda censeo. æquum
 est enim militum, talium praesertim, honorem coniungi.
 Atq; utinam P. C. ciuibus omnibus soluere nobis prae-
 mia liceret. quanquam ea, quae nos promissimus, stu-
 diose, quāquam multa, reddemus. sed id quidem restat,
 ut spero, uictoribus: quibus Senatus fides praestatur: quā
 cum difficillimo Reip. tempore secuti sunt: eos nunquam
 oportebit consilij sui poenitere. sed facile est bene agere
 cum his: a quibus etiam tacentibus flagitari uideamur.
 illud admirabilius, & maius, maximeq; proprium Se-
 natus sapientis est: grata eorū uirtutē memoria prosequi:
 qui pro patria uitam profuderunt. quorum de hono-
 re utinam mihi plura in mentem uenirent. duo certe nō
 praeteribo: quae maxime occurrunt. quorum alterum per-
 tinet ad uirorum fortissimorum gloriam sempiternam.
 alterum ad leniendum mœrorem, & luctum proximo-
 rum. Placet igitur mihi P. C. legionis Martiae militibus,
 & eis, qui una pugnantes occiderunt: monumentum fie-
 ri quā amplissimum. magna atq; incredibilia sunt in
 Remp. huius merita legionis. haec se prima latrocinio

abrupit Antonij: hæc tenuit Albam: hæc se ad Cæsare
contulit: hanc inmutata quarta legio parem uirtutis glo-
riam consecuta est. quarta uictrix desiderat neminem.
ex Martia nonnulli in ipsa uictoria conciderunt. O' for-
tunata mors: quæ naturæ debita pro patria est potissi-
mum reddita. Vos uero patriæ natos iudico: quorum
etiam nomen à Marte est: ut idem deus Urbem hanc
gentibus, uos huic urbi genuisse uideatur. In fuga fœda
mors: in uictoria gloriosa. etenim mars ipse ex acie fortis-
simum quæq; pignerari solet. Illi igitur impij, quos ce-
cidistis, etiam ad inferos pœnas parriidij luent. uos ue-
ro, qui extremum spiritum in uictoria effudistis: piorum
estis sedem, & locum consecuti. breuis autem uobis uita
data est: at memoria bene reddita uitæ sempiterna. quæ
si non esset longior, quàm hæc uita: quis esse tam amens?
qui maximus l. boribus & periculis ad summam lau-
dem gloriâq; contenderet? actû igitur præclare uobi-
scum fortissimè dum uixistis, nunc uero etiam sanctissi-
mi milites: quod uestra uirtus nec obliuione eorum qui
sunt, nec reticētia posterorum insepulta esse poterit: cū
uobis immortale monumentū suis penè manibus Sena-
tus populusq; R. extruxerit. multi sepe exeratus Puni-
cis, Gallis, Italicis bellis clari, et magnificerūt: nec tamē
ullis tale genus honoris tributū est. atq; utinam maiora
possemus: quandoquidem à uobis maxima accepimus.
uos ab Urbe furem Antonium auertistis: uos redire
molientem repulistis. erit igitur extructa moles opere
magnifico: inciseq; literæ diuinæ uirtutis testes sempi-
ternæ: nunquamq; de uobis eorum, qui aut uidebunt ue-
strum monumentum, aut audient, gratissimus sermo
conticescet. ita pro mortali conditione uitæ, immortalit-

PHILIPPICA

tatem estis consecuti. Sed quoniam P.C. gloria munus optimis & fortissimis Civibus monumenti honore persoluitur: consolemur eorum proximos: quibus optima est hæc quidem consolatio: parentibus, quod tanta Reip. præsidia genuerunt: liberis, quod habebunt domestica exempla uirtutis: coniugibus, quod his uiris carebunt: quos laudare, quàm lugere præstabit: fratribus, quod in se, ut corporum, sic uirtutum similitudinem esse confident. Atq; utinam his omnibus abstergere fletum sententis nostris, consultisq; possemus: uel aliqua talis his adhiberi publice posset oratio: qua deponerent moerorem, atq; luctum: gauderēq; potius, cum multa et uaria impenderent hominibus genera mortis: id genus, quod est pulcherrimum: suis obtigisse: eosq; nec inhumatos eē: nec desertos: quod tamen ipsum pro patria non miserā dum putatur: nec dispersis bustis humuli sepultura crematos. sed coniectos publicis operibus, atq; muneribus, eaq; extruptione, quæ sit ad memoriam æternitatis ara uirtutis. Quamobrem quidem maximum solatium erit propinquorū, eodem monumento declarari et uirtutem suorum, & ætatem, & Senatus fidem, & crudelissimi memoriam belli. in quo nisi tanta militum uirtus extitisset: parriado M. Antonij nomen populi Ro. occidisset. Atq; etiam censeo P. C. quæ præmia militibus promissimus nos Rep. recuperata tributuros: ea uiuis uictoribusq; cumulate, cum tempus uenerit, persoluenda. qui autem ex his, quibus illa promissa sunt: pro patria occiderunt: eorum parentibus, liberis, coniugibus, fratribus, tribuenda censeo. Sed ut aliquando sententia complectar: ita censeo. Cum C. Pansa Cons. Imp. initium cum hostibus conflicendi fecerit: quo prælio legio Martia admirabili,

tia admirabili, incredibiliq; uirtute libertatem populū Ro. defenderit: quod idem legiones tyronum fecerint: ipseq; C. Pansa Cons. Imp. cum inter media hostium tela uersaretur: uulnera acceperit: cumq; A. Hircus Cōs. Imp. praelio audito, & cognito, fortissimo, præstantissimoq; animo exercitum castris eduxerit: impetumq; in M. Antonium, exercitumq; hostium fecerit: eiusq; copias occasione occiderit, suo exercitu ita incolumi, ut ne unum quidem militem desiderauerit: cumq; C. Cæsar Imp. cōsilio diligētiq; sua castra feliciter defenderit: copiasq; hostium, quæ ad castra accesserant: profligarit: occiderit: ob eas res Senatū existimare, & iudicare, eorū trium Imperatorum uirtute, imperio, consilio, grauitate, constantia, magnitudine animi, felicitate populū Ro. fœdissima crudelissimaq; seruitute liberatū: cumq; republicam, urbem, templa deorum immortalium, bona, fortunasq; omnium, liberosq; conseruarint dimicatione, & periculo uitæ suæ: ut ob eas res bene, fortiter, feliciterq; gestas, C. Pansa, A. Hircus Cōs. imperatores alter ambo uē, aut si aberint, M. Cornutus Pr. urbanus supplicationes p̄ dies L ad omnia puluinaria cōstituāt: cumq; uirtus legionum digna clarissimis imperatoribus extiterit: Senatū, quæ sit antea pollicitus legionibus, exercitibusq; nostris: ea summo studio Rep. recuperata resoluturum: cumq; legio Martia princeps cum hostibus conflixerit: atq; ita cum maiore numero hostium contenderit: complurimos cæderent: caperent nonnullos: cumq; sine ulla necessitate pro patria uitam profuderint: cumq; simili uirtute reliquarum legionum milites pro salute & libertate populi Ro. mortem oppetuerint: Senatū placere, ut C. Pansa, A. Hircus cōsules,


LLL


PHILIPPICA DECIMAQVARTA.

imperatores, alter ambo'ue, si his uideatur, his q sanguinem pro uita, libertate, fortunisq; populi Ro. pro urbe, templisq; deorum immortalium profudissent: monumentum quam amplissimum locandum, faciendumq; urbem ad eam rem pecuniam dare, contribuere, soluere iubeant: ut extet ad memoriam posteritatis sempiterna, ad scelus crudelissimorum hostium, militumq; diuinam uirtutem: uisq; quae praemia Senatus militibus ante constituit: ea soluantur eorum, qui hoc bello pro patria occiderunt: parentibus, liberis, coniugibus, fratribus: eaq; fratribus tribuantur, quae militibus ipsis tribui oporteret: si illi uiuissent: qui morte uicerunt.

266

LLL q





M. T. CICERONIS AD OCTAVI-
VM EPISTOLA.

I per tuas legiones mihi licitum fuisset,
quæ nomini meo, populoq; ro. sunt ini-
micissimæ: uenire in Senatum: coramq;
de rep. disputare: fecissem: neq; tam li-
benter, quam necessario. nulla enim re=
media, quæ uulneribus adhibentur, tam faciunt dolo-
rem, quàm quæ sunt salutaria. Sed, quoniam cohorti-
bus armatis circumspectus Senatus, nihil aliud uere po-
test decernere, nisi timere: in Capitolio signa sunt: in
urbe milites uagantur: in Campo castra ponuntur: &
Italia tota legionibus ad libertatem nostrâ conscriptis,
ad seruitutem adductis, equitatuq; exterarum natio-
num detinetur: cedam tibi in præsentia foro, curia, &
sanctissimus decorum immortalium templis: in quibus
renuiscente iam libertate, deinde rursus oppressa, Se-
natus nihil consultitur: timet multa: assentitur omnia: post
etiam paulo, temporibus ita postulantibus, cedam ur-
be: quam per me conseruatam, ut esset libera, in serui-
tute uidere non potero: cedam uita: quæ quanquam sol-
licita est: tamen si profutura est reipublicæ: bona spe po-
steritatis me consolatur. qua sublata nō dubitanter occi-
dam. atq; ita cedam: ut fortuna, iudicio meo, non animus
mihi defuisse uideatur. illud uero, quod & præsentis
doloris est indicium, et præteritæ iniuriæ testimonium,
& absentium sensus significatio: non prætermittam:
quin, quoniam coram id facere prohibeor: absens pro-
sum. siquidem mea salus, aut utilis reip. est: aut conuen-

LLL iiij

EPISTOLA AD

*Est certe publicæ salutis nam per Deum immortalium
 fidem (nisi forte frustra eos appello, quorum auris, atq;
 animus à nobis abhorret) perq; fortunam populi ro-
 mani: quæ quanquam nobis infesta est: fuit aliquando
 propitia: & ut spero, futura est: quis tam expers hu-
 manitatis? quis huius urbis nomini, ac sedibus usque-
 adeo est inimicus? ut ista aut dissimulare possit? aut
 non dolere? aut, si nulla ratione publicis incommodis me-
 deri queat: non morte proprium periculum vitæ? nam,
 ut ordiar ab initio: & perducam ad extremum: et no-
 uissima conferam primis: quæ non posterior dies acer-
 bior priore, & quæ non insequens hora antecedente ca-
 lamitosior populo Romano illuxit? M. Antonius uir
 animi maximi (utinam etiam sapientis consilij fuisset) C.
 Cæsare fortissime, sed parum feliciter à reip. domina-
 tione semoto, concupierat magis regum, quàm libera
 ciuitas pati poterat, principatum: publicam dilapidabat
 pecuniam: Aerarium exhauriebat: minuebat uestigia:
 donabat ciuitates ex commentario: Dictaturam ge-
 rebat: leges imponebat: prohibebat Dictatorē creari le-
 gibus: senatus consultis ipse repugnabat in senatu: pro-
 uincias unus omnes concupierat. cui sordebat Mace-
 donia Prouincia: quam uictor sibi sumpserat Cæsar:
 quid de hoc sperare, aut expectare nos oportebat? exti-
 tisti tu uindex nostræ libertatis, ut tunc quidem opti-
 mus: quod utinam neq; nostra nos opinio, neq; tua fides
 fefellisset: & ueteranis in unum conductis, & duabus
 legionibus à perniciæ patriæ ad salutem auocatis, su-
 bito propè iam affectam, ac postratam remp. tuis opi-
 bus extulisti. quæ tibi, non antequam postulares, ma-
 iora quàm uelles, plura quàm sperares, detulit Senatus?*

dedit fasces: ut cum authoritate defensorem haberet: nō
ut imperio se aduersum armaret: appellauit Impera-
torem, hostium exercitu pulso tribuens honorem: non,
ut sua cæde cæsus ille fugiens exeratus te nominaret
Imperatorem: decreuit in foro statuam: locum in Sena-
tu: summum honorem ante tempus. siquid aliud est, quod
dari possit, addat. quid aliud est maius, quod uelis su-
mere? Sin autem supra ætatem, supra consuetudinem,
supra etiam mortalitatem tuam tibi sunt omnia tribu-
ta: cur, aut ingratus crudeliter, aut immemor benefi-
cij sui scelerate circūscribis Senatum? quo te misimus?
à quibus reuerteris? contra quos armauimus? quibus
arma cogitas inferre? à quibus exeratum abducas? &
aduersus quos aciem struis? cur hostis relinquitur? quis
hostis loco ponitur? cur castra medio itinere longius ad-
uersariorum castris, et propius urbem mouetur? O' me
nunquam sapientem, & aliquando id, quod non erat
frustra existimatum. quantum te popule Romane de me
fefellit opinio. O' meam calamitosam, ac præcipitem se-
nectutem: O' turpē exacta, dementiq; ætate canuem.
Ego patres conscriptos ad parricidiū induxi: ego remp-
fefelli: ego ipse Senatum sibi manus afferre coegi: cum
te Iunonium puerum, & matris tue partum aureum
esse dixi. at te fata patriæ Paridem futurum prædica-
bant: qui uastares Urbem incendio: Italiā bello: qui ca-
stra in templis decorum immortalium, Senatum in ca-
stris habiturus esses. O' miseram, & in breui tam ce-
lerem, & tam uariam in repub. commutationem. quis-
nam tali futurus ingenio est? qui possit hæc ita man-
dare literis: ut facta, non ficta uideantur esse? quis erit
tanta animi facultate? qui, quæ uerissime memoria pro-

EPISTOLA AD

pagata fuerint: non fabulæ similia sit existimaturus? cogita enim Antonium hostem iudicatum: ab eo circumfessum Cos. Designatum, eundemq; reip. parentem: te profectum ad Cos. liberandum, & hostem opprimendum: hostemq; à te fugatum: & consulem obsidione liberatum: deinde paulo post, fugatum illum hostem accersitum, tanquã cohæredẽ mortua rep. ad bona populi Romani rapiẽda: Cõsulẽ Des. rursus inclusum cõ, ubi se non mœnibus, sed fluminibus, et montibus tueretur. Hæc quis conabitur exponere? quis credere audebit? liceat semel impune peccare: sit erranti medicina confessio. uerum enim dicam. utinam te potius Antoni domum non expulissimus: quã hunc reciperemus. non quod ulla sit optanda seruitus: sed q̃a dignitate domini minus turpis est fortuna serui. in duobus autem malis cum fugiendum maius sit: leuius est eligendum. ille ea tamen exorabat, quæ uolebat auferre. tu extorques. ille Consul Prouinciã petebat. tu priuatus concupisti. ille ad malorum salutem iudicia constituebat: & leges ferebat. tu ad perniciem optimorum. ille à sanguine, & incendio seruorum Capitolium tuebatur. tu cruore, & flamma cuncta delere uis. Si, qui dabat Prouincias Cassio, & Brutis, et illis custodibus nominis nostri regnabat: quid faciet? qui uitam adimit? si qui ex urbe eijciebat: Tyrannus erat: quem hunc uocemus? qui ne locum quidem reliquit exilio? Itaq; siquid illæ maiorum nostrorum sepulcræ reliquie sapiunt: si non una cum corpore sensus omnis uno, atq; eodẽ consumptus est ignis: qd illis interrogantibus qd agit nũc populus Romanus respondebit aliquis nostrum, qui proximus in illam æternam domum discesserit. aut quem accipient de suis

posteris nuntium illi ueteres Africani, Maximus, Paulus, Scipiones? quid de sua patria audient? quam spolijs, triumphisq; decorarunt? an esse quendam annos XXIII natum: cuius auus fuerit argentarius: ad stipulator patet: uterq; uero precarium fecerit questum: sed alter usq; ad senectutem, ut non negaret: alter a pueritia, ut non posset non confiteri. eum agere, rapere rempublicam: cui nulla uirtus: nulla bello subacta, et ad imperium adiuncta Prouincia, nulla dignitas maioru conlialisset opem potentium: sed forma per dedecus, pecuniam, et nomen nobile consceleratum impudiciae dedisset: ueteres uulneribus, et aetate confectos Iulianos gladiatores egentes reliquias Caesaris ludi ad rudem compulisset: quibus ille septus omnia misceret: nulli parceret: sibi uiueret: qui tanquam in dotali matrimonio remp. testamento legata sibi obtineret. Audiet duo Decii seruare eos auersis: qui, ut hostibus imperarent, uictoriae se deuouerunt. audiet C. Marius impudico domino parere nos: q; ne militem quidem habere uoluit, nisi pudicum. audiet Brutus eum populum, quem ipse primo, post progenies eius a regibus liberauit: pro turpi stupro datum in seruitutem. Quae quidem si nullo alio, me tamen inter nuntio ad illos celeriter deferentur. nam si uiuus ista subtersugere non potero: una cum istis uitam simul fugere decreui.

C. CRISPI SALVSTII IN M.
TVL. CICERONEM.

Rauiter, & iniquo animo maledicta
tua paterer M. Tulli: si te scirem iudicio
g magis, quàm morbo animi petulantia
ista uti. sed cum in te neq; modum, neq;
modestiam ullam animaduerto: respon
debo tibi: ut si quam uoluptatem maledicendo cœpisti:
eam male audiendo amittas. ubi querar? quos implo
rem P. C. diripi Rempublicam: atq; audacissimo cuiq;
esse perfidiæ? apud Populum romanum? qui ita largitio
nibus corruptus est: ut sese, ac fortunas suas uenales ha
beat. an apud uos patres conscripti? quorum auctori
tas turpissimo cuiq; & sceleratissimo ludibrio est: ubi
M. Tullius leges, iudicia, Populi Ro. defendit: atq; in hoc
ordine ita moderatur: quasi unus reliquus ex familia ui
ri clarissimi Scipionis Africani, ac non repetitus, accu
tus, & paulo ante insitus huic urbi cuius. An uero M.
Tulli facta ac dicta tua obscura sunt? an non ita à pue
ricia uixisti? ut nihil flagitiosum corpori tuo putares:
quod alteri collibuisse? an scilicet istam immoderatam
eloquentiam apud M. Pisonem non pudiciæ iactura
perdidisti? Itaq; minime mirandum est: si eam flagitio
se uenditas: quam turpissime parasti. Verum ut opinor
splendor domesticus tibi animos tollit. uxor sacrilega,
ac periurijs delibuta: filia matris pellex tibi iucundior
atq; obsequentior, quàm parenti par est. domum ipsam
tuam ui, & rapinis funestam tibi, ac tuis comparasti.
uidelicet ut nos cōmonefacias, quàm conuersa sit Respu
blica: cum in ea domo habitares homo flagitiosissime:

quæ P. Crassi uiri consularis fuit. Atq; hæc cum ita
 sint: tamen se Cicero dicit in concilio deorum immorta-
 lium fuisse: inde missum huic urbi, ciuib; custodem,
 absq; carnificis nomine. qui ciuitatis incommodum in
 gloriam suam ponit. quasi uero non illius coniurationis
 causa fuerit consulatus tuus: & ideo Resp. disiecta eo
 tempore: quo te custodem habebat. Sed ut opinor illa te
 magis extollunt: quæ post consulatum cum Terentia
 uxore de Rep. consuluiſti: cum legis Plancia iudicia do-
 mi faciebatis: ex coniuratis alios pecunia condemnabas:
 cum tibi alius Thusculanum, alius Pompeianam uil-
 lam ædificabat: alius domum emebat. qui uero nihil po-
 terat: is erat calumniæ proximus: is aut domum tuam
 oppugnatum uenerat: aut insidias senatui fecerat: deniq;
 de eo tibi compertum erat. quæ si tibi falsa obijcio: redde
 rationem quantum patrimonij acceperis: quid tibi liti-
 bus accreuerit: qua ex pecunia domum paraueris: Thu-
 sculanum, & Pompeianum infinito sumptu ædificau-
 ris. aut si retices: cui potest esse dubium? quin opulenti-
 am istam ex sanguine & miseris ciuium paraueris?
 Verum ut opinor homo nouus Arpinas, ex M. Crassi
 familia eius uirtutem imitatur: contemnit similitudinem
 hominum nobilium: Remp. atram habet: neq; terrore,
 neq; gratia commouetur. Illud uero amicitie tantum,
 ac uirtutis est animus? imo uero homo leuissimus supplex
 ininucis, amicis contumeliosus, modo harum, modo illa-
 rum partium, nemini fidus, leuissimus Senator, merce-
 narius patronus, cuius nulla pars corporis a turpitudi-
 ne uacat: lingua uana: manus rapacissima: gula immen-
 sa: pedes fugaces: quæ honeste nominari non possunt: in
 honestissima. Atq; is cum eiusmodi sit: tamen audeat di-

IN SALVSTIVM

tere: O' fortunatam natam me Cōsule Romam. te Cōsule fortunatam Cicero? immo uero infelicem, et miserā: quæ crudelissimam proscriptionem perpessa est: cum tu turbata Rep. metu perculsos omnes bonos parere crudelitati tuæ cogebas: cum omnia iudicia, omnes leges in tua libidine erant: cum tu sublata lege Portia erepta libertate, nostrorum omniū uitæ necisq; potestatem ad te unū reuocaueras. Atq; parum est quod impune fecisti: uerū etiam commemorando exprobas: neq; licet obliuisci seruitutis suæ. Egeris oro te Cicero: perfecris quod libet: satis est perpessos esse: etiam ne aures nostras onerabis tuo odio? etiam ne molestissimis uerbis insectabere? Cædāt arma Togæ: concedat laurea linguæ. quasi uero togatus, & non armatus ea, quæ gloriaris, confeceris: atq; inter te Syllamq; Dictaturē præter nomen Imperij quicquam interfuerit. Sed quid ego plura de tua insolentia commemorem? quem Minerva omnis artes edocuit? Iupiter optimus Max. in concilio deorum adimisit: Italia exulem humeris suis reportauit. oro te Romule Arpinas, qui egregia tua uirte omnes Paulos, Scipiones, Fabios superasti: quē tandē locum in hac ciuitate obtines? quæ tibi partes Reip. placent? quē amicum, quē inimicum habes? cui insidias in ciuitate fecisti ancillares: quo iure cum de exilio tuo Dyrrachio redisti: eū sequeris? quos Tyrannos appellabas: eorum nunc potentia faues? qui tibi ante optimates uidebantur: eosdem nunc dementes ac furiosos uocas? Vatiniū causam agis? de Sextio male existimas? Bibulum petulantissimis uerbis lædis? laudas Cæsarem? quem maxime odisti, e maxime obsequeris? aliud stans, aliud sedens, de Rep. sentis? his maledicas? illos odisti, leuissime transfuga neq; in hac neq; in illa parte fidem habens.

RESPONSIO. 271
M. TVL. CICERONIS IN CRI-

SPVM SALVSTIVM RE-
SPONSIO.

A denum magna uoluptas est Crispe
Salusti, æqualem, ac parem uerbis uitā
e agere: neq; quicquam tam obscenum di-
cere: cui non ab initio pueritiæ omni ge-
nere facinoris ætas tua respondeat: ut
omnis oratio moribus consonet. neq; enim qui ita uiuit,
ut tu, aliter ac tu loqui potest: neq; qui tam illoto sermone
utitur: uita honestior est. Quo me uerā Patres cōscripti?
unde initium sumam? maius enim mihi dicendi onus
imponitur: quo notior est uterq; nostrum. Quod, aut si
de mea uita atq; actibus huic conuiciatori responde-
ro: inuidiam gloria consequatur. aut si huius facta, mo-
res, omnem ætatem nuda uero: in idem uicium incidam
prociuitatis: quod huic obicio. Id uos si forte offendim-
ni: iustus huic, quā mihi succensere debetis: qui ini-
tium introduxit. ego dabo operam, ut & pro me mini-
mo cum fastidio respondeam: & in hunc minime menti-
tus esse uidear. Scio me P. C. in respondendo non habe-
re magnam expectationem: quod nullum uos sciatis no-
uum crimen in Salustum audituros: sed omnia uetera
recognituros: quis & meæ, & uestre iam, & ipsius au-
res calent. uerum eo magis odisse debetis hominem:
qui ne incipiens quidem peccare minimis rebus posuit
rudimentum: sed ita ingressus est: ut neq; ab alio uinca
possit: neque ipse se omnino reliqua ætate præterire.
itaq; nihil aliud studet: nisi ut lutulētus sus cum quouis

IN SALVSTIVM.

uoluntari. longe uero fallitur opinione. Non enim proci-
tate linguae uitae sordes eluuntur. sed est quaedam ca-
lumnia, quam unusquisque nostrum testante animo suo
fert, de eo, qui falsum crimen bonis obiectat. quod si
uita istius memoriam uicerit: aliam P. C. non ex ora-
tione, sed suis ex moribus spectare debetis. Iam da-
bo operam quam maxime potero: ut breue id faciam.
Neq; haec altercatio nostra uobis inutilis erit P. conscri-
pti. plerunq; enim Resp. priuatis crescit inimicitia: ubi
nemo ciuis qualis sit uir potest latere. Primum igitur
quoniam omnium maiores Crispus Salustius ad unum
exemplum & regulam quaerit: uelim mihi respon-
deat, nunquid hi, quos protulit Scipiones, & Metel-
los, ante fuerint aut opinionis, aut gloriae, quam eos res
gestae suae, & uita innocentissime acta commendauit?
quod si hoc fuit illis initium nominis, & dignitatis:
cur non aequae de nobis existimetur: cuius & res gestae
illustres: & uita integerrime acta: quasi uero tu sis ab
illis uiris Salusti ortus. quod si esses: nonnullos iam tuae
turpitudinis pigeret. ego meis maioribus uirtute mea
praeluxi: ut, si prius noti non fuerint: a me acci-
piant initium memoriae suae. tu tuis uita, quam tur-
piter egisti: magnas offudisti tenebras: ut etiam si fuerint
egregij ciues: certe uenerint in obliuionem. quare noli
mihi antiquos uiros obiectare. satius est enim me me-
is rebus gestis florere: quam maiorum opinione niti:
& ita uiuere: ut ego sim posteris meis nobilitatis initi-
um, & uirtutis exemplum. Neque mecum conferri
debet P. C. qui iam decesserunt: omniq; odio carent,
& inuidia: sed cum eis, qui mecum una in Rep. uer-
sati sunt. Sed si fuerim aut in honoribus petendis nimis
ambitiosus:

ambitiosus: non hanc dico popularem ambitionem, cuius me principem confiteor: sed illā perniciosam cōtra leges: cuius primos ordines Salustius duxit: aut in gerendis magistratibus, aut in uindicandis maleficis, tam seuerus: aut in tuenda Rep. tam uigilans: quam tu proscriptionem uocas: credo quod non omnes tui similes incolumes in hac urbe uixissent. at quanto meliore loco Responderet: si tu par ac similis scelestorum ciuium, una cum illis adnumeratus esses. An ego tunc falso scripsi? Cedant arma togæ. qui togatus armatus, & pace bellum oppressi. An illud mentitus sum? fortunatam natam me Consule Romam. qui tantum intestinum bellum, ac domesticum urbis incendium extinxi. neq; te tui piget homo leuissime? cum ea culpas: quæ in historijs gloriæ mēhi ducis. An turpius est P. C. scribentem mētiri: quā illum palam hoc ordine dicentem? Nam quod ætatem increpuisti: tantum me abesse puto ab impudicitia: quantum tu a pudicitia. Sed quid ego de te plura querar? quid enim mentiri turpe duces: qui mihi ausus sis eloquentiam ut uitium obijcere? cuius semper nocens equisti patrocinio? An ullum existimas posse fieri ciuem egregium, qui non his artibus, & disciplinis sit eruditus? an ulla alia putas esse rudimenta, & incunabula uirtutis? quibus animi ad gloriæ cupiditatem aluntur? sed minime mirū est P. C. si homo, qui desidiæ, ac luxuriæ plenus sit: hæc ut noua, atq; inusitata miratur. Nā quod ista inusitata rabie petulanter in uxore, & in filiam meam inuasisti: quæ facilius mulieres se a uiris abstinerunt: quā tu uir a uiris: satis docte ac perite fecisti. non enim me sperasti mutuam tibi gratiam relatum: ut uicissim tuos compellarem. unus enim satis es ma-

MMM

IN SALVSTIVM

teriæ habens: neq; quicquam domi tuæ turpius est, quàm
 tu. Multum uero te opinio fallit: qui mihi parare putasti
 inuidiam ex mea re familiari: quæ mihi multo minor
 est: quàm habere dignus sim. atq; utinam ne tãta qui-
 dem esset: quanta est: ut potius amici mei uiuerent: quàm
 ego testamentis eorum locupletior essem. Ego fugax Cri-
 spe Salusti? furori tribuni pl. cessi: utilius duxi quam-
 uis fortunam unus experiri: quàm uniuerso Populo Ro-
 civilis essem dissensionis causa. qui postea quàm ille
 suum annum in Rep. perbacchatus est: omniq; quæ
 commouerat, pace & ocio refederunt: hoc ordine reuo-
 cante, atq; ipsa Rep. manu trahente me, reuerti. qui mi-
 hi dies, si cum omni reliqua uita conferatur: animo meo
 quidē superet: cum uniuerſi uos, Populusq; Ro. frequēs
 aduentu meo gratulatus est. tanti me fugacem, mercena-
 rium patronum hi æstimauerunt. Neq; hercule mirum
 est, si ego semper iustas omnium amicitias existmaui. nō
 enim uni priuatim ancillatus sum: neq; me addixi. sed
 quantum quisq; Reip. studuit: mihi tantum fuit aut ami-
 cus, aut inimicus. ego nihil plus uolui ualere, quàm pa-
 cem. multi priuatorum audacias nutrierunt: ego nihil
 timui nisi leges. multi arma sua timeri uoluerunt: ego
 nunquam uolui quicquam posse nisi pro uobis. Multi ex
 uobis potentia freti, in uos suis uiribus abusi sunt. Itaq;
 non est mirum, si nullius amicitia usus sum, qui non
 perpetuo Reip. amicus fuit. neq; me poenitet: si aut peten-
 ti Vatinius reo patrocinium pollicitus sum: aut Sextij in-
 solentiam repressi: aut Bibuli patientiam culpauit: aut
 uirtutibus Cæsaris faui. hæc laudes egregij ciuis,
 & unice sunt. Quæ si tu mihi ut uicia obijcas: te-
 meritas tua reprehendetur: non mea uicia culpa-

buntur. plura dicerem, si apud alios mihi esset dicen-
dum P. C. non apud uos, quos ego habui omnium mea-
rum actionum monitores. sed ubi rerum testimonia
adsunt: quid opus est uerbis? Nunc ut ad te reuertar
salusti: patremq; tuum præteream: qui si nunquam
in uita sua peccauit: tamen maiorem iniuriam Reip.
facere non potuit: quàm quod te talem filium genuit.
Neq; tu si qua in pueritia peccasti, exequar. ne paren-
tem tuum accusare uidear: qui eo tempore summam
tui potestatem habuit: sed qualem adolescentiam egeris.
hac enim demonstrata, facile intelligitur, quàm petulanti
pueritia tam impudicus & prociux adoleueris. Postea-
quàm immense gula impudicissimi corporis quæstus suf-
ficere non potuit: & ætas tua iam ad ea pacienda, quæ
alteri facere collibuisse, exoleuerat: cupiditatibus infi-
nitis efferebaris: ut, quæ ipse corpori tuo turpia non
duxisses: in alijs experireris. Ita non est facile reputa-
re P. C. utrum inhonestioribus corporis partibus rem
quæsierit: an amiserit. domum paternam uiuo patre
turpissime uenalem habuit: uendidit. & cuiquam du-
bium potest esse: quin mori coegerit eum, quo hic non-
dum mortuo pro hærede gesserit omnia? neq; pudet eū
a me quærere, quis in P. Crassi domo habitet: cum
ipse respondere non queat: quis in ipsius habitet pa-
terna domo. At hercule lapsus ætatis tyrocinio, postea
se correxit. non ita est: sed abiit in sodalitium sacri-
legij Nigidiani: bis ad iudicis subsellia attractus, ex-
irema fortuna stetit: & ita discessit: ut non hic inno-
cens esse, sed iudices peierasse existimarentur. primum
honorem in quæstura adeptus, hunc locum & ordi-
nem despectus: cuius aditus sibi quoq; sordidissimo ho-

IN SALUSTIUM

mini patuisset. Itaq; timens ne facinora eius clàm uos
essent: cum omnibus matribus familiarum obprobrio ef-
set: confessus est uobis audientibus adulterium: neq; eris-
buit ora uestra. Vixeris ut libet Salusti: egeris quæ
uolueris. satis sit unum te tuorum scelerum conscium
esse. noli nobis langorem & soporem nimium expro-
brare. sumus diligentes in tuenda pudicitia nostrarum
uxorum: sed ita experrecti non sumus: ut à te cauere
possimus. audacia tua uincit studia nostra. Et quod hūc
mouere possit P. C. factum ac dictum turpe? quem
non puduit palàm uobis audientibus adulterium con-
fiteri? quod si tibi nihil per me respondere uoluisssem:
sed illud censorium elogium Appij Claudij, & L. Pi-
sonis integerrimorum uirorum, quo usus est quisq; co-
rum: pro lege palàm uniuersis recitarem: non ne tibi ui-
derer æternas inurere maculas? quas reliqua uita tua
eluere non possit? neq; post illum delectum Senatus un-
quam te uidimus: nisi forte in ea te castra coniecisti: quo
omnis sentina Reip. confluxerat. At idem Salustius, qui
in pace ne Senator quidem manserat: posteaquam Resp.
armis oppressa est: & idem uictores, qui exules, redu-
xit: in Senatum post quæsturam est reductus. quem ho-
norem ita gessit: ut nihil in eo non uenale habuerit: cu-
ius aliquis emptor fuerit. ita igitur egit, ut nihil non
æquum, ac uerum duxerit: quod ipsi facere collibuisse-
neq; aliter uexauit: ac debuit, si quis prædæ loco ma-
gistratum accepisset. peracta quæstura, posteaquam ma-
gna pignora eis dederat: cum quibus similitudine ui-
tæ se coniunxerat: unus iam ex illo grege uidebatur.
eius enim partis erat exemplar Salustius: quo tanquã
in una inuoraginem coetus omnium uiciorū excesserat.

quicquid impudicorum, Cylonum, parricidarum, sacrilegorum, debitorum fuit, in urbe, municipijs, colonijs, Italia tota, sicut in fretis subsederant, nominis perdit, ac notissimi, nulla in parte castris apti, nisi licentia uiciorum, et cupiditate rerum nouarum. At posteaq̃ Prætor est factus: modeste se gessit, et abstinenter. nonne ita prouinciam uastauit? ut nihil neq; passi sint, neq; expectarint grauius in bello socij nostri: quàm experti in pace, hoc Africam interiorem obtinente. unde tantam hic: exhausit: quantum potuit aui fide nominum traici: aut in naues contrudi. tantum inquam P. C. exhausit: quantum uoluit. ne causam diceret sextertio duodecies cum Cæsare patiscitur. quod si quippiam eorū falsum est: his pallā refelle. unde tu, qui modo ne paternā quidem domū relinire potueris: repente tanq̃ somnio beatus, hortos preciosissimos, Villam Tiburti, C. Cæsaris reliquas possessiones paraueris. neq; piguit quærere, cur ego P. Crassi domum emissem: cum tu ueteris uillæ dominus sis: cuius paulo ante fuerat Cæsar: modo inquam patrimonio non comeso, sed deuorato, quibus rationibus repente factus es tam affluens, et tam beatus? nam quis te faceret heredem? quem ne amicum quidem suum satis honestum quisquam sibi ducit: nisi similis ac par tui. At hercule egregia facta maiorum tuorum te extollunt. quorum siue tu similis es: siue illi tui: nihil ad omnium scelus, ac nequitiam addi potest. uerum ut opinor honores tui te faciunt insolentem. tu C. Salusti tantidem putas esse bis Senatorem, et bis quæstorem fieri: quāti bis Consularem, et bis triumphalem. carere debet omni uicio qui in alterum paratus est dicere. is denum maledici: qui non potest uerum ab alte

IN SALVSTIVM RESPONSIO.

ro audire. sed tu omnium mensarum affecla, omnium cubiculorum in ætate pellex, & idem postea adulter, omnis ordinis turpitudine es, & civilis belli memoria. quid enim grauius pati potuimus: quàm quod te incolumem in hoc ordine uideamus? desine bonos petulantissima consuetari lingua: desine morbo prociuitatis isto uti: desine unumquemque moribus tuis existimare. his moribus amicum tibi facere non potes. uideris uelle inimicum habere. Finem dicendi P. C. faciam. sepe enim grauius uidi offendere animos auditorum eos, qui aliena flagitia aperte dixerunt: quàm eos, qui commiserunt. Mihi quidem ratio habenda est, non quid salustius merito debeat audire: sed ut ea dicam, si qua ego honeste effari possim.

005266206

...
...
...
...

...
...
...
...

...
...
...
...
...
...

* a b c d e f g h i k l m n o p q r s t
 u x y z A B C D E F G H I K L
 M N O P Q. Omnes Quaternio-
 nes præter Q. duernum.

aa bb cc dd ee ff gg hh ii kk ll mm nn
 oo pp qq rr ss tt uu xx yy zz AA
 BB CC DD EE FF GG HH II
 KK LL MM. Omnes Quaternio-
 nes præter MM Sexternum.


aaa bbb ccc ddd eee fff ggg hhh iii kkk ll
 mmm nnn ooo ppp qqq rrr sss ttt uu
 xxx yyy zzz AAA BBB CCC
 DDD EEE FFF GGG HHH
 III KKK LLL MMM.
 Omnes Quaterniones.


aaa bbb ccc ddd eee fff ggg hhh iii kkk ll
mmm nnn ooo ppp qqq rrr sss ttt uuu
xxx yyy zzz AAA BBB CCC
DDD EEE FFF GGG HHH
III KKK LLL MMM.
Omnes Quaterniones.


VENETIIS IN AEDIBVS ALDI,
ET ANDREAE SOCERI,
MENSE AVGVSTO.
M. D. XIX.

THESE IN THE YEAR 1517
WAS THE FIRST TIME
THAT THE BOOK WAS
PRINTED IN THE
CITY OF ROME
BY THE PRESS OF
ALDUS MANUTICIUS
AT THE SIGN OF THE
CAMELION
IN THE YEAR 1517
THE FIRST TIME
THAT THE BOOK WAS
PRINTED IN THE
CITY OF ROME
BY THE PRESS OF
ALDUS MANUTICIUS
AT THE SIGN OF THE
CAMELION



























10
10

388